

The image shows a close-up of a textured surface, likely the cover or endpaper of an old book. The texture is a repeating diamond or lattice pattern, formed by raised, irregular ridges and recessed areas. The surface appears aged and slightly worn, with some darker spots and variations in tone. In the center of the image, there is a small, rectangular, light-colored label with handwritten text in black ink. The text on the label is "C 33.a" on the top line and "H" on the bottom line. The label is slightly offset to the left and bottom of the center.

C 33.a
H

all business

marking to pp 1-16

12-11-10-10

1

COMMENTARIUM

IN BULLAM

PAULI III. *licet ab Initio,*

Datam anno 1542

Quâ Romanam Inquisitionem constituit,
& ejus Regimen non Regularibus,
sed Clero Seculari commisit.

OSTENDITUR

Quâm opportunum, ac necessarium hujusmo-
di Consilium sit ad Fidem Catholicam con-
servandam, ac propagandam; bonos mores
fovendos, pacem, ac tranquillitatem inter
Catholicos faciendam, dissidia, & quere-
las ab Ecclesiâ eliminandas, ipsorummet
Regularium, ac præterea Clericorum,
Laicorum, Academiarum, Populorum de-
nique, ac summorum Principum existima-
tionem, ac benevolentiam Romanæ Cu-
riæ uberius, ac certius conciliandam.

DENIQUE DEMONSTRATUR

Venerabilem Fr. Bartholomæum à Martyri-
bus Dominicanum, Archiepiscopum Brä-
carensensem, unâ cum aliis Patribus in Tri-
dentino Concilio eandem Sententiam ha-
buisse.

A C C E S S I T

Appendix Historico-Theologica de Proscrip-
tione sub annum 1725. extortâ contrâ Dua-
cenam Academiam sanctæ Romanæ Sedi
addictissimam.

M. DCC. L.

13. 14. N 18



MONITUM

A D



LECTOREM.

QUæ Libri hujus fortuna futura sit, incertum. Hoc tamen indubitatum est : Si Libelli judicium penès Clerum Se-
cularem erit, & penès Romanæ Curiae Prælatos, aut Cardina-
les, omnia probabuntur ; si penès
Regulares quosdam, quorum in-
terest oculos ad veritatis lucem non
aperiri, devovebitur Liber diris
ac flammis : Hoc nimirum Res-
ponsionis genere utuntur boni isti

viri , cùm ratio melior in promptu non est. Cæterum aliter sibi satisfieri postulat docta hæc ætas, quæ rationibus ducitur , non extortis Censuris , quibus augeant potius Tyrannidem in Romanæ Ecclesiæ perniciem.

I N D E X

C A P I T U M

Quæ in hoc Opusculo continentur, &
eorum S Y N O P S I S.

PROOEMIUM OPUSCULI. Pag. I.

SYNOPSIS PROOEMII. 1. *Brevis descriptio Romanæ Inquisitionis.* 2. *Gravissimum odium, atque invidia ubique terrarum in sanctissimum hoc Tribunal conflata, non modò apud Hæreticos, verùm etiam Catholicos.* 3. *Horum odiorum, & querelarum causa non ex ipso sanctissimo Tribunali, sed ex non servatâ præcipuè PAULI III. Constitutione, qui cùm Romanam Inquisitionem instituit, eam Clero Seculari committendam censuit, non Regulari.*

CAPUT PRIMUM.

Constitutio PAULI III. Romanam universalem Inquisitionem Clero Seculari, non Regulari commisit. Tit. 8

SYNOPSIS CAPITIS. Primò PAULUS III. Seculari Clero Regimen tribuit Romanæ Inquisitionis, cujus ipse est Auctor. 2º. *Quemadmodùm etiam subalternas aliarum Urbium Inquisitiones Canonicis Secularibus, aliâve dignitate Ecclesiasticâ insignitis.* 3º. *Dominicani Commissarii nulla mentio sub initium Institutionis, imò potiùs Doctoris Secularis sub Secretarii nomine.*

INDEX

CAPUT SECUNDUM.

Tit. Quam sapienter Romanam Inquisitionem Cle-
Cap. ro Seculari attribuendam censuerit PAULUS
III. 15

SYNOPSIS 1. *Ab ipsis initiis Judiciariae In-*
quisitionis Seculo XIII. Regularibus Mendi-
cantibus conceditæ, abusus gravissimi exorti
sunt. 2. Querelæ Prælatorum contra Mendi-
cantes, in Concilio Lugdunensi secundo. 3. Eæ-
dem querelæ contra Inquisitores & reliquos Men-
dicantes, ex extravagantibus Joannis XXII.
4. Legatus Cardinalis constituitur à Clemente
VI. ad intolerandos abusus Fratrum Inquisi-
torum coercendos.

CAPUT TERTIUM.

Tit. Constitutionem prudentissimè latam à PAU-
Cap. LO III. evincit Historia Ecclesiastica tem-
porum eidem Paulo Pontifici proximorum. 21

SYNOPSIS 1. *Dominicanos imprudenti severi-*
tate in Hispanæ Inquisitionis administratione
abusos, ab Inquisitione gerendâ removet Ferdi-
nandus Rex.

2. *Ex eâ agendi sævitie horror Regni Nea-*
politani in Inquisitionem, atque dissidia ac cæ-
des. 3. De dissidio ex causâ Conceptionis B.
Mariæ inter Trithemium Benedictinum, & Wi-
gandum ex Fratribus Dominicanis. Horum
artificia in Trithemium, in Romanâ Curiâ fru-
strâ cecisse, magnâ tamen Dominicani nomi-
nis invidia.

4. *Hochstrati Dominicani in Germaniâ*
Inquisitoris contra Hebræorum libros impru-

CAPITUM.

dens severitas, non finè avaritiæ famâ.
 5. Controversiæ ejusdem cum Joanne Capnione, seu Reuchlino, eruditos quosque in Inquisitionem, & Romanam curiam commovit, ac viam paravit, ut Lutheri querelæ cum plausu exciperentur. Ex quibus minùs esse opportunam Regularium operam ad Inquisitionem gerendam, PAULUS III. optimè existimavit.

CAPUT QUARTUM.

Idem comprobant de Lutherana Hæreseos Tit.
 initii Historiæ Ecclesiasticæ monumenta. 31 Cap.

SYNOPSIS 1. Tetzelii Dominici Inquisitoris, aliorumque ex eodem Ordine Questorum in Indulgentiis divulgandis scandala.

2. Lutheri Theses Wittembergenses falsâ, atque imprudenti censurâ damnantur per Tetzelium. 3. Hunc de imprudenti, ac superbâ ferociâ redarguit Miltiz, Apostolicus Pontificis Internunciarius apud Germanos; quare Tetzelius ex dolore, ac tristitiâ obit.

4. Ejus Theses, quas Lutheri Thesibus objecit crassioribus erroribus refertas fuisse, quam Lutheri Theses Wittembergenses.

CAPUT QUINTUM.

Silvestri Prieratis S. Palatii Apostolici Magistri, & aliquando Inquisitoris acta in Lutherum, magnam dedere causam Schismati Lutherano. Tit.
Cap.

47
 SYNOPSIS 1. De Luthero & Silvestro Prierate. Uter sub initia discordiæ in scribendo magis arrogans, uter magis modestus ac temperans?

INDEX

2. Silvestri in Lutheri Theses Wittembergicas scribentis crassiores, ac turpiores errores.

3. Silvestri in scribendo fastus, erroribus plurimis admixtus, nec ullo pœnæ genere compressus, Lutherum in furorem egit.

4. Acuit ejusdem odium in Dominicanos rerum in Romanâ curiâ potentes atque in ipsam Curiam Romanam: eâdem de causâ commoti populi, ac præcipuè eruditi quique in eandem Curiam.

5. Eoque magis cum Dominicanorum curis, ac consiliis effectum est, ut idemet Silvester in Lutheri Judicem statueretur, nempe, ut idem esset Judex, & Pars judicanda.

CAPUT SEXTUM.

Tit. Acta Cajetani in Lutherum, controversiæ
Cap. Lutheranæ, postremum infortunium, nonnulla de Erasmo. 67

SYNOPSIS I. Cajetanus Dominicanus Cardinalis, & per Germaniam Legatus in Judicem Lutheri Commissarium, datus, non satis opportunè :

2. Importunissimâ severitate utitur Cajetanus in Lutherum, cujus suspectæ assertiones patiebantur Catholicam Interpretationem.

3. Lutherus generalem Palinodiam canit coram Legato, Notario, Testibus, & Proceribus. Id Cajetano visum est non esse satis, magno utique in Lutherum sævitie argumento, non cbaritatis.

4. Quàm diverso planè modo gesserit se se PAULUS III. in duorum Augustinianorum causâ, quorum longè clariores errores erant.

5. Intentantur à Legato in Lutherum minæ

CAPITUM.

cenſurarum, & carceris, ex quâ imprudenti, atque inhumanâ agendi ratione præciſa fuit concordiaſpes, & Lutherus prædeſperatione in Præcipitium actus.

6. Digreſſio de cenſuris ipſo factò incurrendis, earumque enormi multitudine, quibus Eccleſia obruitur per Regulares Mendicantes, ac præcipuè Inquiſitores invectâ. Querelâ ſancti Petri Damiani contrâ multitudinem cenſurarum & excommunicationum, quamvis ejus ſeculo non conſtat fuiſſe latæ ſententiæ, ſed ferendæ.

7. Ferox agendi ratio, quâ Hochſtratus Inquiſitor, Silveſter, aliiſque in Erasmum uſi ſunt gravi periculo Dei Eccleſiam ſubjecit. Ex quibus omnibus perſpicua Pauli Pontificis in ſua conſtitutione ſapientia, ac prudentia.

CAPUT SEPTIMUM.

Utilem, ac neceſſariam PAULI III. Con- Tit.
ſtitutionem oſtendunt Eccleſiaſtica Monumenta Cap.
de Hæreſi Janſenianâ, quæ utrique poteſtati
Pontificiæ, ac Regiæ aded adverſatur. 100

SYNOPSIS 1. In controverſiâ Janſenianâ coram Innocentio X. quàm multùm in favorem Janſeniſtarum laboraverint Commiſſarius S. Officii, & Magiſter ſacri Palatii.

2. Acriter ab Alexandro VII. arguuntur magni Vicarii Pariſienſes, quodd dixiſſent Innocentium X. non definiſſe de factò Janſenii: eadem, ac multò pejora docet Diſſertatio Contenſonii Dominicanî, neque in illam à Commiſſariis S. Officii hætenùs animadverſum eſt.

3. Anno 1679. Commiſſarius S. Officii, cum Magiſtro ſac. Palatii approbant veluti ſanam Doctrinam, & cenſuræ non obnoxiam eam,

I N D E X

quæ negat gratiam sufficientem , aliaque docet satis abjona.

4. Anno 1697. Commissarius S. Officii Arcana nonnulla S. Inquisitionis patefecit D. du Vaucel , qui Romæ negotiorum Quesnelli gestor erat ; ad Quesnellum in Hollandiâ morantem ea notitia perfertur.

5. In Controversiâ Sinensi plura arcana scripta exhibita S. Congregationi , & occulta rerum , quæ agebantur consilia transmittuntur ad Fanjenistas in Belgio degentes , à quibus in publicis foliis , seu gasulis , sive Mercurio Batavico vulgantur.

6. D. Cbarmot in Libro Historiæ cultûs Sinensium quem uti Procurator causæ Sinensis typis edidit , publicè negat factum Fansenii dogmaticum , & infallibilitatem Ecclesiæ in eo definiendo. Commissarius S. Officii patitur librum publicè divendi , ac vulgari.

7. Causam Sinensem in Romanâ Inquisitione agitatam , conjunctam fuisse cum causâ Fansenistarum Hollandiæ , ac Lovanii deprædicant , ac scribunt ipsimet Fanjenistæ.

8. Liber Observationum Moralium Quesnelli S. Officii Congregationi sapiùs denunciatur ad proscriptionem. Dominicani S. Officii censuram libri impediunt , ac differunt per ipsos triginta septem annos maximo Gallicanæ Ecclesiæ malo.

CAPUT OCTAVUM.

Tit. Praxis , quam in Romanam Inquisitionem
Cap. invexere Regulares , minùs opportuna est Hæreticis , ac Schismaticis ad Ecclesiam revocandis : hinc necessitas Inquisitionem commit-

CAPITUM.

tendi Seculari Clero, ex PAULI III. constitutione.

137

SYNOPSIS 1. Per Regulares Inquisitores à seculo XIII! invaluit in Ecclesiâ magna acerbitas contrâ Hæreticos, cujus usus cum privatis Hæreticis utilis esse potest, secus cum populis, ac Regibus, cum quibus solâ cbaritate profici potest.

2. Septentrionales populi, non errorum amore, sed odio Ecclesiasticæ potestatis, ac severitatis, jugum Pontificiæ obedientiæ excussere, quare non nisi cbaritate revocandi, vel demulcendi, non multiplici execratione, ac Anathemate, quo censurarum remedio præcipuè hoc negotium gessit Praxis Regularium Inquisitorum.

3. Ad Praxim lenitatis, ac mansuetudinis plenissimam longè accommodatior est Clerus Secularis: Id confirmat Ecclesiastica Historia eorum sæculorum, in quibus ante Regulares Inquisitores Clerus secularis judicia Ecclesiastica Hæreticorum moderabatur.

4. Mitior Praxis agendi cum Hæreticis populis postulat, ut Commissarius pendeat à consultoribus variorum Ordinum, ac nationum, quod sperare non licet à Regularibus Commissariis, qui sibi suisque Religionibus dominari volunt.

5. Ex Opusculo Tripartito in editione Conciliorum Crabbeanâ, seliguntur plura de Græcorum schismate, quæ ad argumentum faciunt.

CAPUT NONUM.

Prævis moribus extirpandis non admodum Tit. consentanea est Praxis, quâ in Romanâ In-Cap.

I N D E X

quisitione hactenus usi sunt Regulares: Meliora ex alia Cleri secularis Praxi sperari posse. Hæc dici ex odio in Regulares, nemo jure ac merito criminabitur.

177

SYNOPSIS I. De gravioribus quibusdam criminibus Romana Inquisitio sanctissime cognoscit.

1. Reos, quos à primâ accusatione corripere S. Officii Commissarius posset, permittit voluntari in cæno scelerum ad plures interdum annos, donec absoluta, & cumulata accusatio instruat.

3. Odium, quod ex hac praxi in Inquisitionem Romanam derivat.

4. Ut ista scribantur, & Sæcularis Clerus in Inquisitione administrandâ Regularibus præferendus censeatur, non ex irâ, aut odio est in Regulares.

5. Jurisdictionis Ecclesiasticæ munera non congruere Regularibus Ordinibus, evincit ratio SS. Dominici, & Francisci auctoritas, & experientia plurium sæculorum.

CAPUT DECIMUM.

Tit. *Exteriorum querelæ de librorum Proscriptionibus per Romanam Inquisitionem, non nisi ex Regularium administratione causam habent. Hinc utilitas, ac necessitas Constitutionis PAULI III. Nonnulla de controversiâ Conceptionis B. Mariæ.*

199

SYNOPSIS I. In proscribendis, & expurgandis libris consulendos doctissimos diversarum nationum viros, & interdum Universitates ipsas ex Bullâ Sixti V.

2. Plura recensentur, quibus evincitur gra-

CAPITUM.

visissimum hoc negocium , maximâ ex parte in manu esse Regularis Commissarii.

3. Modus quoque proscriptionis levior , aut gravior ex eodem arbitrio ferè pendet. Quàm multæ indè Catholicorum querelæ sanctissimo Tribunali minùs perhonorificæ.

4- *Exempla* bujus rei in controversiâ Conceptionis B. Mariæ.

CAPUT UNDECIMUM.

Ex controversiis , aut Judiciis de Regularibus , eorumque causis , ac personis in Tribunali Inquisitionis Romanæ multiplex querimoniarum Seges. Præsentissimum esse remedium ex PAULI III. Constitutione. 225

SYNOPSIS 1. Interest Nationis Germanicæ , Gallicæ , Lusitanicæ , nullas esse de Romanâ Inquisitione querimonias in iis , quæ spectant ad Missiones Malabaricas , & Sinenfes aliasque finitimas.

2. Suspicionēs contrâ Commissarium Dominicanum turbant non modò Regulares Italos , verùm etiam reliquos ejusdem Instituti Professores in aliis Regnis , ac Provinciis degentes.

3. Pluribus veterum Pontificum Bullis cautum fuit , ne Dominici Inquisitores in Franciscanos inquirerent , aut vicissim , ut scilicet turbæ vitarentur ; amplificatâ Jurisdictione Inquisitionis nostræ hac ætate , plures causas subesse , quare Commissarius Regularis reliquis Regularibus suspectus sit.

4. Quæ Bzovius Dominicanus in Annalibus stylo virulento in Archiepiscopum Hispalensem supremum Hispaniarum Inquisitorem evo-

INDEX CAPITUM.

mult , ed: quodd Caranzam Dominicanum in
carcerem coniecisset , satis docent , quid aliis
Regulares existimare , aut suspicari saltem pos-
sint de Dominicano Commissario.

5. Quamquam Sæcularis Clerus vitis etiam
obnoxius sit , multa tamen sunt , quæ com-
probent eum esse Regularibus præligendum in
S. Inquisitionis Officio.

6. Confirmantur quæ dicta sunt ex abroga-
tione Decreti Tridentini de impressione libro-
rum per Romanos Dominicanos procuratâ.

CAPUT ULTIMUM.

Tit. Complectitur suffragium V. Bartholomæi de
Cap. Martyribus , Archiepiscopi Bracarensis , & Do-
minicani cum opusculi Epilogo. 258

APPENDICIS INDEX.

Proscriptio Censuræ Duacensis Recentioris per
Sac. Indicis Congregationem sub annum 1723.
269

COMMEN:

facultatum , quas iis Romana Sedes impartita fuerat. In quibus sanè quæ majores turbas cum Episcopis , ac Laïcis miscere poterant , erant procul-dubio Inquisitorum amplissima Privilegia. Legatur Historicus loc. cit.

Iterùm in Viennensi Concilio ann. 1311. Trecentorum Patrum : „ Multorum , inquit , Clemens V. querela Sedis Apostolicæ pulsavit auditum , quod nonnulli Inquisitores per Sedem eandem , contrà pravitates Hæreticorum deputati , metas sibi traditas excedentes , sic interdum extendunt suæ potestatis officium , ut quod in augmentum Fidei per circumspectam ejusdem Sedis Apostolicæ vigilantiam salubriter est provisum , dum sub pietatis specie gravantur innoxii , cedat in fidelium detrimentum. ” Deinde plura Pontifex constituit , quibus coarctat facultates Inquisitorum in favorem Episcopalis auctoritatis. Graviora hæc fiebant ex aliis abusibus in Sacramentis administrandis per eadem ipsa tempora , de quibus hæc habet Joannes XXII. In extrav. 1^a. de judiciis , Frequentes , imò innumeræ quodammodo de diversis mundi partibus Venerabilium Fratrum nostrorum Episcoporum aliorumque Superiorum Prælatorum ,

„ nec non dilectorum filiorum Reſto-
 „ rum, Curatorum, & Paræcialium Sa-
 „ cerdotum querelæ contrà dilectos fi-
 „ lios Fratres Prædicatorum, & Mino-
 „ rum Ordinum, noſtrum, & Sedis Apo-
 „ ſtolicæ excitârunt auditum, & cla-
 „ moris inſinuationibus excitare, & fa-
 „ tigare non ceſſant. ” Nimirum cùm
 Mendicantes per Inquiſitoratûs offi-
 cium partem ſibi non contemnendam ac-
 quiſiſſent Episcopalis auctoritatis, vix
 ſperari poterat futurum, ut ne in hoc,
 aliſque Eccleſiaſticis muneribus æqui-
 tatis limites tranſilirent, *ne multa gra-
 vamina inferrent, & injurias, ac jaſtu-
 ras.* Quæ ſunt verba ejuſdem Pontificis
 in eadem Extravaganti. Idem qui ſuprà
 Clemens V. nonnullos Inquiſitorum
 Mendicantium abuſus nobis patefecit in
 Clementina *Nolentes 2. de Hæreticis ex*
Viennenſi Concilio. „ Nolentes, inquit,
 „ ſplendorem ſolitum negotii Fidei per
 „ actus indiſcretos, & improbos quo-
 „ rumvis Inquiſitorum Hæreticæ pra-
 „ vitatis, quaſi tenebroſi fummi caligine
 „ obſcuſari: Hoc Sacro Concilio appro-
 „ bante ſtatuímus, &c. tam ipſorum In-
 „ quiſitorum, quam Episcoporum, ſeu
 „ Capitulorum, Sede Vacante ſuper hoc
 „ deputatis Commiſſariis, quibuſcunque

„ districtiùs injungentes , ne prætextu
 „ officii Inquisitionis , quibuscunque mo-
 „ dis illicitis , ab aliquibus pecuniam ex-
 „ torqueant , nec scienter attentent Ec-
 „ clesiarum bona , ob Clericorum deli-
 „ ctum prædicti occasione Officii , Fisco
 „ etiam Ecclesiæ applicare . ” Facillimum
 autem erat , ut turpissimum avaritiæ cri-
 men subreperet , quòd Innocentius IV.
 utique ex Fratrum Mendicantium Consi-
 lio , ac precibus anno 1253. *Archiepisco-*
pis , & Episcopis injunxerat , ut de poenis
pecuniariis exactis providerent Inquisitoribus
in Expensis : Literæ Apostolicæ legun-
 tur in Appendice Directorii Eymerici ,
 & Pegnæ p. 12. „ Addit ibidem Cle-
 „ mens V. Inquisitoribus ipsis distri-
 „ ctiùs inhibemus , ut nec abutantur
 „ quomodolibet privilegio portationis ar-
 „ morum , nec officiales , nisi sibi neces-
 „ sarios habeant . ” Alium nobis abusum
 detegit Joannes XXII. in Extrava-
 ganti. *Cùm Matthæus 3. de Hæreticis in-*
ter communes. „ Cùm , inquit , Matthæus
 „ de Pontiniano Ordinis Prædicatorum ,
 „ Inquisitor Hæreticæ pravitatis in Re-
 „ gno Siciliæ , frivola occasione quæsi-
 „ tâ , ac nostrâ , & Apostolicæ Sedis re-
 „ verentiâ & honore postpositis , in di-
 „ lectum Filium Archidiaconum , &c . ”

Excommunicationis Sententiam, inconsultis motibus non sine multâ temeritate, duxerit proferendam &c. Malorum colluviem, sive Inquisitorum inscitiam, sive pravitatem per Italiam universam longè latèque manasse, testatus est Clemens VI. Bernardo enim Cardinali Tituli S. Marci, & Apostolico per omnem Ecclesiasticam ditionem Legato in mandatis dedit, ut certior fieret de iis, quæ pravè per Inquisitores gesta fuissent; diligentissimèque curaret, ut quicumque per eos vexati fuissent, Pontificii Legati æquitatem subleverentur. Frustrà hoc obijciunt adversarii Inquisitionis (*Vide l'Histoire de l'Inquis. & son Origine* lib. 7. pag. 293.) Non hæc fuit *Inquisitionis* culpa, sed *Fratrum Inquisitorum*. Quid enim ab iis expectes, quorum plures generis obscuritas, familiarumque tenuitas, plurimos jurisprudentiæ, forique inscitia, omnes Ecclesiasticæ gubernationis imperitia tantæ potestati, quantum sibi habebant Inquisitores, non modò non idoneos, sed maximè impares attestabatur? Eoque magis, quòd per ea tempora Generalis, aut Provinciales Ordinum poterant pro sua voluntate, quos ex suis aptos censerent, Inquisitoris dignitate insignire. Hæc qui diligentius expenderit, omninò intelliget, nihil potuisse

à PAULO III. sapientius excogitari ,
quàm ut Clerum Secularem in Inquisitio-
ne administrandâ constitueret.

C A P U T I I I .

*Constitutionem prudentissimè latam à
PAULO III. evincet Historia
Ecclesiastica temporum PAU-
LO III. proximiorum.*

AT quoniam per singula excurrere in-
finitum esset, tempora expendamus
PAULO III. Pontifici propiora , ut
deindè clariùs luce ipsâ constet , quan-
tæ prudentiæ fuerit Romanam Inquisitio-
nem, amotis Regularibus, uni Clero Se-
culari permitti. Cùm Hispanias à Mau-
rorum iugo vindicassent Ferdinandus Ca-
tholicus cum Isabellâ conjugè, Mauro-
rum plurimi in Africam trajecere; reli-
quis licuit in Hispaniis commorari, eâ
tamen lege victis datâ , ut Christiano
Baptismo abluerentur, quod & Judæis
imperatum est, magno numero Hispa-
niam incolentibus. Id non nisi per fictio-
nem, ac mendacium impletum à pleris-
que fuisse animadvertit Turrecremata Do-Torrecremata
minicanus, non ille quidem Canonista

percelebris , & ad Cardinalatum eveetus. Auctor itaque Isabellæ , ac deindè Ferdinando fuit , ut Inquisitionis Tribunal statueret contra tam multos fictè , ac fallaciter baptisatos , verè autem superstitiosos , sicubi deprehenderentur. Pontificis accedente consensu , Turrecremata ipse in Inquisitorem electus est ; cæterum optimi consilii auctor , non illud optimè est executus. Illud erat Religiosi viri , hoc autem Ecclesiastici Judicis. Quemadmodum Europa univèrfa à Jove ad Christum traducta fuit sacris Prædicationibus , piisque libris , ac bonorum exemplo , idem fas erat existimare de Mauris à Mahomete ad Christum convertendis : præmiorum autem spes , ac poenarum metus per Inquisitores sobriâ severitate irrogandarum , non nisi in subsidium advocanda erant : Consentaneè ad has Leges , quas à SS. Patribus , ac præcipuè ab Augustino contra Donatistas agente , accepimus , actum fuisset : si Turrecrematæ , aliisque Dominicanis , ac Mendicantibus Evangelicæ Prædicationis munus demandatum esset , Clericis Secularibus in Inquisitores electis ad Judicarios Processus conficiendos , poenasque paternâ severitate taxandas. Verùm cum Dominicanus Turrecremata ,

eui in gratiarum divisione Doctoris munus obtigerat , severi Judicis , atque Inquisitoris auctoritatem sibi vindicasset , quatuordecim annorum spatio , quo id munus administravit , supra centum reorum millia Judiciariis processibus vexavit , eorum sex millia flammis adjudicavit , num vel unum ad Deum converterit corde puro , & fide non fictâ , haud satis scio. Vide Hist. Inq. lib. 2. pag. 160. & Mariana in Hist. Hisp. qui plura ex dictis confirmat.

His per Ferdinandum Catholicum animadversis , cogitatum est de Hispanicâ Inquisitione Seculari Clero demandâ. Idque opere executusest ; Dominicanis , aliisque Regularibus ab eo munere amotis , ac non nullis solummodo in Consultores ex hoc , vel illa Ordine adseitis. Vide Azorium in Instit. verb. Inquisitor. Horridas carcerum angustias , tormentorum acerbitatem , lugubres omnis generis apparatus ad terrorem , ac metum incutiendum , bonorum publicationes , familiarum excidia , consuetum Judiciorum ordinem in pluribus prætermisum , aliaque hujus generis in Hispaniis per Dominicanos peracta , crudelitatis potius , quàm zeli speciem præ se ferentia , maximè in causâ fuere , cur iis

pervulgatis , Neapolitani populi averfif-
 fimos ufque ab eo tempore animos in In-
 quifitionem habuerint. Id tēstantur ex
 eadem natione Scriptores , ex quibus
 unum appello Petrum Giannonem lib.
 36. cap. 5. tom. 2. pag. mihi 56. Quo
 eodem quinto capite legat , cui per otium
 licet , turbas , diffidia , cædes , quas
 ad Inquifitionem avertendam ab eo tem-
 pore Neapolitani perpeffi funt. Quare
 vel Giannone ipfo teſte non ex Inquifi-
 tione , ſed ex ejus per Dominicanos re-
 gimine , graviffima Neapolitanorum odia
 primitùs extitère.

Verùm de Dominicanis per Germa-
 niam Inquifitoribus non nullà videamus.
 Narrat Trithemius in Chronico ſui Mo-
 naſterii ad annum 1494. ſe eo anno ſcrip-
 fiſſe „ Commentarium de Laudibus S.
 „ Annæ ; cùmque in eo de puriffimâ Con-
 „ ceptione B. Mariæ mentionem feciſ-
 „ ſet , quemdam Wigandum Ordinis
 „ Prædicatorii , hominem quidem ſatis
 „ doctum , ſed temerarium ac ſuperbum ,
 „ opus quoad puritatem Conceptionis
 „ impugnare voluiſſe , verùm ab ipſo
 „ Trithemio validè , & cum irriſione
 „ fuiſſe repulſum ; eâque ratione adver-
 „ ſus Wigandum plures alios viros do-
 „ ctiffimos ſcripſiſſe , donec poſt bien-

„ nium Wigandus opinionem suam ab-
 „ juravit : Nihilominus Prædicatores in
 „ Curiâ Romanâ apud Alexandrum VI.
 „ subdolè adversus Trithemium egisse ,
 „ sed nihil profecisse : habuisse Trithe-
 „ mium sibi constantissimè adhærentes
 „ Universitates Parisiensem , Coloniën-
 „ sem , Tubingensem , totumque Ordî-
 „ nem Carmelitarum , Ordinem Miño-
 „ rum , S. R. E. majorem partem Car-
 „ dinalium , Archiepiscopos , Episco-
 „ pos , & Principes multos , ac penè
 „ omnem in Germaniâ Clerum , & vi-
 „ ros doctos , atque eruditos innumera-
 „ biles. ” Hactenus Trithemius , & cum
 eo Spondanus ad ann. 1494.

Hæc cum Germaniam in Dominica-
 nos , tum in Germaniâ ipsâ , tum Romæ
 degentes , seu potius dominantes com-
 movissent , importunissimè accidit , ut
 Hochstrati Dominicani Inquisitoris fero-
 ciâ , fortasse etiam avaritiâ , graviores ad-
 huc motus excitarentur. Hebræi siqui-
 dem Neophiti cujusdam callido concil-
 lio adductus Hebræos libros proscripsit
 Inquisitor , atque è Judæorum manibus
 eripiendos decrevit , quippe qui in eam
 spem venerat , ut jacturam librorum suo-
 rum supersticiosa gens copiosâ pecuniâ
 redimeret. Hoc palam jactatum esse tes-

tantur vitæ Philosophorum Germanorum in
 Reuchlino, seu Capnione : neque id alienum
 erat à moribus Ecclesiasticorum. Officia-
 lium in Germaniâ , à quibus etiam ha-
 bendarum concubinarum, facultas certo
 retio emi consueverat, de quibus aliis-
 que avaritiæ sordibus testis est scriptura
vitium gravaminum à Diætâ Norimber-
 gensi Apostolico Nuncio oblata anno 1522.
 Consilium ex Reuchlino exquisivit Cæ-
 sar, qui non omnes Judæorum libros
 flammis dandos censuit, cum multa Rab-
 binorum volumina Sacris Bibliis expli-
 candis inserviant, sed tantum superstitio-
 sos, & in rectos usus planè inutiles. Causâ
 cecidit Inquisitor, totâ Germaniâ plau-
 dente ; verum injuriam sibi, ut putabat
 illatam ulturus, Inquisitoriâ autoritate
 abutens acriter invasit in libellum Joan-
 nis Reuchlini, cui titulus *Speculum oculare*,
 plerisque autem doctis, atque eruditis
 Reuchlinum defendentibus, delata fuit
 causæ cognitio ad Leonem X. ; qui per
 suum in Germaniâ Legatum ita pronun-
 tiavit : „ Pronunciamus, decernimus &
 „ declaramus libellum ocularis speculi
 „ cum suâ annexâ declaratione in actis
 „ causæ deductum à D. Joanne Reuchlino/
 „ Doctore compilatum, atque editum
 „ de suspitione, atque insimulatione hæ-

„ reſicæ pravitatis , aliisque criminibus
 „ ſibi per Fratrem Jacobum Hochſtra-
 „ tum hac in cauſâ ex adverſo Principa-
 „ lem , eique adhærentes : indebitè , te-
 „ merariè , injuſtè , tacitâ veritate fuiſſe ,
 „ & eſſe notatum , atque diffamatum , &
 „ infra. Simili modo , pari noſtrâ ſen-
 „ tentiâ definitivâ , antedictum Fratrem
 „ Inquiſitorem in expenſis in hujusmodi
 „ cauſâ pro parte dicti D. Reuchlini
 „ condemnamus &c. ” Vide D. Simon in
 Critica Dupin, tom. 1, lib. 7. Cæterum
 novas appellationes ad Romanam curiam
 interpoſuit Hochſtratus, quibus nihil pro-
 fecit aliud, quàm, ut ſe, ſuoſque Domi-
 nicanos famâ tyrannicæ, ut palam diceba-
 tur, poteſtatis inviſos, in majorem adhuc
 malevolentiam vocaret, magno Roma-
 næ Sedis contemptu, de quâ peſſimè me-
 rebatur Adminiſtratorum infamia. Ema-
 nârunt ex hoc nequiſſimo fonte irriſiones,
 contumeliæ, dictæria eruditorum viro-
 rum, qui Rhetorici dicebantur, in Men-
 dicantes; quorum plurimos afficit illud
 Eraſmi Epist. 1033. edit. Lugd. Bat.
 „ De Episcopis non ita magna eſt que-
 „ rimonia, de Romano Pontifice, deque
 „ his qui ſub illius titulo regnant, multo
 „ major, de Monachis, præſertim Men-
 „ dicantibus multò graviffima. ” Legenda

sunt, quæ de hac historia habet Raynal-
 dus in annalibus Ecclesiasticis ad annum
 1516. num. 84. „ Hochstratus ex Præ-
 „ dicatorum Ordine Theologus, qui
 „ censuram sacram agebat, Reuchlino
 „ crimen hæreseos intendit. Commota
 „ fuit inde in Dominicanos maxima in-
 „ vidia, quippe literarum cultiorum
 „ amantes, quorum Princeps erat Eras-
 „ mus, Reuchlini causam tuendam sus-
 „ cepere, conscriptis libellis non Domi-
 „ nicanos modò, verùm etiam Theolo-
 „ gos veluti agrestes & barbaros, ob vo-
 „ cum inconditarum in scholis usum de-
 „ ridere, ludibrioque habere cœperunt.
 „ tum verò maximè religiosarum fami-
 „ liarum alumnos proscindere dicteriis,
 „ & per ora hominum traducere, nec non
 „ sacrae Fidei Inquisitores insimulârunt ty-
 „ rannidis intoleranda, qui viros, quorum
 „ gloriæ splendore perstringerentur, per
 „ invidiam, ac summum nefas injustâ
 „ hæreseos notâ opprimere niterentur.
 „ Discussâ Reuchlini causâ, Theologi,
 „ uti invidi calumniatores malè audie-
 „ runt in aulâ Cæsareâ, quod Maximili-
 „ liani ad Leonem Pontificem literæ,
 „ indicant, tum verò apud subsellia
 „ Apostolica non defuere, qui eundem
 „ Reuchlinum tuerentur accusatoresque,

„ ut iniquos deterrerent, inter quos Al-
 „ bertus Pius Carporum Princeps, eru-
 „ ditionis laude præstans extitit. Inde
 „ verò censorum, seu Inquisitorum Fidei
 „ autoritas adeò obsolevit, ut exorientem
 „ postea Lutherum Hæresiarcham com-
 „ primere non potuerint. Nam cum
 „ Theologi illum Judicio cœpissent per-
 „ sequi, universa mox Rethorum, ac
 „ Poëtarum cohors malevolentia, jam in
 „ Reuchlinianâ causâ imbuta in Theolo-
 „ gos, illi se inprovidè conjunxit. Atque
 „ hinc conflatum esse Turbinem Luthe-
 „ ranum, qui adeò Ecclesiam Dei con-
 „ cussit, affirmat constanter Albertus Pius
 „ in suo responso primo ad Erasmus.

Hactenùs Raynaldus in Annalibus. Eras-
 mi autem verba, quibus quantum ad hoc
 attinet, concinit ejus acerrimus adversa-
 rius Albertus Pius, hæc sunt. „ Non
 „ dubito, quin audita tibi sit Reuchlinica
 „ Tragedia. Hinc cœpit in illos Dominica-
 „ nos incrudescere doctorum odium; mox
 „ fervente adhuc bello inter mystas, &
 „ ofores Musarum exortus est Lutherus.”
 Addendum est Testimonium Alberti Car-
 porum Principis, qui eâ tempestate flo-
 rebat, & tum Luthero, tum Erasmo,
 quem falsò putavit favere Hæresi Luthe-
 ranæ insensissimus fuit: Quapropter ejus

testimonium maximæ est auctoritatis.
 „ Exorta , inquit , controversia Reu-
 „ chliniana , ex quo Fonte primæ aquæ
 „ (Lutheranæ discordiæ) scaturiêre. Non
 „ enim illius causæ expers fui ; immo &
 „ meâ erga viros doctos consuetudine
 „ non vulgariter favi Reuchlinio apud
 „ Leonem X. quod Literæ ipsius ad
 „ me testantur , deterruique accusatorem
 „ ipsius Hochstratum , ne tam vehemens
 „ esset , mitiùsque in ipsum ageret. Ex
 „ quæstione illâ prodiêre primùm *Epistolæ*
 „ *obscurorum virorum* , quibus festivissimè
 „ ridebantur Theologi minùs elegantes.
 „ Indè demum factum est , ut quotquot
 „ eruditorum amabant bonas literas , se
 „ Lutheri nascentis furore fautores exhi-
 „ buerint. Hæc causa tantorum malorum
 „ fuit : ” Hactenùs Albertus Pius : quæ
 si vera sunt , ut certè verissima sunt , uni-
 versi Dominicani Inquisitores non tantum
 Ecclesiæ boni attulêre , quantum attulit
 mali Inquisitor Hochstratus , cum alio
 pariter Dominicano Inquisitore Tetzelio ,
 de quo mox dicendum erit , cùm Luthe-
 ranæ Hæresi , aliisque in numeris ex ipsâ
 profectis occasionem dedêre , illudque
 effecerunt , ut Septentrionales Populi ab
 Ecclesiâ deficerent. *Loquor autem de In-*
quisitoribus Judicibus , quales nostrâ ætate

habemus. Nam S. Dominicus, & S. Petrus Martyr erant *ex Inquisitorum Concionatorum numero*, qui verbo, & exemplo contra Hæreticos præliabantur *Prælia Domini*, quod Inquisitionis genus maximè proprium est Regularium virorum: eorum etiam personas, atque errores sicubi laterent, *inquirebant*, atque investigabant, ut iis detectis, nec ad fidem conversis, legitima potestas de eorum causâ judicio more cognosceret.

Reuchlinicæ Controversiæ memoria oblitterata nequaquam erat PAULI III. ætate, quin imò multo compertissima. Quare nihil mirari subit, quòd non Regularibus, sed Seculari Clero Romanam Inquisitionem assignaverit.

C A P U T I V.

Monumenta Ecclesiastica de Hæreseos Lutheraniæ initiis PAULI III. in suâ Constitutione ferenda Sapiëntiam comprobant.

NULLA contra Dominicanos Inquisitores querimonia gravior, quàm quæ excitata fuit contra Tetzeliū Dominicanum, eundemque Inquisitorem, qui

cum suis Dominicanis electus præ Augustinianis Eremitis fuit , ad Indulgentias Pontificias evulgandas. „ Dum Tetzelius , „ & alii , quibus ea res commissa erat , „ inquit Raynaldus in Annalibus Ecclesiasticis ad annum 1517. n. 59. de Indulgentiis ad Populum concionantur , „ earumque virtutem magnificè prædicant , fortè voces quædam per imprudentiam illis exciderunt , &c. . . . Fuerunt in vulgo , qui redempti Indulgentiarum diplomatis securi , de verâ Pœnitentiâ , ejusque dignis fructibus parùm cogitârint , hoc uno contenti , „ quòd Indulgentiarum diploma ære suo redemptum haberent. ” Hæc Raynaldus , quæ non esse fictitia testatur Diæta Norimbergensis in scripto *centum Gravaminum* , quod per Nuncium Pontificium ad Papam transmitti curavit anno 1552. & alias etiam transmiserat. „ Hæc enim habet n°. 3. Per Indulgentiarum conductitios præcones, ac Prædicatores profligata est germana Christianorum pietas , dum qui extrudere volebant venâles suas Bullas , occinebant suis mercibus laudes miras , & inauditas : „ condonari per emptitias has condonationes nedum noxas præteritas , aut futuras viventium , sed & vita defunctorum....



COMMENTARIUM IN BULLAM PAULI III.

Licet ab Initio,

Datam Anno 1542.



Quâ Romanam Universalem Inquisitionem constituit, ejusque Regimen non Regularibus, sed Clero Seculari commisit.

PROOEMIUM OPUSCULI.



Romanæ Inquisitionis Tribunal, non uno, eodemque hominum genere constat, sed planè multiplici disparis dignitatis, ac potestatis. Ac primò quidem *Cardinales Commissarios*, at-

Λ

que *Inquisitores complectitur* certo aliquo numero per Romani Pontificis arbitrium definiendo : *Dominicanum* deinde Commissarium, cum ejusdem Ordinis socio : Illius est de criminibus, ac criminosis inquirere, delationes excipere, conficere testium examen, Processum instruere ad ferendam sententiam, singula quæque necessaria disponere, statutas pœnas exequi, denique omnia suarum partium sunt, suæque curationis. Tertio loco *Assessorem Prælatum* : Cùm enim hoc Tribunal pluribus redditibus abundet, aut Prædiis, plures habeat administratos sibi que subservientes, ac famulantes : lites proinde haud rarò suboriuntur, quas cùm ad alios Judices deferre non liceat, ad forum spectant Prælati Assessoris. Denique satis præcipuum sibi locum in hoc Tribunali vindicant Consultores, quorum alii Prælati Jurisprudentes sunt, alii Regulares Theologi : Ipse videlicet Commissarius Dominicanus cum ejusdem Ordinis socio, Magister Generalis Dominicanorum, Sacri Palatii Apostolici Magister ex eodem Prædicatorum Ordine, quibus ex Sixti V. Decreto unus annumeratur ex Ordine Minorum Conventualium Theologus : Ab Innocentii XIII. temporibus, alii pauci, nonnulli Regula-

res in Consultores designati sunt Pontificum Arbitrio.

Sacri hujus Tribunalis Conventus omninò tres per hebdomadas celebrantur. 1°. *Congregatio Consultorum die lunæ*, apud quos omnia discutienda proponuntur, ad nutum, & voluntatem Dominici Commissarii; cujus est quæcunque velit, vel celare, vel palam efferre. Commissario adstant, quos commemoravi, Dominici tres: si qui sunt alii Regulares, tùm ii pauci sunt, tùm Dominicanis non inimici: Etenim si suspicio fuisset eos parùm amicos esse, vel fore, utique Dominici pro viribus elaborassent, ne in Consultores deligerentur. Jam verò quæcunque Theologica sunt ad horum Regularium Consultorum judicia referuntur: Sæculares enim Prælati iis sese ferè tantummodò immiscent, quæ sunt Jurisprudentialium.

2°. Cardinalium Congregatio die Mercurii in domo ipsâ Dominicanorum, quæ à *S. Maria suprà Minervam nuncupatur*: pro arbitrio, seu judicio Fratris Commissarii, ad hunc Cardinalium Conventum referuntur, sive omnia, sive plura tantummodò eorum, de quibus actum est in priore Consultorum cœtu.

3°. Postremus Conventus die Jovis

celebratur à Cardinalibus coram Pontifice; ea autem ferè probantur, quæ in Congregatione Cardinalium die Mercurii gesta sunt; quemadmodum Cardinalium Congregatio ea ferè probavit, quæ à Consultoribus gesta fuerant, Dominicano Commissario cum suis omnium moderatore, atque administro: Cùm enim Consultores reliqui non intersint Congregationi Cardinalium, ac Pontificiæ, nisi peculiari aliquâ de causâ advocentur, secùs est de Dominicano Commissario, quem omnium fieri conscium, omnibus interesse necesse est.

Hoc nimirum est celebre illud Romanæ Inquisitionis Tribunal, ejusque regiminis forma nostrâ hac ætate. Ad ipsum scilicet gravissima quæque referuntur, quidquid ad Fidem Catholicam facit, ad Doctrinam sive Thesium, sive Librorum, ad controversias rituum, sive Malabariorum, sive aliorum quorumcunque, ad lites, & contentiones de B. Mariæ Conceptione, ad sollicitationum crimina; tandem ut alia omittam ex decreto 1745. etiam eorum inobedientia ad Inquisitionis Tribunal pertinet, qui Romæ libros typis mandant, vel alibi typis vulgandos curant, absque facultate Fratris Dominicani Sacri Palatii Apostolici Magistri.

Quàm multæ querelæ de hoc Sanctissimo Inquisitionis Tribunali excitatæ sint , imò verò excitentur : quàm multa in ejus odium , vel perniciem dixerint , scripserint , egerint , decreverint Imperatores , Reges , Principes , Regii Senatus , sive Parlamenta , Universitates , Laïci , Ecclesiastici , tum Seculares , tum Regulares , Dominicanis exceptis ; quàm multa præterea dicant , scribant , agant , decernant , supervacaneum est recensere , cùm omnibus notissima sint. Excutiatur Univerſa Ecclesiastica Historia : Nullum profecto reperies Sacrum Ecclesiæ Tribunal , quod tot populorum odiis exceptum sit ; testes hujus rei sunt Turbæ Belgicæ , Romanæ , Mediolanenses , Neapolitanæ uno seculo decimo sexto , ut de posterioribus temporibus , imò verò nostris fileam. Quare nihil mirandum est , quòd à tam multis regnis , ac Provinciis , in quibus sedem fixerat , fuerit non sine dedecore proturbatum.

Cogitanti mihi , quid tot turbis causam dederit , non ego horum malorum causam in sanctissimum Inquisitionis Tribunal rejicio , sed in ejus administrationem Regularibus commissam ; Nimirum unusquisque in eâ vocatione , in qua vocatus est maneat. Non in hoc vocati sunt Re-

gulares Ordines , ut Jurisdictionem contentiosam in Ecclesiâ exerceant , ac criminalem. S. Dominicus primus in Dei Ecclesiâ Inquisitor fuisse dicitur : Verùm qui non univocè cum hodiernis Inquisitoribus conveniat , sed satis æquivocè : Inquirebat enim ille de Hæreticis , quos invenerat , partim privatis , partim publicis è suggestu sermonibus ; ad Fidem Catholicam hortabatur ; protervi quique , atque in suis erroribus defixi suis iudicibus puniendi committebantur. Hodiernus Inquisitor iudex est veriùs , quàm Inquisitor. Quid autem Regulari viro cum iudiciis , cum reorum carcere , Tortura , atque Tortoribus ?

Id optimè perspexit Romanorum Pontificum , si quis umquam , prudentissimus, PAULUS III. qui cùm Romanæ Inquisitionis Tribunal noviter constitueret, Clero Seculari, non Regulari tradendum censuit : quod utinam prioribus seculis , utinam saltem posterioribus , servatum diligenter fuisset ! haud profectò tantum odii , atque invidiæ sanctissimo Tribunali conciliatum fuisse doleremus. Non negaverim plura in Ecclesiam bona ex Inquisitoribus Regularibus profecta fuisse : At quàm multis malis iisdemque gravissimis admixta ! neque verò quisquam

putet multum indè detrimenti Ecclesias accepisse , non ipsos tamen Regulares Ordines : Imò verò hos ipsos , maximè Dominicanum Ordinem , plurimùm fractos , ac debilitatos fuisse , hac de causâ , aio , atque affirmo. Nimirum honoris , ac potestatis per Inquisitores exercendæ ambitus , cum rei pecuniariæ desiderio , ubi primùm Regularis viri animum tangit , miserrimè inficit ; ac Prædicationis , Confessionis , sacræque Doctrinæ laboribus ineptum facit. Sanè clarissimum FF. Prædicatorum Ordinem de Inquisitione dimittendâ seriò cogitasse , ipsamque , quantum est ex se dimisisse , locupletissimo testimonio scimus , Bullario nempè Dominicano per Fr. Bremond novissimè evulgato tom. I. pag. 118.

Acturus de gravissimo hoc argumento , quod è re Catholicâ esse maximè censeo , demonstrandum suscipiam , quàm prudenter , ac piè PAULUS III. Romanam Inquisitionem ; aliasque subalternas , quæ ex ipsâ pendent , Clero Seculari , non Regulari commiserit ; quanto etiam magis hujuscemodi consilium nostræ huic ætati congruat : Quod cum adhuc factum non fuerit , nihil de tot damnis , ac turbis mirandum subest : id si fiat , nascetur , ut opinor , rerum Ordo felicior.

CAPUT I.

*PAULI III. Constitutio Romanam
Inquisitionem non Regularibus,
sed Clero Seculari committit.*

ANno 1542. PAULUS III. edidit Constitutionem, *Licet ab initio*, quæ est in Bullario 34. in qua sex Cardinales eligit, eosque *Nostros*, inquit, *Et Apostolicæ Sedis in omnibus Et singulis Republicæ Christianæ Civitatibus, Oppidis, Terris, Et Locis, tam citra, quàm ultra Montes ubilibet, etiam in Italiâ consistentibus, ac in Romanâ Curia, super negotio Fidei Commissarios, Et Inquisitores Generales, Et generalissimos auctoritate Apostolicâ tenore præsentium constituimus, ac deputamus.*

Quod autem attinet ad subalternos Inquisitores aliarum à Româ Urbium hæc statuit, necnon ad præmissa omnia, *Et singula, in quibusvis Civitatibus, terris, Et locis, de quibus eisdem Cardinalibus videbitur, Et quoties ipsi Cardinales opus esse cognoverint; alias personas Ecclesiasticas idoneas, literatas, Et Deum timentes in Theologiâ Magistros, seu in altero Jurium Do-*

Etiores , Licentiatos , Baccalaureos ; in aliquâ Universitate studii generalis graduatos ; in trigesimo eorum ætatis anno ad minus constitutos , seu Ecclesiarum Cathedralium Canonicos , vel alias dignitate Ecclesiasticâ præditos , simili aut limitatâ facultate substituendi , & subdelegandi ; ac eos in toto , vel in parte , simul , vel successivè ad eorundem Cardinalium libitum , etiam in negociis & causis per eos tunc inceptis revocandi , & loco ipsorum alios similiter qualificados deputandi. Hactenùs Bulla.

In his extra Urbem Inquisitoribus tria, ut vides , requirit Pontifex , *Doctrinam* , quâ sint Magistri , vel aliàs graduati ; *Ætatem* , quâ pervenerint ad annum trigesimum ; *Gradum* , quod sint seu Canonici Cathedralis Ecclesiæ , seu in aliâ dignitate Ecclesiasticâ constituti , quod certè non nisi Secularibus Clericis congruit. Quinimò *subdelegandi* etiam eadem ratione dicuntur *similiter qualificati*. Attamen omnes extra urbem Fratres Dominici sunt , Patavio , atque Hetruriâ exceptis ; ubi id muneris demandatum est Ordini Minorum Conventualium nempè , non quidem Dominicanis , sed tamen Fratribus.

At , inquires , esto in constituendis Inquisitoribus extra urbem declinatum sit

à Legibus Pontificiæ Constitutionis: verumtamen nihil tale dici poterit de Romano ipso Inquisitionis Tribunali. Quin immò hoc potissimum, hoc inquam, à primævâ sui constitutione discessit. Cardinales Commissarios, atque Inquisitores creavit PAULUS III. non tamen *Dominicanum Commissarium adjunxit*. Hic ubi primùm adjunctus est, aliam induit faciem, naturamque aliam Inquisitio Romana, universumque ejus regimen planè fuit commutatum, tùm enim verò à Clero Seculari ad Dominicanos devolutum est. Indè etiam fuit, quod Sedes Inquisitorum extrà urbem Clericis Secularibus à PAULO III. demandatas, quotquot potuit Dominicanus Ordo sibi per Italiam usurpaverit. Quòd, si etiam Florentiæ ipsis non licuerit, nihil mirandum est, cùm Cosmum Medicum parum sibi æquum haberent per ea tempora, quemadmodum legere est in Hadriani Historia lib. 5., & Spondano ad ann. 1545. n. 18. *Florentiæ, inquit, non pauci formam regiminis Monarchici aversabantur in spem mutationis, ex quibusdam prædictionibus Hyeronimi Savonarolæ, confortati suasionibus Fratrum Dominicanorum. Cosmus postquam Dominicanos monuisset ab hujusmodi susurrectionibus abstinere, cùm*

non obtemperarent ; primùm nonnullos eorum in carcerem trusit , deindè dixit , ut omnes alias sibi Sedes quærerent , reque ipsâ mense elapso abeundum iis fuit. Quamvis autem Operâ PAULI III. res compositæ fuerint , nemo mirabitur ex Franciscanis potiùs , quàm Dominicanis Etruscos Inquisitores munus hoc in Hetruria exercere.

Quod dixerim Romanam Inquisitionem Dominicanis concessisse , cùm primùm Inquisitionis Commissarius ex Ordine Dominicano statutus fuit , id verissimum esse nemo diffitebitur Romanarum rerum paulò scientior. Quod in Sancto Inquisitionis Officio Commissarius præstat , idem imo verò multo etiam magis in aliis Romanis Congregationibus præstant Secretarii , penes quos rerum summam esse , vulgatissimum est. Commissarii autem potestas , atque autoritas in negociis S. Officii , tum directâ , tum indirectâ multò maxima est , quod ex infradicendis , clariùs adhuc elucescit.

Quàm aliena fuerit PAULI III. mens à Dominicano Commissario , constat ejus Bullam expendenti : etenim post Cardinales Inquisitores appellatos , ac Constitutos hæc addit , *nec non ad effectum præmissorum , Procuratorem Fiscalem , & Notarios*

publicos , & alios Officiales ad præmissa necessarios , & opportunos : etiam Clericos , sive Religiosos cujuscunque Ordinis fuerint deputandi & constituendi. Qua in enumeratione cùm à Fiscali Procuratore post Cardinales exordiat , deinde ad Notarios descendat , tum verò ad alios minores , ac levioris momenti Officiales ; satis ostendit Pontifex , se ne cogitasse quidem de Generali Dominicano Commissario , qualem hodie conspiciamus , qui post Cardinales potissimum locum habet : tantumque sibi autoritatis , ac potestatis acquisivit , quantum in unoquoque Cardinalium seorsum non reperiesset , licèt specioso Inquisitorum titulo decorentur. Sanè tantum munus , enumeratis Cardinalibus ante Fiscalem Procuratorem , ac Notarios recensere debuerat. Quid ! quod ea disjunctiva enunciatio , quæ vagatur inter Clericos Seculares , *ac Regulares cujuscunque Ordinis* , & de minoribus Officialibus loquitur infra Procuratores Fiscales , ac Notarios Constitutis , satis præ se fert studium Pontificis , quantoperè nimirum alienus esset , vel ab ipsis inferioris notæ muneribus certo *Dominicanorum Ordini addicendis.*

Verum quidem est experientiam rerum Magistram abundè docuisse , quòd præter Cardinales Inquisitores , qui sunt in

supremo ejus Tribunalis gradu , præter Procuratores Fiscales , Notarios , aliosque levioris , aut inferioris notæ homines , opus sit præcipuo quodam , seu Præfecto , seu Administro , qui sive Secretarium , sive Commissarium , aut alio quocumque nomine appelles , ardua , ac plurima Tribunalis negotia moderetur , disponat & expediat , ac stabile domicilium in Inquisitionis Palatio sibi habeat. Verùm juxta Pontificis instituentis mentem , primum adeò munus , cujus est omnia temperare , moderari , movere , regere à Clero seculari nequaquam distrahendum fuerat. Cardinales à primævâ Institutione , non Inquisitores modò , verùm etiam Commissarii constituti fuerant. Potuit itaque ex iis Commissarius primarius , aut Præfectus deligi , aut si id minus commodum erat , & alteri à Cardinalibus demandandum fuit , præsto erat Prælatus aliquis Secularis , qui non Assessor tantummodò ob forenses contentiones , sed etiam Commissarius , & esset , & appellaretur.

Non omittam edictum contrà Bibliopolas , & Librorum Impressores , atque Dohanarum Officiales , &c. datum à Cardinalibus Inquisitoribus anno 1543. Hoc est anno secundo à Romanâ Inquisitione constiturâ : Ad ejus calcem ita apponitur.

De Mandato Illustrissimorum, ac Reverendissimorum DD. Cardinalium Inquisitorum Doctor Alphonsus Martinez Secretarius: Adeò verum est Dominicanos à primævâ institutione exclusos, neque auditum fuisse Dominicani Commissarii nomen. Vide editum in Appendice Directorii Inquisitorum pag. 112. Donec Frater Theophilus à Tropza Calaber Dominicanus, de quo Fontana in Catalogo Commissariorum S. Officii, Commendatione Cardinalis Caraffæ, ac si nullus idoneus in Clero Seculari esset, obtinuit; ut in primum Commissarium eligeretur: quod non admodum feliciter cessit Cardinali Caraffæ, deinde in Pontificem Paulum IV. electo. Tantâ enim severitate hic Frater Theophilus munus suum gessit, ut Paulo IV. defuncto, seditio Romanorum excitata fuerit in Inquisitores, in Dominicanos, in ipsum Paulum IV. ejusque statuas, atque insignia. Vide Raynaldum, & Ciacconium,

CAPUT II.

Quàm sapienter Romanam Inquisitionem Clero seculari committendam Paulus III. censuerit.

Maximis Privilegiis Sedes Apostolica insignivit ab ipsis eorum initiis utrumque Ordinem Prædicatorum, ac Minorum, in Sacramentis administrandis, verbi Dei Prædicatione, Inquisitionis munere exercendo; Quamquam munus hoc Dominicanis præcipuè Fratribus creditum fuerit; quod quidem implebant unà cum Sacris Concionibus, nec sine Episcoporum consensu, ut in tantæ animadversionis judicio *non postponenda Pontificum auctoritas intercederet*, uti loquitur Urbanus IV. in suis Apostolicis Literis, quas Pegna in Directorii Appendice recitat pag. 41. Facile autem fuit tot Privilegiis abuti Fratres in Inquisitionis præcipuè causis, ac Processibus: Fratres, inquam, ut puto Dei zelo instructos, non autem Juris, ac fori peritiâ, ut ea omittam, quæ humanitùs peccari contigit. Quàm multæ indè turbæ exortæ fuerint, deprehensum est in Concilio

„ rum..... Modò numeretur aliquid,
 „ modò tinniat dextera. Atque his mer-
 „ cium nundinationibus simul & spo-
 „ liata est ære Germania & Christi pie-
 „ tas extincta, quando quilibet pro modo
 „ pretii, quod in has merces expenderat,
 „ peccandi impunitatem sibi polliceba-
 „ tur. Hinc stupra, incestus, adulteria,
 „ perjuria, homicidia, furta, rapinæ, fæ-
 „ nora, ac tota malorum lerna semel ori-
 „ ginem sibi traxerunt. Hactenùs Ma-
 „ gnates Germani ad Pontificem.

Sed ad Raynaldum redeamus. „ Hanc,
 „ inquit, nactus occasionem Lutherus,
 „ ad Archiepiscopum Moguntinum lite-
 „ ras dedit ultimo Octobris 1517. exa-
 „ ratas, quibus eum monuit. Circumfe-
 „ runtur, inquit, Indulgentiæ Papales...
 „ doleo falsissimas intelligentias populi
 „ ex illis conceptas..... Credunt infe-
 „ lices animæ, si literas Indulgentiarum
 „ redemerint, se securos esse de salute
 „ suâ. Item quòd animæ de Purgatorio
 „ statim evolant, ubi contributionem in-
 „ cistam conjecerint. Cur ergo per illas
 „ falsas Veniarum fabulas, & promissio-
 „ nes, Prædicatores earum faciunt popu-
 „ lum securum, & sine timore; cùm In-
 „ dulgentiæ prorsùs nihil boni conferant
 „ animabus ad salutem & sanctitatem,

„ sed tantummodò pœnam externam olim
 „ canonicè imponi solitam auferant.

Hæc à Luthero in recitatâ Epistolâ af-
 ferta opinio falsa est, sed fuisse quorum-
 dam antiquorum Theologorum testantur.
 S. Thomas & S. Bonaventura apud Bel-
 larm. de Indulgentiis l. i. cap. 7. & Suarez
 in 3. p. disput. 50. sect. 3. quam omnes
 referunt absque censurâ hæreseos, quam
 non merebatur, saltem Lutheri tempori-
 bus ante Tridentinum Concilium. Neque
 enim omnia quæ in Pontificum Decreta-
 libus Juri Canonico insertis extant; tan-
 quam Fidei articuli traduntur. Satiùs igitur
 fuerat Tetzelium in abusus evellendos
 incubuisse, & falsæ pietatis fabulas, eam-
 que opinionem, SS. Thomæ & Bona-
 venturæ exemplo, pacato animo in scho-
 lis refellere, missis turbis & contentioni-
 bus. Quid quod in Thesibus Wittenber-
 gensibus, quas eodem tempore evulgavit
 hæc habet Thesi 28. „ Certum est num-
 „ mo in cistâ tinniente augeri quæstum
 „ & avaritiam posse, suffragium autem
 „ Ecclesiæ est in arbitrio Dei solius ”
 Quare dùm dicebat solam pœnam Cano-
 nicam remitti per Indulgentias, exponi be-
 nignius poterat de remissione *absolutâ*, &
omniò infallibili. Suffragium autem in Dei
 foro effectum suum habere, non omniò

negabat , saltem conditionatè & dependenter à *divinâ acceptatione* , quod non pauci Theologi sensere : Addo duas Lutheri ex eodem folio Theses 31. & 32. „ Contrà „ Veniarum Apostolicarum veritatem qui „ loquitur , sit ille Anathema , & maledictus. Quí verò contrà libidinem , ac „ licentiam verborum Concionatoris Veniarum agit , sit ille benedictus.” Ex quibus animus Lutheri apparet , eo tempore nondum Hæretici , in suis 95. Thesis Wittenbergenfis. Prosequor narrationem Raynaldi. „ Quí , inquit , ex muneris sui dignitate ejusmodi controversias „ tollere debuerat Tetzeli Ord. Præd. „ imprudenter incendium auxisse fertur. „ inquisitor , ingenio ferox , & corpore robustus , indignum ferens Lutheri „ protervam audaciam , ut par pari referret , centum & sex edidit Propositiones , quibus contrariam explicabat sententiam. Hâc itaque Propositionum editione visa est contestata inter hos duos Antagonistas esse lis turbulentæ contentionis , quæ mox anno sequenti in apertum efflavit incendium , quo pax & unitas Ecclesiæ dissoluta fuit.”

Ipsemet Raynaldus ad annum sequentem 1518. n. 100. hæc recitat ex Ulem-

bergio „ Quia verò satis intellexerat
 „ [Miltiz Apostolicus Internuncius] ex
 „ hac actione circumforaneos illos Indul-
 „ gentiarum Præcones , qui Luthero pri-
 „ mam contradicendi occasionem dede-
 „ runt , non esse prorsus inculpabiles ;
 „ Tetzeliū ad se vocatum durius incre-
 „ pavit , quòd abusus non sustulerit bo-
 „ norum omnium iudicio minimè tole-
 „ randos , & quòd fretus auctoritate Pon-
 „ tificis (hæc enim verò maximè adno-
 „ tanda sunt) arbitrato suo multa gesse-
 „ rit , quæ probari ac defendi nequeant :
 „ & factum , ut & Sedi Apostolicæ fæ-
 „ dam asperferit maculam , & huic tam
 „ periculoso certamini magnam occasio-
 „ nem præbuerit , quo nomine rationem
 „ aliquando sit Pontifici redditurus. Ter-
 „ ritus hâc increpatione Tetzelius , pau-
 „ lò post in morbum incidit , cùmque
 „ iustam Pontificis indignationem me-
 „ tueret , sollicitudine , curis , & animi
 „ mœrore confectus , supremum vitæ
 „ diem clausit. Cæteros etiam Tetzelia-
 „ nos Administros admisisse tradit Flori-
 „ mundus Raymundus in divulgandis In-
 „ dulgentiis corruptelas gravissimas , cùm
 „ illi emungendarum à Fideli Populo pe-
 „ cuniarum , quàm expiandarum anima-
 „ rum majori studio urerentur. ” Hæc-

nus Raynaldus, cui concinit illud Erasmi in responsione ad Albertum Pium: „ Do-
 „ minicani quidam hæc de Indulgentiis
 „ nimis adulanter, & imprudenter, ac
 „ propè dixerim blasphemè jactantes apud
 „ populum, excitârunt Lutherum, ut
 „ proponeret aliquot Propositiones dis-
 „ putandas.

Quid autem Inquisitor Tetzeli pro concione dixerit, ejusque socii, ex iis intelligi potest, quæ ipse scripsit in Thesibus centum & sex, quas Lutheri prioribus Thesibus opposuit. Longum esset per singula excurrere: Nonnulla commemorabo: Inde enim evidentissima erit PAULI III. sapientia, quâ non Fratribus, sed Clericis sanctum Inquisitionis Officium administrandum suâ Constitutione decrevit.

Itaque in sua 3. & 4. Thesi [in duas enim partitus est ad numeri pompam] hæc scripsit Tetzel. „ Quisquis ergo di-
 „ cit Christum, dum prædicavit, *Pœ-*
 „ *nitentiam agite*; sic voluisse pœnitentiam
 „ interiorem, & carnis mortificationem, ut non etiam docere, vel coin-
 „ telligere potuerit: Pœnitentiæ Sacramentum, ejusque partes Confessionem,
 „ & Satisfactionem tanquam obligatorias,
 „ errat: Imò nihil nunc juvat, si inte-

„ rior pœnitentia etiam operetur exterior-
 „ rem mortificationem, nisi adsit factio,
 „ vel voto Confessio, & Satisfactio.

At certum est Sacramentum Pœnitentiae institutum post Resurrectionem Joann. cap. 20. quod ita etiam eo tempore pervulgatum erat, ut deinde Tridentinum Sess. 14. cap. 1. id definierit : Quomodo igitur ferè ante tres annos in principio prædicationis docere Christus potuit in recitatis verbis Confessionem, & Satisfactionem, tanquam obligatorias? Legatur Suarez in 3. p. tom. 3. disp. 17. Sect. 1. & ad qu. 84 D. Thom. in Comma. Artic. VII., ibidemque Thomistæ reliqui. Quo jure igitur reprehendi potuit tanquam error, Lutheri assertio, quæ in illis verbis Pœnitentiam virtutem intelligebat, non Sacramentum? Vix potest explicari, quantum damni Ecclesiæ Dei illatum sit per hujusmodi falsas, ac præcipientes Dominicanorum Inquisitorum Censuras. Merito Lutherus in Epist. ad Leonem X. scriptâ die SSmæ Trinitatis anno 1518. conqueritur de Dominicanis : „ Ignis comminationem, & Hæretici no-
 „ minis opprobrium : . . . Incredibile est
 „ quàm propensi sint intentare, quando-
 „ que etiam si in meris opiniosisque nu-
 „ gis suis contradictionem senserint : Si

„ tamen hoc est scandala sedare, ac non
 „ potiùs merâ tyrannide schismata, &
 „ seditiones tandem suscitare.” Utinam
 his æquissimis querelis auscultavisset Leo
 Pontifex; sed veteabant ii Regulares, qui
 potestatem suam etiam Romæ exercebant.

Thesis 60. sic habet „ Rarissimos esse,
 „ & non etiam plurimos, juxtâ formam
 „ Jubilæi agentes, qui consequantur Ve-
 „ nias. Error.

Plenaria Venia ab omni pœnâ, etiam
 venialibus debitâ haberi nequit, absque
 prævio dolore omnis omninò culpæ, etiam
 venialis, & idoneo proposito. Hunc ani-
 mum, quis dicat plurimis communem esse,
 ut Tetzelius, & non potiùs rarissimum, ut
 asserbat Lutherus? Quàm immeritò igitur
 hujus assertio hæreticis erroribus an-
 numerata fuit per Dominicanum Inquisi-
 torem?

Thesis 61. „ Relaxatum, inquit, per Ve-
 „ nias plenarias, juxtâ formam rescripti,
 „ videlicet verè confessum, & contritum,
 „ non esse securum de suâ salute. Error.

Audis portentum Assertionis? nemo
 absque peculiari revelatione, ut deinde
 definivit Tridentinum, scire potest, se
 ritè confessum & contritum, neque secu-
 rus esse potest de assecutione Indulgen-
 tiæ, & de præsentis animæ suæ statu sa-

lutari : Hoc autem Judicium *si sum verè confessus . . . & contritus , sum in statu salutis*. Non parit securitatem , sed timorem magnum , cùm de veritate conditionis incertus sim. Adde illa verba , *securum esse de suâ salute* , rudi populo pro concione evulgata , nedum propugnata in Thesibus , præ se ferunt securitatem in futurum , nempè de æternâ salute assequendâ , quâ sæpissimè decepti populi , pecunias pro Bullâ Indulgentiæ consequendâ conferebant , & ad peccandum incitabantur.

Thesis 64. ,, Non esse Christianum dogma , quod redempturi , pro amicis confessionalia , vel purgandis Animabus , Jubilæum , possunt hæc facere absque , contritione , error. " Audivi quid sit lucrari Indulgentiam pro alio etiam vivente , quâ de re. Gabriel , Adrianus , alique cùm Suarez tom. 3. in 3. p. disp. 13. Sect. 3. At quòdnam sit hoc dogma Christianum de redimendis Confessionalibus pro amicis , absque ullâ necessitate contritionis , planè non intelligo. Suspicio de aliquâ praxi non satis piâ , quæ per ea tempora vigeret ad Germanorum crumenas per malos Concionatores emungendas.

Quod autem dicitur de Animabus Purgatorii , sanè auditu , ac lectu indignissimum est ; est enim optima Sententia An-

geli. Verb. Indulgentia n^o. 21. & Cardinalis, in Clem. 2. de Pœnitentiis, & Remiss., aliorumque Theologorum, necessarium esse statum gratiæ ad lucrandam Indulgentiam pro Defunctis. Quis itaque ferat, quòd Apostolicus Inquisitor in eam, velut in errorem vociferetur?

Piget me omnes Theses excutere, in quibus immeritò erroris Lutherum insimulavit, & in rabiem adegit, ut tandem in veras hæreses prolapsus sit : Verùm antequam in earum barathrum se se præcipitem daret... Et quis, inquit, Erasmus in Apolog. ad Blasphemias Stunicæ tom. 9. oper. pag. 374. „ Et quis ex vi-
 „ ris bonis non favebat Luthero? Ni-
 „ mirùm quædam erant, quæ diutiùs
 „ ferre mundus non poterat... Nec hic
 „ affectus tot clamoribus, tot Bullis,
 „ tot edictis, tot censuris, tot libellis ex-
 „ tundi potest è mentibus populi, adeo
 „ ut verear, ne nisi radices amputentur,
 „ undè malum hoc jam toties repullulat,
 „ sit aliquando majore cum pernicie erup-
 „ turum.” Sed optimis Erasmi consiliis,
 quæ sæpè pluribus ad Pontifices, & Cardinales epistolis dedit, obtemperatum non est, quamquam PAULUS III. agnoverit tandem, perditis tamen rebus, ac profligatis, Erasmi optima consilia; eumque

licèt invitum, ac repugnantem Cardinalem decreverat, nisi Erasmi mors intercessisset; constant hæc ex Epist. inter Erasmus, præcipuè ex Epist. 1288., & ingenuè asserit Natalis Alexander in Hist. Sæcul. XVI. in Erasmo.

Alias Theses secundæ disputationis Tetzelius ann. 1517. Inquisitor vulgavit contra Lutherum, adhuc non avulsum ab obedientiâ Ecclesiæ, & Romani Pontificis.
 „ In quibus (inquit) quisquis pro Hære-
 „ tico, Schismatico, pertinaci, contu-
 „ maci, erroneo, seditioso, malesonanti,
 „ temerario, & injurioso cavendus sit,
 „ primo intuitu planè videbitur.

Quisquis hæc legerit, intelliget in Epist. 403. ad Roffensem rectè scripsisse Erasmus sub ea tempora:” Utinam
 „ Christus tandem exporrectus liberet
 „ populum suum à tam multiplici tyrannide;
 „ quæ, nisi prospectum fuerit, eò
 „ videturevasura, ut tolerabilius sit futurum,
 „ velTurcarum patiTyranidem.”
 Idem Epist. 671. queritur de morte Reuchlini, sive Capnionis, quem Hochstratus Inquisitor cum suis Fratribus non quidem vicit, sed tamen per decennium in Germaniâ, & Urbe vexavit, eique vitam; ut putatum est, curis, ac molestiis imminuit. „ Ex Germanis, inquit, nul-

„ lum defidero præter Joannem Capnio-
 „ nem , qui florenti quidem senectute ,
 „ sed tamen justâ functus est. Poterat ad-
 „ huc diù succurrere publicis studiis ,
 „ nisi sic visum esset superis condere quæ-
 „ dam animantia , quæ nihil aliud quàm
 „ lædunt. Bos arat , equus gestat , ovis
 „ pascit. Quid faciunt crabrones , cyno-
 „ myæ , viperæ & cantharides ? ” Hæc
 nimirum contingere necesse fuit , cùm
 Regularibus dari placuit , quæ Clericorum
 Sæcularium erant. S. Dominicus Ordi-
 nem Prædicatorum instituit , non Judi-
 cum Inquisitorum : Ipse quidem genus
 quoddam Inquisitionis exercuit , sed con-
 cionando , non judicando , nec reos in car-
 ceres adigendo , examinando , torquendo.

Theses 2. disputationis Tetzelianæ non
 minus stomachum movent : aliquas deli-
 babo.

Thesis 3. hoc dicit. „ Docendi sunt
 „ Christiani , quod Papa Jurisdictionis
 „ autoritate superior totâ universali Ec-
 „ clesiâ , & Concilio , quodque Statutis
 „ suis humiliter sit obediendum.

Theses 4. „ Docendi sunt Christiani ,
 „ quod Papa ea quæ sunt Fidei solus ha-
 „ bet determinare.

Theses 14. „ Docendi sunt Christiani ,
 „ quod veritatem , & Fidem de Indul-

„ gentiis habendis nullus mortalium, imò
 „ nec Concilium generale, sed solus Papa
 „ potest determinare.

Nemo satis intelligit, quam bilem, hæc & similia innumera in populis excitarent contra Inquisitores, & Romanum Pontificem. Dum omnia in populis depravata essent, tu mihi eos docendos dicis de scholasticis quæstionibus super autoritate Papæ ac Concilii &c. Scriptura Diætæ Norimbergensis n. 85., Præ-
 „ terea, inquit, Officiales auri sacræ fa-
 „ me pellecti; usuras, ac pecuniæ fœ-
 „ nus illicitum, nedum non interdicunt,
 „ sed & passim permittunt, fœvent, tu-
 „ tantur: Insuper etiam Clericos, Reli-
 „ giososque & Seculares, accepto ab iis-
 „ dem annuo censu, publicè cum suis
 „ concubinis, pellicibus, & aliis id genus
 „ meretricibus illegitimè cohabitare, li-
 „ berosque procreare sinunt. ” Reminis-
 cor hoc loco ejus, quod habet Erasmus
 tom. 9. Operum *ad Notata per Beddam*
 pag. 485. „ Est apud P. Germanos Epis-
 „ copus quidam, qui ipse dixit in convi-
 „ vio, uno anno ad se delectata undecim
 „ millia Sacerdotum Concubinariorum,
 „ nam tales singulis annis pendunt aliquid
 „ Episcopo. ” Quàm opportuniùs con-
 tra hæc docendi fuissent Christiani.

Regredior ad scriptum Norimbergense
 Rom. Pontifici oblatum ann. 1522. ubi
 n. 90. hoc legitur. „ Pötior Parochorum ,
 „ Sacerdotum , Monachorum , aliorum-
 „ que Ecclesiasticorum pars in diverso-
 „ riis , stabulis , ac choreis populorum
 „ turbis se immiscent : in plateis item ha-
 „ bitu minüs decenti , ut puta gladiis ,
 „ vestibisque ludicris ; præterea rixis ;
 „ jurgiis , litibus , altercationibus , Laicos
 „ ad iras & consequenter ad arma pro-
 „ vocant , vulnerant , non nunquam etiam
 „ confodiunt : Dein excommunicationis
 „ fulmine miserabiles illos Laicos , vel
 „ quos læserunt eo usque divexant , quo-
 „ usque ad libitum suum Laici se cum his
 „ composuerint.” Legatur idem scriptum
 Dietæ Norimbergensis sub titulo 82.
Quam levibus ex causis pauperibus Sacra-
menta denegentur : sub titulo 86. de non fe-
rendis ultra oneribus , quibus misera plebs pro
Sacramentorum administratione gravatur :
 Legantur gravissima alia scelera sub sin-
 gulis titulis : Quo igitur tempore tanta
 criminum colluvies per Germaniam , imò
 universam Christi Ecclesiam exundat ; tu
 Apostolicus Inquisitor & concionator pu-
 tas te , atque alios facturos operæ pre-
 tium , si pro concione Dei populum do-
 ceas de superioritate Papæ in Concilium

&c. idemque doceant & cæteri. Non itaque immeritò de his hominibus adeò miserè rem Catholicam gerentibus scribit Erasmus tantæ pravitatis acerrimus insectator, & ideò Mendicantibus plurimis eorum temporum invisus, in Appendice Apologiæ contra Stunicam de non nullis Dominicanis Lovaniensibus & Coloniensibus, non nullis etiam Carmelitis.

„ Habent, inquit, Fidem & Pontificem
 „ in ore, sed quidam illorum, dispaream
 „ nisi pluris faciunt unum lautum convivium,
 „ quàm totum Pontificem cum
 „ Fide Catholicâ, & sic agunt Pontificis
 „ negotium, ut si quis vellet eum invium
 „ reddere bonis omnibus, non posset
 „ magis. ” Nùm ii homines Pontificem odio,
 „ atque irrisioni obnoxium facerent,
 „ disjudicet, qui sequentia legerit.

Theses 17. „ Docendi sunt Christiani,
 „ quod Ecclesia multa tenet, ut Catholicas
 „ veritates, quæ tamen sicut nec in
 „ Canone Bibliæ, ita nec à Doctoribus
 „ antiquioribus ponuntur. ” Quantum hæc odium,
 „ atque irrisionem Universæ Ecclesiæ conciliant,
 „ quæ non alia fidelibus explicat, nisi quæ in verbo,
 „ scripto, aut tradito continentur, neque alias agnoscit
 „ Catholicas veritates?

His adde Thesim 89. ex primâ dispu-

tatione Tetzelianâ : Lutherus enim præferens opera Evangelica Indulgentiis dixerat, quod, *si Campanarum sonitu, aliisque Ceremoniis indicuntur Indulgentiæ, majori pompâ prædicandum erat Evangelium.* Non abnuo hoc Lutheri dictum debere sano modo intelligi, ac prudenter. Quis tamen ferat huic propositioni erroris notam per Tetzelium inuri &c. Itaque hoc Tetzel. vulgavit Thesi 89. *Mentem Pontificis esse, quod si unâ Campanâ, unis Pompis, ac Ceremoniis Veniæ celebrentur, Evangelium centum Campanis, Pompis, ac Ceremoniis.* Error. Hæc Tetzel. An non hoc est detridendum Pontificem propinare &c. Vide cui tandem propositioni teterrima erroris censura inuratur &c.

C A P U T V.

*Silvestri Prieratis S. Palatii Apostolici Magistri, & aliquando Inquisitoris Acta in Lutherum, magnam causam dedere Schismati-Luthe-
rano.*

EX his aliisque multis, quæ prætermitto, exacerbatus est per Tetzelium

Inquisitorem Lutherus : At multò etiam magis per Silvestrum Prieratèm, Magistrum S. Palatii, & aliquo etiam tempore Inquisitorem in nonnullis Lombardiæ Civitatibus. Illicò, ut Lutheri Theses accepit Silvester, calamus acuit, ac libellum conscripsit: At quem Deus bone! Conferamus, si placet utriusque in scribendo modestiam : Ad suas 95. Theses hanc addidit protestationem publicam, typisque vulgavit Lutherus.

„ Ego Martinus Luther, publicè testatum volo, propositiones aliquot contrà Pontificales, ut vocant, Indulgentias à me editas esse; etsi autem me hætenus, neque celeberrima hæc, & laudatissima schola nostra, neque Civilis, aut Ecclesiastica potestas condempnaverit, sunt tamen, ut audio, quidam præcipitis, atque audacis ingenii homines, qui re quasi benè cognitâ & perspectâ, hæreticum me pronunciare audent. Ego verò, ut ante sæpè, ita nunc quoque per Fidem Christianam obtestor singulos, vel ut meliorem mihi monstrent viam, si quibus hæc divinitus est revelata, vel certè suam sententiam Dei, & Ecclesiæ Judicio submittant; non enim adeò temerarius sum, ut meam solius opinionem cæteris omnibus

„ nibus anteferam , neque tam stupidus
 „ etiam , ut Verbum Dei fabulis humana
 „ ratione excogitatis præferre velim : ”
 Hæc Lutherus : Audiamus jam Silvestrum
 Dominicanum. Libelli titulus hic fuit.

„ Reverendi P. Fr. Silvestri Prieratis
 „ Ord. Prædicatorum , & S. Theologiæ
 „ Professoris celeberrimi , Sacrique Pala-
 „ tii Apostolici Magistri in præsumptuo-
 „ sas Martini Lutheri Conclusiones , de
 „ Potestate Papæ , Dialogus.

„ Non potui , quin Martino , nescio
 „ cui Luther , qui in veritatem ipsam ,
 „ & hanc S. Sedem cervicem elevatam
 „ ostentat , me scutum opponerem pro Se-
 „ dis hujus , proque veritatis honore , ac
 „ majestate pugnaturus. Tridui labore
 „ istud absumpsi Ità fiet , ut tantâ
 „ sim post hâc fiduciâ ; ac si fidâ loricâ
 „ instructus essem , ut etiam satanam ip-
 „ sum , in futuro certamine non exti-
 „ mescam , imò avidus experiri cupiam ,
 „ an *Ferreum nasum* , aut *Caput æneum* ge-
 „ rat iste Martinus , ut effringi non possit . ”

At non unus Silvester eâ ætate fuit. Eras-
 mus Epist. 551. datâ Lovanio ann. 1520.

„ Hic ego lapidor quotidie Dominicanor-
 „ um & Carmelitarum conviciis , id est
 „ nominatim , & in publicis concionibus.
 „ Sed nihil aliud efficiunt , nisi ut popu-

„ lus intelligat, illos agitari malis furiis. ”
 Et Epist. 76. ann. 1525. Cùm à Dominicanis Lovaniensibus liber in ipsum editus fuisset plenus conviciis, „ Ad-
 „ versùs Lutheranam factionem, haud
 „ absque capitis mei periculo, & isthic
 „ Lovanio suscitantur tales Tragediæ....
 „ Est mihi pax cum Pontifice, cum Cæ-
 „ sare, cum Ferdinando, cum Cardi-
 „ nalibus, cum Regibus, cum Ortho-
 „ doxis Episcopis, cum uno Egmun-
 „ da-
 „ no, cum Vincentio Alameriensi pax
 „ coire non potest ” (horum prior Car-
 „ melita erat, alter Dominicanus, ambo ar-
 „ cto fœdere juncti cum Hochstrato Do-
 „ minicano Inquisitore) „ Toties dixi &
 „ repeto ; si quid offenditur in libris
 „ meis, quod in meritò offendat aures, ani-
 „ mosque vestros, indicate, mutabitur ;
 „ & habebitur gratia. Dissentimus inter
 „ nos verbis potius, quàm sententiis : Ego
 „ paratus sum omnem animi rancorem de-
 „ ponere, non aliter quàm si sim hodie
 „ moriturus ; si qui sunt inter vos, qui
 „ pacem aspernantur, hæc epistola me
 „ liberabit apud Christi Tribunal. ” Ità
 „ ille Erasmus, quem Fratres ac Regulares
 „ plurimi, tanquam semi-hæreticum diffamârunt.

Quid autem in eo Dialogo scripserit

Silvester, quàm quod dignum esset recitato Prologo? quatuor dicendorum fundamenta posuit, ommitto priora duo.

Fundamentum 3. sic habebat. „ Qui-
„ cunque non innititur doctrinæ Eccle-
„ siæ Romanæ, ac Romani Pontificis,
„ tanquam regulæ Fidei infallibili, à quâ
„ etiam S. Scriptura robur trahit, & au-
„ thoritatem, Hæreticus est.” Audivimus
Ecclesiam, Pontificem, autoritatem ex
S. Scripturis habere; sed sacram Scrip-
turam habere suam auctoritatem à Roma-
no Pontifice non sine horrore, ac scan-
dalo ex Silvestro audimus, atque ità
audimus, ut nisi etiam credamus, Hære-
tici judicemur.

Fundam 4. „ Ecclesia Romana, sicut
„ verbo, ità & facto potest circà Fidem &
„ Mores aliquid decernere... Qui circà In-
„ dulgentias dicit Ecclesiam Romanam
„ non posse facere, quod de facto facit, hæ-
„ reticus est.” Estne quo ulteriùs pertingat
putida Adulatio? Aliam ab hoc Silvestro Fi-
dem habebat S. Pius V. qui improbavit
Quæstores Indulgentiarum, quibus inno-
center usi fuerant Romani Pontifices, eos-
que à Dei Ecclesia eliminavit: Ac ne omnes
percurram, aliam ab hoc Silvestro Fidem
habuere tot alii Romani Pontifices, qui ali-
quando priorum facta in Beneficiorum col-

lationibus, resignationibus, permutationibus, regressibus, aliisque non approbârunt: sed pudet me in re perspicuâ immorari.

His erroneis fundamentis, quantam ineptiarum & errorum molem superstruxerit Silvester, optimus cæteroquin Canonista, prolixum esset recensere.

Ad Conclusionem Lutheri 23. „ Claves, inquit, Ecclesiæ de attrito faciunt
 „ contritum: undè omnis qui cum attri-
 „ tione confitetur, consequitur contri-
 „ tionem & gratiam, & consequenter in-
 „ dulgentiam & salutem, si perseverat.
 „ Sunt autem valdè multi, qui Indul-
 „ gentiarum tempore confitentur, si cre-
 „ dunt se mortali peccato detineri, & cum
 „ attritione, id est dolore imperfecto,
 „ qui tunc est, quando homo vellet ha-
 „ bere dolorem, & gratiam à Deo nun-
 „ quam de cætero peccandi: undè om-
 „ nes tales consequuntur gratiam, & con-
 „ sequenter indulgentiam, nisi post con-
 „ fessiones, ante Veniæ acceptationem
 „ relabantur.

Satis hæc sunt ad intelligendum, quæ moralis Theologia eâ ætate ante Medinæ probabilissimum dominaretur. Vir adedò celebris, & Inquisitor, & Magister Sacri Palatii Silvester opinionem tuetur scribens contrà Lutherum, quam nostro hoc

ævo tanquam palmarem errorem nemo non rejicit: omnes siquidem cum Tridentino dolorem, ac propositum; non desiderium doloris, satis esse ad Sacramentum docent.

Conclusio 27. Lutheri „ Hominem ,
 „ inquit, prædicant: qui statim, ut ja-
 „ ctus nummus in cistam tinnierit, evola-
 „ re dicunt animam.” Quibus in hunc mo-
 dum Silvester respondet: Prædicator,
 „ qui animam, quæ in Purgatorio deti-
 „ netur, astruens evolare in eo instanti,
 „ in quo plenè factum est illud, gratiâ
 „ cujus plena Venia datur; putà dejecit
 „ aurum in pelvim, non hominem, sed
 „ meram, & Catholicam veritatem præ-
 „ dicat. Tu verò oppositum dogmatizans,
 „ si pertinaciam addideris, vide juxtâ
 „ prædicta, quid indè merearis, factum
 „ & Doctrinam S. Romanæ Ecclesiæ
 „ reprehendens: Nec plus est reprehen-
 „ sibilis Declamator sic docens, quàm
 „ coquus fastidienti stomacho substantia-
 „ les cibos accidentalibus saporibus exa-
 „ cuens.” Mitto ineptias de saporibus,
 & coquo, de doctrina expostulo: Quæ-
 ritur inter Theologos, quid discriminis
 intersit inter Indulgentiam concessam vi-
 vis per modum absolutionis, & defunctis
 per modum suffragii? Varii varia. Ca-

jetanus tom. 1. Opusc. Tract. 16. quæst. 5. & 6. Cano lib. 12. de locis Theol. cap. 13. & Corduba quæst. 15. de Indulg. Ità explicant, ut dicant Indulgentiam per modum suffragii non esse infallibilem omnino, sed pendere semper ex liberâ acceptione, & misericordiâ Dei. Hæc opinio celeberrima ex diametro opponitur opinioni Silvestri. Verum nè mihi plusquam evagandum sit, legendus ex modernis Amort. in suo Tractatu de Indulgentiis. Indè agnosci potest, quàm alienum sit à mente graviorum Theologorum, animam evolare e Purgatorio ad tinnitum aurei decidentis in pelvim, quam Silvester vocat meritam, & catholicam veritatem, cui qui repugnet, habendus sit Hæreticus dogmatizans.

Ad Conclusionem 28. Lutheri „ Certum est nummo in cistâ tinniente augeri quæstum & avaritiam posse, Suffragium autem Ecclesiæ est in arbitrio Dei solius. ” Hæc reponit Silvester. „ Certum est etiam istam Conclusionem esse detractariam, & viri ponentis os in Cœlum, nec minùs certum est, erroneum, & hæreticum esse dicere, quòd extante causâ rationabili, Papa non potest pro voluntate plus & minùs dare de Suffragio unius alteri, cùm hoc Deus sibi concesserit.

Quid hoc arrogantius dici potuit, & à veritate magis alienum? Mitto Cajetanum, Canum & Cordubam, quos jam retuli, legatur Amort. & alii, ut intelligatur, quàm multùm pendeat ex arbitrio divino, & ex quibusdam dispositionibus, non modò defunctorum, sed etiam vivorum Indulgentia, si opinionibus standum sit Theologorum celeberrimorum.

Interim ad has censuras veluti de Hæresi toties in Lutherum jactatas à Silvestro, & quidem sub ea prima tempora immerito, quis se contineat, ne usurpet verba Erasmi ità scribentis ad Albertum Cardinalem Moguntinum de Dominicanis inimicis Caplonis, quorum præcipuus Inquisitor Hochstratus: „Ob quam
„libet, inquit, levem causam, statim hoc
„habent in ore, Hæresis est. Olim hæ-
„reticus habebatur, qui dissentiebat ab
„Evangeliiis, ab articulis Fidei, aut ab
„his, qui cum iis parem obtinerent auctoritatem. Nunc si quis unquam dissentiat à Thomâ Aquinate, vocatur Hæreticus, imò si quis à Commentitiâ ratione, quam heri Sophista quispiam in Scholis commentus est; quidquid non placet, quidquid non intelligunt, Hæresis est, Græcè scire Hæresis est, ex-
„politè loqui Hæresis est, quidquid ipsi

„ non faciunt Hæresis est. Fateor grave
 „ crimen est viciatæ Fidei, sed non oportet
 „ quidvis trahere in quæstionem Fi-
 „ dei, & qui tractant Fidei negotium,
 „ debent ab omni specie ambitionis, quæ-
 „ stus, aut odii, vindictæque procul abes-
 „ se. At quid isti præ se ferant, quis est,
 „ qui non videat? ” Hæc ab Erasmo non
 hyperbolicè dici, sed omninò verissimè
 sciet quisquis vel ex solis duobus tomis
 literarum Erasmi, aliorumque eruditissi-
 morum virorum, quæ unà admiscuntur,
 leget innumera horum omnium exempla.
 In Silvestri Dialogo, de quo modò agi-
 tur, hæc habentur ad Conclus. Luth. 15,
Ego verà cum D. Thomâ, cujus Doctrina,
quantum ad Fidem, & Mores attinet, per
regulam Fidei Ecclesiam Romanam & dis-
cussa, & probata est, dico, &c. quibus
 consonat, quod Castro testatur, se suis au-
 ribus audivisse à Dominicano Conciona-
 tore, & refert etiam Cardinalis d'Agui-
 re sub finem suæ Theologiæ.

Quisquis D. Thomæ contradicit, Hæreticus
est. Illud etiam verissimum, quod de lin-
 guis dicebatur ab Erasmo, nam Domi-
 nicanis plerosque suspectos fuisse Hære-
 scos, tantum, quia græcè sciebant, de-
 monstrat Angeli Politiani Prologus, in
Plauti Menochmos, & Budaus in opere de

studio literarum rectè instituendo, sub initium.
Et Benignus Santes in opere de recta pronun-
ciatione: voce Paracletus cap. 44. Quare jac-
 tabatur tanquam effatum eorum Fratrum,
 cavendum est à Græca linguâ, ei qui nolit
 esse Hæreticus: Neque illud hyperbolice
 ab Erasmo dictum de Poësi. Hæc accipe
 ex Hieronimo Squarciafico, qui auctor
 Petrarchæ ferè coævus, ejusdem vitam
 scripsit. Hoc autem de Petrarcha narrat,
 quod ex ipsiusmet ore accepit. " Fuit,
 inquit, in vitâ præfixâ tom. 1. Operum
 Petrarchæ „ Fuit, illâ tempestate no-
 „ men Poëticum ita invisum, ut qui ea stu-
 „ dia sequeretur, Magum, Sortilegum,
 „ & Hæreticum esse dicerent. Erat tunc
 „ hæreticæ pravitatis Inquisitor quidam
 „ Marcus Picens de Solipodio oriundus
 „ Frater rudis, & omnium bonarum li-
 „ terarum omninò expers, qui temerario
 „ ausu in non nullos injicere manus ten-
 „ tavit, & nisi provisum fuisset, maxima
 „ oriri videbantur scandala, sed cognitâ
 „ illustrium hominum scientiâ, & Fra-
 „ trum avaritiâ, quæ à falso zelo veræ Re-
 „ ligionis proveniebat, Solipodius tan-
 „ quam bonarum disciplinarum ignarus
 „ explosus est, non tamen sine labore
 „ se purgavit Petrarcha. " Illud etiam
 gravius, quòd à censuris ad carceres,

vincula , aliasque multas , ac pœnas pro-
 cedi consuevit ; qua de re Erasmus in
 Apologiâ adversus Monachos Hispanos
 tom. 9. pag. 1057. „ Res agitur per Re-
 „ latorès deputatos , ac Judices Mona-
 „ chos , nec sincerè , nec legitimâ juris
 „ formâ , pronunciant in carcere tres
 „ Priores Monachi , duobus testibus , &
 „ apparatus rogus. . . . Interdum Mona-
 „ chi vanum spargunt rumorem , mox
 „ veluti suspectum pertrahunt in carce-
 „ rem , ibi disputant suo more , notantur ar-
 „ ticuli , & parantur fasciculi ad combu-
 „ stionem .” Sanè Silvester qui Inquisitor
 etiam fuit , censèbat esse Hæreses tot op-
 timas opiniones ; quarum imbuti docti
 viri , si ab hoc Inquisitore deprehensi fuif-
 sent , Hæreticorum pœnas ab eo fuissent
 perpeffi.

Ex hoc de quo agimus Silvestri Prie-
 ratis Dialogo , aliisque deinde libellis fa-
 rinæ ejusdem , quos conscripsit ; illud
 minimum malum extitit , *quod irrisus fue-
 rit ab omnibus , & Romæ impositam illi fue-
 rit silentium* , ut in utrâque Apologiâ ad
 Albertum Pium asserit Erasmus , veluti
 rem ætate illâ omnibus notam : Illud gra-
 vius extitit rei Catholicæ damnum , quòd
 Lutherus rabie , ac desperatione actus
 obedientiæ jugum excussit , & in schis-

ma, apertasque Hæreses prolapsus est, cum enim Cardinalis Cajetanus illum ad Palinodiam cogeret, nec satis illi esset silentium utrique parti imponere, ut idemmet Lutherus orabat, & Raynaldus in Annalibus refert: nihil autem Palinodiæ, seu retractationis, alteriusve pœnæ à Tetzelio expeteretur; (increpatio enim à Militizio Internuncio Pontificio facta, non nisi post vulgatum schisma fuit) præterea cō Romæ res adducta esset, ut idemmet Silvester in Judicem Luthero datus esset; in eum tandem Lutherus furorē erupit; quæ ejus libri demonstrant: nec frustrā erupit; nam arrogantia adversariorum, amorem plurimorum, ac commiserationem Luthero conciliavit.

Rem narrabo verbis Coclæi, qui Lutheri acerbissimus hostis fuit. Hæc autem narrat in libro de actis, & scriptis Lutheri. „ Dum quereretur injustè se premi ab „ Adversariis, brevi maximum sibi conciliavit favorem, non modò apud simplicem populum, verùm etiam apud ple- „ rosque graves, & eruditos viros, qui „ in verbis ejus genuinâ simplicitate credentes, putabant Monachum nihil aliud „ quærere, quàm veritatis Patrociniũ „ contra Questores Indulgentiarum, qui „ magis pecuniarum, quàm animarum

„ zelatores viderentur , sicut criminaba-
 „ tur eos Lutherus.

Hos inter viros graves , & eruditos fuit
 Erasmus , qui nunquam Lutheri errores
 probavit , sed zelum in abusus , in quo
 tamen ipso moderationem exoptabat. Nam
 ad Lutherum scribens sub ea turbarum ini-
 tia Epist. 427. „ Mihi videtur plus pro-
 „ fici civili modestiâ , quàm impetu.
 „ magis expedit clamare in eos , qui Pon-
 „ tificum authoritate abutuntur , quàm
 „ in ipsos Pontifices. Idem de Regibus
 „ faciendum : Scholæ non tam aspernan-
 „ dæ sunt , quàm ad studia magis sobria
 „ revocandæ.

Pergit Coclæus. „ Hinc Lutheri mi-
 „ seria Poëtarum , Rhetorumque cohors ,
 „ & in adversarios ejus odio accensa , im-
 „ pigrè pro eo , & linguâ & calamo de-
 „ certabat , causamque ejus Laicis com-
 „ mendabilem reddebat , ac variis cavi-
 „ lis , & invectivis Prælatos , Ecclesiæque
 „ Theologos perstringebat : incusans eos
 „ avaritiæ , superbiæ , invidiæ , barbarici
 „ & ignorantiae , qui innocentem Luthe-
 „ rum non ob aliud persequerentur , quàm
 „ ob doctrinam ; quod videretur , & esset
 „ doctior eis , & liberior ad dicendum
 „ veritatem , contra imposturas , & præ-
 „ tigas hypocritarum , cùmque valerent

„ non solum ingenio , & acrimoniâ , ve-
 „ rum etiam elegantiam sermonis ; sive lo-
 „ quendum , sive scribendum esset : facile
 „ traxerunt animos Laicorum in favorem ,
 „ commiserationemque Lutheri , tanquam
 „ is propter veritatem , & justitiam vexa-
 „ retur ab Ecclesiasticis , invidis , ava-
 „ ris , indoctis , qui in otio , luxuque vi-
 „ ventes superstitionum adinventionibus
 „ à simplici plebe pecuniam emungerent.
 „ Tezelio itaque , qui antea quoque per
 „ Indulgentiarum frequentes prædicatio-
 „ nes pecuniarum collector fuerat ; per
 „ hujusmodi querimonias , criminationes-
 „ que tum Lutheri , tum Poëtarum , &
 „ Rhetorum , in dies magis , ac magis de-
 „ crescebat autoritas apud populum , mi-
 „ nuebatur plebis ad Indulgentias devo-
 „ tio , invisi reddebantur Quæsttores , &
 „ Commissarii , rarefiebant manus lar-
 „ gentium : Luthero autem augebatur
 „ autoritas , favor , fides , existimatio ,
 „ fama , quod tum liber , acerque vide-
 „ retur veritatis assertor , contra fraudes
 „ Quæstorum , & fumos Bullarum , quas
 „ non gratis darent , sed pecuniis vende-
 „ rent Indulgentiarum Commissarii. Hæc
 „ Coclæus , cui similia Ulembergius , uti
 „ videre est in Raynaldi Annalibus Ec-
 „ clesiasticis ad annum 1518. n. 99.

Erasmus autem ad Georgium Ducem
 Saxoniae, & egregium Catholicum Epist.
 635. „ Monachi quidem, ac Theologi
 „ parum sobriis, stultis, indoctis, ac se-
 „ ditiosis clamoribus malum hoc exagi-
 „ tarent, & ex malo pessimum, ex mi-
 „ nimo maximum reddiderunt. Nam ini-
 „ tio nihil periclitabatur præter quæstum
 „ Indulgentiarum. ” (Quem tandem eli-
 minavit Papa Pius V. eliminatis Quæsto-
 ribus) & in responsione ad Albertum
 Pium Carporum Principem tom 9. Ope-
 rum p. 1141. „ Dominicani quidam hæc
 „ de Indulgentiis nimis adulanter & im-
 „ prudenter, ac propè dixerim blasphemè
 „ jactantes apud populum, excitâ-
 „ runt Lutherum, ut proponeret aliquot
 „ Propositiones disputandas, quibus sic
 „ respondit Silvester Prieras, ut exar-
 „ serit incendium. ” Exarsit autem hæc
 ratione: Septimo mense post eas Theses,
 de quibus sæpe dictum est, ea scripsit,
 quæ narrabo verbis Ulembergii cap. 2.
 apud Raynald. in Annalibus ad ann. 1518.
 n. 95. „ Lutherus scripsit Analysim The-
 „ sium suarum, vel Exegesim si dicere ma-
 „ vis, valdè prolixam: Staupitium Gene-
 „ ralem Ordinis S. Augustini Vicarium in
 „ Germania. rogat ut hanc Analy-
 „ sim ad Leonem X. Pontificem perferri

„ curet, cui libellum hunc in eum finem
 „ dedicare voluit, ut omnem à se Hære-
 „ seos, & inobedientiæ suspicionem re-
 „ moveret: In Præfatione, „ Beatissime Pa-
 „ ter, inquit, prostratum me pedibus
 „ tuæ Beatitudinis offero cum omnibus,
 „ quæ sum, & habeo : vivifica, occide,
 „ voca, revoca, approba, reproba, ut
 „ placuerit ; vocem tuam, vocem Chri-
 „ sti in te præfidentis agnoscam ; si mor-
 „ tem merui, mori non recusabo. ” Ple-
 „ rique putant Lutherum ista non sincero
 „ animo scripsisse, quia paulò post plura
 „ scripsit furore plena. Levissima sanè ratio.
 „ imò si animo hæretico tùm fuisset, for-
 „ tassè humilitatis ac pietatis laudem in suâ
 „ Epistolâ quæsiisset, non autem Catho-
 „ licæ Fidei publicâ Confessione, vocem
 „ Christi in Pontifice præfidentis, & lo-
 „ quentis agnosceret.

At verò cùm Silvester non contentus
 Dialogo quem memoravi, Epitomen etiam
 quandam in Lutherum deindè scripsisset,
 multis conviciis, ineptiis, erratis scatèn-
 tem, irâ, ac furore æstuavit Lutherus,
 & duo quædam scripta in Silvestrum con-
 fecit, multa in eo corripiens, sed illud
 præcipuè, quod à *Pontifice robur & au-*
toritatem accipere dixisset, quemadmodum
 suprâ retuli, *Scripturas sacras*, dictum

sanè indignum Inquisitore , & Magistro
 Sac. Palatii, qui se *Romanæ veritatis Pro-*
fessorem & Ministrum nuncupat in cap. 1.
 fusioris operis, quod contrà Lutherum
 scripsit sub hoc titulo. „ Errata & Ar-
 „ gumenta Martini Lutheri recitata, de-
 „ tecta, repulsa & ignominiosissimè trita.

Hæc itaque æstu furoris scripsit Lu-
 therus, quæ in Annalibus Eccles. Ray-
 naldi recitantur ad ann. 1518. n. 93. „ Si
 „ Romæ sic sentitur, & docetur, (nimi-
 rum ut Silvester scripserat, inquit cum
 Coclæo Raynaldus) scientibus Pontifi-
 „ ce, & Cardinalibus, quod non spero;
 „ liberè pronuntio his scriptis, Antichri-
 „ stum illum verè sedere in Templo Dei,
 „ & regnare in Babylone illâ purpuratâ
 „ Româ; & Curiam Romanam esse Si-
 „ nagogam Satanæ..... si sic Roma cre-
 „ dit, beata Græcia, beata Bohemia,
 „ beati omnes, qui sese ab illâ separave-
 „ rint. & ego quoque, si Pontifex, &
 „ Cardinales *hoc os satanæ Silvestrum* non
 „ compescuerint, & ad Palinodiam ade-
 „ gerint, his Theſibus confiteor, me dis-
 „ sentire Romanæ Ecclesiæ, & negare
 „ eam cum Papâ & Cardinalibus, tanquam
 „ abominationem stantem in loco sancto.
 „ Nunc vale infelix, perdita, & blasphe-
 „ ma Roma.” Et in aliâ posteriori Epi-
 stolâ.

stolâ. „ Mihi videtur , si sic pergit furor
 „ Romanistarum , nullum reliquum esse
 „ remedium; quàm ut Imperator , Reges,
 „ Principes , vi , & armis accincti aggre-
 „ diantur has pestes orbis terrarum , rem-
 „ que non jam verbis , sed ferro decer-
 „ nant. Si fures furcâ , si latrones gladio ,
 „ si Hæreticos igne plectimus , cur non
 „ magis hos Magistros perditionis , hos
 „ Cardinales , hos Papas & totam istam
 „ Romanæ Sodomæ colluviem , quæ
 „ Ecclesiam Dei sine fine corrumpit , &
 „ manus nostras in sanguine istorum la-
 „ vamus , tanquam à communi , & om-
 „ nium periculosissimo incendio , nos no-
 „ strosque liberaturi. ” Hæc ait Lutheri
 furor ; quæ sanè absque animi horrore , à
 Catholico viro legi nequeunt ; ostendunt
 tamen , quàm opportunè ab Apostolo di-
 ctum sit. *Patres nolite ad iracundiam pro-*
vocare filios vestros. Provocârunt autem ad
 iracundiam , qui ad errores profectò pal-
 mares Tetzeli , & Silvestri obmutesce-
 bant , in Lutheri Theses solius fremebant :
 in quibus , si quid ego judicando valeo ,
 multò minora errata deprehenduntur , pro
 eâ ætate ante decretum Tridentini de In-
 dulgentiis ; de quibus tam variæ Catho-
 licorum opiniones circumferuntur adhuc.

Quid autem ab eâ curiâ expectes , in quâ

Dominicani contra Augustinianos dominabantur.

„ Interea Romæ, subdit Coclæus, &
 „ ex eo Raynaldus, ab Adversariis pro-
 „ curabatur *citatio*, quâ per Fiscalem Pa-
 „ pæ vocabatur in jus Lutherus, designa-
 „ tis ad eam causam Judicibus Hyerony-
 „ mo de Genutiis, Episcopo Asculano Au-
 „ ditore Camerae; & Silvestro Prierate
 „ Theologo, Magistro S. Palatii.” Vi-
 des, Lector, quàm potens, tunc quoque
 Romæ esset Ordo Dominicanorum, ma-
 gno tamen suâ & Ecclesiæ malo: Nisi
 enim rerum potens fuisset hic Ordo in cu-
 riâ Romanâ, nullo pacto fieri potuisset,
 ut idem *ille Silvester*, qui adeò acerbè
 Lutherum laceraverat, & tanquam pecu-
 liaris hostis ab hoste diffidebat; qui tot
 errores eâ ipsâ in causâ, atque ineptias
 asseruerat, qui præter alia innumera, etiam
 sacram Scripturam à Romano Pontifice
 robur, & auctoritatem accipere Romanæ
 Veritatis Minister evulgaverat, idem ille
 in Lutheri Judicem deligeretur. Habent
 quo se solentur ab hoc exemplo Francilca-
 ni, Augustiniani, Carmelitæ, Jesuitæ, alii-
 que Regulares, qui sub Dominicano jugo
 esse conqueruntur.

CAPUT VI.

Acta Cajetani in Lutherum.

PErgunt Coclæus & Raynaldus. „ Lu-
 „ therus verò conquestus de infi-
 „ diis , quòd , nusquam tutò consiste-
 „ ret , & de Judicibus sibi suspectis....
 „ per Ducem Saxonix Fridericum so-
 „ licitavit , ut causa ad partes commit-
 „ teretur ; commissà igitur fuit Tho-
 „ mæ de Vio Cajetano , Cardinali san-
 „ cti Sixti qui eo tempore erat in Ger-
 „ maniâ Sedis Apostolicæ de latere Lega-
 „ tus. Quamvis verò & hic Judex Luthe-
 „ ro vehementer displiceret , quòd Tho-
 „ mista esset , & Ordinis Prædicatorum ,
 „ ne tamen omninò contumax & rebel-
 „ lis videretur , comparuit coram illo Au-
 „ gustæ , mense Octobri 1518. anno ni-
 „ mirùm post vulgatas Theses.

Videre mihi videor hærrere Lectorem ,
 ac stupere de Cajetani electione in Judi-
 cem Commissarium , nimirùm ea erat
 Causa in quâ Lutherus , cui tunc tempo-
 ris Augustiniani Germani adhærebant , li-
 tem habebat cum *Tetzelio* , ac *Silvestro* ,
 ac reliquis Dominicanis : Quid magis ab

omni jure naturali , canonico , civili alienum , quàm hujusmodi Causæ dijudicandæ , iterùm præfici Dominicanum ? hucine rerum ventum erat , ut Ordo Prædicatorum , supremum hunc potentiæne dicam , an tyrannidis apicem contrà Augustinianos attigisset . Fausta omnia , ac felicia precor clarissimo S. Dominici Ordini , ità tamen , ut unius Ordinis autoritas , & gratia , Ecclesiam propugnet , non evertat . Sed ex Ulembergio , & Raynaldo ibidem alia audiamus .

„ Adiit Lutherus Cardinalem , qui per-
 „ benignè venientem excepit (verbis sci-
 „ licet , an etiam factis videbimus) &
 „ tria quædam illi proposuit nomine
 „ Pontificis : primum erat , ut ab erro-
 „ ribus rediret in viam , eaque revocaret ,
 „ quæ contrà receptam Ecclesiæ Do-
 „ ctrinam in Thesibus , & in Sermone
 „ de Indulgentiis asseruisset ; alterum , ut
 „ deinceps ab iis docendis abstineret ,
 „ eamque rem , datâ fide promitteret ;
 „ tertium , ut nec imposterum alia divul-
 „ garet à probatis in Ecclesiâ dogmati-
 „ bus aliena : Respondit Lutherus , se
 „ nullos in suis scriptis errores agnosce-
 „ re , si qui sint tamen , rogare se ut i
 „ demonstrentur . Cardinalis duos illi ob-
 „ jicit errores è Thesibus exceptos , ni-

„ mirum , quòd virtutem Indulgentia-
 „ rum è Thesauro meritorum Christi di-
 „ manare neget ; deinde quòd in usu Sa-
 „ cramentorum novam quandam Fidem
 „ exigat, eâque solâ dicat hominem justi-
 „ ficari. Prius illud Clementis VI. De-
 „ creto de Indulgentiis , alterum multis
 „ Sacrarum Literarum testimoniis ad-
 „ versari. Lutherus utramque assertio-
 „ nes tueri volens, principio Clementis
 „ decretum conciliare cum suâ opinione
 „ nitebatur, quod frustrâ fieri Cardina-
 „ lis asseribat ; undè disceptatio quædam
 „ inter illos exorta est, verbis ultrò ci-
 „ troque commutatis, ut inter discep-
 „ tantes fieri solet. Lutherus deliberandi
 „ spatium petiit: In diem sequentem Stau-
 „ pitium Vicarium Generalem Augusti-
 „ nianorum secum adduxit, aliosque non-
 „ nullos, tùm Notarium & Testes ; &
 „ magnis quibusdam viris præsentibus,
 „ inter quos, & Consiliarii Imperatoris
 „ quatuor erant, solemniter protestatus
 „ est, colere se reverenter, & sequi Ec-
 „ clesiam Romanam in omnibus dictis
 „ suis, & factis præteritis, & præsentibus,
 „ & futuris.

Fusiùs hæc prosequitur Coclæus om-
 ninò legendus, cujus verba Raynal-
 dus refert. n. 104. „ Cùm adessent, in-

„ quit, quatuor viri ex ordine Procerum,
 „ & Confiliariorum Cæsaris, ut omnem
 „ Hæreseos suspicionem è mentibus illo-
 „ rorum tolleret, coram Legato persona-
 „ liter protestationem suam in hæc verba
 „ scriptam, ex Schedâ, quam in manibus
 „ tenebat, legit, ac recitavit. Ego Frater
 „ Martinus Luther Augustinianus, pro-
 „ testor me colere, & sequi sanctam Ro-
 „ manam Ecclesiam in omnibus meis di-
 „ ctis, & factis; præsentibus, præteritis,
 „ & futuris; quòd si quid contrà, vel
 „ aliter dictum fuit, vel fuerit; pro non
 „ dicto haberi, & habere volo.

Quisquis ignarus esset futurorum, pu-
 taret profectò pacem Ecclesiæ redditam
 fuisse humillimâ hâc Lutheri protesta-
 tione, imò veriùs Palinodiâ, abundèque
 satisfactum Legato, eo ipso tempore,
 quo Dominicani duo Terzelius ac Silve-
 ster, qui pejora vulgaverant prioribus
 Lutheri Thesisibus, ad canendam Palino-
 diam, ne verbo quidem adigerentur. Ni-
 mirùm hoc in loco cadit illud Poëtæ.

*Corpora magnanimo satis est prostrasse Leoni,
 Pugna suum finem, cùm jacet hostis,
 habet;*

*Sed lupus, & turpes instant morientibus Ursi,
 Et quæcumque minor nobilitate fera est.*

Sanè ipsemet Cajetanus ea scripsit , quorum aliqua ex suis commentariis expunxit S. Pius V. Imò Prateolus , cui ego non assentior , ejus nomen recensuit in Catalogo Hæreticorum.

Jam verò hic ipse Cajetanus ad Censuram Parisiensem de propriis erroribus ; non ita sese humanum , docilem , demissumque præbuit , quemadmodum hâc in re Lutherus. Cajetanum laudo , eximiæ probitatis , atque innocentiae hominem , acutissimi ingenii , eximium Philosophum , atque egregium Theologum : sed tamen Fratrem Dominicanum ; quippe qui inter Inquisitores sui Ordinis severius ingenium hausit , reosque subjicere potius ac conculcare didicit , abjurationibus , carceribus , vinculis , censuris , quàm eos in spiritu lenitatis excipere , eorumque famam quàm levissimè lædere , illius misericordiam imitatus , qui *cum magnâ reverentiâ nos disponit*. Non satis itaque visum Legato est , quòd Lutherus minore sui nominis infamiâ generalem Palinodiam caneret , Fideique suæ Professionem coram Notarjò , ac testibus solemniter ederet , omnimodam obedientiam in futurum spondens : omninò voluit ut nominatim errores Thesium de Indulgentiis revocaret ; cùm tamen difficillimum probatu sit.

eos pro eâ ætate ante Tridentinum errores hæreticales fuisse : præcipuè cùm si quid durius ipsi exciderat , coram Legato emollivisset , atque explanasset : Legantur Theses Lutheri apud Amort. in Tractatu de Indulgentiis : & præcipua errata ex iis Thesibus excerpta per Cardinalem Palavicinum : In quibus duo graviora sunt , quòd doceret solam pœnam Canonicam remitti per Indulgentias , non autem in foro Dei : Id nonnulli veteres Theologi à SS. Thomâ & Bonaventurâ relati docuère , ut alibi dixi ; imò si intelligatur eas non remittere pœnas in foro Dei debitas *infallibiliter* , quod satis superque Luthero erat , neque ampliùs sub ea initia cum voluisse putaverim ; gravissimos Theologos etiam post Tridentinum consentientes habet. Aliud gravius erat de Thesauro meritorum Christi , & Sanctorum ; quod etiam ipse interpretatus coram Legato est , ut non dissentiret cum extravaganti Clementis VI. Et sanè Thesaurum negabat , non nisi relatè ad eos indiscretos Quæstorum abusus , quos boni quoque detestabantur : negabat propterea relatè ad remissionem pœnarum in foro Dei omninò infallibilem , ubi primum æs *in cistâ tinniret* , non autem si ea diceretur dependens à misericordi Dei voluntate , se-

cundum diversas animorum dispositiones.

Verum præstat audire verba Coclæi ,
 qui cæteroquin Legati partes tuetur acer-
 rimè contra Lutherum., Legatus verò vir
 „ doctissimus (sed tamen Dominicanus)
 „ probè sciens non solum illum in suis reso-
 „ lutionibus, verum etiam in proximo col-
 „ loquio multa protulisse de Indulgen-
 „ tiis , & potestate Papæ , aliter quàm
 „ sentit Romana Ecclesia , (cui passim
 „ plura dogmata Thomistæ illius ævi
 „ affingebant , ut ex Tetzelio , & Silve-
 „ stro animadvertitur) „ institit rursus,
 „ ut illa tria præstaret , quæ ex mandato
 „ Papæ pridè audiverat (at illa quantum
 „ satis abundè præstiterat Lutherus?) ille
 „ verò , Lutherus scilicet , protestabatur
 „ se non esse sibi conscius aliquid dixisse ,
 „ quod sit contra sacram Scripturam, con-
 „ tra Ecclesiasticos Patres , contra Decre-
 „ tales Pontificum , aut contra rectam
 „ rationem. Attamen quia homo sit , qui
 „ errare possit , velit se submittere Judi-
 „ cicio , & determinationi legitimæ S.
 „ Ecclesiæ , & omnibus meliùs sentienti-
 „ bus , nominatim verò Doctoribus insig-
 „ nium Universitatum Imperialium. ”
 Subdit Raynaldus in Annalibus n. 105.
 „ Perstante in sententiâ priori Legato ,
 „ Lutherus flagitavit , ut scripto sibi ref-

„ pondere liceret , obtinuitque rogante
 „ id summis precibus Staupitio. ” Nimirum eo loco res erat , ut tam æqua petitio summis esset precibus obtinenda.

Comparare jam liceat utrumque agendi modum , & quo usus Cajetanus est in Lutherum , & quo deinde PAULUS III. usus est ; quemadmodum ex libro Brevium Pontificiorum narrat Raynaldus ad annum 1535. n. 18. Cùm Augustinus Maynardus Ord. S. Augustini , in Astensi Civitate nonnullas propositiones veneno Lutherano infectas promulgasset , easque molliori & piâ interpretatione leniret ; clementer in gratiam admisit , & infamiæ maculam , quam contraxerat , absterfit.

Rursus Elziarius Miodanus Augustinianus Provincialis , qui propugnauerat hominem *non habere liberum arbitrium antecedenter : tùm peccatorem solâ fide justificari* , vocatusque in jus coram Senatu Aquensi , ad Pontificem provocaverat. „ Licet ,
 „ inquit Raynaldus , de impietate dictorum constaret , & justè severitatem judicariam commeruisset , quia ad sensum Catholicum adduxit , à Pontifice benignè absolutus est. ” Vides quàm distaret PAULUS III. à Dominicano.

In tertio colloquio scriptum suum obtulit Lutherus , in eisdem demissionis ,

excusationis, interpretationis sensus, quos prius. „ Cùm Legatus scriptum legisset, inquit, Ulembergius exscriptus à Raynaldo „ commotus non nihil Cardina- „ lis, verborum congeriem esse respon- „ dit : Lutherum Extravagantem Clem. „ VI. non minùs quàm Scripturæ dicta „ in alium sensum detorsisse, nec verum „ Clementis VI., ac Spiritûs sancti men- „ tem affecutum.

Hæc in Lutherum Cajetanus, nempe quis? Is scilicet, quem Facultas Parisiensis accusavit „ Quòd extra proposi- „ tum plura explicaverit contra sensum „ Ecclesiæ, & Patrum, & plura in „ Evangeliiis, & Epistolis Canonicis in „ dubium vocaverit, an sint authenticæ, „ & solidæ veritatis; adhæc errores va- „ rii (pergit Censura Parisiensis) & lap- „ sus, & dogmata falsa, & impia, & „ quædam hæretica, atque à fide aliena „ in his continentur. Cæterùm multa „ sunt nova, & absurda in iis contenta; „ quæ lectoris animum in varios errores „ inducere possunt: quare ii Commenta- „ rii, aut ab erroribus repurgandi sunt, „ aut obelo configendi, aut supprimendi.” Huc usque Censura Parisiensis, quam P. Ricchardus Simon in criticâ Bibliothecæ D. Du Pin tom. 1. l. 8. Verbo Cajetanus,

dicat se exscripsisse ex Registris Facultatis Parisiensis, quam recito, non propugno.

„ Legatus post hæc, pergit Ulembergius, graviter & paternè admonuit, unàque rogavit, ne sui fiduciâ nimium elatus, plus saperet, quàm par sit; nec novis spargendis dogmatibus perturbaret Ecclesiam, seque ipsum, & alios in sempiternum exitium conjiceret: flecteretque potius rigidam cervicem, & caput in Ecclesiæ sinu reclinaret. Conclussit tandem, nisi aliam mentem induerit, & missis circuitionibus rectam ingrederetur viam, provissum iri.

O Cajetani vocem maximè dolendam Ecclesiæ, ex quâ spes omnis ineundæ cum Luthero concordie abscindi cœpit! Longè secùs gessit sese PAULUS III. Pontifex, quod docent proximè recitata exempla. Utinam Arius in Nicænâ, Nestorius in Ephesinâ, aliique Hæretici in aliis Synodis, eas Confessiones, demissiones, obedientiæ etiam in futurum præstandæ formulas, recitassent: non dubito quin earum Synodarum Patres Anathematis Sententiam in Arium, Nestorium, aliosque ejus generis, non fuissent pronunciaturi. Trinam Christi negationem Petrus Apo-

stolus non abjurando, sed diligendo compensavit : Atqui Lutherus, etiam abjuratæ formulæ scripto dederat, & coram Notario, ac testibus recitaverat. Non ingratum accidere Cajetano debuerat, quod Lutherus, Doctor nempe Wittenbergensis, magnæque apud Germanos estimationis, pudori suo, famæque parceret, molliori, quæ fieri posset, Pallinodiâ. Si ambigebatur, sincerone animo id faceret, suspendenda Sententia erat, & prudenter inspiciendum, num promissis responderet eventus. At interea temporis quid erat, cur contereretur *quassatus calamus*, ut propheticis verbis utar, & *lignum fumigans* extingueretur ? Fatebor ingenuè : Tot ego legi in Ecclesiasticis annalibus, ac monumentis argumenta severitatis, atque acerbitatis in Mendicantibus Inquisitoribus, ac Judicibus ; ut Cajetano, Höchsttrato, Tetzelio, Silvestro, aliisque innumeris congruere censeam, quæ leguntur Ezechielis 34. „ Væ Pastoribus Israël ! Gregem meum non pasce-

„ batis, quod infirmum fuit, non con-

„ solidastis, quod perierat non quæsi-

„ vistis, sed cum austeritate imperaba-

„ tis eis, & cum potentiâ. Dispersæ sunt

„ oves meæ, cò quòd non esset Pastor....

„ Pro eo quod lateribus, & humeris im-

„ pingebatis , & cornibus vestris venti-
 „ labatis omnia infirma pecora , &c.

Quid sibi Cajetanus vellet , cùm in Lutherum comminatus est , *provisum iri* , explicuit paulò post ; cùm , teste Raynaldo num. 107. Censuras Ecclesiasticas , nisi errores revocaret , intentavit. Quinimò rumor pervasit , teste Coclæo de Luthero , ac Straupitio Vicario Generali in carcerem conjiciendis ex Legati mandato. Verùm quis ad hæc non obstupescat. An non revocavit , quantum satis erat , cùm coram Notario , ac Testibus , ac Proceribus ex scripto legit. *Si quid contra Romanam Ecclesiam dictum fuit , pro non dicto haberi , & habere volo , me submitto determinationi Ecclesiæ.* Præcipuè cùm materia Indulgentiarum pluribus adhuc quæstionibus Theologorum involuta , multò autem obscurior esset eâ ætate : cùm & Lutherus Decretalem Clementis VI. quæ ferè unicè illi opponebatur , interpretaretur , non rejiceret ? quid igitur opus fuit , ut Censuræ intentarentur , cùm eodem tempore , eâdemque de causâ nihil tale contrà errores longè turpiores Tetzeli , & Silvestri , cogitaretur ? Haud inutile fuerit animadvertisse ; quo Seculo , nempe XIII. Regulares Mendicantes Inquisitionis munere sibi demandato , in partem Ju-

risdictionis Episcopalis ; vel etiam Pontificiæ vocati sunt ; eodem Seculo novum morem inductum in Ecclesiam fuisse ; & ad magnum numerum excrefcere cœpisse Excommunicationes majores *ipso facto* , sive *ipso jure* : Si pervolvantur , inquit , Van Espen de censur. Ecc. c. 1. §. iv.

„ Canones novem ut minùs seculorum ,
 „ quibus Ecclesia stetit , non creditur re-
 „ periendus Canon , qui contineat hanc
 „ similemque formulam. Qui *hoc fecerit* ,
 „ *aut non fecerit* , sit *ipso facto* , seu *ipso*
 „ *jure excommunicatus* , aut *ipso jure* , seu
 „ *facto excommunicationem incurrat* , vel sub
 „ *pœnâ excommunicationis ipso facto incur-*
 „ *rendæ* , quæ sunt ordinariæ formulæ ;
 „ quibus Excommunicatio latæ sententiæ
 „ exprimitur. Quin imò si integrum Gra-
 „ tiani Decretum seculo duodecimo com-
 „ positum pervolvatur , nescio , num vel
 „ unum excommunicationis latæ senten-
 „ tiæ exemplum reperietur. Hæc Van
 „ Espen. ” Quàmquam Suarez in tra-
 ctatu de Censuris in Gratiani Decre-
 to , putaverat se invenisse unum , aut al-
 terum.

„ In Decretalibus Gregorii IX. operâ
 „ S. Raymundi collectis 36. excommu-
 „ nicationis casus latæ sententiæ , ut nu-
 „ merat Navarrus in Manuali cap. 27.

„ ad universam Ecclesiam extensi fuere
 „ Seculo XIII. Deindè per Sextum De-
 „ cretalium eodem Navarro Teste 32.
 „ alii casus latæ sententiæ inducti, & per
 „ Clementinas alii 50. per Bullam Cœ-
 „ næ, per Extravagantes tum in corpore
 „ juris clausas, tum etiam extrâ, per Con-
 „ stitutiones Synodales & Provinciales,
 „ per visitationes Secularium, ac Regu-
 „ larium penè innumeræ. " Hæc ex Van
 Espen. Nimirum cum XIII. Seculo insti-
 tuti per diversas Provincias Fratres Apo-
 stolici Inquisitores, cum facultate Censu-
 ras ferendi, tam sæpè, ac frequenter gla-
 dio hoc spirituali, uti vel abuti cœpère,
 tam frequentia Censurarum Decreta à
 sanctâ Sede extorquere, ut *Excommuni-*
cationes ipso jure, ipso facto incurrendæ, in
 clausulas quasdam consuetas ac stylum
 curiæ transferint, ac veluti Psalmi in di-
 vinis officiis sacro Trisagio absolvuntur,
 aut communes Ecclesiæ Orationes Christi
 invocatione, ita Ecclesiastica Decreta ex-
 communicationis pœnâ *ipso facto*, sive *ipso*
jure.

Legendus de hâc re S. Petrus Damia-
 ni Card. l. 1. Epist. 12. ad Alexand. 2.
 „ Cunctis ferè Decretalibus paginis Ana-
 „ thema subjungitur. Quam sit hu-
 „ manæ salutis immane periculum, & in-
 „ finitè

„ finitè patens vorago labentium , ac per-
 „ nicies animarum Clementiæ vestræ Pic-
 „ tas non ignorat : dicitur enim : *Qui/quis*
 „ *hæc vel illa non fecerit* , sive certè *quis-*
 „ *quis hoc quod superius statutum est* , irritum
 „ *duxerit* , vel *in aliquo violaverit* , *Anathema*
 „ *sit* : Ubi notandum quàm lubrica , quàm
 „ præceps , subito ruendi illic procuretur
 „ occasio : Delinquit itaque quisquis , ille
 „ est , in Apostolicæ Constitutionis edi-
 „ ctum , & aliquando levi quâdam , ac
 „ perexiguâ offensione transgreditur :
 „ continuo velut Hæreticus , & tamquam
 „ cunctis criminibus teneatur obnoxius ,
 „ Anathematis sententiâ condemnatur :
 „ & cùm dictante justitiâ , aliâ sit ultione
 „ plectendus , qui plus delinquit , aliâ qui
 „ minùs excedit ; hîc graviter , leviter-
 „ que peccantibus , æqua cunctis , & in-
 „ differens pœna , solius scilicet Anathe-
 „ matis irrogatur : non Tribunalium
 „ more , vel Forensis examinis , aut li-
 „ bertas læditur , aut possessio confisca-
 „ tur , nec pecuniariæ mulctæ reus addi-
 „ citur , sed Deo potiùs , omnium scilicet
 „ Creatore privatur. Hanc itaque homo
 „ de homine pœnam sumet , quam de sui
 „ transgressione mandati , Deus ipse quo-
 „ que omnipotens , non præsumit. *Qui*
 „ *amat* , inquit , *Patrem* , aut *Matrem* plus-

„ *quam me*, non continuò addit sit *ana-*
 „ *thematizatus*, vel *maledictus*, sed tantùm
 „ ait. *Non est me dignus* : Et in lege ;
 „ *Oculus pro oculo, dens pro dente exigitur*,
 „ nec continuò qui reus est, de Synagogâ
 „ projicitur, vel maledictione damnatur.
 „ Porrò nec B. Papa Gregorius, vel cæ-
 „ teri Patres, qui diversis temporibus in
 „ Apostolicæ Sedis regimine floruerunt,
 „ hunc morem observasse in suis Decretis
 „ reperiuntur, & vix eorum aliquando
 „ Anathema subnectitur : nisi cum Ca-
 „ tholicæ Fidei clausulâ terminatur.
 „ Quam ob rem si Sanctæ prudentiæ ve-
 „ stræ placet, hunc morem de cætero à
 „ Decretalibus paginis amoveri præci-
 „ piat, & vel damni pecuniæ, vel alte-
 „ rius cujuslibet ultionis calculum in ea-
 „ rum transgressione præfigat : ne quod
 „ aliis est in tuitionis munimenta provi-
 „ sum, aliis ad perniciem proveniat ani-
 „ marum. ” Hæc S. Petrus Damiani
 seculo XI. cæterùm seculo XIII. Inquisi-
 tione Regularibus commendatâ; non im-
 minuta est, sed aucta hujuscemodi con-
 suetudo : Illam enim formulam, *sit Ana-*
thema, non esse latæ, sed ferendæ sen-
 tent. docent Gloss. in cap. tibi de foro
 competent. Cajet. 22. q. 154. art. 5. Na-
 varr. cap. 27. n. 12. Sanchez lib. 7. de

matrim. disput. 12. n. 2. ubi plurimos refert ; Layman l. 2. tract. 5. pag. 1. cap. 2. Palaus de Cens. p. 1. punct. 2. alique, præcipuè ubi materia Hæreseos rigidiorem interpretationem non suadeat. At à seculo XIII. Excommunicationum ipso jure non est numerus, ut proindè moderationem imperaverit Tridentinum, numero enim ipso vilescunt, ac nihili fiunt.

Verùm hæc obiter occasione Censurarum, quas in Lutherum Cajetanus intentavit. A quo tempore fugit Augustâ Lutherus, appellavit ad futurum Concilium, & paulatim in Hæreses manifestas est lapsus, cujus sanguis ex nimis severo, ac rigido Legato, ut puto, exquisitus est, ni fortè bono animo erravit : errasse enim certissimum erit unicuique rem perpendenti : Hinc Lutherus in appellatione suâ secundâ ait ad Cajetanum : „ Ni-
„ mium factionis suæ Fratribus affectum,
„ faciem iniquitatis assumpsisse, minas-
„ que diras, & crudelissimas intentasse ;
„ atque ovem Christi humiliter peten-
„ tem doceri veritatem, & reduci ab erro-
„ re, contempsisse : ” Hæc ex Cochlæo,
ac Raynaldo n. 109. Quæ, aliaque supra
recensita mihi perspicuum faciunt, non
illum adhuc hæretico animo fuisse. Cùm

enim Hæreticus fuit, *veritatem dictorum suorum, non errores* deprædicabat. Quare ut huic narrationi finem imponam, nullam tantam utilitatem Ecclesiæ Dei, Scriptis attulit Cajetanus, quantum damni paravit in Lutheri judicio suâ Dominicanâ severitate : meritoque Torellus conqueritur in *Seculis Augustianis*, ubi de Hæresi Lutheranâ, tantam labem Augustiano Ordini, tantam Ecclesiæ perniciem facili negotio caveri potuisset : si nimirum in Controversiâ Dominicanos inter, atque Augustinianos delectus non fuisset Dominicanus Judex, sed alter quivis studio partium non addictus, qui non Lutherum modò, sed Tetzeliū etiam cum Silvestro frænasset, & in omnium errores æquâ lance animadvertisset, eamque in judicando mansuetudinem cum justitiâ composuisset, quâ Lutherus rabie, ac furore actus in desperationem non cogeretur.

Scio hæc obscuriora esse nostrâ hac ætate, in quâ præoccupato, atque averso animo in Lutherum, ejusque impias Hæreses sumus. Verùm secernenda diligenter tempora sunt; non idem Lutherus initio dissidii fuit, qui deinde in progressu: Contentio cum Tetzelio Inquisitore, deinde cum Silvestro, & Cajetano non

invenit Hæresiarcham, sed fecit; fecit autem, cum odio accensus in Administros Pontificis Dominicanos, eorumque agendi rationem parum sanè æquam, & juri consentaneam, gradum fecit ad Pontifices ipsos laceßandos, eorum Fidem, ac Doctrinam improbandam. Verùm quæ minùs comperta sunt hoc nostro ævo, satis erant perspicua ævo PAULI III. quem proinde mirum non est, de Tribunali Romanæ Inquisitionis, Clero Seculari tradendo cogitavisse, editâque Constitutione *Licet ab Initio* sanxisse; Quandoquidem Lutheranas turbas, atque dissidia Dominicanis Inquisitoribus, ac Judicibus tribuenda esse perspiciebat.

Temperare mihi non possum, quin hoc loco nonnulla de Erasmo annectam, quem ità conviciis persecuti sunt Inquisitores ejus temporis, ut nisi optimus fuisset reverà Catholicus, ad Lutheranismum protrusus fuisset. Quæ tum Inquisitores, tum alii plurimi Mendicantes de Erasmi Fide, ac moribus, planè horrida vulgaverint; ex Alberto Pio coacervavit malè in hac re credulus Raynaldus. Quâ ex causâ Fratrum Dominicanorum plerique (non tamen eorum optimi Faber, & Guillelmus Parvi, aliique Erasmi fautores inte-

gerrimi) & cum iis alii Regulares tantam in Erasmus rabiem ac furorem conceperint , in promptu causa est. Inter Scholasticos , qui ferè Regulares erant , mira erat inscitia , absque ullo ferè Latinæ , Græcæ , Hebraicæ linguæ studio , absque Scripturis , Conciliis , Patribus , sacrâ historiâ , ac Criticâ : meras triças pro Philolophiâ , ac Theologiâ venditabant. Ventri , luxui , atque otio plures dediti , solis Eleemosynis corrogandis intenti , & extrinsecis caeremoniis vestium , cantûs ac similibus contenti , ita se ipsos , ac Christi fideles negligebant : ut celebre scriptum Cardinalium , ac Prælatorum PAULO III. oblatum. *Ordines Religiosos conventuales abolendos* , inquit , *omnes putamus*. Jam verò Erasmus vir sine fuco , & fallaciâ , corruptissimos sæculi sui mores taxare cœpit ; excurrens per omnes gradus : ipsos etiam admonens Pontifices , ac Reges , & quidquid his substat , quod pluribus libellis fecit , eoque præcipuè , quod *Moriæ* , seu *stultitiæ encomium* vocavit ; & cujus ad triginta millia voluminum paucis annis excusa sunt. Hinc mali & indocti Regulares in Erasmus efferati , omnia carpere in ejus libris , omnia in hæreticum sensum trahere , tantâque ejus nomen infamiâ aspergere , ut hæc ad posteros propagata sit ,

ipfisq; Bellarmino , Possevino , Pallavicino imposuerit.

Sed audiat **PAULUS III.** in Brevis ad **Erasmum** , quam Epistolam recitat **Raynaldus** ad ann. 1535. n. 18. „ Memores „ probitatis , & innocentiae tuae , & in „ vario disciplinarum genere eminentiae , „ nec minus meritorum erga Apostolicam „ Sedem , cum adversus desertores Fidei „ summâ vi pugasti , Præposituram , „ tibi gratè contulimus , ut aliquod jam „ præmium tuae virtutis agnoscas.” Hæc „ **PAULUS III.** biennio ante obitum „ **Erasmi.**

In libro *Diatribes Hyperaspistæ* lib. 2. quem contra *Servum arbitrium Martini Lutheri* scripsit anno 1526. , ita cum *Luthero* loquitur. „ A vestro fœdere me „ alienum esse semper professus sum , „ cum Ecclesiâ Catholicâ pacem habeo , „ & censuram Scriptorum meorum detuli , si quid inest erroris humani. „ Nam malitiam , aut impietatem procul ab illis abesse scio.... Hæc cum „ tot epistolis , & privatim scriptis , & „ per *Typographos* evulgatis ante tot annos declarârim , tibi adhuc navigo inter *Scyllam* , & *Charibdim* , & neutri parti adhæreo?” Itâ tom. 10. operum edit *Lugd. Batav.* Pag. 1268. (Sciendum

autem has ipsas pœnias de ambigüâ
 Erasmi fide iteratas fuisse ab Hochſtra-
 to Inquire , aliisque Mendicanti-
 bus.) Et pag. 1268. „ Cùm nihil Lu-
 „ there, omiseris, quod in hominem de-
 „ ploratissimum dici possit, cùm tibi sim
 „ Lucianus Atheus, cum Epicuri de gre-
 „ ge porcus, cùm sim tam impius, ut
 „ nec impiissimis Sophistis sim tolerabi-
 „ lis, cum hostis totius Christianismi; ta-
 „ men, &c. . . ” Hæc de Erasmo Luthe-
 rus jam Hæresiarcha, quæ eadem in Eras-
 mum effutire pudere debuisset Catholi-
 cos plures Regulares.

Idem Erasmus in alio scripto contrà
 Lutherum, cui titulus est. *Erasmus ad-
 versus calumniosissimam Epistolam Mar-
 tini Lutheri*. Hoc habet : „ Martinus co-
 „ natur Orbi persuadere Erasmus non
 „ solùm nihil credere de rebus divinis,
 „ verùm etiam illud jam olim dolis, in-
 „ fidiis, totisque viribus agere; ut uni-
 „ versam Religionem Christianam labe-
 „ factatam tandem præcipitem, ac Paga-
 „ nismum in mundum revocem. . . . Uti-
 „ nam in vitâ meâ tam obtemperassem
 „ divinis præceptis, quàm de his, quæ
 „ sunt Fidei, liberam, & quietam con-
 „ scientiam habeo apud Deum. Quod ad
 „ mores attinet, quotidie cum suspiriis

„ ac dolore cordis interpello Domini mi-
 „ sericordiam , quem tamen nolim mihi
 „ unquam fieri propitium , si diabolici fa-
 „ cinoris unquam , vel levissima cogita-
 „ tio pupugit animum meum ; non di-
 „ cam , ut universam Christi gloriam
 „ obscurarem : sed ut ipse à Fide Ca-
 „ tholicâ resilirem. Utinam hujus cor-
 „ pusculi jacturâ queam hoc Ecclesiæ dis-
 „ sidium consopire. Interdum admissorum
 „ quidem veniam nocturnis , diurnisque
 „ precibus à Domino postulo , Fidem au-
 „ tem oro , non ut det , sed ut datam
 „ confirmet , augeatque. Hæc coram Deo
 „ loquor ex animo , sumat de me pœnas
 „ extemplo , si quid mentior. ” Et ta-
 „ men Pallavicinus Jesuita , & Cardinalis
 nœnias Dominicanorum exscribens ,
 Erasmus malum Catholicum obiisse scri-
 bit , sed de ejus piissimo obitu ann. 1537.
 legatur Epistola Amerbachii , qui morti
 præsens fuit , præfixa autem est Editioni
 operum Erasmi Lugd. Batav.

Cæterùm Inquisitores , aliosque Men-
 dicantes conatos fuisse cum protrudere in
 Lutheranismum verissimum est , & sæpis-
 simè queritur Erasmus : quem ex magno
 Ecclesiæ defensore , magnum Ecclesiæ
 hostem suâ maledicentiâ , aut si ità ap-
 pellare libeat , malo suo zelo non secun-

dùm scientiam , fecissent. Verùm obsti-
 tit vera fides , ac pietas Erasmi , altis fixa
 radicibus , obstitere Pontificum , Cardina-
 lium , Episcoporum , Regum , ac Prin-
 cipum , denique probatissimorum quorum-
 dam , ac doctissimorum quorumcumque
 Laicorum , Clericorum , Monachorum ,
 ex ipso Dominicano Ordine , qui bene-
 volentiâ , amicitîâ Laudes ejus celebra-
 bant ; ut PAULUS III. eum inter Car-
 dinales cooptaturus jam esset : nisi hunc
 Pontificis amorem Erasmi obitus frustra-
 tus fuisset : De his Natalis Alexander se-
 culo XVI. in Erasmo.

Tom. 9. Operum pag. 373. „ Erant ,
 „ inquit , Erasmus , permulta quæ me
 „ poterant in Factionem Lutheranam
 „ propellere ; hinc à Lutheranis invi-
 „ tabar , illectabar , pertrahebar. Illinc
 „ ex parte Catholicorum protrudebar
 „ odiis. ” Scilicet , ut queritur idem Eras-
 mus Epistolâ 257. „ Lovanii sceleratiss-
 „ simus nidus est , quorundam Domi-
 „ nicanorum : nunc tandem exiit liber ,
 „ quo nihil fingi potest insultius , indo-
 „ ctius , mendacius , impudentius , in-
 „ sanius , ” De quo etiam dolet Epist.
 762. „ Quid , inquit , dicent Docti
 „ cùm talia legant ? ego hîc Pontificum ,
 „ & Regum hortatu belligeror adversus

„ Lutheranam Factionem haud absque
 „ capitis mei periculo , & Lovanii mihi
 „ suscitantur tales Tragœdiæ !

Epist. 909. ad Beddam Minoritam
 acerrimum hostem tuum. „ Nonne vides,
 „ inquit , quantum sit in orbe diffidium ,
 „ & tu quasi parum sit , tam atrocem
 „ ordinis Tragœdiam. . . . si victus inju-
 „ riis deficerem ad hostes Ecclesiæ , un-
 „ de repeteret Deus hanc animulam ,
 „ nisi abs te ? Quod hætenus perititi ,
 „ non est mearum virium , sed divini
 „ muneris , & ejusdem præsidio persi-
 „ stam usque in finem , uti spero. Quis
 „ autem tam atrocibus contumeliis ,
 „ tamque perpetuis non delassaretur ?
 „ id si fieret , non vides quem tumul-
 „ tum excitare queam ! Non est tam
 „ inops amicorum Erasmus , quàm tu
 „ credis.

Silvester Magister S. Palatii miserat
 ad Erasmus Epistolam non nihil incre-
 patoriam , & comminatoriam ann. 1523.
 Nimirum , qui magnam partem habue-
 rat Lutherum in rabiem , ac despera-
 tionem adigendo ; experiebatur an idem
 facere in Erasmo posset , missâ ad ipsum
 Epistolâ : præterquam quòd permiserat
 Romæ vulgari contrà Erasmus Stunicæ
 libellum maledicentissimum , quamvis

vetantibus duobus Pontificibus , ac gemino Cardinalium edicto.

Inter alia hæc habet Erasmus Epist. 664. ad Silvestrum. „ Hi, inquit , moliuntur in me, & velim nolim, faciunt me „ Lutheranum ; cùm ego primus omnium dehortatus sum à tali facinore. „ Dicam arrogantius , sed verè : si vel „ uno Epistolio declarare voluissem me „ vel tantulùm favere Luthero , vidisses „ erectissimos animos totius Germaniæ , „ quæ certè latissimè patet. Nec defuissent Principum præsidia. Ego tot conviciis quorundam provocatus, tot aliorum blanditiis sollicitatus , numquam dimoveri potui à veneratione Romanæ Ecclesiæ : Alexander (Nuncius Pontificius) nihil non facit adversus Lutherum. At si pernosces rem omnem , solus Erasmus plus fregit vires , & animos Lutheranorum , & illius factionis ; quàm omnia Alexandri molimina. Id an vobis isthinc persuasum sit, nescio : Certè Lutherani hic intelligunt , qui mihi uni imputant, quod illis non succedit : jamque dentatis libellis in me debacchantur, tanquam in adversarium , & verè sum ; tametsi malim mala separari à bonis , quàm utraque simul perdi. Vide igitur , quam gratiam mihi

„ rependunt , qui tam improbis sycophantiis impetunt caput meum , imò
 „ quàm malè consulunt tuo negotio. Lutheri factio nondum tam extincta est ;
 „ quàm vos isthinc creditis , atque utinam
 „ esset ! Hæc enim perdit omnia studia
 „ nostra. Sunt (hoc anno 1523.) innumera
 „ millia hominum , qui odio Sedis Romanæ magnâ ex parte favent Luthero ,
 „ nec aliud expetunt , quàm ducem aliquem. Me nec Angelus , nec homo facient seditiosum , tamen isti strenuè laborant , ut faciant. Habemus Cæsarem propitium , habeo , & hic Principes ,
 „ ac Reges mihi faventissimos , Cardinales item , & Episcopos aliquot. Quæso ,
 „ ut per Stunicas , & similes sycophantas liceat mihi Orthodoxum esse.

Epist. 963. „ Rabiunt Lutetiæ quidam fortiter , duce Beddâ (in quo uno ait
 „ Epist. 941. sunt tria Monachorum millia) sola conscientia me revocat à Lutheranis , alioqui declararem illis Furiis ,
 „ quales sint. ” Non itaque stetit per furiosos quosdam Regulares , eorumque conjuratos amicos , quin Erasmus exasperaretur in Ecclesiam ; quòd sanè infinito malo fuisset. Plus enim unum Erasmus metuebant Lutherani , quàm centum Cajetanos , Tetzeliros , Hochstratos , Silve-

stros , aliosque , quos , ut ait Erasmus
 Epist. 384. *hodie mundus simul , & mendicos alit , & tolerat tyrannos.* Satis est
 testem adhibere Lutherum ipsum , qui
 scribens ad Erasmum anno 1524. Epist.
 quæ inter Erasmicas est 726. „ Illi , in-
 „ quit , Lutheranæ causæ fautores mor-
 „ fiones tuas iniquiùs ferunt , quod hu-
 „ mana infirmitas cogitat , & malè me-
 „ tuunt auctoritatem , & nomen Erasmi ,
 „ ut longè aliud sit ab Erasmo semel esse
 „ morsum , quàm ab omnibus Papistis
 „ semel esse commolitur . ” Agnoverunt
 hæc Romani etiam Pontifices , inter quos
 Adrianus VI. in Epist. ad Erasmum 1522.
 quæ inter Erasmicas est 639. hortatur
 illum ad scribendum contra Lutherum.
 „ Inest enim , inquit , tibi magna in-
 „ genii vis , varia cruditio , scribendi
 „ promptitudo , quanta nostrâ memo-
 „ riâ paucissimis aliis , ne dicamus nul-
 „ lis : Prætereà verò apud eas nationes ,
 „ undè hoc malum ortum est , summa au-
 „ toritas , & gratia . ” Hinc cùm Eras-
 mus primùm in Lutherum scripsisset ,
 Carolus V. in Epist. ad Erasmum gratu-
 latus est Lutheranorum insaniam decli-
 nare : Pergit Carolus V. „ Non tam
 „ nos tibi debemus , quàm universa Res-
 „ publica Christiana , cùm per te unum

„ id assequuta sit , quod per Cæsares ,
 „ Pontifices , Principes , Academies , at-
 „ que per tot Viros eruditissimos hæc-
 „ nũs obtinere non valuit. ” Extat hæc
 Epist. inter Erasmicas 815. Hinc Luth-
 erus , qui nihil responderat ad Hierony-
 mum Emserum , Cochlæum , Rolæum ,
 Roffensem , Chlitovæum , Longlium ,
 & ex Hæreticis Luthero adversantibus
 Zvinglium , Capitonem , Eccolampa-
 dium : omnibus dimissis , Erasmo res-
 pondit , ejusque Diatribæ de libero arbi-
 trio , ut testatur idem Erasmus lib. 1.
 Hyperaspistes contra Lutherum. „ Hæc,
 „ inquit , cùm ita sint , demiror , quo
 „ consilio ad omnes obmutescens , nostræ
 „ Diatribæ respondendum putaris. ” Plu-
 ra scripsisset contra Lutherum Erasmus ,
 sed deterrebat illum livor Inquisitorum ,
 qui omnia carpebant.

Hæc de causâ se sæpius à scribendo
 excusavit , præcipuè apud Adrianum
 VI. Patet Epist. 641. & 649. „ Romæ ,
 „ inquit traducor furiosis , ac plusquam
 „ famosis libellis. . . . Nihil non ca-
 „ lumniantur : Sub omni lapide , quod
 „ aiunt , cubat Scorpis : Hoc susce-
 „ ptum , hoc scandalosum , hoc irreve-
 „ renter dictum : Et Epist. 752. Hoc secu-
 „ lo nec benè scribere tutum est , nec malè

„ & mira est Rabinorum conspiratio.

Verùm non modò à scribendo in Lutherum deterruerunt, sed in Lutheranismum, quantùm in ipsis fuit, impulere tantum, tamque celebrem hominem: idque invidiâ præcipuè ejus nominis quod sibi Erasmus comparaverat, quemadmodum optimè agnovit Adrianus VI. Epist. inter Erasmicas 639., quâ eum consolatur tristem, ac dolentem, de plurium in se odiis, ac susurrectionibus: „ Viros, inquit, „ Adrianus VI., quantò scimus excellentiore doctrinâ præditos, tantò videmus „ esse invidiæ morbo magis obnoxios.” Inter hos invidos erat Hochstratus Inquisitor Dominicanus, quem Erasmus *Furiam* appellabat, & ad eum scripsit longam Epistolam expostulatoriam: *Legenda Erasmi Epistola 566.* data Lovanio, ubi etiam Hochstratus morabatur, data autem est ann. 1521. „ Ego Dominicanorum conviciis lapidor quotidiè in publicis etiam Concionibus, quæ „ si paterer pro negotio Fidei, non cesserim vel ipsi Protomartyri Stephano. „ Semel ille lapidatus finem invenit malis, manibus, & saxis ille dumtaxat „ impetitus est, ego nec uno loco, nec „ semel lapidor mendaciis & conviciis „ lethali veneno tinctis.” Nec præter „ mittendum

mittendum quod habet alia Epist. data
 Basileâ 1522. ; & est Epist. 629. „ Ego ,
 „ & hîc , & isthîc partim dictis , partim
 „ Epistolis , multos abalienavi à factione
 „ Lutheranâ ; nec ulla res magis dejecit
 „ Lutheranorum animos ; quàm quod pa-
 „ lâm editis libris declaravi me adhæ-
 „ rere Pontifici Romano , & Lutheri ne-
 „ gocium improbare. Quòd si favissem
 „ Luthero , non defuissent Præsidia Prin-
 „ cipum Sunt hîc Basileæ plusquam
 „ centum hominum millia , qui oderunt
 „ Sedem Romanam , & Lutherum ma-
 „ gnâ ex parte probant . . . quod ad me
 „ attinet , scio , quid agant Monachi , cu-
 „ perent me protrudere vel nolentem in fa-
 „ ctionem Lutheranam : id quod nunquam
 „ efficient. ” Cùm itaque hæc aliaque
 permulta ex vulgatis Erasmi Epistolis
 de Hochstrato Inquisitore , ac hujusce-
 modi hominibus , notissima Romæ essent ,
 & PAULO III. præcipuè , uti patet ex
 Literis in formâ Brevis ad Erasmus datis
 ann. 1535. , quas suprâ recitavi : mirum
 non est , quòd Romanam Inquisitionem
 constituturus is Pontifex , Secularem Cle-
 rum Regularibus prætulerit.

Nolim tamen quòd calumniam mihi
 quispiam struat de maledicentia in Re-
 gulares. Non ego illum improbum modò ,

atque impium, sed stultissimum etiam iudico; qui minùs bene de Sanctitate Religiosorum Ordinum sentiat, eorumque maximâ in Ecclesiam utilitate. At oportet, ut unusquisque in eâ vocatione, in quâ vocatus est maneat. Divisiones enim gratiarum sùnt. Episcopus unâ cum Seculari Clero Presbyterorum posuit Spiritus S. regere Ecclesiam Dei: Excitavit autem identidem sanctissimos Religiosorum Ordines, ut in Catholicâ Ecclesiâ, in quâ Deo servire, regnare est; *ad Prælatorum ministerium segregati in Evangelium Dei famularentur, non imperarent.* Cùm id præstitère Benedictini, Cistercienses, Dominicani, Franciscani, Carmelitæ, Augustiniani, Theatini, Regulares denique omnes; nihil huiusmodi Regularibus sanctius, nihil utilius Dei Ecclesiæ fuit, nihil etiam sanctius, ac utilius erit quandocunque id præstabunt. Quòd si Ecclesiasticarum dignitatum honore, si potestatis Ecclesiasticæ usu, ad negotiorum curas, ac turbas devolvantur, & caducarum rerum sollicitudine, ac cupiditate implicentur: sanè oportebit non omnia prosperè, ac feliciter evenire, ac per Inquisitorum, Episcoporum, aliosque honorificos gradus regulari simplicitate vitiatâ, ac Dominationis appetitu inva-

lescente; respicere incipient in vanitates, & insanias falsas, humiles, ac pauperes Claustrorum habitatores. Hâc sanè de causâ omnem omninò Ecclesiasticam dignitatem, ac Dominationem veluti pestem suorum Ordinum, abominati sunt coram Cardinali Ostiensi sanctissimi Patriarchæ Dominicus, ac Franciscus, ut testantur Sacra eorum Ordinum Chronica. Quâ de re aliàs.

Interim nihil mirandum esse aio de sanctissimo, ac sapientissimo D. Domini Ordine: Quantum enim ex cognitis, atque exploratis licet homini inferre incognita, certissimum mihi est futurum, ut nihilo meliora agerent, nec minùs gravem, ac superbam Tyrannidem exercerent Franciscani, Augustiniani, Benedictini, Carmelitæ, Servitæ, Jesuitæ, Theatini, & alii quicunque piissimi, ac doctissimi Regulares Cœtus: si præter, aut potiùs contrà optima ipsorum Instituta, libenter posthabita, aut saltem in secundum locum rejectâ curâ Concionum, Catechesium, Confessionum, Confraternitatum, Nosocomiorum, Carcerum, Scholarum: in Inquisitorum ferè plusquam Episcopale nomen, ejusque dominationem, ac commoda totis animis inhiarent.

CAPUT VII.

*Utilem, ac necessariam PAULI III.
Constitutionem ostendunt Ecclesiasti-
ca monumenta de Hæresi Jansenia-
na, quæ utrique Potestati Ponti-
ficiæ, ac Regiæ adeò adversatur.*

NEque verò si Romana Inquisitio Se-
culari Clero, non Dominicanis de-
mandaretur, consonum illud tantummo-
dò esset primævæ institutioni, id enim
verò quam maximè conducere ad Hæ-
reses extirpandas, ac Fidem Catholi-
cam augendam, uberiùs, atque ampli-
ficandam. Quotusquisque nesciat pro-
gressiones Jansenianæ, ac Quesnellianæ
Hæreseos, quæ præter hæretica Do-
gmata de Christiana Redemptione, ac
libertate adeò Romanam Cathedram op-
pugnat, Curiam Romanam cum suis
Cardinalibus, ac Prælatibus lacerat, ac
deridet, Regum auctoritatem conculcat,
&c. Accipe jam, quàm gravissima hæc
mala quorundam Regularium vitio ver-
tenda sint, dum Romanam Inquisitio-
nem haud admodum feliciter moderantur.

Cùm tempore Innocentii X. Romæ de quinque Jansenii propositionibus confingendis ageretur , non clanculum , sed aperto Marte pro Jansenio pugnârunt Commissarius S. Officii , ac Magister Sac. Palatii coram ipso Romano Pontifice , qui Romanas ea de re Congregationes præsentia suâ honestabat : Vidisses præcipuos illos Dominicanos , qui nobilissimum sibi locum vindicant in sancto Romano Officio , tanto studio , zelo , contentione pro Jansenio agere , ut non modò cum Legatis Jansenistarum de re bene gerendâ arcana consilia miscerent , iisque in omnibus pro virili parte operam navarent diligentissimam , verùm etiam in Romanis Congregationibus coram Pontifice , Cardinalibus , Consultoribus suum ut votum pro Jansenio de *genu* , * quòd vix credet Posteritas , recitarent , ac passim lamentarentur , Augustinum ipsum Ecclesiæ Doctorem Iprensis Jansenii nomine fore damnandum. Quid putas eos facturos in arcanâ Inquisitionis Congregatione , ubi Dominicani dominantur , cùm in publicâ luce peculiaris Congregationis , in quâ ex omni præcipuorum Regularium Or-

(*) *Vid. Hist. des cinq Proposit. lib. 1. pag. 90. &c alibi.*

dine egregii assidebant , hæc facere , ac dicere non erubuerint ; neque commoverentur aliorum clamoribus , qui cùm blasphemam Jansenii defensionem audirent , in eas voces identidem erumpebant. *A l'Heretique , à l'Heretique* , quâ de re Historia quinque Propositionum legenda , quam ex authenticis monumentis , earundemque qui aderant testimoniis collectam , nemo unus eruditorum dubitavit : Magistro S. Palatii , & S. Officii Commissario adhæsere alii ex Consultoribus Regularibus duo ; neque enim hoc postremum est malorum , quæ Romæ sentiuntur ex Dominicanâ S. Officii administratione , aliisque muneribus , quæ Dominicano Ordini addicta sunt ; magnamque habent juvandi nocendique potestatem : nimirum ex omnium ferè Regularium Ordinibus sibi Clientes devinciunt , paratos in eorum verba jurare , ut ipsorum benevolentiam honorificos quosdam gradus conscendant.

Huc enim verò respiciebat Quesnellus , qui in eo scripto , quod confecit , divulgavitque ad conquiendas Censuram approbationes pro historiâ de Auxiliis conscriptâ à F. Serri , quodque recitat liber *Processus Mechliniensis contra Quesnellum* ,

dictus, *Causa Quesnelliana*, in eo inquam scripto Regulares inflammabat Quesnellus, ut strenuè se gererent pro Serrianâ historiâ; *futurum enim, ut Romæ defendantur à Religioso Ordine prægrandi, atque potenti, nempe Dominicano.*

Utinam non sæpè defensionem hanc, Romæ, Janseniana Doctrina sibi habuisset! Alexander VII. in Brevi Apostolico dato primo Augusti 1661. ad magnos Vicarios Parisienses, Cardinalis de Retz, ejus Civitatis Archiepiscopi, quodque legitur in Appendice Historiæ quinque propositionum, mirum est, quàm acriter eos objurget, quòd docuissent damnandas quidem Jansenianas quinque propositiones; utrùm autem is fuerit Janseniani libri sensus de hoc non curasse Innocentium X. vocat hanc Alexander „ non minùs mendacem, „ quàm temerariam narrationem.... falsum, patensque mendacium, eosdem „ Vicarios Parisienses appellat ubique „ malorum Zizaniorum in agro Dominicano Seminatore; Ecclesiæ Catholicæ „ perturbatores, & quod in vobis est, „ auctores, inquit, turpissimi Schismatis „ esse deprehendimini..... Protervia in „ vobis esse dignoscitur, cavillationibus, „ subdolis, & circuitibus obviam eundi „ Ecclesiæ definitionibus..”

Audi jam rem planè incredibilem paucis post annis , nempè 1668. Contensonius Dominicanus immiscuit suæ Theologiæ defensionem Innocentianæ Constitutionis contra quinque Propositiones peculiari dissertatione : * quo in loco non paucis verbis , sed columnis integris eundem errorem longè clarioribus , atque audacioribus verbis defendit : Nihil tamen hætenus in illum à Romanis Dominicanis animadversum est : Quin imo apud Dominicanos non audit , nisi doctissimus , ac piissimus Contensonius , inoffenso pede decurrendus , veluti de Hilario scripsit Hieronymus ; eo Dominicani Ordinis fructu , ut innumeri ex eo cœtu in Gallia contra Constitutionem *Unigenitus* rebel- laverint , magnumque Collegium Dominicanum Parisiense , ad quod adolescentes Ordinis ex universâ Galliâ confluunt studii Theologici gratiâ , anno 1717. omnibus juris formulis ad futurum Concilium contra Clementem XI. appellaverit , vix- que quatuordecim , aut quindecim conventus ejusdem Ordinis in totâ Galliâ ab eâ Jansenianâ , ac Quesnellianâ peste im- munes fuerint. Idem Contensonius lib. 5. dissert. Præambulâ cap. 2. Corall. 2. docet , ,, nec Pontifices , nec Concilia in

* *Est dissert. V. l. 8.*

„ discernendis librorum damnatorum sensibus Judicium habere infallibile. ”
 Nihil dicam de Joanne Baptistâ Goneto, quem ipsemet Natalis Alexander in suâ Historiâ, ubi de Pelagianis erroribus agit, vocat defensorem perspicuum quintæ Jansenianæ Propositionis. Quis itaque miretur, Romanis Dominicanis in hujusmodi libros nequaquam pro potestate insurgentibus, Jansenianos errores inter Gallos Dominicanos eo radices suas fixisse, ut Reverendissimus Ripoll ab omnibus ejus Regni Prioribus, Provincialibus, ac Capitulis extorquere non potuerit, ut Alexandrino formulario, ac Constitutioni *Unigenitus* universi subscriberent. Legantur, *les Supplemens des nouvelles Ecclesiastiques*, quæ passim scatent monumentis Domini-
 cani per Galliam Jansenismi.

In clavi Jansenistarum, quam refert *Causa Quesnelliana*, Commissarius S. Officii vocatur *M. Prevost*: Jam verò cùm anno 1697. damnata Romæ ab Inquisitione fuisset quædam Apologia Historica, quæ opus Quesnelli fuerat: D. du Vaucel; seu Wallonus, qui Romæ versabatur Agens, ut loquuntur, Jansenistarum notissimus, scripsit ad Quesnellum, se ex Commissario, sive *M. Prevost*, scivisse arcanas causas damnationis; quod nemo

nescit esse contra arctissimum S. Officii secretum. *On a sçu de M. le Prevost , que ce qu'on a le plus trouvé à redire dans l'Apologie Historique , c'est ce qui est dit , &c.* Vides foedus Commissarii S. Officii cum Jansenistis ?

Supplices inter Libellos , quos Jesuitæ obtulerunt Congregationi S. Officii , dum Romæ ageretur de Controversiâ Rituum Sinensium ; oblatus est unus anno 1700. hoc titulo : *Informationes PP. Societatis*. Extat hic Libellus proculdubio in Tabulario S. Officii in Actis , ut aiunt , Positionis Sinensis , & alia præterea Typis vulgata exemplaria in Bibliothecis pluribus : n. 2. hæc conqueruntur „ Scrip-
 „ ta hæc pendente etiam nunc , & inde-
 „ cisâ hâc Causâ , Amstelodami Typis
 „ edita sunt & quidem inter illa scripta ,
 „ quædam nobis legentibus occurrerunt ,
 „ & satis prolixa , & momenti maximi ,
 „ jam tum ab anno præterito Eminen-
 „ tiis Vestris , ut quidem editum ibi le-
 „ gitur , oblata : quibus responsa nostra
 „ ideò non potuimus opponere ; quia non
 „ priùs ad nostram pervenêre notitiam ,
 „ quàm ab Hæreticis Hollandis Janse-
 „ nistis , qui ante ista cognoverunt , quàm
 „ de iis quidquam audissemus : publicæ
 „ luci data , atque in omnium oculis po-

„ sita sunt. ” Quo in loco oro, atque obsecro Romanæ Curix prudentissimos Præsules, ac Cardinales, ut taciti secum ipsi meditentur pro eâ, quâ sunt probitate, ac sapientiâ, num naturalis æquitatis legibus consonum fuerit, quatuor Sinarum Episcopos, Christi Fideles Sinenses ferè ad trecenta millia cum pluribus Missionariis : tùm Jesuitis, quorum erat uberior numerus; tùm aliorum etiam Ordinum, litem Romæ agitare contrâ Dominicanos, idque in Tribunali Dominicanorum, nempe S. Officii; in quo universa aperta, reſerata, ac perspicua Dominicanis sunt; scripta omnia, Libelli, Epistolæ, consilia, ac negotiorum arcana, dubia, suspensionesque omnes, in quo Dominicani præcipuè cum Cardinalibus, Præsulibus, Consultoribus loqui possunt de Rebus controversis, rationes exponere, dubitationes, atque objecta excipere, ac solve-
re : Episcopi verò quatuor, trecenta Christianorum Sinensium millia pro suis ritibus in quæstione meri facti pugnantia; unâ cum tot Missionariis; ne ipsos quidem Libellos, Cardinalibus oblatos, sive, ut aiunt Scripturas, habere potuerint ad objecta diluenda : donec ea ab Hæreticis acceperint ? Num is agendi modus ad Reges, ac Principes, eorumque Admini-

stros delatus per exteras Provincias famâ vulgante diffusus, Sinensibus ipsis perspectus, debitam Romanæ Curiae existimationem, reverentiam, obsequium, benevolentiam, amorem, conciliet? Hæc si meridianâ luce illustriora sunt, ii videant, quorum refert Romanæ Curiae decus, honorem, famam servare, atque amplificare, num tanta malorum Lerna excindenda sit, & Clero Seculari Romana Inquisitio secundùm PAULI III. Constitutionem concedenda.

Verùm, quod hujus Capitis præcipuum argumentum est, illud velim animadvertatur: Jansenistas in Hollandiâ arcana scripta ex Inquisitione Romanâ obtinuisset: non nisi eorum culpâ, quorum auctoritate Inquisitio administratur, icto cum Jansenistis fœdere.

Pergit Libellus Supplex, quem suprâ retuli, atque istâ subjicit: „ Ab eodem „ malevolentiae, & partium studio pro- „ fectum existimari potest, quod in Ga- „ sulis Belgicis, Leodiensibus, Batavi- „ cis, divulgata sunt ea, quæ Romæ hæc „ in causâ agebantur, etiam quæ gere- „ bantur in secretis, privatisque Congre- „ gationibus: ita ut aliquoties designa- „ rentur, non modò quotquot adessent, „ sed res etiam, quæ disceptabantur, &

„ singulorum vota, ac Sententiæ nota-
 „ rentur; atque ità, quod nobis Romæ
 „ agentibus ignotum, atque incomper-
 „ tum manebat, in Belgium atque Hollan-
 „ diam immediatè transvolabat.” Nem-
 pè ubi erat factio Janseniana cum suo
 Duce Quesnello, hæc omnia transvola-
 bant: Nimirum Opera M. Du Vaucel,
 sive Walloni, M. Hennebel: qui erant
 negotii Janseniani Gestores, ac similibus,
 quod utique exequi non poterant, nisi
 benevolum sibi haberent M. *le Prévost*,
 sive Commissarium S. Officii, alios-
 que ejusdem Ordinis, quæ omnia,
 num conducant ad Romanæ Inquisitio-
 nis honorem, atque autoritatem vindici-
 candam, an verò imminuendam, judi-
 cent prudentiores.

Nôrunt Theologi, proscriptis per
 Innocentium X. quinque Jansenii Pro-
 positionibus, Jansenistas omnes sese ab iis
 alienos declarasse, earumdemque proscrip-
 tionum subscribere se libenter paratos; at
 illud pertinaces homines addidère: eas qui-
 dem Propositiones in sensu obvio falsas,
 atque hæreticas esse; cæterum illas in
 Jansenio non reperiri: quare se eas dam-
 nare non posse in Jansenii sensu: Atqui
 eas in Janseniani libri sensu damnatas, at-
 que damnandas peculiari Bullâ edixit Ale-

xander VII. idemque posteriores Pontifices confirmârunt, idque non obsequioso tantùm silentiô faciendum, ac jurandum; sed sincerè, atque ex animo; quemadmodum etiâ cum aliis Pontificibus sanxit Clemens XI. in Bullâ *Vineam Domini Sabaoth*. Atque hûc recidit ab Innocentii X. Temporibus tota lis Hæreseos Jansenianæ; ad hos exterminandos errores formularium suum Alexander VII. vulgavit. Jam verò D. Charmot in Controversiâ Sinensi Procurator, pro D. Maigrot, cum quo simul in Sinis fuerat; & pro Patribus Dominicanis contrâ Jesuitas Romæ librum edidit, dum ea causa agebatur. Titulus erat: *Historia Cultûs Sinensium*; cùm autem D. Maigrot Vicarius Apostolicus in Sinis, qui edictum contrâ ritus Sinenses ab Alexandro VII. permisos, & Jesuitas vulgaverat, & hujus Controversiæ Princeps erat: ad Romanum Pontificem scribens quereretur, se ab Jesuitis Hæreticum Jansenistam appellatum jam, & deinceps appellandum, eodemque nomine apud Papam accusandum fore: Ecce tibi quàm bellè respondet Adversario suo pag. 166. D. Charmot libri Autor, nempe acriter reprobabat docentes, cum, qui famosas quinque Propositiones in sensu obvio,

„ quem ipsamet verba propositionum
 „ præ se ferunt damnaret , fore semper
 „ Hæreticum Janshistam , nisi etiam
 „ credat , ac jurare paratus sit , hunc ip-
 „ sum sensum Jansenii , seu quem Jan-
 „ senius in libro suo , cui titulus, Au-
 „ gustinus tenuit , ac docuit : ” Do-
 „ centes inquam hanc Catholicam verita-
 „ tem à Sede Apostolicâ definitam cum
 „ totius Ecclesiæ assensu reprobatur D. Char-
 „ mot , imò appellare audet pacis inimi-
 „ cos , & Innocentii XII. Contemptores.
 „ Quod quid aliud est , inquit , quàm
 „ Apostolicum Breve sanctissimi D. N.
 „ eludere , præscriptasque ab eo stabi-
 „ liendæ paci Regulas stoccifacere. ”
 „ Ecce tibi synopsis dilucidam , ac pers-
 „ picuam totius hodiernæ Hæreseos Jan-
 „ senianæ ; si unum hoc detur , quinque
 „ Propositiones in Jansenii libro non repe-
 „ riri , neque hunc librum ea dicere , quæ
 „ docentur in iis quinque Propositionibus,
 „ Jansenii liber salvus , ac in tuto est :
 „ Verbis autem relatis non modò D. Char-
 „ mot Procurator in Romanâ Urbe Causæ
 „ Sinensis nomine D. Maigrot , non amo-
 „ vet à se , & ab eodem D. Maigrot ,
 „ qui Jansenismi accusabatur , hunc cras-
 „ sum errorem : quin etiam eundem di-
 „ fertè , ac palàm in publicâ Urbis luce ,

imò Orbis ipsius , Libro typis edito
 profitetur ; atque etiam qui hæreticalem
 hujusmodi errorem rejiciat , cum D.
 Charmot , contemptoribus Apostolici
 Brevis audacissimè recenset ; quo autem
 tempore , quo Pontifice , hæc in Urbe ,
 atque ab Orbe vulgabat D. Charmot ;
 nimirum postquam Innocentius XII. Li-
 teris in formâ Brevis datis 24. Novem-
 bris 1696. declaraverat aliud suum Bre-
 ve pessimâ fide acceptum , ac declara-
 tum à Jansenistis fuisse : se omninò con-
 firmare Formularium Alexandri VII. &
 quinque famosas Propositiones in *sensu*
Jansenii damnatas , atque damnandas :
 Hoc inquam , tempore , hoc ipso Pon-
 tifice D. Charmot scribit errorem con-
 tradictorium , ut cum Logicis loquar :
 neque Dominicani S. Officii aliquid con-
 trà clamant , Catholicis errorem indi-
 cantibus non auscultant , Liber non pro-
 scribitur , ea saltem pagina corrigi non
 jubetur , Liber divenditur , distrahi-
 tur , evulgatur , Libri Autor Charmot
 de Fide non interrogatur ; imò perho-
 norificè excipitur ab Officialibus Roma-
 næ Inquisitionis , ejusdemque hominis
 accusationes contra Sinensium Episco-
 pos , & Missionarios audiuntur. Hæc
 Docti sciant , exteri peritiores legant ,
 &

& probent, hunc agendi modum æquum putent, ac justum. Scio hæc non Romanis Pontificibus, ac Cardinalibus esse tribuenda, sed Dominicanis in sanctissimo Inquisitionis Tribunali pro libidine dominantibus. Scio ac profiteor, neque aliâ de causâ rejectis ab hoc munere Regularibus, Seculari Clero concedendum pronuncio.

Quamquam nullum mihi aliud superesset argumentum judicandi de Jansenismo D. Maigrot Vicarii Apostolici Fochienfis, qui celeberrimum edictum edidit contra ritus Sinenses: unum hoc satis mihi superque esset, quòd D. Charmot, qui ex eodem Parisiensi Seminario cum D. Maigrot fuerat; qui cum eodem Missionarius in Sinis, qui ab eodem suus contra Jesuitas Procurator electus fuerat, qui que proinde ejus sensus optimè noverat, Jansenismi accusationem à D. Maigrot depellat: Quâ ratione? evulgando nimirum typis publicis satis esse ad Jansenismum evitandum proscribere, ac damnare quinque Propositiones in sensu obvio: non prætereà postulandum esse, ut *damnentur in sensu Jansenii*: Quod tamen repetitis Bullis Pontifices postulârunt. Cæterum clarissimus Episcopus D. Laffitteau in Historiâ Constitutionis *Unigenitus* testa-

tur, cum hæretica conventicula cum aliis Jansenistis celebrasse, „ in quibus Romæ „ eâ libertatis audaciâ maledicebant Con- „ stitutioni *Unigenitus*, quâ usi fuissent „ Londini, aut Amstelodami. ” Romæ tunc temporis D. Laffitteau négocia agebat Regis Christianissimi, quare his de rebus apprimè erat instructus: Ac quoniam Frater Norbertus Capucinus discolus extitit, qui hoc calumniandi vitio verteret: idem denuò confirmavit in suâ contrâ Norberti Historiam Epistolâ Pastorali. Verùm numquid aliquid passus unquam est D. Maigrot, cum Romæ esset à Dominicanis Officialibus Inquisitionis? nùm se purgare coactus est non dicam suspicione, sed evidentiâ Jansenismi, saltem Formularii Alexandrini subscriptione? Nihil horum sanè, quemadmodum neque ejus Procurator D. Charmot: Hoc iniquitatis pretium per Dominicanos S. Officii persolutum est Jansenistis; ut quoniam hi pro Dominicanis pugnabant contra Jesuitas in controversia Sinensi, vicissim à Dominicanis S. Officii in Jansenianis Erroribus contra Ecclesiam protegendis juvarentur. D. Maigrot dum in Sinis esset auctor edicti contra ritus Sinenses, D. Charmot suum Procuratorem in Romanâ Curiâ delegit, quem primas partes in Controversiâ Si-

nenſi habuiſſe Romæ notiffimum eſt ; jam
 verò D. Walloni Agens Romæ Janseniſta-
 rum , Epistolâ 3. Auguſti 1697. ad Queſ-
 nellum : *Nous avons achevé ces jours les deux*
écrits pour M. Barton , (qui in clavi Jan-
 ſenianâ eſt D. Charmot Procurator Con-
 troverſiæ Sinenſis.) : Vides quàm bene
 Janseniſtæ laborarent pro Controverſiâ
 Dominicanâ contra Jeſuitas ? In Epistolâ
 P. Delbecque Dominicani ; quam Romæ
 ſcripſit ad D. Brigode , qui erat Queſ-
 nello à ſecretis : quamque refert proceſſus
 cauſæ Queſnellianæ , hæc habet. *M. Char-*
mot m'a dit qu'il en étoit au deſeſpoir , &
que de ſemblables Pieces étoient très-cap-
ables de renverſer toutes les affaires de la Chine ,
de la Hollande & de Louvain même. Vides
 conjunctum fuiſſe negocium Sinenſe cum
 Janseniano ? Verùm quàm multa hanc in
 rem eſſent afferenda , ex maximo omnium
 authentico hac in re libro , qui *Cauſa*
Queſnelliana inſcribitur , & ex alio cui
 titulus. *Suite du véritable Eſprit des nou-*
veaux Disciples de S. Auguſtin. Opus ex
 authenticis monumentis , atque iſtis Jan-
 ſeniſtarum Epistolis , Regiâ autoritate
 comprehenſis concinnatum ? Quàm eſt
 indecorum Romanæ Inquiſitioni Domi-
 nicanos ejus Tribunalis Officiales in cauſâ
 Sinenſi ac Jansenianâ junxiſſe ſe Janseni-

stis, percussisse fœdus cum morte, & cum inferno fecisse pactum? Rident inter se his de rebus Jansenistæ ipsi, & mutuò invicem gratulantur. D. Creits Jansenista Hollandus, socius Archiepiscopi Sebastheni ob Jansenismum Vicariatu Apostolico depositi sententiâ summi Pontificis, post iter Patavinum Româ 18. Decemb. 1700. Epistolam scripsit ad D. Brigode à Secretis Quesnelli, quæ legitur p. 125. tom. 4. operis. *La suite du veritable &c. Le P. Serri nous a vû à Padouë, & temoignes ses estimes pour M. de Fresne, & toute la sainte Famille. M. de Fresne est in clavi Jansenisticâ ipse Quesnellus: La sainte Famille, est Ecclesia Jansenistarum.* Atqui Serrius ex præcipuis fuit scriptoribus contra ritus Sinenses. Verùm quod pluris facio, quod D. Creits in eâdem Epistolâ scribit, se valdè gavisum esse, quòd invenerit Romæ tot, *tamque strenuos defensores causæ Jesu Christi.* Scimus quid hoc sibi velit in homine Janseniano; quid autem aliud expectes, cùm administri Inquisitionis arctam cum Sectariis, necessitudinem inierint? id cùm recolo, nullo pacto miror de Pace Clementis IX., cùm optimus Pontifex à Jansenianis adeò fædè illusos est: nihil miror de Epistolâ Innocentii XI. ad Arnaldum, quem...

ac ter venerabilem Doctorem appellat; illum scilicet, qui iniquitatis filius ab Alexandro VII. fuerat appellatus. Nihil mirabitur Hispana Inquisitio, quòd anno 1692. Henricus Noris tertio delatus, à quinque deputatis per Romanam, hoc est Dominicanam Inquisitionem Theologis absolutus sit, imò etiam novis dignitatibus auctus.

Agmen horum claudat narratio de Quesnello. Anno 1691. in lucem prodiit prima editio *Observationum Moralium Quesnelli*: Anno 1693. iterum prodiit, sed auctior, & in majorem molem: fuit, qui Librum denunciaret Inquisitioni Romanæ. Responsum est, *non esse dandam Fidem delatoribus, audiendum esse Auctorem*, eique *delationes communicandas*, ità nempe actum est, utique Dominicano Commissario, aliisque Dominicanis Auctoribus; per quos res Theologicæ in eo Tribunali discutiuntur. Ità actum est in favorem *Quesnelli*, quem publica jam fama pervicacem, atque Ecclesiæ inobedientem vulgaverat; qui, quòd nolisset subscribere Formulario Alexandrino, in Belgium aufugerat. Nùm hujusmodi benignitate uti solent Dominicani cum Catholicis Scriptoribus? Sciunt Franciscani, sciunt Jesuitæ, aliique:

Hæc cum certissima sint, atque ab Episcopo Laffiteau in Historia Constitutionis *Unigenitus* lib. 1. fusiùs explicantur, mirabimur Regulares stomachi hanc agendi rationem, atque in recentioribus turbis, aut Florentinis, aut Neapolitanis contra Inquisitionem excitatis, eos nec favisse, nec favere, nec fautores sanctissimo cæteroquin Tribunali; de quo profectò sic sentiunt, sic loquuntur, illud esse Arcem Dominicanæ Potentiæ, quo ad Regulares æmulos subigendos, calcandosque abutuntur: interdum etiam ad errores fovendos, non extirpandos. *Mundus totus non est bestia*, ait barbarè quidem, sed verè Raynaudus in Diatribis de immunitate Cyriacorum; ratione ducuntur rationales homines, cognitione, intelligentiâ, æquum inter atque iniquum sciunt quid intersit, universo Orbi aliquandiù illuditur, at non semper: sese ipsam detegit veritas, atque illustrat.

Restant graviora quæ dicantur. Archiepiscopus Mechliniensis anno 1702. iterùm denunciavit Romanæ Inquisitioni Quesnelli Librum ad proscriptionem, & damnationem; sed frustrà cecidit labor omnis, ac conatus Archiepiscopi. Quid enim, ut Dominicani Inquisitio-

nis Romanæ contra Quesnellum , & Jansenistas insurgerent , quos eo ipso tempore adeò benevolos sentiebant contra Jesuitas Sinenses ? Ecquis erit paulò peritior , qui id sibi persuadeat. Arctissimo vinculo colligabantur. *Les affaires de la Chine , de la Hollande.* (Ubi erat Quesnellus) *de Lovain* (ubi erant Quesnelliani.) Quemadmodum ex Sententiâ D. Charmot scripsit P. Delbecque Dominicanus , & Assistens sui Generalis ad Brigode , à secretis Quesnelli . in Epistolâ , quam suprà retuli. Pecuniâ , autoritate , Scriptis , ac Libris laborabant Maigrot , Charmot , du Vaucel , seu Walloni pro Causâ Dominicanâ , Domini ex Parisiensi Seminario Missionarii , ex quo Maigrot , & Charmot erant , quemadmodum P. Basset simul cum Maigrot Missionarius apud Sinas , imò etiam DD. de Leone , de Cicè , Brisacier , alique , DD. inquam Parisiensis Seminarii ad Pontificem contra Jesuitas Sinenses scripserant : An non Dominicani mutuam vicem rependerent in Jansenistis propugnandis. Quare exquisitis artificiis avertebant mentem Papæ , ac Cardinalium ab Europæo Jansenismo ad Idololatrias Sinicas , ut illi quidem vocabant ; contra quos contraversos Ritus

Decretum Inquisitionis editum est , anno 1704.

At quoniam plures adhuc ex Galliâ clamores exaudiebantur ab Antijansenianis Episcopis, Clericis, Regularibus, tandem anno 1708, post tam multas querelas exterorum, prodiit Breve Clementis XI. quo proscribitur liber Quésneli tanto post tempore, ac tam multâ, tamque diuturnâ animarum strage percelebris; ipsos enim 37. annos lectus est impunè, frustrâ clamantibus Catholicis ad Apostolicam Sedem, Romanis autem Dominicis cum DD. du Vaucel, Hennebel, Charmot, Maigrot, aliò artificiosè avocatibus Pontificias curas; *Exitus ostendit*, inquit, Episcopus Laffitteau, si *liber*, ille *statim proscriptus fuisset*, tùm *Ecclesiam*, tùm *Gallias habituras fuisse pacem*: Ità in Hist. Constit. lib. 1.

Tot malis illud etiam accessit, quod sivè fraude, sivè inscitiâ Dominicanorum Inquisitionis Romanæ (alterum enim ex his necesse est intercessisse) Apostolicum illud Breve réceptum nequaquam in Galliis fuit ex quâdam videlicet clausulâ, quâ *Liber* ad ignem imperio Pontificio damnabatur: Hoc autem Juris in Galliis una Civilis potestas sibi vindicat. Sin minus id dixerò fraude id contigisse, ut

Clementis XI. Breve in Quesnellum inutile fieret, at certè inscitiâ saltem id evenisse dicam. Quod ipsum satis ostendit, Commissarios in S. Officio Regulares ineptos esse: quod etiam Raynaudus cum aliis animadverterat; cùm Regnorum consuetudines ignorent, quibus ignoratis plura decreta ab exteris non recipi necesse est.

Plurima ommitto, quæ Dominicanis faventibus Româ derivârunt in commodum Jansenismi, ut jam Gallis, ac Belgis, tùm Catholicis, tùm Jansenistis loco Adagii sit; nullum Jansenianis *Setariis firmiorem Clipeum suppetere*, contrà Pontifices; quàm *Romanos Dominicanos: Un grand Ordre puissant à Rome*. Aiebat Quesnellus in Scripto, quod recitat Meyer in Præfatione Historiæ de Auxiliis. Quo etiam in loco, ac prioribus quoque Capitibus *Vindiciarum Historiæ ejusdem ostendit*; Quàm bellè mutuam sibi operam præstiterint Jansenistæ, ac Romani Dominicani in edendâ Panopliâ Lemos, Actis ejusdem Lemos, Opere Reginaldi, aliisque.

At præstat filere tandem de hoc argumento ne infinitus sim, ac Libellus in Tomum excrescat; quòd facillimè fieri posset, etiam authenticis, atque ut aiunt

Originalibus documentis in medium productis : Satis ea sint, quæ recitavi, ac indicavi levissimè : Nonnulla fortassè in Appendicem rejiciam; ne nimium hîc ab instituto deflectam. Mirabitur autem ætas omnis, ac posteritas : quî fieri potuerit, ut Pontifices, ac Cardinales Tribunal contrâ hæreticam pravitatem institutum non auferant ab eorum Regularium administratione, quos perspicuè constat, eò usque Beneficiorum à S. Sede Apostolicâ sibi collatorum oblitos, ut non modò in Galliis rebellaverint maximo numero à Constitutione *Unigenitus*, & ad futurum Concilium, integris eorum Conventibus suffragantibus appellaverint; Formulario Alexandrino subscribere in ipso Capitulorum Provincialium conspectu detrectaverint : verùm etiam in ipsâ Romanâ Urbe ab Officio suo deflectentes, proditâ Pontificiâ causâ sint turpissimè prævaricati : Quotusquisque Regum, ac Principum Civilem Jurisdictionem hominibus tantâ non dicam suspicione, sed evidentiâ laborantibus impartiretur? Anno 1740. & 1741. Dominicani, Inquisitionis in Ditione Avenionensi constitutæ, non clanculùm, sed apertè Janseniana scripta typis vulgârunt, eademque disseminârunt longè latèque, Massiliensi

Episcopo, ac Carpentoratenſi contemptis, eâ audaciâ, ac petulantîâ quæ deſcribitur in Libello cui titulus, *Lettres au R. P. Robert. ann. 1741.*; Omnia autem per Notarios deſcripta fuere, ne qua falſa ſuſpicio ſubefſet. Nec tamen hæc ſatis erunt, ut videat ac judicet Romana Curia Inquiſitionis Tribunal odium maximum apud Hæreticos comparafſe quod certo certius eſt. Si pii etiam Catholici non admodum amicè, ac benevolè ſentiant de ejus adminiſtratione, quis ejus fructus exiſtet, atque utilitas? quæ in Romanam Eccleſiam Populorum reverentia? Denique hoc maximè infixum vellem Prælatiſ omnibus, ac Cardinalibus Romanæ Curiae; Cùm Inquiſitionis, cura præcipua contrâ Hæreſes ſit, eaſque maximè, quæ inter Catholicos occultè graſſantur; harum autem maxima, ac peſtilentior ea ſit, quæ Janſeniana dicitur: malo conſilio nunc temporis Inquiſitio committitur Dominicanis Fratribus, qui Thomiſtica placita de Gratiâ per ſe efficaci propugnant cum ſuo Bannez, & Alvarez. Breviter enim dicam, Thomiſticam Sententiam de Gratiâ per ſe efficaci, Janſenianam eſſe, ſi quis dicat: Blâſphemy eſt, impium eſt, temerarium eſt, & maximè injurioſum Scholæ optimæ,

& Catholicæ. Cæterum ejus defensores Dominicanos in maximo periculo constitutos esse, ne Jansenistæ evadant, Hoc sanè verissimè dicitur : Homo enim qui bonum liberè non operatur, instructus est sanctâ illuminatione, & inspiratione excitante ad bonum : Caret tamen aliâ distinctâ, & speciali gratiâ per se victrici, & efficaci, & ad operandum in actu secundo necessariâ, sine quâ repugnat actu existere bonum opus. Id docet Dominicanus, idipsum Jansenista docet, Molinistis repugnantibus : neque huc usque aliquid contrâ Fidem. Discrimen inter Catholicum Dominicanum, & Jansenistam Hæreticum hoc intercedit : Suadere sibi Jansenista non potest, quòd homo utcunque à Deo illuminatus, & inspiratus, habeat veram potentiam, & sufficientiam ad opus bonum ; si careat ulteriori gratiâ per se efficaci ad operandum necessariâ, quam sibi nequit acquirere : Irridet in secundâ Epistolâ Provincialium hanc *potentiam, quæ non potest, hanc sufficientiam, quæ non sufficit*. Similia habet Jansenista recentior *Palladius* in Crisi adversùs *Steyartii Conclusionem* 7. ubi vocat *Exoticam* quandam gratiam sufficientem *Thomisticam, quæ non sufficit, nomenclaturam insigni absurditate deliram, appellatio-*

nem ludicram gratiæ verbo sufficientis, re non sufficientis. Caterum si vobis Dominicanis desipere statutum est, desipite in pulpitis vestris quantum libuerit, nunquam efficietis, quin totus mundus, explosâ illâ Thomisticâ sufficientiâ ita tamen malè nuncupatâ, cum D. Thomas nihil ejus meminerit, semper & ubique cibos, vestes, pecunias, Molinisticè sufficientes deamet. Ægidius de Witte in novâ Apologiâ pro sanctâ Doctrinâ Jansenii Episcopi Iprensis p. 39. Nomen gratiæ sufficientis à falsis quibusdam Thomistis excogitatum est, ut se in speciem jungerent Molinistis, vitarentque persecutiones, cui Jesu-Christi gratia exposita est; vocari eâ potest nequitia maxima, & singularissima perfidia, quæ in perversione idiomatis unquam commissâ sit à tempore quo Christiana stetit Ecclesia. Petrus de Ligni, notus etiam Jansenista in Epist. ann. 1691. 1. Februar. gratiam sufficientem Thomistarum vocat stultitiam. Et siquidem Dominicanus rei difficultate victus succumbat, illicò Jansenista est, negans hominem qui non operatur habere veram indifferentiæ libertatem, hoc est veram potentiam, & sufficientiam ad benè operandum; ne autem Dominicanus in Jansenismum ruat; opus est, ut non sine magnâ difficultate intellectum suum captivet in obsequium.

Bannez, & Alvarez : ut fateatur, & animo credat hominem illuminatum, & inspiratum à Deo absque illâ aliâ per se efficaci gratiâ necessariâ, omninò inacquiribili habere verum posse, & veram sufficientiam ad bonum opus, habere inquam verum posse, licet reipsâ, & in actu secundo nequeat poni bonum opus absque novâ gratiâ per se efficaci; quam non habet : habere veram sufficientiam ad opus bonum, quamvis hæc sufficientia non sit satis, sed requiratur ad opus reipsâ ponendum alia per se efficax gratia. Cum autem hoc sit mysterium creditu difficillimum, nimis facilis est saltus à Thomisticâ hæc opinione in Jansenianam, quâ credat omnem hanc potentiam, & sufficientiam Thomisticam non esse nisi solis vocibus potentem, ac sufficientem.

. Sequitur ex his 10. non esse committendam Inquisitionem in Jansenistâs Dominicano Fratri, sub cujus pallio tam facile, ac proclive est latere Jansenium. Post solemnem Innocentii X. Constitutionem contra quinque Jansenii Propositiones., Fr. Nolanus, quòd ei Constitutioni „ illuderet, à S. Mariâ super Minervam, „ ubi Theologiam profitebatur, ad turrim primum Nonnanam, tum ad Tullianum traducendus fuit. Quam for-

„ tem nactus esset Avenione Fr. Anto-
 „ nius Reginaldus , simili ludibrio Bul-
 „ lam contra Jansenistas latam detorquens
 „ ad Jansenii indemnitatem. Nisi Fr. à
 „ Turno ibidem de Fide Inquisitor, Jan-
 „ senii , & ipse partiarius (quippe qui
 „ Jansenisticam Harfani Concionem præ-
 „ fixo Jansenii cumulado elogio Romæ
 „ approbârat) tutum fecisset Sodalẽ ,
 „ eâdem erga Pontificem Fide , quâ Bul-
 „ lam contra Jansenii errores ubivis in
 „ Galliâ vulgatam, ne in Avenione , &
 „ in tribus Comitatus Venayssini Epif-
 „ copatibus Pontificiæ ditionis evulga-
 „ retur, effecit. ” Hæc narrat Raynaudus
 natione Gallus , & testis coævus , ac
 bene conscius Diatribâ 2. de immunit.
 Cyriacorum : quo in loco addit. Hoc ipso
 mense Julii anni hujus 1655. Lutetiæ in
 Cœnobio Cyriacorum (Dominicanorum)
 quod est in Regione S. Honorati, Theses
 ad disputandum propositæ sunt , quas Jan-
 senianâ leprâ contaminatas , illustrissimus
 à Balneis Nuncius Apostolicus , ubi res-
 civit , suppressi mandavit , sed cùm Fra-
 tres protervirent , & se de sententiâ de-
 ducinon paterentur, idem Nuncius quere-
 lam deposuit apud Regni Cancellarium ,
 cujus jussis Jansenius inter Cyriacos ob-
 mutuit. E thesibus ad defendendum pro-

positis hæc una erat : *Ad merendum, & demerendum, non requiritur libertas à necessitate, sed tantum ab omni coactione : contrarium non definivit Innocentius X.* Recolenda sunt, quæ jam dixi : quibus hæc sint coronidis loco : Frater Natalis Alexander in Epistolâ 26. Augusti 1701. ad D. Josephum de Brigode Quesnelli Secretarium. „ Deum precor, ut det successum „ bonum D. Hennebel, & omnibus ve- „ ris S. Augustini Discipulis defensori- „ bus sanæ doctrinæ. Si autoritate pol- „ lerem, jucundissimum mihi esset hanc „ in illorum obsequium impendere.” D. Hennebel fuerat Romæ à multo jam tempore Agens extraordinarius Jansenistarum, qui veri S. Augustini Discipuli in clavi Jansenisticâ vocantur. Vide Meyer in præf. art. 3. de hoc Hennebello, vide causam Quesnellianam art. X. §. 7. Quàm sibi charos haberet Jansenistas suos Natalis Alexander, publico Testimonio docuerat ante mensem, nempe 20. Julii 1701. quâ die cum 40. Doctoribus Parisiensibus subsignaverat famosum *casum Conscientiæ*, quo docebatur absolvi posse Ecclesiasticum qui animo crederet, quòd Jansenius malè condemnatus fuisset, & Doctrina libri ejus esset Orthodoxa. Contra quem Conscientiæ casum est Bulla Clementis XI. *Vineam Domini*

Domini Sabaoth 1706. Præterea in Epistolâ D. Creits Jansenistæ Hollandi Româ 18. Decemb. 1700. ad D. Brigode Secretarium Quesnelli. *Le P. Serri nous vit à Padoüe, & temoigna ses estimes pour M. de Fresne, & toute la sainte Famille.* De Fresne in clavi Jansenisticâ est Quesnellus, & cœtus Jansenistarum est S. Familia: quæ cifræ patent in Processu Causæ Quesnellianæ. Epistola D. Creits legitur tom. 4. Epist. 7. Lib. cui titulus: *Suite du veritable Esprit &c.*

Vides duos hos præcipuos recentiores ex Ordine Dominicano, victos rei difficultate, haud satis credidisse magnum illud misterium, quòd carens gratiâ per se efficaci necessariâ, habeat potentiam, quæ re, & nomine verè sufficiat?

Alterum, quod sequitur, est: etiam ii Dominicani sententiæ Thomisticæ de gratiâ per se efficaci assertores, quique ex animo tuentur contra Jansenistas, hominem sine illâ veram habere sufficientiam ad bona opera, adhuc non sunt apti, ac idonei vel Judices, vel Consultores contra Jansenistas, & eorum libros: cùm enim Jansenistæ à Dominicanis hoc differant, quòd isti credant, sine gratiâ per se efficaci, habere hominem verum posse, verum sufficere: illi autem hanc potentiam

& sufficientiam, cui deficit gratia alia necessaria ad actum, veluti Hircocervum, & Chimeram derideant; cæterum in reliquâ doctrinæ substantiâ, quod attinet ad statum naturæ lapsæ convenient, iisdemque vocabulis utantur: primum quidem difficile est, ut Dominicanus verè ardeat in Jansenistas, qui in tam multis similis sibi est: deinde satis facile est, ut absterreatur à lædendâ Jansenianâ sententiâ, timens ne suæ noceat; denique facillimum est eum decipi à Jansenistis, similitudine vocabulorum Thomisticorum. Testis est historia quinque articulorum, quos plures è Galliâ ad Alexandrum VII. miserunt, tanquam suæ Fidei Professionem, in obsequium damnationis, quâ confixæ jam fuerant quinque Jansenii Propositiones. Articulos illos plures Thomistæ tanquam Catholicos approbârunt, inter quos Gonetius. Væ tamen Romanæ Ecclesiæ, si his Thomistis auscultasset. Constat siquidem eos à Jansenistis compositos, pluries à Quesnello laudari; tanquam optimam suæ Fidei Professionem. Videatur de la Fontaine in Proleg. c. 8. ubi rem narrat. De his fraudibus rident ipsi Jansenistæ: Nam Ægidius de Witte in Augustini Iprensis vindicati Vindiciis uberioribus ann. 1711. pag. 10. „ Nihil omninò vetat fraudem,

„ & ludos Clementi XI. fieri per æqui-
 „ vum Neo-Thomisticum Idioma, Pe-
 „ lagianis , seu mavis Molinianis aberrat-
 „ tionibus apprimè consonum. Nam &
 „ istâ adulterinâ verborum congerie, lu-
 „ dos olim factos fuisse arbitror Alexan-
 „ dro VII. per scriptum quinque
 „ articulis constans....

Ut ea quæ dixi, altiùs infigantur , &
 omnes quorum interest ad congruum re-
 medium excitentur ; eum supplex rogo ,
 atque obtestor, qui iturus ad Patrem , Ec-
 clesiæ suæ adfuturum promisit se, usque
 ad seculi consummationem : ut pernicio-
 sam illam existimationem ab animis Ca-
 tholicorum omnium evellat ; quo plures
 putant Jansenismum errorem esse subtilio-
 rem potiùs, quàm nocentiorum. Mitto
 quod dum libertatem indifferentiæ tollit,
 omnem boni operis sollicitudinem aufert,
 hominemque agit præcipitem in gravissi-
 mi cujusque sceleris barathrum : Hoc sal-
 tem prudentior quisque perpendat , quo
 spiritu seditioso Jansenistæ sint in utram-
 que Laicam , atque Ecclesiasticam pote-
 statem. Ex Epistolâ à Jansenistis conscri-
 ptâ ad D. Comitem d'Avaux Plenipo-
 tentiarium Ratisbonæ 1684. & repertâ
 inter scripta Quesnelli ; patet eos voluisse,
 ut Jansenistis libera Fides permitteretur,

fancito hâc de re articulo in Tractatu publico. Ad Plenipotentiariorum Congressûs Sueffionensis Epistolas suas miserant, ut eorum patrocinium susciperent contra *abusus Curiae Romanæ, & ejus politicam perniciosam*. In Epistolâ Encyclicâ Jansenistarum clarè dicitur, *Tridentinum non esse Concilium Canonicum, quemadmodum Sancyranus dixerat fuisse hoc Concilium Papæ, & Scholasticorum, plenum fraudibus, ac dolis*. Hæc & innumera alia leges in Epistolâ Episcopi Montis Pessulani anni 1740. contra Regem Galliarum, & Episcopos ac Pontifices seditiosâ.

Quos sensus suis instillent Jansenistæ, docet Quesnellus in Epistolâ Abbatis, ad quemdam Romanæ Curiae Prælatum, nam pag. 21. *Romanum, inquit, Tribunal videtur esse Latronum Latibulum, ubi Censores insidiantur hominibus, ut eos damnent*, pag. 3. *Certum est Decreta Civilia magis justæ esse, & æquitati conformia; quàm Decreta Curiae Romanæ*. pag. 31. *Maxima pars Cardinalium, & Theologorum Romæ nihil intelligit*. Docet similia Wallonus, qui ultra 20. annos Romæ fuit Agens factionis Jansenianæ; in facile mille ducentis Epistolis scriptis ad Arnaldum, Quesnellum, Ernestum, & alios: Vide causam Quesnellianam Art. X. §. 1. p. 244.

Aliqua recitabo ex Art. XIV. pag. 376.
 Itaque in Epist. ad Quesnellum Româ
 23. Septemb. 1703. *On vient de me dire,
 qu'outre le Decret contre le Cas, le Pape a
 envoié trois Brefs. . . On doit tout craindre
 d'Olibro (Clemens XI.) soufflé & prévenu,
 comme il est par les Rouliers (Jesuites) . . .
 La plupart des Evêques sont parfaitement
 ignorans sur ces matieres, & ils ne dai-
 gnent pas seulement s'en instruire. 5. Maii
 1703. On a sçu d'assez bonne part, qu'Oli-
 bro (Clemens XI.) est toujours fort content
 de ses Brefs, . . . Jugez quelle doit être sa
 prévention, & son entêtement, & même son
 ignorance sur toutes ces matieres. 18. Junii
 1701. Tous les Chapitres des trois Basiliques
 [de Rome] toute la Prélature, & genera-
 lement tout le Clergé, ne fourniroient pas deux
 personnes, qui fussent capables, & en état, de
 dresser un *Votum* sur des Matieres de Theo-
 logie, & de Doctrine? 21. Julii 1696. Ces
 Eminentissimes ne sont nullement Theologiens,
 & ils ne le sont pas davantage, lorsqu'ils de-
 viennent Papes; comme Innocent X. l'avoüoit
 de lui-même: de sorte, qu'ils ne sçavent,
 que d'une maniere très-confuse ce qu'ils con-
 damnent, ou ce qu'ils ne condamnent pas:
 sur-tout dans des Matieres abstraites & dif-
 ficiles, comme sont celles de la grace.*

His ac pluribus aliis relatis sic conclu-

dit Processus Causæ Quesnellianæ pag. 356. „ Plura ad manum sunt : Sed hæc „ ex innumeris sufficiant , ut dubium „ nullum relinqui possit , quin indignissimis „ modis ab utroque (Quesnello , & „ Wallono) habiti fuerint Venerabilissimas „ Ecclesiarum Antistites , Eminen- „ tissimi Cardinales , ipsique in terris „ Christi Vicarii , & Sedes Apostolica. „ En cui hominum generi non resistent , „ qui de Jansenistis non curant ?

Specimen aliud diligentiae , quâ Romani Dominicani invigilant in Jansenianis erroribus insectandis , exhibent *Prælectiones Theologicae* Fr. Hyacinthi Serry tom. IV. Disp. III. Prælectionibus VI, VII, VIII. editæ Venetiis an. 1742.

Prælectionis VI. argumentum , „ Num „ Romani Pontifices , & Concilia Oecumenica infallibilitatis privilegio gaudeant , ubi de factis doctrinalibus iudicium ferunt. *Et infra*. Facta .. „ alia historica , seu personalia , alia dogmatica , seu doctrinalia nuncupantur , „ ac etiam textualia. Sed & illa facta „ dogmatica , quibus scilicet dogma „ aliquod Scripto cuiquam attribuitur , „ duplicis adhuc generis distinguuntur : „ Alia sunt per sese patentia , & ab omnibus „ agnita ; alia subobscura sunt , va-

„ riisque difficultatibus obsita, atque hinc
 „ inde inter Theologos disputata De
 „ his ergo postremi generis factis, ut vo-
 „ cant doctrinalibus, textualibus, sub-
 „ obscuris atque recentibus, quæstio no-
 „ bis est Quâ in re negantem par-
 „ tem amplector, nullumque hujusmodi
 „ privilegium agnosco : Imò & Roma-
 „ nos Pontifices & Concilia Oecume-
 „ nica errori ac deceptioni obnoxia pu-
 „ to, ubi de factis doctrinalibus, &c.

Et infrâ pag. 129. sub finem in exem-
 plum apponitur *ipsius Janseniani facti de-
 finitio, de quo tot, ac tantæ ætate nostrâ ex-
 citatæ sunt turbæ.*

Hoc assertum probat Serry totâ eâ Præ-
 lectione VI. ; Indè sequitur Prælectio VII.
 hoc titulo,, Hæc eadem Sententia mul-
 „ tis exemplis confirmatur.

Sequitur Prælectio VIII. hoc titulo :
 „ Contrariis Argumentis occurritur.

Hâc scilicet Doctrinâ imbuta est Pa-
 tavina Accademia, dum Serry viveret :
 His modo in publicam lucem editis ab an.
 1742. imbuitur Italica Juventus, quæ
 nihil mali suspicabitur in eo libro, quem
 liberè permittunt omnium manibus Ro-
 mani Dominicani, cæteroquin oculatis-
 simi in quocumque libellulo proscriben-
 do, qui plus, quàm ipsi vellent, faveat

Immaculatæ Virginis Conceptioni. &c.

Jam omnes appello Catholicos Galliarum ac Belgarum Episcopos, ac Doctores ; quorum cum Jansenistis est assidua pugna, an non hæc ipsa, tota prorsus quanta est, doctrina sit Sectariorum, qui subscribere renuunt Formulario Alexandrino : eo quòd negent infallibilem Ecclesiam in factis, ut aiunt Dogmaticis definiendis ? Libeat itaque exclamare de Romanis Dominicanis : ô præclaros custodes ovium ! His nimirum egregiis suis Administris debet Romana Curia vulgatum illud Proverbium, quo pii quique Catholici conqueruntur. Roma, inquiunt, unâ quidem manu Jansenistas, Quesnellistas, Appellantes persequitur, alterâ tuetur, ac fovet.

CAPUT VIII.

Praxis , quam in Romanam Inquisitionem invexére Regulares , minùs opportuna est Hæreticis , ac Schismaticis ad Ecclesiam revocandis : hinc necessitas Inquisitionem committendi Seculari Clero ex PAULI III. constitutione.

CÆterùm non eo nomine tantùm nocet Dominicana Inquisitionis administratio , quòd nimium amicè agat cum Jansenistis , verùm etiam , quòd admodum acerbè cum aliis Hæreticis. Vastum hinc mihi existeret conscribendi Libri argumentum. Per priora duodecim Ecclesiæ secula mitissimè actum est cum Hæreticis , at prætextu augendi paulatim auctoritatem suam , semper novis obtentis Apostolicis Literis , ad summam severitatem eam evexerunt Inquisitores Mendicantes. Cui vacat , legat non Historicos modò , sed ipsas Literas Apostolicas apud Pegnam in Directorii Appendice : & à primis incipiens , nova semper severitatis , atque acerbitatis incre-

menta perspiciet. Non repugno, quin hâc ratione agatur cum iis, qui in Catholicâ Fide, in quâ nati sunt, atque enutriti, magnâ perfidiæ notâ deficiunt. Quamquam & hæc secundaria adminicula minùs dixerim præcipua. Hoc enim præcipuum est, ut Prælati cum utroque Clero non quærant quæ sua sunt, sed quæ Jesu Christi, verbo & exemplo: Hæc enim verò ad Catholicos ab Apostasiâ continendos plus proficiunt, quam centum Anathemata cum sexcentis Comminationibus, ac Condemnationibus. Verùm quid est, quòd Regulares, Romanæ præcipuè Inquisitionis, hanc animi acerbitem Pontificibus, ac Cardinalibus instillent in Anglos, Hollandos, Genevenses, Helvetios, ac Germanos Sectarios, Græcos etiam Schismaticos: eùm potiùs pro eo Fidei zelo, quo ipsos inflammari deceret, curandum esset, atque omnibus viribus contendendum; ut Pontifices, Cardinales, atque universa Romana Curia Populos, ac Principes à Romanâ Fide alienos amore, benevolentia, charitate, omnique officii significatione complecterentur. Catholici, ne à Fide desciscant contineri, & amore, & timore opportinè valent; ac Populi, ac Reges, qui sui Juris, atque arbitrii

sunt ; nonnisi amore allici ad Fidem possunt. Una hæc via est , quâ eo usque saltem demulceantur , ut Catholicis in suis Regionibus liberum Religionis Orthodoxæ usum indulgeant.

Ne ille toto cælo aberraverit , qui putet Septentrionis Regiones à Fide Romanâ defecisse , Lutheranæ , aut Calvinianæ Doctrinæ amore , ac specie deceptos : Id à veritate alienissimum esse clamat omnis eorum temporum Historia Ecclesiastica , atque Prophana. Præcipua , ac veriùs dixerim , omnis deficiendi causa fuit odium in Romanum Pontificem , Romanamque Curiam : quod odium , & Ecclesiastici , & Regulares acerrimum conciliârunt , tùm pessimis suis eâ ætate moribus , tùm imperandi , ac dominandi superbiâ , atque avaritiâ. Meminisse quidem debuerant Populi Evangelici moniti : *Quæcunque dixerint vobis servate , & facite : secundùm autem opera eorum nolite facere.* Aliis præterea remediis uti Principes , ac Nationes poterant ; non pessimo hoc defectionis remedio à Romanâ Fide , tot signis ac prodigiis sanctissimorum Virorum , à Lutheri quoque , & Calvini temporibus confirmatâ. Quapropter non eam justam fuisse , dico , deficiendi causam ; sed ta-

men causam fuisse, perspicuum est.

Locupletissimum Testimonium dabo ex Adriano VI. qui Leoni X. successit sub initia Lutheranae factionis. Is Inter-
nuncium suum in Germaniam delegit Franciscum Cheregatum, Episcopum Aprutinum, cum Mandatis, quorum hic erat titulus : *Instructio pro te Francisco Cheregato, de quibusdam, quæ Prælati, Principibus, & Civitatum Germanicarum Oratoribus dicere poteris viva voce; ubi, & quando opportunum judicaveris.* Integrum recitat Raynaldus in annalibus ad annum 1722., Inter alia hæc leguntur n. 67. Lu-
,, therani.... ab initio præ se tulerunt Ec-
,, clesiasticam potestatem, tanquam ty-
,, rannicè, & contra Evangelium occu-
,, patam : " N. autem 70. hæc habentur.
,, Item dices, nos ingenuè fateri, quòd
,, Deus hanc persecutionem Ecclesiæ
,, suæ inferre permittit propter peccata
,, hominum; maximè Sacerdotum, &
,, Ecclesiæ Prælatorum.... scimus in
,, hac S. Sede aliquot jam annis multa
,, abominanda fuisse : abusus in spiritua-
,, libus, excessus in mandatis, & om-
,, nia denique in perversum mutata : " A-
lia plura in hanc rem scribit. Animad-
vertendum verò est omnia quidem Ec-
clesiasticorum crimina nocuisse Ecclesiæ,

at illa omnium maximè , quæ aliis incommodabant , quemadmodum dominandi superbia atque avaritia. Legantur priora Lutheri scripta Tom. 1. Operum, nihil aliud reperias quàm perpetuas de his querimonias , quibus Provincias ad rebellionem excitabat. In colloquio, quod anno 1532. habitum est inter Henricum VIII. Angliæ , & Franciscum I. Galliæ Reges ; scribit Raynaldus in Annalibus ad eum annum, quod „ nonnulli, „ Hæresi infecti, hos Reges impellere „ nisi sint , ut Conciliabulum congregarent ; in quo Pontificem in jus „ vocarent , ob acerbiora Apostolicæ „ Autoritatis Imperia, non aliter quàm „ Germani de suis , ut dicebant , gravaminibus conquerebantur. ” Ad annum verò 1535. quo Henricus VIII. apertè defecit, narrat hæc Raynaldus ex Sanderò. „ In Litaniis , precibusque , „ quæ tùm privatim , tùm publicè in „ omnibus Oratoriis , Ecclesiis , Monasteriis , aliisque in locis recitabantur ; loco petitionis illius , quæ pro „ Domno Apostolico à Christi Fidelibus per universum Orbem fieri solet. ” Henricus hæc impia verba apponi præcepit , *ab Episcopi Romani tyrannide , & detestandis enormitatibus libera nos Domine.*

Post Genevæ defectionem hoc monumentum Genevenſes æneâ tabulâ ſtatu-
runt ; ut refert Raynaldus in Annalibus
ad ann. 1535. n. 16. *cum anno Domini*
1535. proſtigatâ Romani Anticriſti tyrannide , abrogatis ejus ſuperſtitionibus. . . &c.
Senatus Populusque Genevenſis monumentum
hoc , &c. Alia hujus generis innumera
ſuppetunt. Rogo autem pro eâ , quam
debemus erga communem Patrem , &
Paſtorem Romanum Pontificem reve-
rentiâ , atque amore ; num hujusmodi
altè defixa præjudicia , viribus omnibus
extirpanda ſint , an altiùs infigenda ? an
non potiùs malum , quod ſuperbiæ , at-
que auſteritatis Pontificiæ famâ confla-
tum eſt , lenitate , manſuetudine , cha-
ritate curandum ſit ; eâque animi , ver-
borum , factorumque demiffione , quæ
Pontificiam non dejicit , ſed extollit Ma-
jeſtatem. Rogo , ac vehementiùs poſtu-
lo , nùm amoris ſuavitatem , ac dulce-
dinem ſapiant in Lutheranas , ac Calvi-
nianas , & alterius cujuſlibet ſectæ Natio-
nes, Reſpublicas, Regna, tam multæ Cen-
ſuræ, Excommunicationes, execrationes,
malediſtiones , Anathemata : quæ , non-
nulli Regulares , præcipuè ex Inquiſitio-
nis Officio : ubi Pontificibus , ac Cardina-
libus ſuaſerint , ac perſuaſerint , tunc

enim verò sese egregiè zelo zelatos pro Domino Deo exercituum putant: Putabimusne post Lutheranos, ac Calvinistas in Bullâ Cœnæ descriptos (quod Consilio Regularium S. Officii debetur) aliquem hâc de causâ ad Christi Ovile rediisse, cùm tamen sexaginta coque amplius errantium millia, S. Francisci Salesii lenitas, ad obedientiam Pontificiam ex Sectariorum Scholâ perduxerit nullâ in eos excommunicatione intentatâ.

Innumeros etiam Calvinianâ lue infectos ad Romanam Fidem perduxerit sanctus Joannes Franciscus Regis: uterque sanè nullis vinculis, aut càrceribus, nullo milite, spiculatore, Birruario, sed gladio spiritûs, quod est Verbum Dei: in omni paupertate, humilitate & charitate. Sed facilius est bonis Fratribus præliari prælia Domini per vincula, carceres, milites, spiculatores, Birruarios: dum ipsi bonis prandiis interim saginantur, ac dimissis Theologiæ, & concionum laboribus, ac studiis; munerum tributa corradunt undecunque: Sancti Officii Patentes, uti vocant, ad nauseam Populorum, Gubernatorum, Episcoporum distribuunt, aut veriùs vendunt, magno scelerum, ac sceleratorum patrocinio. Non hoc agendi modo S. Antonius Patavinus, malleus Hæ-

reticorum dictus est. Ipse, quin etiam S. Petrus Martyr, non novo isto more Inquisitor, Hæreticos, atque Hæreses diligentiam inquirebat, & detegebat: sed per saluberrimas conciones hortabatur, aut confutabat. Sed redeundum est ad necessariam in Hæreticos charitatem, atque importunam in eosdem acerbiteriam.

Quid dicam de Censuris Clementis VII. in Henricum VIII. Angliæ Regem, quid de poenâ privationis Regni, per PAULUM III. in eundem Henricum, per S. Pium V. in Elisabetam decretâ, & Christianis Principibus in eos incitatis, quam nullus ex his fructus, quàm multa, eaque gravissima damna, quàm magnus Romanæ Sedis contemptus extiterit: legat, qui id poterit siccis oculis, apud Spondanum ad annum 1534. n. 4. 1538. n. 14. 1570. n. 3., & aliàs passim. Hinc vetus illa cantilena de Pontificiâ Tyrannide, adhuc linguis, ac scriptis Protestantium, aliorumque sectariorum teritur: quo odio, rabie, ac malevolentiam acti, more aspidis surdæ obturantis aures suas, ne patiuntur quidem salutare conciones, ac monita; nec piorum pro Catholicâ Religione librorum voces sustinent, quare Romana Cathedra, ac Fides posita est in *similitudinem gentibus, & commotionem capitis in Populis.*
Nullum

Nullum hujus mali remedium certius, atque expeditius est, quàm quòd Regulares, illustris portio gregis Christi, maneant in eâ vocatione, quâ vocati sunt, opus divinorum divinissimum exerceant, Deo scilicet in salutem animarum cooperari, sacris Prædicationibus, Missionibus, sacris Disciplinis tradendis, librisque conscribendis, ac diligenti Sacramentorum administratione: Jurisdictionis autem Ecclesiasticæ exercitium, quod in Regulares per Inquisitionis munus aliaque derivatum magnâ ex parte est, Clero Seculari restituatur. Prioribus XII. seculis, in quibus Romanus Pontifex, & Episcopi Ecclesiasticum regimen administrabant, nullæ hujusmodi tam frequenter, ac vulgò exaudiebantur populorum querelæ, de Pontificis Romani austeritate, ac quasi tyrannicâ Gubernatione. A seculo XIII. post exortos Mendicantium Ordines conqueri satis acriter cœperant Episcopi de Sede Apostolicâ, & ejus auctoritate; quòd nimîâ, ut loquebantur, indulgentiâ eos Regulares complecteretur, exquisitis concessis Privilegiis, in Verbo Dei, Sacramentisque administrandis, & Sacrà Inquisitione gerendâ in magnum detrimentum Episcopalis potestatis. Accessit abusus Regularium, qui se gerebant.

tanquam *dominantes in Cleris*, & Censurâs,
 ac bonorum multas, auctoritate Pontifi-
 ciâ tertio quoque verbo insonabant; quo-
 rum innumera exempla, ac planè horrida
 proferrem, si per tempus liceret; atque
 hæc. quidem. eò per se collineabant; ut
 Papam austerum, atque imperiosum Prin-
 cipem populis exhiberent; Quid? quod ut
 gratam vicem rependerent Romano Pon-
 tifici pro Beneficiis, & Privilegiis accep-
 tis, id quasi ex condicito sibi sumpserunt
 Regulares, ut Pontificiam auctoritatem,
 ac potestatem nimiam adulatione extolle-
 rent. Annus Viterbiensis Magister S. Pa-
 latii in Comment. super Apocalip. scrip-
 tis ann. 1481., Dubitatur, inquit, an
 „ Agnus, & ejus Vicarius Pontifex Ma-
 „ ximus, sit jure divino Rex Regum,
 „ sive Monarcha temporalis hujus mun-
 „ di? ” Respondeo affirmativè: Indè post
 ineptissima Corollaria sic concludit Co-
 rollario 20. & ultimo: „ Sequitur, quòd
 „ qui Christi Vicario contradicunt, sive
 „ Cæsares, sive Reges, ac Principes,
 „ & Potestates, statim Jure divino Ty-
 „ ranni efficiuntur, suntque magis sub
 „ Bestiæ Mahometanæ tyrannide, quàm
 „ sub juridicâ divinâ Monarchiâ immacu-
 „ lati Agni. ” Et Silvester, alter Magister
 S. Palatii tempore Lutherani Schismatis

in Summâ Verbo *Papa* n. 1. „ Papa, inquit
 „ dictus est quasi admirabilis : à Papæ ! in-
 „ terjectione admirantis : eo quòd Vica-
 „ rius sit Christi, & Dei, cujus est ter-
 „ ra, & plenitudo ejus.

Quam magnifica deinde subjiciat ex
 hoc exordio divinare potes : ne autem cre-
 das sermonem hunc adulationis plenissi-
 mum, invecum fuisse à Fratribus Seculo
 XV., aut XVI. Accipe, quid Joannes de
 Murro Theologiæ famâ clarus ex Ordine
 Fratrum Minorum ann. 1302. dixerit
 in Consistorio Cardinalium ad Episcopos
 Legatos Philippi Regis Galliæ, fuisse
 Cleri de temporali potestate Pontificis in
 universum orbem. Postquam in oratione
 suâ de Pontifice Romano exposuisset illa
 Prophetæ. *Ecce constitui te hodie super
 gentes, & super Regna, &c.* Distinguen-
 dum dixit, inter Jurisdictionem tempora-
 lem, prout competit ratione *actûs & usûs*,
 vel ut competit alicui *de Jure.* „ Unde,
 „ inquit, Jurisdictio temporalis compe-
 „ tit summo Pontifici, qui est Vicarius
 „ Christi, & Petri *de Jure*, & qui con-
 „ trarium sentit, impingit in illum arti-
 „ culum, *qui judicaturus est vivos & mor-
 „ tuos; & in illum, Sanctorum Communio-
 „ nem.* Sed quantum ad usum &c. non
 „ competit ei.” Quid itaque miremur si

Pontifices tot adulatoriis sermonibus commoti, durioribus aliquando Consiliis, magno Ecclesiæ malo, in Reges usi sint? non miror quòd idem Bonifacius VIII. in eodem Consistorio dixerit. „ Nos de-
 „ ponèremus Regem, sicut unum Gar-
 „ cionem, licèt cum dolore, & tristi-
 „ tiâ magnâ. ” Hæc ex authenticis co-
 dicibus, ac monumentis legere est in
 Natali Alexandro ad Sec. XIII. & XIV.
 differt. 8.

Eamdem cum Card. de Murro opinio-
 nem docet Silvester Dominicanus, & Ma-
 gister S. Palatii Verbo *Papa* N°. 11. N°.
 autem 14. „ Error, inquit, quòd Papa non
 „ habeat temporalem Jurisdictionem in
 „ totâ Ecclesiâ: unde dico, quod ex ple-
 „ nitudine Potestatis, ex causâ rationabili
 „ potest omnes Leges Civiles coërcere,
 „ & alias condere: nisi in quantum spe-
 „ ctant ad jus naturale, ac divinum. Nec
 „ Imperator cum omnibus Legibus, &
 „ populis Christianis possent contra ejus
 „ voluntatem quidquam statuere. ” Ex
 his opinionibus putidâ assentatione plenif-
 simis, aliisque hujusmodi; originem suam
 traxère *abusus in spiritualibus, & excessus*
in Mandatis, ut Adrianus VI. loqueba-
 tur, quibus tantum odiorum Romano
 Pontifici comparatum est.

Id testatur selecta Cardinalium, ac insignium Prælatorum Congregatio sub PAULO III. ad Ecclesiæ Reformationem; in scripto, quod eidem obtulit an. 1538. „ Principium horum malorum „ fuisse, quod nonnulli Pontifices Præ- „ decessores sui, prurientes auribus coa- „ cervaverunt sibi Magistros; non ut ab „ eis discerent, quod facere deberent: sed „ ut eorum studio, & calliditate inve- „ niretur ratio, quâ liceret, id quod li- „ beret.

A quo argumento non admodum distant quæ scribit Spondanus Apamiensis ad ann. 1516. „ Ipsam quoque, inquit, Se- „ dem Apostolicam Leo X. Regulari- „ bus obnoxiam, subjectamque voluit: „ iratus fortè, quòd non Episcopos adeò „ faciles ad Pontificum obsequium in- „ venisset. ” Verùm assentatoriam aliquorum Regularium facilitatem, magno pretio emit Leo X. Lutheranis turbis anno insequenti excitatis: non modò non impediens; sed incendium excitante post Inquisitorem Hochstratum, alio Inquisitore Tetzelio. Cùm itaque Regulares plurimi, sive directè ab usu jurisdictionis, præcipuè in Inquisitione exercendâ; sive indirectè adulatoriâ quâdam docendi ratione, novam in multis politiam, in

Ecclesiam à XIII. Seculo invexerint , eandemque , saltem quoad Populos Sæcularios , eorumque Principes ; severiorem ; atque omnino inutilem convertendis ad Fidem Septentrionalibus Nationibus , imò etiam detrimenti plenissimam : prioribus autem duodecim seculis , zelo secundum scientiam mitiori , & ad Populos non exasperandos , sed alliciendo accommodatissimo , usus sit Secularis Clerus : an non opportunissimum erit , Constitutionem PAULI III. servare ? hæreticæ pravitatis exterminandæ curam eidem Clero demandare ? Quod tùm demum fiet , cùm Primarius Inquisitionis Administer , Commissarius scilicet Generalis ; ex quo ferè omnia , sive directè , sive indirectè pendent : insignis quispiam Prælatus fuerit , aliussve egregius Ecclesiasticus ; qui unà cum Consultoribus promiscuis ex utroque Clero , & unâ quaque Natione ; modum agendi charitate plenissimum cum Heterodoxis Septentrionalibus , tùm Rom. Eccl. Cardinalibus , tùm summo Pontifici subjiceret , ac suggereret : eamque praxim revocaret , quæ prioribus Seculis obtinebat , cùm unus Secularis Clerus Fidei negotium administraret : nec hujusmodi facultas ab Episcopis , totoque Seculari Clero ma-

gnâ ex parte divulgata, & ad Inquisitores translata esset.

Iis siquidem Seculis, pari ad summum jure censebatur Hæreticus, ac Gentilis. *Hæretici, ac Schismatici sunt extrâ Ecclesiam, & adæquantur Gentilibus*, ut dicit S. Cyprianus in Cap. *denique* 7. q. 1. Quod ipsum repetit Julius III. in Instructione circa petitiones Protestantium, quam dedit Internuncio suo ann. 1552., ac refert Raynaldus ad eum ann. n. 19. Jam verò quandonam Pontifices Romani, atque Episcopi exhorruerunt commercium, aut Colloquiorum, aut Epistolarum cum Gentilibus; ut eos sibi, ac Fidei benevolos redderent? Audiendus August. Ep. olim 162. quæ inscribitur Episcopis Donatistarum; quibus salutatis sic incipit, „ Dixit quidem Apostolus, Hæreticum hominem post unam correptionem de vitâ, sciens, quia subversus est hujusmodi & peccat, & est à seipso damnatus. Sed qui Sententiam suam, quamvis falsam, atque perversam nullâ pertinaci animositate defendunt: præsertim, quam non audaciâ præsumptionis suæ pepererunt, sed à seductis; & in errorem lapsis parentibus acceperunt; quærunt autem cautâ sollicitudine veritatem, corrigi parati, cùm in,

„ venerint : nequaquam sunt inter Hæ-
 „ reticos deputandi. Tales ergo nisi vos
 „ esse crederem , nullas fortassè Literas
 „ mitterem. ” Animadvertas quæso , &
 Donatistas Augustini tempore fuisse ,
 qui ab ipsis incunabulis Hæresim hauserant ,
 veluti à tot jam annis Lutherani ,
 Calvinistæ , aliique. Prætereà , si non ignaros
 quosdam è Populo , sed ipsos Donatistarum
 Episcopos , Glorium , Eleusium , Felicem ,
 Grammaticum , aliosque plures , putavit
 Augustinus vitio natalium seductos , sollicitos
 autem esse de veritate inquirendâ , seseque
 corrigendis : an non liceat hoc ipsum vel
 existimare , vel suspicari de Episcopis ,
 Presbyteris , Pastoribus , Prædicantibus ,
 sive Hæreticis , sive Schismaticis nostrorum
 temporum ? Itaque quæ causa Augustino
 suberat , fovendi Epistolarum commercia
 cum Episcopis Donatistarum , eadem modò
 esset Romanæ Curiae , ut quos memoravi
 Sectarios , vel per Epistolas , vel interpositam
 Amicorum operam non destitueret. Pergit
 Augustinus , „ Quamquam & ipsum
 „ Hæreticum , quâlibet odiosâ superbiâ
 „ tumidum , & perviciâ malæ intentionis
 „ insanum , sicut vitandum monemus , ne
 „ infirmos , & parvulos fallat : ità non abnuimus ,
 quibuscumque

„ modis possumus, corrigendum. Undè
 „ factum est, ut etiam ad nonnullos Do-
 „ natistarum Primarios scriberemus ;
 „ non communicatorias Literas : quas
 „ jam olim propter suam perversitatem
 „ ab unitate Catholicâ non accipiunt ;
 „ sed tales privatas, qualibus nobis uti
 „ etiam ad Paganos licet : quas illi etsi
 „ aliquando legerunt, respondere tamen
 „ sive noluerunt, sive, ut magis credi-
 „ tur, nequiverunt.

Liquet ex his, etiam illos ex Luthera-
 nis, Calvinistis, Anabaptistis, Schisma-
 ticis, quos certò sciremus tumidos, &
 pervicaces, quibuscumque modis fieri
 posset, demulcendos : sive enim ipsi ad
 Fidem venerint, sive minùs irati Catho-
 licis sint, eosdemque cum Catholicis suis
 ritibus tolerant, id omne magnum erit
 Catholicæ Religionis lucrum, magna
 accessio. Quantum patiantur Catholici
 homines in Turcarum Regionibus, ab
 odio Schismaticorum Græcorum, dici
 vix potest : quòd cùm inveteratum sit,
 & longo Seculorum cursu inoleverit,
 hæreditariâ quâdam successione, non nisi
 magnis Christianæ charitatis, quæ om-
 nia suffert, & sustinet, significationibus,
 potest, sin minùs omninò, saltem aliquâ
 ex parte evelli, aut imminui. Scio Græ-

eorum Gentem , veterum laudum memoriâ gloriosiore , inimico esse à Latinis animo ; scio à Lutheri , Calvini , Zwinglii Sectatoribus jactata in nos maledicta : Hæc atque alia scio , ac doleo ; At Charitas operit multitudinem peccatorum , cùm ejus Patris filii sumus , qui pluit super justos , & injustos.

Liquet ex eisdem Augustini verbis , per Epistolas agi consuevisse ab Episcopis , cum Hæreticis , ac Paganis : nec valdè Augustinus curabat , quòd illi parùm officiosè Epistolis non responderent : Ferebat hanc injuriam Episcopus Apostolorum Successor ; qui non sua quærebat , sed quæ Jesu-Christi. Illa quoque alia ex Epist. olim 61. ad Honoratum Donatistam Episcopum me valdè movent : *dignare* , inquit , *rescribere nobis*. Hæc nimirum verborum lenitate , ac veluti deprecatione , ferocientem Donatistam emollebat Augustinus , memor Magistri sui Christi Jesu , qui ad pedes proditoris abjecit sese , ejus animam Patri , sibi que lucraturus ; si per eum non stetisset : Nec dubito Augustinum eâ Dei , ac proximi charitate succensum , quâ omnibus omnia Apostolus olim fiebat , ut omnes Christo lucrificeret : si , nostrâ hæc ætate degeret , sive Pontifex , sive Cardinalis , sive Episcopus.

copus esset, daturum operam, ut Hæretici, Schismatici, Turcæ : seu Epistolis, seu Nunciis, seu aliis deliniti beneficiis, sive ad Fidem adducerentur, sive Religioni Catholicæ magis æqui ac benevoli fierent, sacrosque ejus ritus majori, aut patientiâ, aut dissimulatione in suis ditio- nibus tolerarent.

Prosequitur Augustinus eâd. Ep. 162. ad Episcopos Donatistas statim post illa, quæ de Epistolis suis ad Hæreticos commemoraverat, Ubi, inquit, „ Nobis satis „ visum est implevisse nos Officium cha- „ ritatis, quam non solum nostris, sed „ & omnibus nos debere sanctus Spiri- „ tus docet; qui nobis ait per Aposto- „ lum, Vos autem Dominus multipli- „ cet, & abundare faciat in charitate in „ invicem, & in omnes. Monet etiam „ alio loco, in modestiâ corripiendos di- „ versa sentientes : ne fortè, inquit, „ det illis Deus pœnitentiam ad cognos- „ cendam veritatem, & resipiscant de „ Diaboli laqueis captivati ab ipso in ip- „ sius voluntatem.

Putat itaque Augustinus non solum posse, sed etiam debere Ecclesiam sive per Epistolas, sive quibuscunque modis, laborare in Hæreticorum, aliorumque Infidelium salutem; quod nunquam nec

ex parte , neque ex toto fiet ; donec Ecclesiæ Prælati , sive per se , sive per amicos , tum verborum , librorumque , tum etiam factorum dulcedine , ad benevolentiam Hæreticorum , Schismaticorum , Turcarum sibi ac Romano Pontifici conciliandam , strenuè non laboraverint.

Hæc prolocutus sum , subdit Augustinus , ne quis me existimet impudentiùs vobis (Donastis Episcopis) quàm prudentiùs scripta misisse , & hoc modo vobiscum de negotio animæ vestræ aliquid agere voluisse , quia nostræ communionis non estis : cùm tamen si de negotio fundi , aut alicujus pecuniariæ litis dirimendæ vobis aliquid scriberem , nemo fortassè reprehenderet. Usque adeò charus est hic mundus hominibus , ut sibimet ipsis viluerint. Erit ergo mihi ad defensionem testis hæc Epistola in Judicio Dei , qui novit quo animo fecerim , & qui dixit , Beati pacifici , quoniam Filii Dei vocabuntur.

Haftenùs Augustinus ; qui egregiam rationem indicat. Quid enim ? Ubi negotium fundi , pecuniæ , belli , pacisque postulat ; Christiani Populi , ac Principes cum Hæreticis , Schismaticis , Turcis agant , Epistolas dent , ultrò citroque , Nuncios , ac Legatos mittant : contrà

verò Romani Pontifices, ac Prælati Ecclesiastici nihil tale audeant cum Angliæ, Daniæ, Borussiæ Regibus, cum Republicâ Batavicâ, Helveticâ, Genevensi, cum Turcarum Imperatore ? ut tantorum Principum animis mansuescentibus, *verbum dulce*, ut est in Sacris Paginis, *multiplicet amicos, & mitiget inimicos*.

Hujusmodi furoris Spiritum potius, quàm Charitatis zelum ignoravit Ecclesia per priora duodecim secula, integram Ecclesiasticam Jurisdictionem administrante Seculari Clero : donec Ecclesia Regularibus Inquisitoribus, in Fidei negotio se regendam permisit; quorum operâ factum est, ut non modò Catholicos in Hæresim labentes averfaretur; sed Populos ipsos, Regesque sui juris, omni prorsus cum eis communicatione negotiorum, atque officiorum intercisâ, plusquam Publicanos, atque Ethnicos reputaret. Non enim Pontifices abnuunt ab Epistolis, ac Nunciis ad Ethnicos Principes dirigendis, quemadmodum olim Seculari Clero Christianam Rempublicam moderante, cum Arrianis Principibus usurpabatur : Idem autem, ac prætereà etiam alia prudentium judicio opportuna fient, ut sperare licet, cum nostri temporis Hæreticis, Schismaticis, Turcis, si amo-

·tis Regularium præjudiciis, unâ cum Regulari Dominicano Commissario, Fidei negotium per Secularem Clerum administrabitur. Tenacissimi sunt Regulares suarum consuetudinum, nec unquam Dominicani committent, donec in eo Tribunali locum præ aliis habebunt, ut in tam gravi re errasse deprehendantur; cùm primum de novâ praxi invehendâ in S. Officii Congregatione discutietur, vix alium præ Dominicanis, acrius repugnaturum suspicor.

Accedit: descriptam praxim toto Cœlo ab hætenus consuetâ diversam, non posse ad nostrum morem, usumque transferri: nisi Commissarium S. Officii circumstant selectissimi viri ex omni gradu, ordine, & natione, quorum prudentia, & in publicis negotiis gerendis peritia in consilium adhibeatur. Hinc Alexander VII. ut in ejus vitâ testatur Continuator Giacconi, idemque repetit Palatius in vitis Pontificum, ad Fidei negocia expedienda Cœtum virorum ex omni natione selectum, instituere meditabatur; neque enim, quæ ad externas Gentes, ac Provincias pertinent, nisi ab externorum morum peritis tractari sapienter, atque utiliter possunt. Jam verò fieri utique potest, Prælatum S. Officii Commissarium

consilia exquirere, atque audire à Cœtu Consultorum, Sæcularium, ac Regularium præcipuarum Nationum. At Dominicanum Commissarium plurimum tribuere Clero Sæculari, Regularibus aliorum Ordinum, exterarum Nationum Viris, nã ille Romanarum rerum minùs peritus est, qui sibi hoc suaserit.

Anno 1587. Sixtus V. in *Bullâ Immensâ æterni Dei*, constituit XV. Cardinalium Congregationes, inter quas numeratur Congregatio S. Officii jam erecta à PAULO III. Congregatio Indicis Librorum prohibitorum, aliæque : In declaratione facultatum adnexâ ad Bullæ finem n. 3. „ Et quoniam, inquit, Di-
 „ vinis Oraculis admonemur, ubi multa
 „ consilia, ibi salutem adesse : eædem
 „ Congregationes, pro earum arbitrio
 „ Viros Sac. Theologiæ, Pontificii,
 „ Cæsareique Juris peritos, & rerum
 „ gerendarum usu pollentes in Consul-
 „ tationibus advocent, atque adhibeant,
 „ ut causis, quæstionibus, & negociis
 „ quàm optimè discussis, quæ Dei glo-
 „ riæ, animarumque saluti, & justitiæ,
 „ atque æquitati consentanea maxime
 „ erunt, decernantur. ” Ubi autem lo-
 quitur de septimâ Congregatione, quæ
 est pro Indice Librorum prohibitorum,

hæc statuit. „ Universitatum Parisien.
 „ Bononien. Salmanticen. Lovanien. ,
 „ aliarumque præbatarum studia, ad Li-
 „ brorum expurgationem , & corre-
 „ ctionem excitent ; earumque diligen-
 „ tem operam , & industriam requi-
 „ rant. ” Quæso autem hoc loco, num
 S. Officii Commissarius, num Secretarius
 Indicis uterque Dominicanus, his Pon-
 tificiis votis obsecundaverit, an uterque
 potius Regnum sibi, suoque Ordini ex
 imposito munere constituerit ; atque con-
 stabiliverit ? Sanè Commissarius S. Offi-
 cii ad usque Innocentium XIII. non alios
 Consultores Theologos adesse passus est
 secum, quàm socium suum Dominica-
 num Fratrem, denique Fratrum omnium
 Dominicanorum compendium ; Magi-
 strum scilicet Generalem Dominicanorum :
 vix uno ex externis admissio, Mi-
 noritâ Conventuali ; cui de Potestatis ple-
 nitudine locum detulit Sixtus V. ex eo-
 dem Ordine : Ab Innocentio XIII. vix
 unus, aut alter ex aliis Regularibus inter
 Consultores Theologos sedet. Quid di-
 cam de Congregatione Indicis ? Cum
 Cardinalibus non nisi Dominicanus Se-
 cretarius, & alter Dominicanus, Magister
 Sac. Palatii in Aulâ sedent. Qui nomine
 potius quàm re Consultores Indicis di-
 cuntur,

cuntur, ne advocantur quidem ad Sacram Indicis Congregationem, cum in Quirinali Palatio habetur. Nullum fortassè ejus, quod dico, luculentius exemplum est; quàm in Magistro S. Palatii. Cum S. Dominicus Aulicos otiantes in Pontificio Palatio animadverteret, ac doleret, Honorio III. Auctor fuit, ut eos Verbi Divini pabulo, statis temporibus refici juberet: ac præcipuè cum Cardinalium etiam Aulici, ad Pontificis Palatium accederent: id autem oneris ex Honorii III. voluntate suscepit Sanctissimus Patriarcha; Apostoli Pauli Epistolas commentaturus, quod alii post ipsum ex eodem Ordine præstitère. Munus hoc Concionatoris, in *Magistrum Scholarum Sac. Palatii* excrevit: Hinc Durandus in Præfatione Commentariorum dicit, *se docuisse veritatem S. Scripturæ in Scholis S. Palatii*, in quibus alii etiam docebant, præcipuè ex Ordine Minorum eodem XIV. seculo, quo floruit Durandus. Vide Indicem Wadingi; multos invenies Franciscanos, *S. Palatii Lectores*. Donec Dominicanus reliquos rejecit, sui que muneris dignitatem usque auxit, & amplificavit, tum tempore Eugenii IV. seculo XV. cujus Pontificis Breve Apostolicum ad Turrecrematam legitur in Bul-

lario Dominicano , tùm adhuc uberiùs consequentibus temporibus. Nam Silvester Magister S. Palatii sub Leone X. dixit se *Lutheri Judicem ex ipso Officio*, & non solùm, quia simul cum Curia Romanæ Præsule delegatus à Pontifice fuerat. In eo enim libro quem inscripsit *Errata & Argumenta Lutheri recitata, detecta, repulsa, & copiosissimè trita* Cap. XI. Hæc habet., *Quia Adversarius à me Con-*
, judice ex Commissione speciali, & aliàs
, etiam ex ipso Officio appellavit. Quòd si Lutheri Judex ex *Officio* erat, idem Juris in similibus causis vindicare sibi debuit, in alios cujusunque Regni in universo Orbe Catholico. Neque hætenùs satis : Eodem Leone X. Pontifice obtinuit Magister S. Palatii, ut ab ipso in Lateranensi Synodo statueretur Librorum in Urbe imprimendorum Censor, & Approbator; unà cum Vicario Pontificis : quemadmodum extrà Urbem Inquisitor cum Episcopo : cùm hæc autem spectent ad Ordinariam authoritatem Vicarii in Urbe, & Episcoporum extrà Urbem, magnum vulnus inflictum fuit Ordinariorum authoritati, decreto illis Socio Regulari in Librorum censurâ : Quare Tridentinum in Decreto de Librorum impressione, non nisi Ordinariis eam facultatem tribuit.

At Magister S. Palatii, quemadmodum & Inquisitores, Decretum Leonis X. restitui curârunt in Promulgatione Indicis Librorum prohibitorum, quæ facta est per Pii IV. Bullam, abrogatâ Lege Tridentinâ. Neque his adhuc terminis steterunt Magistri S. Palatii : qui enim Vicario Urbis dati fuerant in Socios, quoniam Regnum non capit duos ; jam soli regnant, & Librorum Censuram, facultatemque ad Libros Typis vulgandos sibi arrogârunt : vel enim nullo pacto facultas petitur à Vicario Urbis, vel id ad speciem fit, & fucum faciendum. Cùmque æquius esset, ut Frater Dominicanus scriberet. *Imprimatur*, si videbitur *Eminentissimo Vicario Urbis*, illud potiùs à Vicario, aut ejus Vices gerente scribitur hoc pacto *imprimatur, si videbitur Magistro S. Palatii*. Sanè nemo non videt ; quàm indecorum sit ; ut etiam S. Romanæ Ecclesiæ Cardinalis librum aliquem typis editurus : non ab Eminentissimo Urbis Vicario, qui unum cum Romano Episcopo Tribunal habet ; sed à Fratre Dominicano facultatem, ac licentiam petat : obtentamque in impresso libro præseferat. Fac quidpiam hujusmodi in antiquis Codicibus reperiri : Qui legeretur facultatem alteri dedisse, is altero auctior,

atque eminentior dignitate, à quovis Critico antiquario judicaretur. Eò itaque rerum perventum est, ut magis, ac magis à tenuibus initiis amplificatâ dignitate, *Modicus lapis in montem excreverit*, atque in Librorum Censurâ, atque editio-
 ne Frater Dominicanus, Romanos ipsos Præsules, ac Cardinales sibi paulatim, Urbe, atque Orbe stupente, subjecerit. Reliquum esset, ut & Pontificem Romanum aliquâ sibi ratione Dominicani sub-
 jicerent. Quod tentatum esse sub Leone X. ex Bzovio Spondanus ad ann. 15. 16. n. 16. Absoluto enim Lateranensi Con-
 cilio, in quo Episcopi ad Regulares frænandos, plura petierant, nec impetrave-
 rant : Leo, ut & ad manum Regulares unitos haberet (Verba sunt ipsius Bzo-
 vii per Spondanum relati), „ Qui Pon-
 „ tificum auctoritatem, & majestatem,
 „ seque ipsos etiam unanimiter adversùs
 „ Episcopos tuerentur ; edito super eâ
 „ re diplomate, Corpus quoddam, seu
 „ Congregationem Regularium in Urbe
 „ instituit, quorum Superiores ad Cœ-
 „ nobium Minervæ, quod est primarium
 „ in Urbe Fratrum Dominicanorum ,
 „ toties quoties necesse haberent *in gra-*
 „ *vaminibus, etiam à summo Pontifice illa-*
 „ *tis vel inferendis, convenirent, delibera-*

„ rent, & in Commune decernerent :
 „ præsidente cœtui Supremo Domini-
 „ canorum Magistro , qui moderator
 „ consiliorum esset. ” Ità Bzovius , Bul-
 lamque in Archivio Minervæ extare ait.
 His recitatis subdit Spondanus Episco-
 pus „ Quod , si verum sit , profectò ip-
 „ sam quoque Sedem Apostolicam Leo
 „ X. Regularibus obnoxiam , subje-
 „ ctamque voluit. Sed viderint Pon-
 „ tifices , viderint Episcopi : Regulares
 „ sanè acerrimè vident & rebus suis
 „ argutissimè provident. ” Hactenùs
 Spondanus loc. cit. Cùm ergo consue-
 verint Regulares , ac Dominici præ-
 cipuè dilatare in hunc modum *Fimbrias*,
 & *Phylacteria sua*, ecquis prudentior spe-
 rare potest , quòd Dominicanus S. Offi-
 cii Commissarius commutaturus sit vete-
 rem agendi rationem , à Fratribus suis in-
 vectam ; atque ità se gerat , ut non sibi ,
 suoque Dominicano Ordini totus regnet ,
 sed plurimùm tribuat Cleri Secularis ,
 aliorumque Regularium , atque extero-
 rum virorum consiliis ? Acutè in rem
 hanc perspexit Alexander VII. qui actu-
 rus de Conceptione B. Mariæ in Con-
 gregatione S. Officii, Dominicanus Com-
 missarius , aliique ejusdem Ordinis Fra-
 tres , jussit ne interessent : iisque absenti-

bus, in Conceptionis favorem Bullam edidit celeberrimam. Rem fusè narrat Strozzi in Historiâ Conceptionis; dignus proinde, qui per Dominicanos in Indicem Librorum vetitæ lectionis referretur. Utinam Alexandri VII. Successoribus eadem salutis consilia immittat Spiritus veritatis, qui Episcopos cum Sæculari Clero posuit regere Ecclesiam Dei, Regulares autem SS. Benedicti, Dominici, Francisci, Cajetani, Ignatii, posuit ad Ecclesiæ *Subsidium, non ad Imperium*. At erit, qui dicat: Num tu sapientior Patribus, qui posterioribus quinque seculis extitêre, quique in Hæreticos, Schismaticos, Turcas; Concionatoribus Catholicis non auscultantes; vix alio remedio, quàm aut bello, aut Censurarum severitate usi sunt, quemadmodum austeri, atque aspera Inquisitorum consilia suadere consueverunt? Imò verò, si quod judico, hoc à me facerem. Sed cùm severitate Regularium Inquisitorum unicè Censuris, Carceribus, vel etiam Bellis utentium; non modò Orientis Schismatici ad Ecclesiam non redierint; sed tot Septentrionis Regiones abscissæ sint à Romanæ Cathedræ unitate, nullâ spe per severa consilia proficiendi; quid restat aliud, quàm ut suaviorem, & sapien-

tiorem Cleri Sæcularis in Inquisitionis negotio, administrationem experiamur? Cujus Cleri prudentiâ trahantur ad Christum oves errantes in funiculis Charitatis, non inutili Censurarum, ac Comminationum strepitu. Inutili, inquam, sicubi agatur, non de subditis in officio continendis; quod unum præstat Hispana Inquisitio: sed de liberis Populis, ac Principibus ab Hæresi, & Schismate ad Fidei unitatem revocandis, quod munus est Romanæ, atque Universalis Inquisitionis: ut *Fides Catholica ubique floreret, & augeretur; omnis Hæretica pravitas pellere-
tur, Seducti, ad gremium, & unitatem Ec-
clesiæ reducerentur*, inquit PAULUS III. in suâ Constitutione.

Cæterùm, quæ indicavi de importunâ in Liberos Populos severitate non nova sunt, imò vetustissima: quâ de re nonnulla dicam, cùm id mirificè faciat ad Dominicanum Commissarium, cum Sæculari Prælato commutandum. In editione Conciliorum Petri Crabbe Franciscani, Opusculum extat tripartitum Anonymi Auctoris, circâ medium seculi XIII. Nam parte primâ Cap. XXIV. mentionem facit de Rege Aragonum auferente à Mauris Valentiam, & Regnum Majoricarum: de Rege Castellæ, auferente Re-

gnum, ac Civitatem Sibiliæ, sive Hispalis. Hæc autem contigere ann. 1243. Scriptor autem de his meminit veluti de rebus novis.

Jam verò 2. part. agit de Græcorum Schismate, & cap. 1. Quærit, *quæ fuerit causa, & sit adhuc Schismatis Græcorum*; inter alia hæc habet. „ Eccle- „ sia Romana in suis subditis multa „ exercet, quæ homines reputant mul- „ tùm gravia: sicut sunt exactiones ali- „ quæ, Missio Legatorum, & Nuncio- „ rum multorum, Statuta multa & pœ- „ næ in transgressoribus (hæc gravia fuere sæculo XIII. ex facultatibus Regularium Inquisitorum, quas interdum non sine sævitiâ exercebant; quod ostendunt posteriora jura canonica, in corpore juris inclusa: sub tit. de *Hæreticis*) „ Ipsi etiam Latini Domini ter- „ reni solent in multis subditos gravare, „ & duram in eis tyrannidem exercere. „ Prætereà ipsi etiam Latini inferiores „ solent multum contemnere Græcos, „ & exasperando eosdem, modò vocando eos canes, modò trahentes eos per barbam, & aliis modis variis exasperantes eosdem. Et ideo possibile fuit, „ quòd Græci, *propter gravamina Ecclesiæ Romanæ, & Dominorum Latinorum, &*

„ ipsorum Latinorum Inferiorum , dispo-
 „ fiti fuerint ad refugiendam subjectionem
 „ Latinorum , tam in temporalibus ,
 „ quàm in spiritualibus. Nec mirum : du-
 „ ritia enim Roboam , quam Filiis Israël
 „ minabatur , dicens : Pater meus cecidit
 „ vos flagellis , ego cedam vos Scorpionibus ;
 „ Induxit decem tribus ad sub-
 „ trahendum se ab ejus imperio. . . Et sic
 „ patet , quòd varietas ex parte utro-
 „ rumque (in ritibus) & exasperatio ex
 „ parte Latinorum , superbia ex parte
 „ Græcorum , fuerint dispositiones ad il-
 „ lud Schisma. . . . Multa sunt , propter
 „ quæ Schisma istud durat , & non acci-
 „ pit finem : unum est dispositio suprâ
 „ dicta , quæ adhuc durat : secundum est
 „ consuetudo. . . . Quartum est *defectus*
 „ *tractatorum* : Etsi enim aliquando mit-
 „ tit Ecclesia Romana aliquos ad tra-
 „ ctandum cum eis , vel ipsi ad Papam
 „ eâdem de causâ : tamen rarò fit hoc ,
 „ & quod incipitur , vix perducitur ad
 „ finem.

Capite XIII. Exponit Auctor malum
 hujus Schismatis. „ Grandis , inquit , &
 „ turpis detruncatio , quòd Corpus Ec-
 „ clesiæ unicum ; quod solebat extendi
 „ usque in Orientem , sic detruncatum
 „ est per schisma : quod omnes ferè , qui

„ subesse solent Patriarchæ Constanti-
 „ nopolitano , & Antiocheno , & Ale-
 „ xandrino , & etiam Hierosolymitano ,
 „ sint ab isto corpore præscissi : ità ut
 „ vix medietas sui corporis remanserit
 „ Ecclesiæ.

Cap. XV. Agit , *Quanta cura appo-
 nenda sit à Latinis , ut Græci Latinis re-
 concilientur* , hæc inter alia sequuntur.

„ Notandum quòd sint multi Latini ,
 „ qui licet non dent occasionem huic
 „ scandalo , tamen cùm parum , vel ni-
 „ hil curent de malo statu Græcorum ;
 „ isti sunt sicut Sacerdos , & Levita ,
 „ qui videntes fratrem suum vulnera-
 „ tum in viâ , pertransierunt , nihil de illo
 „ curantes.

Capite XVI. *Quod hæc cura maxi-
 mè incumbit Pontifici summo , scilicet Ro-
 mano.* „ Christus , inquit , descendit de
 „ Cælo , ut faceret utraque unum ; sci-
 „ licet Judæos , & Gentiles ; unum
 „ ovile de his , & de illis : & ideò
 „ non deberet renuere Vicarius ejus , si
 „ sit necesse , descendere etiam in Græ-
 „ ciam , si spes esset , quòd per hoc pos-
 „ set Græcos & Latinos unire.

Capite XVII. Enumerat remedia ad
 reconciliationem Schismaticorum : Ac
 post aliqua remedia Librorum , &c.

„ Aliud , inquit , est frequens Missio so-
 „ lemnium Nunciorum , exemplo Domi-
 „ ni : qui Prophetas magnos sæpè misit
 „ ad Filios Israël . . . Probabile enim vi-
 „ detur , quòd Ecclesia Romana , si mi-
 „ sisset frequentius Nuncios solemnes ,
 „ viros virtutum , & prudentes , cum san-
 „ ctitate & familiâ honestissimâ ; quæ
 „ in omnibus se sciret habere prudenter :
 „ & locuti fuissent de pace , & à Græ-
 „ cis nihil reciperent , sed propriis ex-
 „ pensis uterentur . . . quòd non fuissent
 „ ista sine fructu . . . Quare autem Ro-
 „ mana Ecclesia , etsi quandoque mise-
 „ rit simplices Nuncios , hujusmodi au-
 „ tem Nuncios ~~num~~ miserit , nescio : Si
 „ dicatur , quòd essent superbiores , fortè
 „ ex hâc Latinâ humilitate eorum super-
 „ bia frangeretur ?

Aliud est Missio Exploratorum , nempè
 „ ut explicat , Mercatorum , Negociato-
 „ rum , &c. qui animos , velut aliud
 „ agendo , conciliarent.

Aliud , inquit , est exhibitio Reveren-
 tiæ ad eorum Nuncios.

Aliud est attractio aliquorum sapien-
 tium Græcorum ad amorem , moram ,
 & cohabitationem cum Latinis.

Aliud est cessatio Latinorum , à scan-
 dalizando eos.

Aliud est charitativa obsequia , & servitia ad Græcorum Magnates.

Aliud est depositio diffidentiae , quam habent Latini de reversione Græcorum.

„ Pluribus quoque inculcat , si reverti
 „ vellent , relinquendos ritibus suis , nec
 „ multitudine Pontificiarum Legum opprimendos.

Vides , Lector , sensum virorum sapientissimorum sæculo XIII. ; cum nondum radices suas altius defixerat severitas Regularium Inquisitorum , unicè ad censuras , & carceres intenta : cum adhuc deletæ non essent reliquiae gubernationis per Clerum Sæcularem XII. ferè Seculis usurpatæ : quo tempore illud Augustini vige-
 bat Epist. olim 64. „ Non ergo asperè ,
 „ quantum existimo , non duriter , non
 „ modo imperioso ista tollantur : tollan-
 „ tur magis docendo , quàm jubendo ;
 „ magis monendo , quàm minando : sic
 „ enim agendum est cum multitudine
 „ peccantium ; severitas autem exercenda
 „ est in peccata paucorum. Et si quid
 „ minamur , cum dolore fiat , de Scrip-
 „ turis comminando vindictam futu-
 „ ram ; ne nos ipsi in nostrâ potestate ,
 „ sed Deus in nostro sermone timea-
 „ tur. Cum tamen Regulares in suâ po-
 „ testate , si quando eam habent , timeri

velint. Cùm autem nostro Sæculo non Græci solùm , sed tot Septentrionis Pòpuli , ac Principes à Catholicâ unitate divulsi sint ; similia usurpari deberent in eorum procurando salutem. An id expectari à Dominicano Cómmissario possit ; & ea testantur , quæ pluribus dixi , & id confirmat quod jam refero. Anno 1580. ex Helvetiis Hæreticis Legatus ad Gubernatorem Mediolanensem pervenit , qui cum nonnulla quereretur , de aliquibus legibus per S. Carolum Borromæum constitutis , ad spirituale regimen Pagorum quorundam , quorum civile imperiùm Hæretici sibi vindicant. Legati adventus ad Inquisitoris Dominicani aures pervenit ; quid autem putabis consilii cepisse ? Rem quam maximè vis absonam cogita , vincet expectationem imprudentis Dominicani austeritas. Præstò est ad Legati Domum Inquisitor , eumque in vincula conjectum , ad Inquisitionis carceres adduxit. Factum detestatus Gubernator Mediolanensis , dimissionem Inquisitori statim imperat : id autem volens nolens executus est , magno Cardinalis Borromei bono ; quem Helveti pari jure utentes , in carcerem conjecissent ; ut jus Gentium læsum ulciscerentur. Quid iis hominibus facias , qui nihil aliud sonant , quàm Censuras , & car-

ceres? Nempè rem liberis Populis, sui-
que juris inutilem : iis autem qui sub Ec-
clesiæ, aut Catholicorum Principum jure
sunt, in officio continendis; utilem, sanè
si prudenter, ac temperanter fiat : at certè
non præcipuam. Recole Augustini verba,
qui sanè de Catholicis coërcendis loque-
batur : Quantò magis, ubi de Græcis
agitur, vel convertendis, vel miti-
gandis, qui odio implacabili ardent in
Latinos : tùm quòd Orientis Dominium
affectaverint per Latinòs Imperatores ;
tùm quòd Romani Pontifices nimiùm,
ut ipsis quidem videtur, dominari volue-
rint in Græcos, suprà veterum Canonum
præscripta, & additione Simbolo factâ,
absque Patriarcharum consensu : & plu-
rimis Legibus, ac Statutis præter eorum
mores evulgatis. Quantò magis, ubi
agitur de Anglis, Batavis, aliisque Sep-
tentrionalibus Nationibus, quæ de se-
veriori Romanæ Potestatis usu conque-
stæ sunt, & adhuc passim conqueruntur?

At, inquires, hæc sunt Congregatio-
nis de Propagandâ Fide. Imò si PAU-
LUM III. audiamus, in Procemio Consti-
tutionis *Licet ab initio* 1542. Hæc spe-
ctârunt in excitandâ Romanâ Inquisitio-
ne; ut avulsæ à Catholicâ unitate Gen-
tes ad Ecclesiam revocentur : Verba jam

recitavi. Deindè cùm Romana Inquisitio, præcipuum in fidei negotio Tribunal, Romæ habeatur, & sit: fieri numquam poterit, ut dum Inquisitionis Congregatio hanc, non modò ab Hæresi, & Schismate, sed ab ipsis Hæreticis, ac Schismaticis Populis aversionem fovet, veterem cùm iis de perditis ovibus simultatem conservat aut etiam auget, Pontificibus, Cardinalibus, Prælatis, Catholicis, omnem ab illis consuetudinem Nunciorum, atque Epistolarum intercipit, veluti Religionis fundamentum: reliquæ Romanæ Congregationes, aut earum aliquæ novam praxim inducant. Quare illud satis sibi esse putat Congregatio de Propagandâ Fide, si & Catholicis inter Hæreticos degentibus consulat; & ad Ethnicos ad fidem convertendos incumbat.

Utinam omnes legant allocutionem Benedicti XIV. in Consistorio Secreto die 20. Nov. 1747. publicis typis vulgatam, de negotio Templi Berolinensis: quæ Magnus Pontifex honorificentissimè dicit de Brandenburgensi Familiâ, ac Borussia Rege; non sine grati animi significatione amantissimâ, pro optimo Clarissimi Principis, in rem Catholicam studio, ac munificentia. Ea omnia egregio monumento ostendunt, quàm diversimodè loquantur

Pontifices; dum Inquisitionis Fratres se-
 veritatem Decretorum suorum infusur-
 rant; secùs atque Sæcularis Cleri Prin-
 cipes; Præsules; aut Cardinales, se-
 motis Fratribus; adstant Christi Vica-
 rio, majori sapientiâ, ac prudentiâ con-
 siliaturi: ex quo magna spes esset eorum
 odiorum extinguendorum, quibus potiùs
 quàm argumentorum dissensionibus, fo-
 ventur Ecclesiarum dissidia.

Anno 1718. contra D. de Mailly Ar-
 chiepiscopum Rhemensem, 19. Martii
 vulgatum Parisiis fuit Decretum Parla-
 menti, ex causa Constitutionis *Unigenitus*,
 quam Archiepiscopus strenuè propugna-
 bat. Decretum hoc ad Clementem XI.
 pervenit, indè etiam ad manus Episcopi
 Laffiteau, qui tunc Romæ Gallica ne-
 gocia agebat. Hic autem, uti testatur L.
 4. Histor. de Constit. Unigen., ad cal-
 cem ejus Decreti hanc additionem, nes-
 cio cujus manu Parisiis factam, suismet
 oculis vidit; quam Latinam exhibeo:
*Noli, Rhemensis Episcopo propugnare ar-
 rogantiam, & avaritiam Curie Roma-
 næ, quæ causa fuit, ut Europæ dimi-
 dium ab Ecclesiâ Romanâ separaretur.*
 Hæc ibi: quæ in Anecdotis fusiùs expli-
 cantur. At sanè injuriâ. Veriùs dixeris
 hæc contigisse non Curie Romanæ, sed
 fra-

fratrum nonnullorum dominatione ac tyrannide, cùm proprium ipsorum fuisset, non dominari, sed prædicare Evangelium omni Creaturæ.

C A P U T IX.

Pravis moribus extirpandis non admodum consentanea est Praxis, quâ in Romanâ Inquisitione hætenus usi sunt Regulares : Meliora ex alia Cleri secularis Praxi sperari posse. Hæc dici ex odio in Regulares, nemo jure criminabitur.

NON Hæreseos Crimen tantummodo extirpandum sibi proposuit Romana Inquisitio; sed alia præterea graviora quædam Crimina, sive Blasphemiarum, sive Sollicitationum occasione Sacramenti Penitentiae, sive aliorum; quæ suâ gravitate suspicionem de Hæresi faciunt. His morum pravitatibus extirpandis, haud satis sese idoneos probârunt Dominicani Fratres duobus hisce Seculis; ex quorum ordine Inquisitionis Romanæ Commissarius Ge-
M

neralis , nempè primarius Administer electus fuit. Longè meliora ex Clero Seculari expectare licet , quantum conjicere possumus ex experientiâ præteritorum , unum tantum afferro rei hujus argumentum.

Quotiescumque sive Laici , sive Clerici , sive Regulares apud Inquisitionem accusantur de aliquo crimine , hoc in more positum habet Dominicanus Commissarius , ut interim omnino taceat , scelera sceleribus cumulari sinat , accusationes accusationibus , quibus Processus , ut aiunt , informativus contexitur ; donec in profundum malorum venerit Reus sibi , ac sæpe etiam aliis nocentissimus , plurium annorum spatio ; tum verò Processu informativo confecto , Dominicanus Frater , *Sagittans in obscuro , & mordens in silentio Reum comprehendit* , in Cacerem conjicit , perpetuâ nominis infamiâ mulctat , Nobilem etiam aut Ecclesiasticum , aut Regularem Virum : cui æquo rerum æstimatori non videatur , Dominicanus Commissarius , hoc esse Christi fidelibus quod muscis clanculum irretiendis araneus ? quod capiendis soricibus astutus Felis ? memini quæ decimo Libro scribit Plinius : *Feles quæ silentio , quàm levibus vestigis , quàm multo speculatu in musculos*

exiliunt ! si iste est omnis fructus, ut auferatur peccatum teste Prophetâ : quantò illud Charitatis ac Justitiæ Legibus congruentius , ut ad primam accusationem , aut denunciationem , ovis errans ad Christum suum revocetur , vel vocis , vel tenui virgæ sibilo ? Scio expectandas firmas , atque inexpugnabiles probationes , ut ad vincula , & carceres deveniatur. Si autem primâ quâque accusatione intentatâ reus moneatur confestim , sive hortatoriâ Epistolâ , sive privatâ monitione per prudentem Virum ex præscripto Inquisitionis factâ , sive privatâ aliquâ salutare pœnâ irrogatâ , nullo strepitu , nullâ infamiâ , quotus quisque erit , qui irasci possit , aut velit ? Michaëlis de Molinos informativus , ut aiunt , processus decem vel etiam quatuordecim annorum labor , & opus fuit : nisi me egregii viri fefellêre , quàm multas errorum , ac turpissimarum libidinum sordes impedivisset Dominicanus Commissarius , si à primâ statim denunciatione Apostoli monito usus fuisset. *Argue , obsecra , increpa , opportunè , importunè* , vel etiam Confessionum excipiendarum facultatem privato decreto abstulisset ? Quàm multis utriusque sexûs scandalo fuit nostrâ ætate Regularis quidam , qui Pisauri errores suos pu-

blicè agnovit , atque abjuravit ! an non fatius fuisset Commissarium Dominicanum tantam malorum , ac scandalorum colluviem tot annis non pati ; atque ab ipsis initiis præcavere ? mitto sexcenta ejus generis exempla . Hinc tantum odiorum in sanctissimum Inquisitionis Tribunal , quod malevoli dictitant *fitire malorum vindictam , non emendationem* : Non scelera odisse , quæ ab initiis impedire facile posset : sed in pœnas , supplicia , carceris infamiam inhiare ; nullum tot incommodis præsentius remedium , quàm ut Inquisitionis regimen à Regulari Commissario amotum , conferatur in Clericos Seculares , quorum nutu , donec jus Ecclesiasticum stetit , nunquam ad hujusmodi praxes inhorruit Ecclesia priorum XII. Seculorum .

Missas facio alias praxes per Fratres Regulares hujus Tribunalis Administros invectas , quæ tam ineptæ sunt moribus reformandis , quàm aptissimæ odiis in sanctum Tribunal conciliandis , ob magnam contrarietatis speciem , cum Justitiæ aut charitatis legibus .

10. Cùm Inquisitio Hispanica post latam in reos sententiam copiam omnibus det judiciales processus , atque acta lustrandi , ac videndi : aliam Consuetudinem tenent

Romani Dominicani. Nemo autem est qui non videat, quàm sit magis æquitati consona praxis Cleri Secularis in Inquisitione Hispanicâ Unusquisque enim certior fieri potest de justitiâ servatâ in actis conficiendis, si quis innocens deprehensus sit, innotescit; reatum inæqualitas declaratur. Contra verò secundum Romanam, hoc est Dominicanam Consuetudinem, Rei criminum maximè inæqualium eâdem infamiâ publicâ notantur: Quare si contingat aliquem ab Inquisitione Romanâ comprehendi, qui irreverenter locutus sit in S. Officium, aut quia malè aliquem excusaverit ab onere denunciandi, infamis est; sicuti quis patrauerit turpissima Crimina sollicitationis, neque publicè sciri potest eum immunem à turpi, & inhonesto crimine, imo de ipso turpissima quæque suspicari possumus: Si enim pro qualitate, ac numero criminum debet esse plagarum modus; quare non etiam inæqualis debet esse modus infamiæ, quare minus reus confundi debet cum sceleratissimo?

20. Reis datur supplicium quod maximè, ne dicam præcipuè in innocentes redundat. Fac enim comprehendi per Dominicanam Inquisitionem, vel Regularem aliquem, vel alium ex iis Congregationibus, aut Cœtibus, qui vivendi modum in

communi profitentur ; vel etiam Monialem. Maxima omnium quæ per S. Officii Tribunal infliguntur, pœna est infamia, quæ ex eo crescit quòd ignoretur in specie crimen , & liceat quodcumque turpissimum suspicari. Aliæ enim pœnæ præter infamiam longè mitissimæ in Inquisitione sunt. Rogo autem quem afficit præcipuè pœna hæc ? scilicet reliquum Cœtum innocentem ; qui ludibriis ac dictariis exponitur. Hoc enim est hominum ingenium , ut ab uno Regulari , aut Moniali reliquos æstiment. Contra verò Justitiæ leges hoc postularent , ut supplicii modus excogitetur , qui totus in Reum feratur , eumque gravet. Ac facillimum esset id reperire ; sed parum hoc tangit eos Fratres , qui cæteros judicant , ipsi autem à nemine judicantur. Iniquitas autem hujus pœnæ , quæ potissimè innocentes afficit , eo clariùs elucescit ex nimia quandoque benignitate in temperandâ pœnâ , quæ Reum afficit. Si enim Curatus Presbyter post carcerem S. Romani Officii dimittatur , privari Curato Beneficio non solet , sed tantùm facultate Confessiones excipiendi , quas Vicario committit : Adeò pii sunt & benigni in iis in quibus non deberent Dominicani Inquisitionis Administri. Vide mon-

strum, & absonam disciplinam, Qui propter crimina caret facultate Pœnitentes auscultandi, ac publicè infamis est; ille ipse ad Eucharistiam ministrandam, Viaticum, Oleum sanctum, Baptisma, Catechesim, & Conciones admittitur.

Erit qui suspicetur me iniquo esse animo in Regulares. Verùm id à veritate alienum quam maximè esse scit, qui *scrutatur renes, & corda, occultorum Cognitor Deus*: Magnis fuère atque adeò sunt in Ecclesia meritis Regulares, atque longè majoribus fuissent, atque essent; si in eà vocatione, in quâ vocati erant, permanissent obediendo, non imperando. Quicunque ipsorum ad dignitates, sive Inquisitoratum, sive Episcopatum, & alias quaslibet evecti, sanctitatem morum in iis constituti coluère: nihilo inferiore coluissent sub Regulari humilitate: quicunque autem dignitate ac potestate aucti, mores suos ambitione, luxu, avaritiâ, aliisque sordibus infecerunt, longè facilius sub obedientiæ salutari jugo, tum dignitate potestatis, tum simul etiam vitiis caruissent. Quamquam, sive boni illi fuerint, sive mali, qui ad Clericales honores, ac dignitates evecti sunt, magnum Regularibus suis Ordinibus detrimentum intulère, cum ambitio cupiditatis æstum in clau-

stro excitavit, ac quæcumque ex Ambitione in Religiosis Viris perniciosissima mala proficiscuntur. Hæc quidem, si rationi auscultemus, compertissima sunt. Accedit autem gravissima auctoritas SS. Dominici, atque Francisci. In Urbe Romanâ, ait S. Antoninus 3. part. tit. 24. de S. Francisco Cap. 2. § 2. „ Cùm illa duo
 „ Luminaria orbis essent B. Dominicus,
 „ & B. Franciscus coram D. Cardinale
 „ Ostiense, qui, postea fuit Papa (Gre-
 „ gorius IX] Cur, inquit, non faci-
 „ mus de Fratribus vestris Episcopos,
 „ & præclaros, qui documento, &
 „ exemplo cæteris prævalent.... Dixit
 „ B. Dominicus: Domine, gradu bono
 „ sublimati sunt fratres mei, si re-
 „ cognoscunt: nec pro meo posse per-
 „ mittam, ut aliud assequantur speci-
 „ men dignitatis” Quibus verbis rejecit
 à suis fratribus non modò Cardinalatûs,
 atque Episcopatûs, sed Inquisitoratûs
 etiam, quales modò sunt, Judici, atque
 Ecclesiasticæ jurisdictionis amplissima no-
 mina. Quod enim Inquisitoris munus S.
 Dominicus, alique primi exercebant
 concionando, atque inquirendo seu Hæ-
 reticos detegendo, illud ego non modò à
 Regularibus non rejicio, sed ab iis exerce-
 ri vehementer exopto. Animadverten-

dum diligenter est in ea verba. *Nec pro meo posse permittam* : quibus indicium fecit Sanctissimus Patriarcha , si in ejus potestate fuisset , se de hoc , vel Bullam Apostolicam impetraturum. Pergit S. Antoninus. „ Post eum B. Franciscus respondens , inquit , Domine : Minores „ ideò facti sunt Fratres mei , ut majores fieri non præsumant. ” Majores , inquit , quod sanè accedit , si Cardinales , si Episcopi , si Inquisitores fieri præsumant : Hæc non tantum ex S. Antonino , sed ex Chronicis utriusque Ordinis constant.

Sanctissimos Patriarchas non sine divino spiritu ista pronunciasse testata est experientia ab ipsis initiis utriusque Ordinis. Cum enim Romani Pontifices fidem non præstarent SS. Dominico , atque Francisco : cum plurimos utriusque Ordinis ad Episcopatus tollerent ; aliis magnam partem Episcopalis autoritatis conferrent ; eos deligendo in Inquisitores : magnam ambitionis labem , aliorumque vitiorum uterque ordo persensit. „ Cum Magister Jordanes primus Generalis Ordinis post S. Dominicum , venisset aliquando ad quorundam magnorum Episcoporum Conventum. Verba sunt S. Antonini part. 3. tit. 13. cap.

„ 9. §. 5. & quærent, quomodo Epif-
 „ copi, qui de tantis Ordinibus assume-
 „ bantur in Episcopatibus, minùs benè se
 „ habebant (id ipsum nostris quoque
 temporibus evenire in Episcopis etiam,
 qui ex Capucinis assumuntur, scit Sac.
 Congregatio Episcoporum, ac Regula-
 rium) „ hoc inquit B. Jordanes, vobis im-
 „ putate, quamdiu enim de nostro fue-
 „ runt Ordine, nos benè correximus
 „ eos, sed hæc dissolutio, quam eis im-
 „ ponitis de ordine vestro accidit eis.”
 Totius Concilii Lugdunensis II. ann.
 1274., cui mille ex Prælatibus partim ma-
 joribus, partim minoribus interfuere,
 querelas, ac clamores incredibiles contra
 Dominicanos, ac Franciscanos enarrant
 Chronica Dominicanà Ferdinandi del Ca-
 stiglio : quibus suffragantur, quæ scri-
 bit Matthæus Paris, qui anno 1259. obiit,
 & ad annum 1243. in Historiâ Anglicanâ
 sui Seculi. „ Quod, inquit, terribile est,
 „ & in triste præsagium per 300. annos,
 „ vel 400. vel ampliùs ; ordo Mona-
 „ sticus tam festinanter non cœpit præ-
 „ cipitium, sicut eorum Prædicatorum
 „ ac Minorum Ordo : quorum Fratres,
 „ jam vix transactis viginti quatuor annis,
 „ primas in Angliâ construxere mansio-
 „ nes, quarum ædificia jamjam in Re-

„ gales confurgunt altitudines. Hi jam
 „ funt , qui in sumptuosis , & diatim
 „ ampliatis ædificiis , & cellis muralibus ,
 „ thesauros exponunt impreciables , pau-
 „ pertatis limites , & basim suæ profes-
 „ sionis juxtà Prophetiam Hildegardis
 „ Alemannicæ imprudenter transgreden-
 „ tes ; morituris Magnatibus , & diviti-
 „ bus quos norunt pecuniis abundare ,
 „ diligenter insistent , non sine Ordina-
 „ riorum injuriis , & jacturis ; ut emo-
 „ lumentis inhiant , confessiones extor-
 „ queant , & occulta testamenta , se suum-
 „ que Ordinem solùm commendantes , &
 „ omnibus aliis præponentes. Unde nul-
 „ lus Fidelis , nisi Prædicatorum , aut
 „ Minorum regatur consiliis , jam cre-
 „ det salvari. In acquirendis privilegiis
 „ solliciti , in Curiis Regum , Potentum
 „ Consiliarii , & Cubicularii , & The-
 „ saurarii , Paranympi , & nuptiarum
 „ præloquutores , Papalium extorsio-
 „ num executores ; in prædicationibus
 „ suis , vel Adulatores , vel Mordacissi-
 „ mi reprehensores , vel confessionum
 „ detectores , vel incauti redargutores.
 „ Ordines quoque authenticos , & à SS.
 „ Patribus institutos videlicet à S. Be-
 „ nedicto , & Augustino , & eorum Pro-
 „ fessores (Benedictinos , & Canonicos

„ Regulares) contemnentes..... suum
 „ Ordinem aliis proponunt.... Rudes
 „ reputant & simplices , & Semilaicos,
 „ vel potiùs rusticos Cistercienses Mo-
 „ nachos ; Benedictinos verò reputant fu-
 „ perbos , & Epicuros. ” Non itaque
 mirandum est de querelis , & clamoribus
 mille Prælatorum paulò post in Lugdu-
 nensi Concilio. Apologiæ SS. Thomæ,
 ac Bonaventuræ , quæ per ea tempora
 sunt vulgatæ , vindicant quidem sancti-
 tatem utriusque Instituti Mendicantium ,
 contra Guillelmum à S. Amore aliof-
 que : non tamen negant plurimos fuisse
 ex utroque Ordine , quales Matthæus
 Paris descripsit , & Prælati Lugdunen-
 ses querebantur ; quamvis etiam plurimi
 essent paupertatis atque humilitatis acer-
 rimi Sectatores. Seculo XIV. omnia in
 pejus prolapsa , potiùs quàm restituta.
 Ipse Wadingus ad annum 1334. à nemine
 Pontificum tot Minoritas electos fuisse ad
 Insulas narrat , quàm ab Joanne XXII. ;
 attamen sub nullo alio Pontifice misero-
 rem fuisse ejus Ordinis statum , vel ip-
 sius Annales Wadingi testantur. Nec mi-
 nora in aliis Regularibus mala refert eo-
 rum temporum Scriptor insignis Alvarus,
 de *planctu Ecclesiæ*. Quo in loco silendum
 non est de Cardinali de Albertinis Pra-

tenfi; eodemque Dominicano. Ejus do-
 los, & callida Consilia in electione Cle-
 mentis V. ad Genium Regis Galliarum
 fusiùs describit S. Antoninus in Cle-
 mente V., qui erat Archiepiscopus Bur-
 digalensis. Hinc sequuta est translatio
 Romanæ Sedis in Galliam annis 70. Indè
 magnum Schisma Urbani VI., quod ita
 sus, deque vertit Ecclesiam; ut malo-
 rum gravissimorum reliquæ, neque per
 Constantiense Concilium, ac Florenti-
 num deletæ sint: & vix magnis Eccle-
 siæ malis aliquâ ex parte in Tridentino
 consultum sit. Jure igitur Cardinalis Mat-
 thæus de Urfinis, se, aliosque, à Car-
 dinali Pratenfi deceptos sentiens, hiseum
 verbis redarguit. *Affecutus es voluntatem
 tuam in ducendo Curiam ultra montes, sed
 tardè revertetur in Italiam.* Factum hoc
 Pratenfis Cardinalis Dominicani, adeò in-
 faustum, ac noxium Ecclesiæ fuit, si
 quæ consequuta sunt attendas, ut quid-
 quid boni per Regulares Cardinales Do-
 minicanos in Ecclesiam derivatum sit,
 uno illo malo in immensum vincatur.

Dignitatum, honorumque cumulus,
 cum Episcopalis autoritatis imminutio-
 ne, Regularibus mendicantibus collatus,
 quàm infelicitè cesserit tum ipsis Ordini-
 bus, tum Ecclesiæ confirmat Con-

cilium Viennense sub Clem. V. Ejusdem-
 que Concilii querelæ, tum in Domini-
 canos, ac Franciscanos, tum etiam In-
 quisitores. Leguntur hæc in Clementinis;
 Ut autem aliquid de sæculo XV. pro-
 ponam, fatis erit recitare Verba S. Anto-
 nini 3. p. tit. 13. c. 4. §. 12. quo in loco
 cum pluribus laudasset sanctitatem pri-
 morum Patrum Ordinis S. Dominici,
 hæc subdit. " Quid diceret Pater san-
 ,, ctus, si nunc attenderet ad Ecclesiam,
 ,, & Domos, & Cellas Fratrum am-
 ,, pliatas, testitudinatas, in cælum ele-
 ,, vatas, in sculpturis, & picturis curio-
 ,, sissimè ornatas, in paramentis aureis,
 ,, & purpureis copiosas super Cathe-
 ,, drales Ecclesias, in vestibis Fratrum,
 ,, in lectis eorum, pompas Domorum
 ,, excedentes, nec ab esu carniū ab-
 ,, stinentes, cum sani sint ac robusti,
 ,, nec jejunia non solum Ordinis, sed nec
 ,, Ecclesiæ servantes, non solum in
 ,, communi, sed in singulari possessio-
 ,, nes, & redditus habentes; non ex dis-
 ,, pensatione sed ex dissipatione Prælator-
 ,, rum: non studiis vacantes, sed visitatio-
 ,, nibus Monasteriorum, ut de *cæteris ta-*
 ,, *ceamus*. At, si qui literis intendant, non
 ,, saluti animarum inde consulere af-
 ,, fectantes, sed ut vocentur ab homi-

„ nibus Rabbi (Hunc nempe finem
 „ sibi Regulares proponunt, dum sibi
 „ finem in Episcopatibus, vel Inquisi-
 „ toriatibus præstituunt) ut exemptio-
 „ nibus gaudeant, quæ utinam non sint
 „ tales, ut à patriâ etiam supernâ exi-
 „ mant, & excludant. Quid Pater Sancte
 „ diceres de his? Nisi quia hic non est
 „ Ordo, quem institui, pro quo tantum
 „ laboravi, ubi nullus Ordo, & utinam
 „ sempiternus horror non inhabitet. Uti-
 „ que Filiis debetur hæreditas, sed Filii
 „ Sanctorum sunt, non qui tenent loca
 „ eorum; scilicet in domo, in habitu, in
 „ nomine; sed qui exercent opera eorum.
 „ Non sunt ea quæ dicta sunt opera Patris
 „ Dominici; sed opera Patris Diaboli. ”
 Quæ sanè verba pro ea, quâ sum Chri-
 stianâ charitate in omnes Regulares Or-
 dines, mitissimè interpretabor, tanquam
 de pluribus non de omnibus, aut pleris-
 que scripserit sanctissimus Dominicanus
 Archiepiscopus Antoninus, magno for-
 tasse zelo nimium abreptus. Nemo tamen
 negaverit ex his evidens esse, maxima ma-
 la ex neglectâ S. Dominici sententiâ per
 ambitionem, ac cupiditatem in optimum
 Ordinem profluxisse. Utinam Romani
 Pontifices adhæsisent Sancti Patriarchæ
 Dominici sententiæ, *Gradu bono*, inquit,

sublimati sunt Fratres mei; si recognoscunt: nec pro meo posse permittam, ut aliud assequantur specimen dignitatis. Utinam hæc intelligerent Catholici Principes, qui ad Episcopatus, & Infulas nominant viros Regulares. Hos quidem viros se amare putant, eorum tamen Ordines perdunt ambitionem fovendo, & evertunt.

Nec meliora leguntur de Moribus Ordinum Mendicantium post S. Antonini tempora, cum Dignitates, Auctoritas, Jurisdictio, perhonorifica munera, incrementum accepere potiùs, quam decrementum. Nam ante S. Antoninum plura moderati fuerant Pontifices ex Mendicantium Privilegiis. Hinc S. Antoninus 3. part. tit. 22. cap. 5. §. 1. post plura Mendicantium privilegia enarrata hæc habet., „ Vè-
 „ rum quia processu temporis ipsi Men-
 „ dicantes, seu aliqui ex eis insolenter
 „ coeperunt aliqua agere, quæ minùs
 „ erant in venerationem Prælatorum, &
 „ damnum Clericorum: Ecclesia aliqui-
 „ bus Constitutionibus repressit auda-
 „ ciam, & temeritatem illorum.” Recen-
 set autem plures Constitutiones Antoni-
 nus, atque inter alia hæc recenset. Item
 circa Inquisitores, qui ordinariè sunt Men-
 dicantes, certâ statutâ pœnâ. At quoniam
 post S. Antonini tempora per Sixti IV.

Bullas

Bullas ; quæ *Mare magnum* nuncupantur , Mendicantes cumulati fuere privilegiis , & honoribus ; quibus adde Diploma Leonis X. à Bzovio , ac Spondano recitatum , de quo supra : ea consequuta sunt , quæ memorantur in celebri scripto , quod PAULO III. obtulere anno 1538. Cardinales , ac Prælati ab eodem Pontifice delecti , ad Curia & Ecclesiæ reformationem. Eos autem juramento , excommunicationis propositâ pœnâ , ad veritatem dicendam adegerat PAULUS III.* Nonnulla exscribam.

„ Alius abusus magnus , ac minimè
 „ tolerandus , quo universus Populus
 „ Christianus scandalizatur ; est ex impedimentis , quæ inferuntur Episcopis in
 „ gubernatione suarum ovium , maximè in
 „ puniendis scelestis , & corrigendis. ”
 Ejusmodi autem impedimenta erant , tum ex effrænatis exemptionibus Regularium , tum Inquisitorum Mendicantium , & universæ eorum Familiæ , ut aiunt , sive Officialium , ac Ministrorum. „ Hoc
 „ etiam animadvertendum , ac corrigendum censemus in Prædicatoribus , &
 „ Confessoribus constituendis à Fratribus , ut.... præsentarentur Episco-

* *Extat in edit. Conc. P. Grabbe, vid. Card. Quirini in Diatrib. ad Ep. Poli cap. ult.*

„ pis , quibus præ omnibus cura Eccle-
 „ siæ est demandata, à quibus examina-
 „ rentur per se, vel verò idoneos; nec
 „ nisi eorum consensu admitterentur ad
 „ hæc peragenda. ” Quibus verbis ag-
 novit *Congregatio* noxia fuisse Dei Eccle-
 siæ, amplissima in contrarium privile-
 gia à Regularibus, sive obtenta, sive ex-
 „ torta. Abusus alius turbat Christia-
 „ nismum in Monialibus, quæ sunt sub
 „ curâ Fratrum Conventualium (ità nun-
 cupantur Fratres omnes cujusunque Or-
 dinis, non in solitariis locis, sed in Con-
 ventibus degentes, voce per eam æta-
 tem consuetâ) ubi in plerisque Monaste-
 „ riis fiunt publica sacrilegia, cum maxi-
 „ mo Civium scandalo. Auferat ergo San-
 „ ctitas vestra omnem eam curam à Fra-
 „ tribus Conventualibus, eamque det,
 „ aut Ordinariis, aut aliis, prout me-
 „ liùs videbitur : ” Quibus verbis ag-
 novit *Congregatio* noxia fuisse privile-
 gia, quibus Mendicantes in suorum Or-
 dinum Moniales constituti erant, veluti
 Monialium Episcopi.

„ Abusus magnus, ac perniciosus est
 „ in Gymnasiis publicis, præsertim in
 „ Italiâ ; in quibus multi Philosophiæ
 „ Professores impietatem docent, imò
 „ in Templis fiunt disputationes impiis.

„ simæ : & si quæ sunt piæ ; tractantur
 „ coram populo res divinæ valdè irre-
 „ verenter : Ideò putaremus indicendum
 „ Episcopis , ubi sunt publica Gymna-
 „ sia , ut per eos admonerentur Lectores ,
 „ ne docerent adolescentes impietatem...
 „ In impressione Librorum , danda esset
 „ hujus rei cura Ordinariis .” Illa autem
 Templâ fuisse plerumque Regularium ,
 Lectores illos plerumque Regulares , ne-
 mo dubitabit , qui morem ejus ætatis
 sciat : Librorum imprimendorum cu-
 ram Episcopis , & Fratribus Inquisito-
 ribus , & S. Palatii Magistro commen-
 daverat Lateranense sub Leone X. , qui
 frustra clamantibus , & conquerentibus
 Episcopis , ut fusè refert Raynaldus in
 Annalibus ; adeò benevolè se gerebat in
 Regulares : sed hoc non benè cedere in
 Ecclesiæ bonum judicavit delecta illa
 Congregatio , solisque Ordinariis eam rem
 commendandam censuit : Idem decrevit
 deindè Tridentinum. At sub Pio IV. Ro-
 mani Dominicani magnis conatibus con-
 tenderunt , ne sibi è manibus elabi fi-
 nerent hanc prærogativam Episcopalis
 autoritatis. Quare Decretum Lateranense
 restitutum est. Imò deinceps præter ter-
 minos à Lateranense constitutos , ampli-
 ficaverunt auctoritatem suam Regulares

Dominicani; & tùm Urbis Vicarium, tùm reliquos Ordinarios, à Librorum imprimendorum curâ ferè rejecerunt.

Cæterum quis extiterit fructus tot Cardinalium, Episcoporum, Inquisitorum, Exemptionum, ac Privilegiorum: quibus in detrimentum Secularis Cleri, aucti fuère Regulares Mendicantes; paucis verbis declaravit ea celeberrima Congregatio. „ Alius, inquit, abusus corrigendus „ in Ordinibus Religiosorum, quòd adeò „ multùm deformati sunt, ut magno sint „ scandalo Secularibus, exemploque plurimum noceant. Conventuales Ordines (ut nempè Carthusianos, ac similes exciperet, atque etiam Theatinos &c. haud ita pridem constitutos.) „ abolendos „ *putamus omnes*, non tamen ut alicui fiat „ injuria: sed prohibendo ne Novitios „ possint admittere: sic enim sine ulius injuriâ citò delerentur, & boni Religiosi eis substitui possent. Nunc verò „ putamus optimum fore, si omnes pueri, qui non sunt professi, ab eorum „ Monasteriis repellerentur.

Eandem hanc Regularium ex nimis privilegiis depravationem comprobavit, quod accidit Paulo IV. Pontifice, qui cùm Cardinalis esset, Congregationi de quâ suprâ, interfuit. „ Is enim quemadmo-

„ dum narrat Spondanus ad ann. 1559. n.
 „ 3. Monasticam seu Religiosam vitam
 „ semel professos, in Cœnobia, undè quâ-
 „ cumque de causâ exierant; regredi præ-
 „ cepit : atque in eo edicto exequendo se-
 „ verè adeo, atque acerbè enisus est; ut
 „ complures in Pontificiis ditionibus Sa-
 „ tellitum manu in vincula truderentur,
 „ alii in Triremes conjicerentur. Qui va-
 „ rias ob causas edicto parere non pote-
 „ rant, ii tutissimum perfugium Venetias
 „ elegerunt : ad quam Civitatem triginta
 „ eorum millia confugisse dicuntur, quo-
 „ rum plerique desperatione adacti, in
 „ Turcarum oras proficisci, vel in Ger-
 „ maniam migrare statuerant : Nonnulli
 „ domorum parietibus inclusi, rei exitum,
 „ ac propinquum senis Pontificis le-
 „ thum præstolabantur. Reliqua vide
 apud Spond. loc. cit.

Legendus etiam ipse Paulus IV. in
 Bulla 14 tom. 1. Bullarii, ubi refert, quàm
 magnis sceleribus essent implicati.

Hic itaque egregius extitit fructus,
 sive in Ecclesiam, sive in ipsosmet Re-
 gulares Ordines, ex tot obtentis exemp-
 tionibus, honoribus, prærogativis, con-
 trà utriusque sanctissimi Patriarchæ vo-
 tum ac desiderium. Quare si quis Re-
 gulares Ordines in Christi Charitate di-

ligat , neceſſè eſt , ut Cardinalatûs ,
 Episcopatûs, Inquifitoratûs, alioſque gra-
 dus quofcumque, Eccleſiaſticam juriſ-
 dictionem adminiſtrantes, à Regularibus
 amovendos deſideret , omni ambitionis
 aditu , ac ſpe præcluſâ. Tunc enim verò
 ſperandum eſt , re , ac nomine Religioſos ,
 majori in numero habitum iri in Eccle-
 ſiâ , cùm diligentiffime illud Adagium
 Canonicum obſervabitur , Sæcularia Sæ-
 cularibus , Regularia Regularibus confe-
 rantur. Neque ſibi aliud volebant S. Do-
 minicus , & Franciſcus , neque ab his
 diverſa ſenſit S. Ignatius , ut legere eſt
 apud Orlandinum in Hiſtoriâ Ordinis. Scio
 Clerum quoque Sæcularem obnoxium eſſe
 vitiis , ac criminibus : Verùm his extir-
 pandis plurimùm juvabit ſanctitas Regu-
 larium Ordinum. Cæterùm ſi cupiditate
 honorum , ac pecuniarum eò res proce-
 dat , ut obſcuratum ſit *aurum* , ut *mutetur*
color optimus in Religioſis Ordini-
 bus : Ecquis corruptis Regularium mori-
 bus remedio eſſe poterit ? ſi ſal *evanuerit* in
 quo ſalietur ? Nemo inficiabitur poſt Tri-
 dentinum doctrinâ , ac probitate illuſtres
 vigere Regulares Ordines ; multis ablatis ,
 vel temperatis privilegiis : atque ampli-
 ficatâ Cleri Sæcularis autoritate. Uberius
 incrementum hæc omnia ſument , ſi Inqui-

sitorum potestas, aliaque omnia, quæ ad Jurisdictionem Ecclesiasticam pertinent, Secularibus Clericis committantur. In eum finem Regulares Ordines excitavit Deus, ut pietati vacent, ut ad justitiam erudiant multos: id qui faciunt, fulgebunt quasi stellæ in perpetuas Æternitates

C A P U T X.

Exterorum etiam, in Librorum Proscriptionibus per Romanam Inquisitionem faciendis, Causam agi: Hinc utilitas, ac necessitas Constitutionis PAULI III.

CUM Tribunal Romanæ Inquisitionis sibi jus, ac facultatem vindicet, judicandi de Doctrinâ, Libris, Thesis, Foliis quibuscumque, Catholicorum omnium, cujuscunque Regni: profectò postulandi jus habent universa regna, ut eâ formâ hoc Tribunal constituatur, quæ minimè omnium suspecta sit, & anam non præbeat querimoniis exterorum.

Hujusmodi verò esset ea Romanæ Inquisitionis forma , in quâ imprimis Generalis Commissarius , qui maximus est Administer , & pro suo nutu , ac libito , vel turbare omnia , vel ritè moderari potest : non Frater aliquis sit , in speculativâ Theologiâ Magister , quanto opportunius vel Cardinalium aliquis (illos enim Commissarios appellavit in suâ Bullâ PAULUS III.) vel saltem Illustris aliquis Prælatus , non Theologiæ modò , verùm etiam Jurisprudentiæ peritus , ac praxeos Judicialis ; præterea Politicæ quoque prudentiæ : quæ nisi defuisset Regularibus Commissariis , sapientiùs providissent , nè sanctissimum Tribunal adeò gravi apud externos odio laboraret : Consultores autem seligantur : Vel tantummodò Clerici Seculares , vel si etiam Regulares admitti placeat , ex omni primario Religioso Ordine deligantur ; ita enim fiet , ut unusquisque alterius præfentiâ cautior ad consulendum fiat , & quæ alterum tacere continget , alter admoneat , atque eloquatur . Optimum præterea factu esset , ex variis Nationibus seligi Consultores : non secùs ac consuevit in Auditorio Romanæ Rotæ . Quam ipsam consuetudinem in deputandis etiam Cardinalibus Inquisitoribus , optimus quis-

que commendabit, ut quæ Congregatio Inquisitionem in universâ Christianâ Republicâ sibi adscribit, ex Judicibus ab Universâ Christianâ Republicâ delectis coalescat.

Eoque magis ita sentiendum puto, quòd Bulla Sixti V. de quindecim Congregationibus: & incipit. *Immensa Æterni Dei*. Anno 1587. duobus in locis, ubi de Libris, eorumque Doctrinâ sermo est, hæc habet: „ Universitatum Pari-
 „ sien., Bononien., Salamanticen; Lova-
 „ nien., aliarumque probatarum studia
 „ ad Librorum expurgationem, & cor-
 „ rectionem excitent; earumque diligen-
 „ tem operam, & industriam requirant.
 Et alibi infra. „ Adjuncto etiam studio,
 „ atque operâ doctissimorum Hominum,
 „ ex omnibus Christiani Orbis Natio-
 „ nibus, per Nos, aut Successores selecto-
 „ rum. ” Quapropter Jus aliquod quæ-
 situm videtur Nationibus exteris, ad ip-
 sius etiam Pontificiæ Bullæ præscriptum,
 ne gravissima hujusmodi negocia ad li-
 bitum unius, aut alterius Fratris expe-
 diantur: sed consultis Primariis Viris ex
 multiplici exterâ Natione. Quod si fa-
 ctum fuisset sub Pio IV. & S. Pio V.,
 aliisque Pontificibus, non tanta apud ex-
 teros invidia conflata fuisset Sanctissimo

Tribunali, ex quibusdam actis, & Constitutis, in præjudicium haud admodum leve Regum, ac Principum.

Modò verò longè aliter se res habet. Mitto quòd nulli sunt Exteri Cardinales in Tribunali S. Universalis Inquisitionis. Minori utique famâ, ac decore Sanctissimi Tribunalis: Videntur à pluribus jam annis datâ operâ Dominicani Fratres obstitisse, nè in S. Officii Congregationem cooptentur exteri Cardinales, qui fortassè non sinerent se regi ad nutum Dominicani Commissarii. Quo Consilio malè profecto meriti sunt Dominicani de dignitate, atque Auctoritate Romanæ Inquisitionis; cujus Decreta longè majori obsequio venerarentur, vel ex ipsæ Nationes, à quibus cæteroquin non recipiuntur, si eam Congregationem scirent, non ex Italis tantùm, sed etiam ex præcipuis aliorum Regnorum Cardinalibus, si quandò Romæ morentur, coalescere.

Illud perniciosius, quòd Censuræ de Doctrinâ ac Libris, ab uno Fratre eodemque Dominicano pendent, Commissario videlicèt, unâ cum aliis tribus Fratribus sui Ordinis præcipuè.

Nam 1. Si Doctrinæ, vel Libri Author charus Dominicanis sit, penes Com-

missarium est, denunciationem, ab Accusatoribus intentatam negligere, vel in aliud tempus differre; interea autem temporis Auctorem monere, quemadmodum factum esse cum Quesnello, testatur Laffiteau in Histor. Constit. lib. 1.

2º. Potest unus, aut alter Censor designari, constrictus amicitiae vinculo cum Dominicanis: ab hujuscemodi autem Censoribus, quidni fausta omnia, atque ad votum suum sperare, Dominicano Commissario liceat? per quem deinde Cardinalibus approbanda proponantur, &c.

3º. Quid est facilius, quam ut his amicis Censoribus, totus Fratrum chorus applaudat? Nempè magna illa nomina, Reverendissimus Commissarius cum suo socio; Reverendissimus Magister S. Palatii; Reverendissimus Generalis Dominicanorum, &c. Hæc ubi præcesserint, quid, rogo, facient Inquisitores Cardinales, quam & Censuram faventem approbare, & Doctrinam Librumque absolvere?

Secus autem fiet, cum Libri, vel Doctrinæ Auctor invisus, atque ingratus Dominicanis est: An non ita factum est de Amadæo Guimenio, qui uno opusculo complures Dominicanorum Theologorum, in Theologiâ Morali, & Casuisticâ errores, laxasque opiniones, ipsis Au-

thorum verbis exscriptis recitavit , non tamen probavit , ut disertè professus est sub Libri initium. Hic scilicèt Author , ut à Jesuitis suis accusationem depelleret Theologiæ laxioris ; quod crimen Jansenistæ , præcipuè in Galliis ubique , & magnis vocibus personabant : Libellum aggressus est , quo ostenderet , & valdè paucas laxitates à suis Fratribus Jesuitis transcriptas , & complures , ac graviores in Thomistis Theologis præextitisse. In eum Librum magni fuère motus in Galliâ , sed ut ea erant satis turbulenta tempora , nescias utrùm illi clamores tribuendi sint bono Catholicorum zelo , an malo Jansenistarum ; qui clanculum bonos ipsos Catholicos , specie pietatis inflammarent. ut suos etiam clamores admisce-
rent : Vincentius Baro , aliique accusârunt Guimenium , quòd tam multos errores Dominicanis Scriptoribus , non satis fideliter appingeret. Causam suam propugnavit Guimenius in Libello alio , quem obtulit S. Congregationi Indicis : Singula Auctorum loca recitavit , eâque diligentia expendit , ut Vincentii , Baronis calumnias omnino discusserit ; legitur Libellus Apologeticus in Tom. 1. Apologetici P. Fabri. Ea fuit rei evidentia , ut Hispana Inquisitio , in quâ non imperant

Dominicani Fratres, nullam notam Guimenio inusserit, ejusque lectionem universis Hispanorum Ditionibus permittat. Romæ autem ter vetitus est Guimenii Liber, ac semel exustus manu Carnificis sub Innoc. XI. ut à quo Pontifice, specie moralis severioris decepto, per subreptionem, & obreptionem extorserant laudes Arnaldi, & aliorum Jansenistarum: ab eodem Guimenius ad flammæ damnaretur. Quam in causam refundas, tam dissimilem agendi modum? Nempè Dominicanus Commissarius Romæ est, qui in Hispaniis non est. Hæc cum exteri sciant, mirabimur eò imminutam esse estimationem Romanæ Inquisitionis, ut si hæc ad Hispanorum Inquisitionem Epistolæ mittat, nullum expectare responsum possit? Epistolæ ipsæ Provinciales Hæresibus, ut Catholici omnes concedunt, fædæ, ac deformes; contrà Gratiæ sufficientiam; tamen mollissimâ proscriptione vetitæ sunt, nec ad ignem manu Carnificis damnatæ, ob læsam Fidem: quemadmodum Guimenius ob læsos Dominicanos.

Non deerunt, quibus falsa scribere videar, quòd Commissarium Dominicanum cum suis, ferè Dominum Judiciorum appellem: cum certum sit ex Cardi-

naliū Decretis ista pendere : Verūm
 quicunque publicorum negociorum paulo
 peritior sit , intelliget profectò omnia
 ferè esse penes primarios hujusmodi Ad-
 ministratos : atque in eorum potestate con-
 stituta. Pius IV. Judicium in Caraffas
 instituit , octo gravissimis Cardinalibus in
 Judices designatis , per quos lata est seve-
 rissima Sententia in Caraffas , Pauli IV.
 Nepotes. Causam retractari jussit S. Pius
 V. iisdem ferè datis iudicibus : quā de re
 legendi Bzovius , & Laderchi in Anna-
 libus Ecclesiasticis. Absoluti autem Rei
 fuere , ac prior Sententia rescissa , damna-
 to Procuratore Fiscali ; qui in primā cau-
 sæ cognitione , iniquum se præbuerat.
 „ Fuerunt porrò plerique eo tempore Ju-
 „ risconsulti , ait Spondanus ad ann. 1560.
 „ n. 2. qui constantissimè asseverârunt ,
 „ Judicium (sub Pio IV.) iniquum fuisse ,
 „ ob ea quæ , Cardinalis , Pauli IV. jussu à
 „ se facta esse contendebat ... iis , quæ sibi
 „ objecta fuerant more Romano , quæ stio-
 „ ni ac tormento subiecto , non expres-
 „ sis , Dilationibus quas petebat , non con-
 „ cessis , Patronis ejus raro auditis .” Ni-
 mirum Fiscalis Procurator , multiplici
 hâc illatâ injustitiâ , iniquam sententiam
 ab æquissimis Iudicibus extorsit. Cujus
 iniquitatem alio subrogato Procuratore

Fiscalis; detexerunt, atque ipsimet agnovère. Quid ex his in Commissarium S. Officii derivari possit, Lector per se ipsum intelligat.

Jam verò etsi Romanæ Inquisitionis Decreta ab exteris Regnis non recipiantur, famam tamen Autoris Libri ac Doctrinæ gravissimè vulnerant, Catholicorum judicio, ac nigram notam appingunt. Quotusquisque enim Doctorum est, qui non planè invitatus audiat. Is quem vulgasti, Liber proscriptus est? Quòd si de juribus Regiis, Libri argumentum sit: quâ occasione Fratres, partim ex Curia Romanæ adulatione, partim ex inscitia, in proscriptiones effusi esse solent: pii quique viri, ac Deum timentes scrupulis anguntur, in Libri Doctrinâ sectandâ, quamvis moribus Regni conformis sit.

Haud feliciter itaque provisum est, ut tantus gladius, utrâque parte acutus, in manu Fratris sit; quem persæpè nulla Nobilitatis, nulla prudentiæ, nulla Doctrinæ, nulla insignis probitatis egregia laus honestat. Audiendus Spondanus ad ann. 1516. n. 16., quo in loco de Regularibus loquens, præcipuè qui auctoritatem Inquisitionis exercent, ab Episcopali auctoritate abstractam, ac divulsam; aliâque obtinent insignia Privilegia: hæc scri-

pfit. „ Hoc unum sanè dolentissimè , cùm
 „ gratiâ Sedis Apostolicæ , cui obsequen-
 „ tissimum equidem me in omnibus pro-
 „ fiteor , & exhibeo ; quàm plurimo-
 „ rum aliorum nomine conqueri liceat ;
 „ quod frequenter eos angit , ac pungit ;
 „ dari centenis , ac millenis homuncio-
 „ nibus , ac plerumque ignaris (quod ta-
 „ men absque præjudicio existimationis
 „ plurimorum dictum sit) in singulis
 „ Provinciis , ac Diœcesibus , quòd ea-
 „ rum Archiepiscopis , & Episcopis ,
 „ Apostolorum Successoribus , divini-
 „ tûs in participationem muneris Su-
 „ premi Pontificis , cum debitis hono-
 „ ris obsequiis vocatis ; quantumvis Do-
 „ ctrinâ , & rerum experienciâ præstan-
 „ tibus , ad eò prohibitum Pontifices ve-
 „ lint : ut vix post multas instantes pe-
 „ titiones , molestas pulsationes , atque
 „ importunas flagitationes , ad aliquam
 „ Privilegiorum Regularium communi-
 „ cationem admitti possint. An hoc est
 „ Episcopum esse. ” Hactenûs suo , &
 aliorum Episcoporum nomine , Spon-
 danus Episcopus Apamiarum. Si ad eò
 acerbè queruntur Episcopi de Privilegiis
 ac potestate Regularium , quid putabimus
 à tot Urbibus ac Pagis dici , qui tot Re-
 gularibus Inquisitoribus , eorumque Vi-
 cariis

cariis in rebus gravissimis , maximique momenti subjiuntur ? An non etiam cum Spondano , *de centenis ac millenis homuncionibus , ac plerumque ignatis conquerentur* ? Quid sentire de his existimabimus Regna , atque exterarum nationes , quarum clarissimi viri , ipsæque Academiæ obnoxios sese vident , Censuris ac proscriptionibus ; quæ nomine quidem Romanæ Inquisitionis feruntur : reverà tamen Dominicano Commissario referuntur acceptæ ? Academiæ Duacenæ quàm turpis nota , levi de causâ inustâ sit , in proscriptione Censuræ Duacensis per Indicis Congregationem , ante paucos annos , Belgæ adhuc gravissimè dolent.

Neque illa omittam , quæ idem Spondanus habet ad ann. 1516. n. 15. , ubi de Regularium Privilegiis ; in damnum Juris Episcopalis differens. „ An propterea , „ inquit , Episcopi , qui in participatio- „ nem muneris dati sunt à Deo , indi- „ gnè habendi sunt , quàm Regulares ; „ qui in solum merum obsequium post- „ modum instituti sunt ? Est , inquit , „ Spondanus , eritque , quamdiu res ita „ persistit , perpetua , & æquissima Epis- „ coporum expostulatio. ” Addo Re- „ gnorum etiam , ac Populorum : præci- „ pue cum non tantum de hoc agatur , ut

ne Regulares , immoderatis Privilegiis , plus æquo immunes sint ab Episcoporum autoritate , Jurisdictione , correctione : sed aliud longè gravius in querimoniam veniat ; scilicet , quòd Librorum Censura , ac proscription ; summum erudito , atque ingenuo Scriptori malum ; nutu Fratris Dominicani , aut feratur , aut ferri curetur.

Eò vel maximè , quòd non Libri tantùm proscriptio , sed proscriptionis modus levior , aut gravior , totus ferè est ex arbitrio , aut artificio Dominicani Commissarii , ac Reliquorum Fratrum. Ex gr. anno 1544. die 16. Maii proscriptus est Liberculus Jesuitæ cujusdam : quòd actus quosdam de se veniales , & *solum* ex pravo affectu , & *intentione mortales* , appellaverit *subimpudicos* : Authorem non excuso , sed vehementer damno ; cùm enim actus ii , sin minùs speculativè , saltem in praxi ; ut plurimùm mortales sint : proculdubio absolutè *impudicos* appellare debuisset ; neque inusitatâ loquendi formulâ præbere legentibus , aut erroris suspensionem , aut scandalum. At quoniam suus justitiæ modus est , nec suprà *condignum* peccata puniri , vel divina , vel humana jura permittunt : quid causæ esse potuit , ut error incautus potiùs , quàm pertinax , scrip-

tionis, quàm mentis, tantâ, ac tam gravi censurâ plecteretur, quantum vix sustinuit Quesnelli liber hæresibus pluribus scatens, iisdemque turpissimis? Proscriptus enim fuit Liberculus ille Inquisitionis Decreto; damnata sunt exemplaria, etiam manuscripta, ac defensiones impostæ edendæ: quâ ratione vix in Quesnelli libros animadversum est; non autem in ipsas Epistolas Provinciales, licet Janseniano dogmate refertas. Qui hæc narrari audiunt, Itali, atque exteri: an ita rationis expertes sunt, ut ea vel Pontifici, vel Cardinalibus tribuant? Neutiquam profectò. Verùm quamquam Dominicano Commissario, aliisque Fratribus ea sint tribuenda, inficiendum tamen minime est, multum indè odii, ac malevolentiae, multum querelarum apud cujuscunque Ordinis Viros excitari. Quapropter illi ex Fratribus, qui hæc nomine sanctissimi Tribunalis fieri curant, ad explenda privata odia in Franciscanos, aut Jesuitas; pessimè merentur de communi apud homines famâ Romanæ Inquisitionis; quam profectò famam plurimum refert, ad Ecclesiæ contemptum vitandum, esse optimam, atque integerrimam.

Accedit observatio relatu dignissima.

Cùm auctor invisus Dominicanis non est, loco proscriptionis, monetur ; ut aliam editionem fieri curet emendatiorem. Hoc pacto cum Mabillonio actum est ; monitus quippe tempestivè fuit, ut quem ediderat de Cultu *Sanctorum ignotorum libellum*, novâ adornatâ editione castigaret. Testatur id Mabellonii vita, operibus præfixa. Quamquam haud dissimulem monitionem, satis utique placidam, mitem, benignam, vel cum Quesnello usurpatam esse: quod novimus ex Laffiteau lib. 1. Hist. Constitutionis *Unigenitus*; laudarem hunc morem Prudentiæ, ac Charitatis plenissimum, si etiam cum Franciscanis, Augustinianis, & aliis quibuscunque, ex omni natione, ac regno usurparetur.

Non expendo, quàm sæpè infelices, atque indoctæ Censuræ sint: quæ, cum praxis per Dominicanum Commissarium invecta servatur; ab uno vel altero Regulari dantur, ac quibus superstruitur solemnis libri proscriptio, cum ignominia Auctoris, Nationis, aut Religiosi Ordinis. Satis est, si Censuras legeris, secretò latas in Historiam Ecclesiasticam Natalis Alexandri; quasque ipsemet Româ clanculum transmissas, in posteriori editione vulgavit. Risum enim persæpe erudito lectori moverint, tam multâ insci-

tiâ refertæ , tam multis ineptiis respersæ sunt. Si autem hæc in viridi , in arido quid fiet ? Nimirum si tam malis Censoribus actum est contra Natalem Alexandrum , quibus Censoribus , vel Censorum quisquiliis agetur contra Franciscanos , aliosque æmulos.

Hæc sanè perpetua querelarum penes Italos , atque exteros , materia sunt ; at nunquam uberior est expostulationum feges , quàm cum Conceptionis Controversia differitur. In reliquis iniquè agi contra homines videtur ; in hac autem controversiâ tractandâ , quis neget iniquè agi , vel contra B. Virginem ? Ejus enim causa in Romanâ Inquisitione disceptatur ; nimirum , ubi regnum est adversariorum Dominicanorum. Cùm tamen una omnium jurium vox sit , Judices ab omni suspitione , immunes esse oportere.

Celebriores inter Scriptores de Conceptionis Controversiâ , duo recensentur : ex Dominicanis alter , Bartholomæus Spina , S. Palatii Magister sub PAULO III. contra piam Sententiam ; alter ex Franciscanis , Petrus de Alva piæ Sententiæ Propugnator. Hujus libri in Indicem veritæ lectionis relati sunt : secus est de libro Bartholomæi Spinæ. At quo libro

Deus immortalis , ac quibus assertioni-
 bus referto ! „ Papa , inquit , nequit si-
 „ lentium Dominicanis imponere : vetare
 „ nequit , quominus opinionem de Im-
 „ maculatâ Conceptione Deiparæ , tan-
 „ quam hæreticam impugnent : Si id
 „ faceret ; non ut Pontifex ageret , ex
 „ Spiritûs Sancti directione ; sed ut sin-
 „ gularis , & præsumptuosa Persona , motu
 „ proprio Si Pontifex juberet hujus-
 „ modi silentium , neque Pontifex am-
 „ plius esset , neque Christi Vicarius
 „ Dominicani , nihil officiente Sixti IV.
 „ Decreto , impugnare possunt opinionem
 „ Immaculatæ Conceptionis veluti hæ-
 „ reticam , & quilibet Jesu Christi ser-
 „ vus , omni quo potest studio eniti debet ,
 „ ut id præstet : quo tandem Pontifex
 „ ad id decernendum moveatur ; quod
 „ debet Revelatio quæ Conceptionis
 „ Festo occasionem fecit , ex Satanâ
 „ fuit operâ Diaboli invaluit mos Fe-
 „ stum Conceptionis celebrandi
 „ Præferenda auctoritas SS. Doctorum ,
 „ qui ex Scripturis probant , quod dicunt ,
 „ auctoritati Pontificum oppositum
 „ Immaculatæ Conceptionis est ad Fi-
 „ dem necessarium , & unum ex præci-
 „ puius ejus fundamentis ; Defensores Im-
 „ maculatæ Conceptionis , similes sunt

„ Luthero , aliisque Sectariis in contem-
 „ nendis sanctis , eorumque autoritate . . .
 „ æquissimo Judicio permisit fortasse
 „ Deus Lutheri Hæresim , in pœnam ne-
 „ gligentiae , quâ Pontifices usi sunt , in
 „ Conceptionis Immaculatæ sententiâ
 „ tolerandâ , contra veritatem , quam SS.
 „ Doctores docuere Assertores Con-
 „ ceptionis Immaculatæ amici sunt Dia-
 „ boli , filii Gehennæ , obtenebrati à Dia-
 „ bolo , impudentissimi , & impostores ;
 „ à quibus , tanquam à Diaboli laqueis
 „ fugiendum est.

Hæc atque alia ex eo Libro selecta , Pontificibus Romæ exhibita fuere per Legatos Hispanos , cùm de eâ Controversiâ disceptatum est , sub Paulo V. , Gregorio XV. , Urbano VIII. , Innocentio X. , Alexandro VII. : nec tamen proscriptus Liber fuit. Eædem assertiones Matrimonium delatæ fuere ad Archivium , ut vocant , Conceptionis ; perpetuumque monumentum Dominicanæ Tyrannidis in Romanâ Inquisitione : quam in Doctrinæ , ac Librorum Judicio , ac Censurâ exercent , non modo contrâ æmulos Regulares , contrâ Italos , & externos Populos , eorumque Academias ; sed vel in ipsam Immaculatam Deiparam. Hæc omnia uberrimè explicantur per P. Tho-

nam Strozzii, in Historiâ Conceptionis, quam vide *Verbo Bartholomæus Spina*.

Liber Bartholomæi Spinæ non modò proscriptus non est; sed iteratis typis recusatus, saltem quinques, aut sexies: quemadmodum refert Echard, in Bibliothecâ Dominicanâ; refert inter alias recentiorem editionem anni 1699. Non omittenda tamen est Editio ejus operis, quam Dominici curârunt, post Tridentini Decretum de Immaculatâ Conceptione. Audiendus Frater Duimius Dominicanus, in Præfatione, quam unâ cum novâ Editione vulgavit. Hæc ex aliis seligo, quæ Lector expendat: „ Est „ autem præ cæteris à Sacris Literis „ admodum aliena, & Christi Evange- „ lio dissona, humana quædam inventio, „ nostro infelici ævo; ut posthabitis S. „ Scripturæ clarissimis testimoniis, spre- „ tis etiam Ecclesiæ, Sanctorumque Pa- „ trum, veterumque Ecclesiæ Doctorum „ salutaribus monitis, & doctrinis; cujus- „ dam vanæ devotionis prætextu, Sanctis- „ simam Dei Genitricem propriis ad in- „ ventis laudibus celebrare cupientes, eam „ non fuisse Adæ peccato obnoxiam, ac „ proindè sanguinis pretio non indignis- „ se, ineptius dogmatizare præsumpse- „ rint, ut hinc liceret aliquibus, qui Sa-

„ cris abuti consuevère, liberiùs vorare
 „ domos viduarum, seducereque corda
 „ simplicium, longâ oratione orantibus,
 „ existimantibusque quæstum esse pie-
 „ tatem Quam audaciam, &c. . . ”
 Plura subdit de Editione novâ Operis
 Bartholomæi Spinæ, ad eam, ut appellat,
audaciam frænandam. Nimirum haud
 satis inverecundum erat Opus Bartho-
 lomæi Spinæ; nisi hujusmodi Fratris
 Duimii Præfatio præfigeretur. Audien-
 da præterea quæ subduntur. „ Accessit,
 „ inquit, SSmi. D. Nostri PAULI
 „ Papæ III. Consensus; & favor. Af-
 „ fuit D. Cardinalis de Toledo ex Ord.
 „ Prædicatorum (Adde etiam ex Inquisi-
 „ toribus S. Officii) magnifica liberalitas ”
 Quis credat PAULUM III. tam impia,
 atque abominanda in eo Libro perlegis-
 se? At donec Commissarius S. Officii,
 ex Dominicano Ordine erit, aliis ex eo-
 dem Ordine latus ejus stipantibus, quid
 non licebit Dominicanis S. Officii, ad
 decipiendos Pontifices, ac Cardinales,
 quotiescunque res postulabit; sive ad
 Ordinis dignitatem augendam, sive ad
 æmulos quoscunque, aut Sæculares Cle-
 ricos subigendos & conculcandos? Qui
 in publicâ Urbis, atque Orbis luce pu-
 blicis typis ista evulgant, quid non au-

deant intrâ domesticos Inquisitionis parietes ? in privatis Colloquiis cum Pontifice, Cardinalibus, Prælatiſ? Libro P. de Eſparza titulum *Immaculatae Conceptionis inſcribi juſſit* Alexander VII. quid ad hæc Apoſtolici Palatii Magiſter? ea ſcilicet reſpoſuit, quæ vix poſteri credent: Hiſtoriam referam P. Strozzi verbis Lib. 10. Cap. V. ex Italico in Latinum converſis: „ Magiſter, inquit, S. Palatii, „ cùm de conſuetâ imprimendi facultate „ ab eo quæreretur, negavit ſe eam con- „ ceſſurum: *ſi Papa id jubet ſupremâ,* „ *inquit, ſua auctoritate: Libri Editionem* „ *jubeat, nec eſt, quòd ex me facultas petatur:* ” Quàm multa alia fuiſſe putatis audaciſſima reſponſa, atque conſilia, quæ, ſi ab arcanis Inquisitionis Conventibus erumperent in lucem publicam, horrerent audientium aures, & obſtupeſcerent Populi. Quid cauſæ ſit: Cur Fratrum quorundam, ex demandatiſ ſibi muneribus ſuperbientium audaciam, non frangat Clerus Secularis Romanus, imò verò tantum jugum patiatur? Non enim ea noſtra eſt ætas, quâ ut olim, ſoli Regulares ſibi ſcientiam vindicant, aut vindicare meritò poſſent. Satis de audaciâ. Unum aut alterum crimen falſi, reticendum non eſt. Anno 1646. ineunte, &

subinitia insequentis ; Romæ sub Innocentio X. vulgari cœpta sunt exemplaria nonnulla Decreti cujusdam , ut quidem titulus præ se ferebat , *Romane Inquisitionis* : quòd Decretum Cardinales Inquisitionis sanxissent jam ab anno 1644. sexto mense antè obitum Urbani VIII. „ Eminentissimi & Reverendissimi DD. „ &c. Decreverunt , quòd quando agitur de tribuendo titulo Immaculatæ Conceptionis , B. Virgini , nullo modo „ permittatur : sed solum dicatur Conceptionio Immaculatæ Virginis , & ità „ observari mandârunt : Jo. Antonius „ Thomasius S. Inquisitionis Notarius. ” Hoc Decreto subnixus Reverendissimus P. S. Palatii Magister , ab omnibus Imaginibus , ac Libris , in quibus occurreret , eradi mandabat *Immaculatæ Conceptionis nomen* : quod gravissimè commovit Franciscanum Ordinem , Regnum Hispaniarum : atque ità commovit , ut Rex Philippus IV. Decretum abrogari curaverit. Cæterum Fratres Franciscani , ac Jesuitæ ; ut sunt homines minimè stulti ; Decretum subreptionis , aut falsitatis insinulârunt : Dominicani contrà offerre supplices Libellos , palam edicere , quòd Fideles non debebant investigare consilia SSmi. Tribunalis ; sed obsequentis-

simè revereri. Nimirùm quadrabat illud Satyrici Poëtæ. *Sancta Laverna da mihi fallere, da sanctumque piumque videri, non item peccatis, & fraudibus objice nubem.* Cæterùm cùm Franciscani aliique falsitatem in Decreto deprædicarent, multis argumentis adacti Dominicani sunt, ut faterentur Decretum latum fuisse à Cardinalibus pro Civitate Bononiæ, & ad ejus Urbis Inquisitorem missum; cujusdam Processionis, ac nonnullorum libellorum occasione: satis hoc ad fraudem ostendendam fuisset. Quid enim Romæ cum Bononia? Quare in vulgatis exemplaribus non inscribebatur. *Pro Civitate, vel Inquisitione Bononiensi?* Quid causæ erat, ut vulgaretur, veluti universale Decretum? Si latum Decretum in Bononienses fuit, quid causæ erat, ut Romani, aliique prohiberentur per Magistrum S. Palatii, ne Immaculatæ Conceptionis titulum usurparent? Verùm opportunè incidit Consalvi cujusdam Castellani Jesuitæ, in Urbem adventus; Regni Hispaniarum, ac Philippi IV. nomine, ad S. Sedem specialis Oratoris super Conceptionis negocio. Hic accerrimè postulavit, ut sibi daretur legale, atque authenticum Exemplar saltem, Decreti ad Bononienses dati. Hispaniæ, ac

Philippi IV. nomine, id petenti jussum est, ut exemplar daretur. At neque in Tabulario Inquisitionis Romanæ, neque in Notarii, ut aiunt, Protocollis, neque in Urbe Bononiensi, neque prætereà repertum in Bononiensi Inquisitione. Hæc aliaque plura recitat P. Strozzi in Hist. Concept. L. 10. Cap. 1. 2. & 3. Legendus postremus Dialogorum Italicorum P. Gagnæ, novissimè Typis excusus: in quo lato calamo refertur; quòd facultate acceptâ à Cardinalibus Inquisitoribus, paucos ferè ante annos postulatum fuerit Exemplar authenticum Decreti Innocentii XI. de Probabilissimo Societatis: Inventum autem est in Tabulario SSmi. Tribunalis falsum, ac depravatum; ut neque sensus constaret. Res est lectu dignissima, & argumento, quod habemus opportunissima, dum illud addas: *Crimine ab uno, imò à duobus, disce omnes.* Quid ad hæc exteri Populi? Ista quamvis, non ut sunt certissima, sed dubia essent: an vel justitiæ, vel saltem pietatis, ac misericordiæ in Christianam Rempublicam ratio suaderet; ut Laici, Clerici, Regulares, continuâ indignatione commoveantur, ac penè fremant, ob hanc non inverisimilium suspicionum torturam?

Egregia hæc sanè testimonia sunt Dominicanæ fidei , Tribunalium auctoritate abutentis ; non in Franciscanos modò , Augustianos , vel Jesuitas ; sed in Sanctissimæ Conceptionis dehonestamentum. Gravia sanè ista sunt ; sed aliorum multò graviorum suspicionem faciunt : quæ arcanum S. Inquisitionis sigillum æterno silentio claudit , & ab exterorum cognitione secludit. Si omnium conscii essemus ; quàm multa essent , quæ scriberentur !

Si Regna , Academiæ , Regulares Ordines pro Conceptione Immaculatâ certantes , hoc à Sede Apostolicâ obtineant ; ut à Dominicano Commissario , in Prælatum summa Inquisitionis administratio transferatur ; erit , quòd speretur aliquid ad Conceptionis Immaculatæ cultum amplificandum : pro quo tam multa , & Galliæ Sorbona , & Hispaniæ Regna fieri curavêre. Indignum profectò est , & ab omnium Nationum consuetudine abhorrens , in eâ Conceptionis Controversiâ ; quæ ad Inquisitionis Tribunal defertur ; Dominicanos , & Judicis & Partis personas dissimillimas sustinere : idque in Judicio , quod occultissimè geritur , ipsis scientibus , quæ Franciscani , ac Jesuitæ faciunt , ac docent : His autem nescientibus , quænam in aures Pontificum , ac

S. Officii Cardinalium infusurrent Dominicani. An non hæc certaminis forma est imparis , atque injusti ; contrà Civilia , Canonica , Divina , Jura ?

Unum itaque superest tot malis præsentissimum remedium. Plures Legationes ad Sedem Apostolicam magnis sumptibus misit Hispania : nempe ut minimum duodecim. Nulla felicior illâ fuit , quæ ad Alexandrum VII. suscepta est. Nimirum postulavit Orator Regius , & à Pontifice exoravit , ne Dominicani sese negotio immiscerent. Iis abire jussis : Alexander VII. cum Cardinalibus Inquisitoribus ; ac Prælato Secretarii Vices implente , octo dierum spatio , magnum illud negotium Bullæ Alexandrinæ in Conceptionis honorem , ac dignitatem absolvit , atque expedit. Nempe annis , octingentis Dominicanis tamen præsentibus , à Congregatione Romanæ Inquisitionis obtineri tantundem non potuisset. Quid enim obtineatur ; si in eo Inquisitionis arcano Dominicani , quidquid libeat opponant : Franciscani verò , qui non audiuntur , respondere nequaquam possint : quamdiu hæc Congregationis forma perseveret ? Quidni Hispaniarum Regna , ac reliqua extera ; quæ Conceptioni Immaculatæ favent , conquerantur ?

Quæ in Causâ Ven. Serv. Dei Mariæ de Agredâ recentius accidere, argumento esse possunt, num vanæ querelæ sint in Inquisitionem Romano-Dominicanam. Unum hoc seligo. Statutum erat, ut peculiaris Cardinalium, ac Theologorum Congregatio coram Pontifice die 5. Xbris 1747. haberetur; ad iudicium ferendum de ejus Scriptis; in quorum infamiam tota Dominicanorum factio conjuraverat. Inter cætera, quæ vitio eorum Scriptorum vertebantur, illud erat; quod Mariam Virginem, usitatâ cæteroquin voce *Redemptricem hominum*, appelleret; quod scilicet Mundi Redemptorem genuerit. Instabat iudicii dies: cùm ecce tibi per Urbem fama increbuit, proscriptum fuisse à Romano-Dominicanâ Inquisitione Libellum Italicum, Franciscanorum Asculanæ Civitatis, *de Viâ Crucis*, jussuque magnis comminationibus; ut voces *de Virgine Redemptrice* eraderentur. Quo quid aliud actum est, nisi ut causâ per Dominicanos præjudicatâ, in Pontificium iudicium Controversia importunissimo tempore deveniret: & peculiaris Censorum Congregatio difficilius probaret, Mariam dici Redemptricem: cum huic Elogio, venerandum Inquisitionis Tribunal nuperrimè detraxisse videretur.

CAPUT

CAPUT XI.

Ex Controversiis aut Judiciis de Regularibus in Tribunali Inquisitionis Romanæ, multiplex queremoniarum Seges. PAULI III Constitutionem præsentissimum esse illis Remedium.

ATque ista quidem proximè, & ut aiunt, directè tangunt externos Populos: alia sunt, quæ illos indirectè quidem, sed tamen vehementer afficiunt.

Quæ ad Missiones Malabaricas & Sinienses pertinent, maximè tangunt Lusitanos, Gallos, Germanos, qui frequentes in iis excolendis Provinciis degunt. Jam verò quanta passi sint, quanta patiantur ab Inquisitionis Romanæ Commissariis; vel soli Jesuitæ: ex pluribus authenticis testimoniis ita compertum est; quàm quòd maximè. Legantur Apologetica Scripta P. Brandolini, de Missionibus Malabaricis: ubi quàm plurima falsa, ac maligna recenset, quæ Frater Lucini, S. Officii Commissarius scripsit in editis à se libris, pro Decreto Cardinalis Tournonii. Id verò conficit Brandolinus ità perspicuis argumentis [nam ut

plurimum quæstiones facti sunt, non Juris] ut Frater Lucini, quâ falsitatis, quâ oscitantiae convictus, (nihil enim detractum volo bonis, ac piis moribus hominis minimè mali) tam longo annorum cursu, de tot tributis erroribus purgare se ausus non sit. Fuerunt hæc Fratris Lucini inscitiae, atque imperitiæ tribuenda; non malo subdoli, ac fallentis animi vitio: illum siquidem minùs peritum fuisse satis prædixit, imò verius luce meridianâ clarius comprobavit Frater Hyacinthus Serri, ex eodem Dominicano Ordine: edito publicis typis Dictionario Luciniano, in quo recenset supra 90. Sollecismo, aut Barbarismo, ex levissimo Fratris Lucini libello, de Pontificiâ infallibilitate. Quid igitur? putabimus satis fuisse consultum rebus Malabaricis, Sinensibus, aliisque gravissimis de doctrinâ negotiis: si præcipuè horum gerendorum curam hujuscemodi Commissariis, sive malâ fide, sive inscitâ laborantibus, Orbis Catholicus commissam fuisse cognoscat?

Sed proximiora videamus. Testatur Benedictus XIV. in Decreto Fratris Norberti Historiam proscribente, opus illud nullâ editum fuisse facultate, tum Congregationis de Propagandâ Fide, tum Romanæ Inquisitionis: quod quidem ex

notissimis decerni necesse fuerat. Num hoc ignoravit S. Officii Commissarius ? Fieri omninò non potuit, ut factum suum ignoraret. Itaque nullam ex se facultatem petitam, nullam obtentam sciebat is, perquam optimè rerum suarum bene conscius. Hæc cum ita essent, quàm turpiter, quàm tyrannicè muneri suo defuit Reverendissimus Pater ? Ipsum enim per annum publicè in Urbe legi, ac per manus tradi permisit, librum quem de Orientalibus Ritibus sciebat vulgatum fuisse, refragantibus Inquisitionis Decretis, nullâque, uti opus erat, ab Inquisitione obtentâ facultate. Num tam oscitanter, ac dissimulanter egisset, si quæ Fratris Norberti Historia Jesuitarum famam lacerabat, ea Dominicani Ordinis dignitatem, vel levi vulnere læsisset ? Num Magister S. Palatii tam iniquæ dissimulationi obsecundasset ? Non enim latebat Reverendissimum hunc Patrem, (nisi quæ sui muneris sunt ipsum lateant,) Historiam maledicentiæ plenissimam, absque necessariis Magistri S. Palatii facultatibus, & typis editam, & Romæ integro anno divenditam per Urbis Bibliopolas. His de rebus epistolas Româ conscribi ad Laicos, Clericos, Regulares, ad Academiæ, ad Principum aulas per-

ferri, famam longè latèque pervagari, Romanæ Curiaë Adversarios exultare, indè, ac gaudere : amicos de iniquâ hac agendi ratione stomachari, atque in benevolentia tepescere : hæc aliaque permulta, si Romani Dominicani nescientes ignorant, nimum profectò eorum aures peregrinantur : si autem sciunt, ac negligunt, nec gratè, nec pietati faciunt hi Fratres cum Romanâ Curia; ut quam sibi beneficentissimam habuerunt, eam tùm Hæreticorum maledictis lacerandam, tùm Catholicorum querelis vellicandam propinent. Romani Pontificis Cathedram, ad hanc dignitatis, authoritatis, atque opulentiaë apicem ; non Populorum, ac Regum contemptus, & querelæ : sed existimatio, ac benevolentia perduxit ; quia Romanam Ecclesiam tanquam Matrem dulcissimam complexi sunt, non tanquam Novercam despexere. Ubi autem despexere, ferè tertia pars Occidentalis Ecclesiæ discessit à Romano Pontifice, Sæculo XVII.

Verùm quid ego tantùm de Orientalibus Missionibus memoro ? Quæ ad Franciscanos pertinent, Carmelitas, Augustinianos, Jesuitas, aliosque Italos Regulares, qui Dominicani Commissarii jugum patiuntur ; ea non ita quidem proximè,

sed pertinent tamen ad eorundem Ordinum Regulares, in Lusitaniâ, Hispaniâ, Galliâ, Germaniâ, commorantes. Unius enim sunt corporis membra. Quid illud autem sibi velit de jugo Dominicani Commissarii, paulò latiùs exponendum est: ut constet, quanta hac in re patiantur Regulares.

Cùm Romanâ Inquisitio non modò de doctrinâ cognoscat, libris, controversiis, sivè Conceptionis, sivè Malabaricis, ac Sinensibus: verùm etiam de multiplici crimine, & accusatione; præcipuè ejus, quam dicunt, Sollicitationis in Pœnitentiæ Sacramento: quemadmodum æquum est, ut Rei, si qui sunt, puniantur; ita æquissimum etiam est, ut in re adeò lubricâ; & falsis, vel ex inscitiâ, vel ex errore, vel ex malitiâ accusationibus obnoxiiâ; certi sint Franciscani, Carmelitæ, Augustiniani, Theatini, alique Regulares quicunque; hujusmodi tam magni momenti causas, per Judices, atque Officiales omnis suspitionis expertes disceptari, ac definiri. Jam verò ecquis paulò prudentior sibi persuadeat, nihil esse cur Franciscani, alique, de Dominicano Commissario suspicentur? Quis existimet reliquos per Italiam Inquisitores, vel Inquisitionis Vicarios,

sivè qui in universâ Ecclesiasticâ Ditione dominantur , sivè qui in Genuensi , Mantuanâ , Parmensi , Mediolanensi , Mutinensi , Venetâ Ditione : neutiquam iis , quos dixi esse suspectos ?

Duo hac in re , ut ne longiùs abeam , tenenda sunt : quorum alterum est , quid in his quæstionibus Dominici possint ; alterum præterea , quid velint. Certò certius est , hos Commissarios , Inquisitores , Vicarios , ac Reliquos Dominicanos Administros , sivè Officiales , & posse plurimùm favere proprii Ordinis Religiosis , & plurimùm Regularibus aliis , præcipuè æmulis nocere posse , in denunciationibus recipiendis , in faciendis processibus , in Reorum defensione ; in carcere , ac reliquis pœnis infligendis. Qui praxeos judicialis paulò sunt scientiores , id benè percipient ; qui verò secus , fidem adhibeant peritis. Quòd igitur nocumento esse possint extrà omnem dubitationis aleam constitutum esto.

An autem quod semper possunt , id etiam sæpiùs velint , res est sanè plena timoris , ac suspicionis. Non rarò contingere , ut etiam nocere velint , satis facile censebunt Franciscani , ac reliqui Regulares ; ut sunt genus hominum , vel prudentes , vel callidi , certè non insipientes.

Clemens IV. in Bullâ datâ 12. Junii 1266., quam refert Bremond in Bullario Dominicano tom. 1. pag. 475. narrat, quæ Dominicani Inquisitores duo, contra Franciscanum injustè, ac perperam egerint. Judicio constituto, causâque cognitâ jussit Pontifex, ut ii coram Franciscanorum Capitulo publicè in genua procumberent, & injustitiæ veniam deprecarentur.

Quid modò Dominicani contra Reliquos Regularium agant, in Sacrà Inquisitionis Caligine, clam omnibus est. Id si palam esset, si de cognitâ iniquitate accusari possent, si meritæ ab iis poenæ repeti, quàm sæpe de historiis similibus rideremus. Quæ Livinus Meyer in suâ Historiâ vulgavit ex authenticis, atque indubiis monumentis deprompta de Dominicanorum quorundam Technis, ac fraudibus (quo enim alio nomine appellarem) in prioribus de Auxiliis Congregationibus; satis testantur, quousque de Dominicanâ Inquisitione, vel Commissario suspicari Jesuita possit. Eorum, quæ passi sunt Franciscani à Dominicanis Inquisitoribus exempla, non tot, quin plura reperiet, qui volet ex Indicibus Annalium Wadingi.

Plures extant veterum Pontificum Bul-

læ, quibus cavetur; ut ne Dominicani Inquisitores in Franciscanos, aut hi in illos inquirant. Id statuit Clemens IV. in Bullâ 12. Junii 1266. Bonifacius IX. tempore Schismatis, in Bullâ datâ 27. Aprilis 1402., Sixtus IV. in Bullâ Aurêâ datâ 26. Julii 1479. Innocentius VIII. in Bullâ 10. Maii 1487. extant in Bullario Dominicano, apud Bremond, tom. 1. pag. 475. tom. 2. pag. 447. tom. 3. pag. 580. tom. 4. pag. 22. Nonnulla audiantur Verba Clementis IV. „ Dolentes accepimus in Provinciæ partibus dictos „ Ordines, Dominicanum, & Franciscanum, ad id devenisse dissidium: ut se „ laceffitis injuriis invicem mordere, invicem diffamare præsumant, eo usque „ prolapsâ tantæ dissensionis infamiâ, ut „ duo Fratres.... ” Reliqua ibi legantur horroris plena. Hæc autem evenêre vix annis à morte S. Dominici 45., cùm adhuc viverent S. Thomas, S. Bonaventura, & B. Albertus Magnus. Vetuit eâ de causâ Pontifex, ne Dominicani in Franciscanos inquirerent, aut vicissim.

Atque ista quidem longè majus nostrâ hac ætate robur habere debent. Quippè tunc temporis non nisi Hæreseos crimen ad Inquisitores pertinebat: modò autem tùm Sollicitationum delicta, tùm plurium

Controversiarum Quæstiones ab eo Tribunali cognoscuntur.

Obstupui vehementer cùm in Bzovii Dominicani Annalibus Ecclesiasticis 1566. n. 90. legi, quæ refert de Bartholomæo Caranza Dominicano, & Archiepiscopo Toletano, in Inquisitionis Carcerem conjecto, jussu Supremi Hispaniarum Inquisitoris : „ Ferdinandum, „ ait Vallesium Archiepiscopum Hispalensem, Supremum id temporis in Hispaniâ Inquisitorem offendit splendor [Archiepiscopatus Toletani] in Caranzam collatus. Præreptum sibi primatum graviter dolebat, & ferre non poterat. Ergo Philippo Regi obstrepere, suspectum imprimis, deinde execrabilem reddere, indignum eâ sede ostendere, tum per literas, tum per Satrapas nitebatur.... Hæreseos si non Reum, certè affinem, summo etiam Pontifici Paulo IV. suggerere; atque inculcare, illi esse fucum factum, pro carbunculo carbonem, pro agno lupum veteranum esse obtrusum.” Et post multa., In Hispaniam trajecit Caranza, ubi statim à Ferdinando Inquisitore de Religione postulatus, captusque, anno 1559. in carcerem conjectus fuit.... Captus Alumnus Caranzæ Dominicus Royas, inque carce-

„ rem detrusus , & per tormentorum
 „ acerbitem se Reum criminis fateri
 „ coactus ; primò strangulatus , deinde
 „ exustus , auxit Regi opinionem de Ca-
 „ ranza. Captus eodem tempore est ab
 „ eodem Ferdinando Supremo Inquisito-
 „ re , socius laborum in Angliâ Caranzæ ,
 „ Frater Villagarzia Dominicanus , unâ
 „ cùm aliis duodecim Patribus ejusdem
 „ Instituti Hæreseos falso denunciatus ,
 „ sed nullius criminis convictus , inno-
 „ cens post biennalem carcerem pronun-
 „ tiatus est : cùm interim Philippus Rex
 „ Catholicus refrænandum Ferdinandum
 „ Inquisitorem , qui XII. illos Domini-
 „ canos capere properabat , putaret. Nam
 „ cùm is Ferdinandus Inquisitor , & Ar-
 „ chiepiscopus Hispalensis ; sive ad ma-
 „ lignantium falsas delationes , sive ad
 „ proprium furorem in Dominicanos ex-
 „ plendum , illos XII. & multos alios
 „ comprehendere vellet , Regisque as-
 „ sensum postulasset : Rex interrogavit.
 „ Si sufficientes ad convincendum habe-
 „ ret probationes , & ad condemnandum
 „ posset ex hæcenus deductis procedere ?
 „ Illo autem negante , sed ad tormento-
 „ rum vim , per quæ extorqueretur Con-
 „ fessio , totum negocium referente : Rex
 „ prohibuit , ne amplius quemquam ex

„ eis caperet.... Et quidem Ferdinan-
 „ dus Archiepiscopus, & Inquisitor,
 „ malè in Dominicanos innocentes ani-
 „ matus, à persequendis illis deinceps
 „ abstinuit; actum autem foret de eo or-
 „ dine in Hispaniâ, si Rex Ferdinandi
 „ Inquisitoris rabiem non repressisset.”
 Haëtenus ex Bzovio Annalistâ Domini-
 cano.

Non ego tantùm, sed Lector quilibet
 obtupescet, quâ petulantia Frater hic
 Bzovius Dominicanus de Ferdinando Ar-
 chiepiscopo Hispalensi, & Inquisitore lo-
 quatur, imò de Philippo II., in quem
 plurima à me prætermiffa congerit eo
 in loco; nullo, quod afferat, authentico
 documento nixus *præter traditiones Pro-*
vinciæ Castellæ ex famâ posthumâ. Has
 enim Bzovius refert; Author autem Hi-
 storia Concilii Tridentini, & Sententia
 Gregorii XIII. de Reo Caranzâ, quæ
 duo etiam nominat, alia omnia dicunt.
 Jam verò cùm tantùm sibi sumat Frater
 hic Bzovius, ut adeò irreverenter, atque
 procaciter excipiat Judicium Archiepis-
 copi Inquisitoris Hispani: quid non oblo-
 qui, quid non suspicari liceat Regulari-
 bus, Clericis, Laicis, de tot Fraterculis
 Inquisitoribus, aut Inquisitorum Vica-
 riis; quamvis Reverendissimi titulum esse

illis impartendum, docuerit olim *Directorium Inquisitorum*, ac novissimè Pignatellus? Quid non dicant ii præcipuè Regulares, inter quos ac Dominicanos æmulatio intercedit, atque contentio? Testem appello Sacram Cardinalium Congregationem, Regularium negociis præpositam, & ejusdem Tabularia: utrùm Dominici Fratres sese aliis Regularibus meliores præstent, utrùm se aliis esse sanctiores probent? An verò cùm reliquis Dominicanorum Cœtus tot humana patiatur: qui Officio Inquisitionis inserviunt, ii ad unum omnes dicendi sint, Non abire in *consilio impiorum*, in *viâ peccatorum*, non stare, non sedere in *Cathedrà pestilentiae*? At Frater ille Spoletinæ Inquisitionis Cancellarius; Frater alius Rmi Inquisitoris Socius, qui duo, Feriis Bacchanalibus anni 1747. cum totidem Monialibus, à Monasterii Clauistro eductis; urbem noctu concursabant ad computationes, & sacrilegos incæstus: sibi que metuentes fugam arripuere, eorum inquam, num in *Lege Domini voluntas* erat, num in *Lege ejus meditabantur die ac nocte*? Utinam, quibus S. Officii arcana commissa sunt, eloqui de his possent, aut vellent! Utinam quæ his de rebus, in Confessariorum aures immittun-

tur, ad Pontificum notitiam devenire possent! Non eos Fratres profectò censerent nulli esse suspicioni obnoxios. Quamquam & criminum Socii, non usque eò secreti tenaces sunt, ut ea uni, aut alteri, interdum etiam pluribus non patefaciant. Quid itaque non liceat de Fratribus hujusmodi suspicari, cùm Fratri Bzovio licuerit tam temeraria de Archiepiscopo Seculari Inquisitore effutire?

Atque ea quidem temeraria jure appelles: Nam Bartholomæus Caranza ab Hispanicæ Inquisitionis carcere, ad Arcem S. Angeli Romam asportatus est, tandem anno 1576. post Carcerem 19. annorum, plurimis habitis coram S. Pio. V. & Gregorio XIII. Congregationibus Inquisitionis Romanæ, ac sapientissimorum virorum Consultationibus, Gregorius XIII., ut refert Gabutius in vitâ S. Pii V. Lib. 3. Cap. 4. Reum Archiepiscopum *super tali Hæreseos crimine valdè suspectum* judicavit; certisque pœnis injunctis, *ad voluntariam omnis Hæreticæ pravitatis detestationem, ac legitimam Catholicæ Fidei Confessionem admissum absolvit. Deindè ex Arce S. Angeli ad Canobium S. Mariæ super Minervam abductus est.* Quid sit autem suspectum valdè esse de Hæresi; quamque grave habeatur, nôrunt Canonistæ. Si XII.

illi Fratres Dominicani , quos etiam de *Heresi suspectos* , conjicere in carcerem statuerat Inquisitor Hispanus : vel illi alii multò plures , in quos Bzovio teste , animadvertere decreverat : si inquam ii omnes ; æquè ac Caranza , culpæ omnis expertes erant ; deceptus quidem Rex Philippus fuit , cùm Inquisitori potestatem non fecit , eos in carcerem conjiciendi. Sed Ferdinandus à Bzovii Scommatibus integer abibit.

Erit qui ad hæc reponat : Quæcumque ea sint , quibus Regulares obnoxii sunt : iisdem aut erroribus , aut criminibus obnoxium fore Secularem Clerum. Frustrà hæc objici sentiet , quisquis eorum meminerit , quæ hætenùs disceptata sunt. 1.^o Tametsi ad malum pronus sit Secularis Clerus æquè ac Regularis , fortasse etiam multò magis ; præstat tamen omnes malè agendi opportunitates à Regularibus amoveri ; ut in bonum Clericorum Secularium , verbo Dei , Sacramentorum administratione , aliisque piis operibus prodesse possint , pro vario uniuscujusque Regularis Ordinis sanctissimo instituto. At verò si dignitatum , honorum , pecuniarum cupiditate , atque ambitione Regularia Claustra inquinentur , cùm sal evanuerit ; in quo salietur Cle-

rus Secularis ? 2^o. Quoniam Clerici , ac Presbyteri , non iisdem institutis , ac præceptis imbuuntur , secùs autem est de Regularibus : indè fit , ut ibi Regulares unius Ordinis , caducarum rerum ambitione , pravisque cupiditatibus in transversum aguntur ; eadem vitia ad posteros transeant ; nec meliores Inquisitores , Vicarios , Officiales sperare liceat imposterum : non idem de Clericis , ac Presbyteris timendum est , si malo quodam facto accadat hos Clericos , hos Presbiteros minùs pios esse , atque à malis cupiditatibus non admodùm alienos , & ad Inquisitionis munus summâ , quâ decet integritate gerendum parùm aptos : facile est , ut succedentibus temporibus meliora speres.

3. Clerici Seculares notiores sunt , magisque comperti Episcopis suis , aliisque pluribus : Contrà verò , is , qui ex Regularibus disjunctæ alicujus Regionis , ac sæpè non satis notæ familiæ eligitur , aut Inquisitor , aut Inquisitionis Vicarius , aut alterius gradûs , ac nominis Officialis , à Provinciali , aut Generali Magistro sui Ordinis ; ad istos gradus proponitur , vel à S. Officii Commissario Generali : quibus autem artibus , fraudibus , commendationibus , muneribus hæc omnia peragantur ; ut modò aliquid ami-

citiae, consuetudini, spei detur; modò Patriae, aut consanguinitati, supervacaneum esset, in re compertissimâ Curiae Romanæ Prælati, ac Cardinalibus, diutiùs immorari. 40. Propria Regularium sunt Partium studia, quibus in proprium Ordinem feruntur; reliquis verò, aut omnibus, aut nonnullis æmulatione, ac contentione infensissimi sunt.

Testantur hoc abundè innumeræ Regularium discordiæ, ac perpetua dissidia: ità ut inter æmulas nationes fanciatur interdum plurium annorum pax, inter Dominicanos, ac Franciscanos, vel Jesuitas; sive ex Controversiâ Conceptionis, sive ex Quæstionibus de gratiâ, perpetuum bellum intercedat. Hujusmodi studia partium à Seculari Clero remota sunt. 5. Plura sunt, quæ Secularis Cleri Alumnum in Officio continere, Regularem verò nequaquam possunt. Cogita Dominicanos illos duos Spoletinæ Inquisitionis, effractæ Clausuræ, & sacrilegorum Incestuum reos: aufugere illi scilicet, excessere Ecclesiasticâ Ditione, nùm iis, remotus aliquis Conventus decrit, quò recipiantur? Hæc nimirum spes quàm magnos animos addat, gravissimo cuique audendo facinori, quis nesciat? Laicus autem, aut Secularis Clericus, si quid hujusmodi audeat,

audeat, quæ illi spes esse reliqua potest? Ex his, per temetipsum cætera intelliges. Facillimâ loci, ac domicilii commutatione, facinora sua ista purgat Regularis Frater: ut commutationis ipsius spe propositâ, eadem facinora promptius aggrediatur; eadem aut similis ratio est, si vè esset de Franciscanis, Augustinianis, Carmelitis, Theatinis, Jesuitis, Barnabit, omnibusque denique Regularibus, quos omnes ad hujusmodi res minùs aptos, imò verò ineptos censeo.

Conjicio quid secum ipsi animo reputent Dominicanorum plurimi: ut ut vera sint, quæ hoc capite disputata sunt de Dominicanis Inquisitoribus jure, ac merito suspectis, atque invisis ab universo reliquorum Regularium cœtu. Quid inde? *Oderint*, inquiunt, *dum metuant*. Non dubito quin hanc vocem sæpiùs taciti usurpent, eorum quos dixi satis plures. At hoc est sibi consulere; non Ecclesiæ Romanæ, ejusque honori, famæ, dignitati, auctoritati, Jurisdictioni. Si Dominicanam tyrannidem unâ cum Romanâ Curiâ, ex quâ universa ea potestas in Dominicanis existit, magis hi Regularium cœtus oderint, an non hoc satis, superque est; ut eadem odio habeat orbis universus? Nimirum per orbem uni-

Q

versum cœtus ii protenduntur. Quòd si eò usque abalienato animo sint in Romanam Curiam ; quàm à Romanâ Cathedralâ , satis acutè plures distinguunt (vide Raynaldum ad annum 1536. n. 37.) ut quos animi sensus interiùs combiberunt , eosdem in aures Clericorum , Laicorum , Magnatum , Regum eructent : pessimè utique consultum erit , utilitatibus quàmplurimis Romanæ Curiae : Quod utinam experientia non testaretur ; duobus siquidem istis postremis Seculis , mirum quantum Dominicana Potentia excrevit ; nam & Inquisitionis facultas ad plurima præter Hæresim extensa est , & per Dominicanum Commissarium ac subalternos aliarum Urbium Inquisitores , qui paucis exceptis ferè Dominicani sunt , magnum hoc Tribunal Dominicanum potiùs , quàm Cardinalium , & habetur , & appellatur. His adde Congregationem Indicis , cui Dominicanus Frater à secretis constitutus , qui pro suo nutu & arbitrio Censuras omnes , Librorumque proscriptiones moderatur , potiori etiam autoritate , quàm Commissarius in S. Inquisitionis Officio. Adde summum librorum imprimendorum imperium Dominicano S. Palatii Magistro conceditum. Quantum autem Potestatis Domi-

nicano Ordini suprà reliquos accrevit ;
 tantundem abalienatos esse reliquos à
 Curiâ Romanâ , quicumque Regulares
 noverit , minimè dubitabit. Mitto suspi-
 ciones iniquitatis , atque injustitiæ , quas
 sibi à Dominicanis metuunt jure , ne an
 injuriâ non disputo ; sed metuunt tamen.
 Quidquid in Ordine Dominicano peccatur
 contrâ Dei , & Inquisitionis Leges , non
 ab aliis Regularibus sciri : quidquid hæc
 super re peccatur in reliquis Ordinibus
 sciri à Generali Dominicanorum , qui
 primarius S. Officii Consultor est , sciri
 à Commissario Dominicano cum socio ;
 sciri à S. Palatii Dominicano Magistro :
 hæc enim tam ardua sunt , ac difficilia ;
 ut Regularium genio vix tolerabilia vi-
 deantur. Eoque magis , quòd ea Magi-
 stri Generalis Dominicanorum scientia ,
 haud merè speculativa est , & ad praxim
 inutilis : Cùm enim sciat , quidquid per
 suos Fratres in S. Officium delinquitur :
 potest , auditis prioribus accusationibus ,
 malorum occasiones præcidere ; jubere , ut
 Regularis , in quem accusatio intentata
 sit , aliò divertat , aliud munus subeat ;
 aliis curis implicetur ; nihil hujusmodi
 per Generales aliorum Ordinum fieri li-
 cet , nullum tale remedium adhiberi. Quis
 autem fieri potest , ut dum hæc Regu-

lares reliqui expendunt ; benevolentia ,
 atque amore in Romanam Curiam , non
 irâ potiùs atque odio accendantur ? Duo-
 bus autem his ipsis Seculis , quibus & ad
 hoc fastigium imperii Dominici po-
 testas evecta est ; & Regulares reliqui
 abjecti , ad Dominicanorum pedes com-
 pressi , conculcati que sunt ; utrùmne Ca-
 tholicorum Regnorum in Romanam Cu-
 riam existimatio , ac benevolentia im-
 minutionem passæ sint ; utrùm ejusdem
 Curiae , Autoritas , Jurisdictio , sive ut
 castigatiùs loquar , Autoritatis ac Juris-
 dictionis usus , incrementum acceperint ,
 an verò decrementum , aliorum esto ju-
 dicio . Quamquàm ità res perspicua om-
 nibus sit , ut Peritorum Judicium ne-
 quaquam requirendum necessario videat-
 ur : Itaque Romanam Inquisitionem per
 Dominicanos administrari ; eorum com-
 modis utile quidem , Romanæ Curiae
 verò admodum perniciosum : cùm hac
 agendi ratione non Regularium modò ,
 sed Orbis Catholici universi existimatio ,
 ac benevolentia in hanc optimam Curiam
 in dies imminuatur .

Quamquàm hæc se ipsis perspicua sint ,
 proderit tamen plurimum exemplo ali-
 quo , veluti intento digito demonstrare
 fusiùs , quod alibi breviùs indicaveram .

Cùm sancitum fuisset in Lateranensi Concilio sub Leone X., ut libri Typis edendi, Romæ quidem ab Urbis Vicario, & à S. Palatii Magistro Dominicano; extrà Urbem ab Ordinariis & Inquisitoribus, qui extrà Hispaniam ferè Fratres Regulares erant, probarentur: revocatum id fuit per Concilium Tridentinùm paucis post annis, & in meliorem formam commutatum. Sess. 4. „ Sacrosancta Sino-
 „ dus.... Impressoribus modum im-
 „ nere volens, decernit, ac statuit....
 „ ut nulli liceat imprimere, vel imprimi
 „ facere quosvis libros de rebus sacris,
 „ nisi primùm examinati probatique fue-
 „ rint ab Ordinario; sub pœnis Anathe-
 „ matis, & pecuniæ in Canone Conci-
 „ lii novissimi Lateranensis apposita.”
 Quo saluberrimo Tridentini Concilii De-
 creto, imperium edendorum Librorum à
 Fratribus Inquisitoribus, & S. Palatii
 Magistro avulsum, dabatur, ex toto Or-
 dinariis; in quorum numero est Urbis Vi-
 carius. Ità quidem Tridentini statutum
 est, ubi Synodus, non Dominicani impe-
 rabant. At ubi primùm absoluto Conci-
 lio, universum negocium Indicis Libro-
 rum prohibitorum à Pio IV. demanda-
 tum fuit Romanis Dominicanis; ac præ-
 cipuè Forerio Dominicano Episcopo:

tum *Regulis Indicis* in Tridentino Concilio confectis, tum *Pli IV. Bullæ* inferendum curarunt abrogatum Decretum Lateranense: quo factum est, ut Inquisitoribus extrâ Urbem; in Urbe verò Magistro S. Palatii Dominicano regnum typographicum iterum vindicaretur, cum amplissimâ Jurisdictione, quam in Libros etiam Episcoporum, & Cardinalium, magno dedecore utriusque Ordinis, & Cardinalitii & Episcopalis exercent.

Hujusmodi legem injustam esse, ac juri naturali, & Canonico, ac Civili adversantem, plerique, maximè Regulares, proculdubio secum animo tacitè reputabunt, quamquam non audeant id palam, ac publicè præ se ferre.

Utroque Jure Civili, & Canonico ex naturæ principiis hausto cavetur, ne qui Reorum inimici sunt, iidem Judices, ac testes sint. Licèt autem Jus Civile permittat, ut inimicus sit accusator *L. qui accusare ff. de accusat*, tamen Jus Canonicum secus decernit in cap. *repellantur* de Accusationibus. „ Repellantur ab
 „ accusatione cohabitantes inimicis, quia
 „ infestationes, blasphemix, affectio solet
 „ amicitix incitare. Et Canone *Accu-*
 „ *satores* 3. qu. 5. Accusatores, vel te-
 „ stes suspecti non recipiantur; nec fami-

„ liares , vel de domo procedentes , nec
 „ etiã consanguinei Accusatoris adver-
 „ sùs extraneos testimonium dicant : quia
 „ propinquitatis , & familiaritatis , ac
 „ dominationis affectio veritatem impe-
 „ dire solet : Amor carnalis , & timor ,
 „ atque avaritia plerumque sensus hebe-
 „ tant humanos , & pervertunt opinio-
 „ nes , ut quæstum pietatem putent , &
 „ pecuniam quasi mercedem prudentiæ.”

Hæc in accusatoribus locum habent ,
 quantò magis in Judicibus ? Præterea
 notum est innumeros esse Textus in Ju-
 re Canonico , quibus statuitur , quòd
 Laici Clericos accusare non possint : Ratio
 hujus Regulæ , quæ suas habet limita-
 tiones , hæc fuit ; quia , inquit , Gonza-
 les , Laici Clericorum inimici esse cre-
 duntur , cùm eis valdè sint infesti , ob
 disparem professionem , quemadmodum
 etiam dicitur in cap. Laicos 1. q. 7.
 „ Laicos non accusare Episcopos est ha-
 „ stenùs observatum , quia non sunt ejus-
 „ dem Conversationis , & oppidò eis
 „ quidam infesti existunt.

Num autem hæc Dominicanis con-
 gruunt in Franciscanos , aliosque Regu-
 lares æmulos , Lector judicet : Qui etiam
 meminerit Doctrinæ Canonistarum apud
 Gonzales in Cap. *licet* de Appellationi-

bus, & Recusationibus per hæc Verba :
 „ Universitatem , seu Collegium recu-
 „ sari posse vulgò dicitur ex cap. *Licet*
 „ de foro competent. Clementinâ *Pa-*
 „ *storalis* de re judicatâ veluti si omnes,
 „ aut major pars suspecti sint, aut Præ-
 „ ses, aliussve majoris auctoritatis, cui
 „ cæteri vix ausint loqui. ” Tandem au-
 „ diendus Episcopus Covarruvias Pra-
 „ cticarum QQ. Cap. 26. „ Etiam si nulla
 „ humana Lex hac de causâ fuisset in
 „ speciem statuta, ratio ipsa facillimè
 „ ostenderet, eorum judicia nobis fu-
 „ gienda, omnibus modis avertenda, fo-
 „ re, quos propter odium, inimicitiam,
 „ aliamvè causam suspectos habemus :
 „ aut tandem justè opinamur maximè
 „ amicos esse & propensos hiscè, qui no-
 „ biscum aliquâ de re controvertunt. ”
 Hujus generis innumera non planè ig-
 norantur à Franciscanis, Carmelitanis,
 Augustinianis, Jesuitis, ac cæteris Re-
 gularibus : Quare & justissimum puta-
 bunt se subesse debere Ordinariis, ac Vi-
 cario Urbis in impressione Librorum,
 quemadmodum statuit Tridentinum, &
 iniquissimum, atque omninò intoleran-
 dum se subjici debere Dominicano Fra-
 tri, ad quod eos maximè invitos, cogit
 Bulla Pii IV.: Imò probabile, probabi-

liùs , probabilissimum existimabunt se
 posse tutâ conscientîâ Leges hujusmodi ;
 etiam stipatas Censuris , negligere ; cùm
 per humanum timorem licuerit. Idem
 esto judicium de Lege , quâ Secretario
 Indicis , ac Commissario Inquisitionis
 velint , nolint subesse coguntur , utrique
 nempè Dominicano. Scilicet Regulares ,
 qui Dominicanum imperium patiuntur ,
 homines minimè bardi , ac stupidi acutè
 theologizant in rebus suis , sibi que , at-
 que aliis in memoriam revocabunt illa S.
 Isidori , quæ S. Thomas probat. 22. Q.
 95. art. 3. Erit Lex honesta , justa , pos-
 „ sibilis , loco , temporique conveniens ,
 „ nullo privato commodo , sed pro com-
 „ muni utilitate.” Vel illaejusdem S. Tho-
 mæ qu. 96. art. 4. „ Injustæ sunt Leges....
 „ ex formâ , putâ *cùm inæqualiter onera mul-*
 „ *tis dispensantur* : etiamsi ordinentur ad
 „ bonum commune : & hujusmodi magis
 „ sunt violentiæ , quàm Leges , undè ta-
 „ les Leges non obligant in foro con-
 „ scientiæ , nisi fortè propter vitandum
 „ scandalum.

Rogo jam , quotquot sunt æqui rerum
 æstimatores , & Pontificiæ utilitatis stu-
 diosi , atque amantes , nùm hujusmodi
 Regulares imbuti hâc doctrinâ , bonâ ,
 an pravâ , non disputo ; sed hac tamen

doctrinâ imbuti, de iniquitate nonnullarum Romanarum Legum: nûm, inquam faciles futuri sint ad redarguendos Clericos, aut Laicos Cisalpinos, & Transalpinos, qui & ipsi de alicujus Pontificiæ Constitutionis iniquitate conqueruntur? Profectò, quantum ego conjicio, ipsi malorum non ignari, discent miseris succurrere, nec magnum Germanis, Hungaris, Polonis, Belgis, Gallis, Hispanis, imò etiam Venetis, Sabaudis, Genuensibus, Siculis, Neapolitanis injicient inobedientiæ scrupulum. Donec Seculo XII. XIII. XIV. Pontificia liberalitas omnes universim Regulares complexa est, etiam cum Potestatis Episcopalis detrimento aliquo, hoc ex suâ liberalitate, commodum sensit Romana Curia; ut ad ejus honorem, atque incrementum Religiosi Ordines veluti confertis agminibus præliarentur, magno Pontificiæ autoritatis bono. Ab Seculis XVI. & XVII. ea autoritas, ac potestas concessa est Dominicanis, Magistris S. Palatii, Secretario Indicis, Commissariis S. Officii, ut eos nedum Romanus ille Clerus, olim rerum Dominus, nedum Præsules Romanæ Curiae, sed Cardinales ipsi Emi. suspiciant, invideant, atque etiam timeant: ut hinc intelligas,

quid de aliis Regularibus judicare liceat ; quos non dubito in eâ existimatione fuisse , ac futuros ; ut putent sibi congruere maledictionem Heli. Regum 1. cap. 2. *Et videbis æmulum tuum in templo in universis prosperis Israel , ut deficiant oculi tui ; & tabescat anima tua* : Jam duobus hisce Seculis , quibus culmen attigit Romæ Dominicana potestas , non modò tantùm exitii passa est Romana Fides per Lutherum , cui malo tùm occasionem , tùm causam dedisse effrænem Dominicani Ordinis potestatem , superiùs evici , sed apud ipsos Catholicos plurimùm detrimenti allatum est Pontificiæ auctoritati : Utrùm hoc ex illo contigerit , indicent docti , ac prudentes : utrumque his Seculis contigisse indubitatum est. Usque ad Ludovicum XI. Galliarum Regem , qui anno 1483. obiit , rescripta omnia Romana , etiam post diffidium Bonifacii VIII. & Philippi Pulchri , paratam executionem in Galliis habuere , teste Episcopo Lafitteau in Historiâ Constitutionis *Unigenitus* lib. 3. Ludovicus autem XI. edicto cavit ne Rege inscio , ac non probante in Regnum inferrentur Pontificiæ expeditiones , Literæ , Processus , & Scripturæ , nihil verò de Brevibus aut Bullis dogmaticis : jam quò res processerit duo-

bus hisce Seculis XVI & XVII. nemo non videt. Cùm tot Pontificia Brevia , ac Constitutiones emanent , rarò vix una , aut altera magnis curis , ac molestiis in exteris Regionibus recipitur ; etsi Censuris gravissimisque clausulis munitæ sint. Inquisitores Pontificii universum ferè Christianum Orbem repleverunt , quod liquet ex Catalogo Fratris Fontanæ Dominicani ; vix in Italiâ aliquâ ex parte vident : recenter sub Victorio Amadeo in Pedemontis Regione ferè siluerunt , ut taceam de Hetruria , ac Neapolitano Regno.

Quo loco apud exteros sint Decreta , ac Censuræ Romanorum Congregationum , res est gemitu , ac lacrymis dignissima. Pro certo scio Clementem XII. conquestum fuisse cum Generali Franciscanorum ; quòd nonnulli ejus Ordinis Theologi minùs æquas Romano Pontifici opiniones , haud ità pridem fovissent. Atqui , inquit Generalis , mihi integrum non est , ut Fratres mei , qui tam multis Romæ vapulant , extrâ Urbem magnis animis Romanæ Sedis prælia prælientur. Querela est , Jesuitarum zelum pro Sede Apostolicâ deferbuisse in Aulis Principum. Id an ità sit , incompertum habeo. Certè ut sunt hominum genus , pium , ut plerique dicunt , sed

etiam politicum : certè non fatuum , ac stultum , animadverterunt fortasse , quid sibi profuerit , tanto æstu pro Romanâ Sede incalescere. Profuit sanè Dominicanis fœdus in Galliâ percussisse cum Jansenistis , ac Quesnellianis : à quibus DD. Maigrot , Charmot , Duvaucel , sive Vallonus adjuti mirificè sunt in Controversiis Sinensibus , ac Malabaricis. At magno stetit Jesuitis suum in Jansenianos Bellum pro Bullis Innocentii X. & Alexandri VII. propugnandis : præter tot de laxâ morum Doctrinâ criminationes , excitârunt Jansenistæ , suum Maigrot , Autorem edicti Fochiensis , contrâ Sinicos Ritus , ut hoc pacto suam Jansenianam factionem ulcisceretur , homo ejus sectæ veneno , eò usque tumidus , ut Romæ deindè , ac si *Amstelodami , aut Londini esset* , *Constitutionem Unigenitus* maledictis , ac conviciis impudentissimè infectaretur (vide Laffiteau lib. 3.) eo ipso tempore , quo pro suo edicto Sinico decertabat. Cùm autem Dominicani , qui in Galliis à Constitutione *Unigenitus* ad futurum Concilium appellavère , magno numero , ac totis ipsis sæpè Cænobiiis honorificentissimas tamen Bullas , ac Brevia Apostolica extorserint ; contrâ Jesuitæ hunc laborum suorum pro Apo-

stolicâ Sede fructum collegerint , ut quòd Constitutionem *Ex illâ die* cum declarationibus , & Legati Apostolici Mediobarbi moderationibus executi sint , *Inobedientes , & captiosi homines* , Romanis Dominicanis hoc suadentibus , & probantibus , & ridentibus ad perpetuam rei memoriam in Bullâ Pontificiâ sint appellati. Quòd si dictum paulò acerbius ; Dominici Inquisitoris in Franciscanum Theologum , tempestatem periculosissimam excitavit , sub Joanne XXII. ad quam Corbarii Schisma consecutum est : si alterius Inquisitoris imprudentior increpatio in S. Jacobum de Marchia innumera scandala unâ cum Controversiâ de Christi sanguine suscitavit : quibus de rebus legendi Annales Wadingi : si virulentior Censura Turrecrematae Dominici in Theses Alphonsi Tostati , Virum hunc cæteroquin non doctissimum modò , sed sanctissimum , & quem nullæ Ecclesiæ uti Beatum coluere , ita vehementer commovit ; ut in suo defensorio , non modò de Dominicanorum tyrannide ; sed de ipsius Pontificiæ Curiae injusto judicio conquestus fuerit ; atrocissimis verbis : facile etiam credam , quòd cœtûs Jesuitici homines , tenacissimi injuriarum in famam Ordinis sui ,

cujus studio maximè tenentur , Romanam Cathedram ad summum veneraturi sint , non tamen Romanam Curiam : nisi fortè , & ipsi annis labentibus Mainburgum olim suum sapere incipiant , quem Innocentii XI. similtates , atque odia in Societatem , à Jansenistis invidiosè accusatam , exacerbârunt : ut proinde mirandum non sit , quòd Jesuitæ sub Innocentio XI. in Propositiones Cleri Gallicani anni 1682. vel impediendas favore Ludovici XIV. sibi maximè benevoli , vel impugnandas non satis , ut solent , acriter laboraverint. Quotquot Romani Pontificatûs studiosi sunt , ut esse decet Catholicos omnes , acerbissimè ferent , quòd Pontificis favor in Dominicanum cœtum ad magnam usque aliorum dejectionem , ac penè conculcationem , reliquorum Regularium animos à Romanâ Curia abalienet , cùm notum sit concordia res parvas crescere , discordia maximas etiam dilabi. Tunica Polymita , aliæque nonnullæ pueriles tricæ , quibus Joseph nimiâ Jacobi Patris benevolentia prælatus est Fratribus suis , magnam jurgiorum , ac turbarum segetem invexit ; Fratres in Fratrem odio , Filios in Patrem inobedientia inflammavit : Quid si Jacob Pater nimis

importunè benevolus , Josepho suo imperium multiplex in Fratres dedisset. Atqui Dominicanis , quàm multa licent in alios Regulares , quæ imperium sonant , ad eos usque *alligandos in compedibus* , & *nobiles eorum in manicis ferreis* , ut *faciant in eis judicium conscriptum* , cùm tamen sæculo 13. 14. & 15. neque Dominicanis Inquisitoribus in Franciscanos , neque his in illos inquirere liceret , ad odia , ac diffidia evitanda , uti legere est in Bullario Dominicano.

Quid , quod nedum Regulares , sed & Laicos , eâ de causâ in Romana Tribunalia exacerbato animo esse necesse est ? Quid enim secum animo reputaverit Nobilissimus ille , atque doctissimus Italus , Vir immortalis famæ , & totâ litterariâ Republicâ celeberrimus , idemque Author *Historiæ Theologiæ de Gratiâ* , contra Jansenistas : cùm ei non licuit per Romanos Dominicanos Librum hunc suum Romanis typis vulgare : quamvis Romæ revisus fuerit , atque approbatus , quòd Dominicanorum Sententiis addictus non fuerit , sed Catholicum unicè dogma propugnaverit. Quid non poterunt , qui potuerunt Librum , in defensionem Pontificiæ Bullæ elaboratum , impedire ? Et tamen licuit D. Charmot *Historiam Cul-*
tûs

tûs Sinensium Romæ pervulgare, & Præfulibus , ac Cardinalibus legendam offerre, in quâ error de Jansenii facto, cubitalibus literis edocetur; nullâ proscriptione unquam secutâ: licuit Norberto Historiam Malabaricam absque debitis facultatibus editam, tacitè conniventibus S. Officii Commissario, & Magistro S. Palatii palàm divendere, quod adhuc perduraret; nisi Galliarum, ac Lusitanæ querelæ intercessissent. Quid secum reputaverit, ac reputet Duacena Accademia; quæ quamvis Galliarum Regi subjecta, non tamen acquieverat Propositionibus quatuor, Gallicani Cleri anni 1682. amplectendis, quo animo sit ergà Romanam Curiam facilitè percipies.

Hujus enim Academiæ recentior contrà errores Bajanos, ac Jansenianos censura doctissima, sub Clemente XII. per Indicis Congregationem, sive ejus Dominicanum Secretarium proscripta fuit. Scripserat enim quòd S. Thomas, fuisse visus sit opinioni, neganti voluntatem salvandi omnes, sed tamen addidit *Thomistas explicare S. Thomam*. Hoc maximum Academiæ Duacenæ facinus, hoc scelus, hoc Sacrilegium fuit: ideò ejus egregia in S. Sedem merita oblivioni dedere Do-

minicani Fratres, confictam ab ipsis Thomisticæ Scholæ læsionem ulturi. Confictam, inquam, nam etiam loca plura Scripturarum, attento verborum cortice favere videntur erroribus, nisi idoneâ explicatione donentur: scilicet satis non est bonis istis Fratribus in Galliis contra Sedem Romanam penè universos rebellasse; nisi Catholicos hâc agendi ratione à Romani Pontificis amore & obsequio avellant? Tantorum malorum unum hoc esto remedium, si juxtà PAULI III. Constitutionem *Secularia Secularibus, Regularia Regularibus* conferantur, ut habet Canonicum Adagium.

CAPUT ULTIMUM.

Suffragium Ven. Ser. Dei Fr. Bartholomæi de Martyribus Dominicanis, & Archiepiscopi Bracarensis cum Epilogo operis.

Is, quæ in Proœmio scripsi, sanctissimum ac sapientissimum Prædicatorum Ordinem hoc jam decrevisse, ut abdicaret se ab Inquisitionis munere; consonat, quòd in calce opusculi scribam, Ven. Fr. Bartholomæum de Martyribus Dominica-

num , Archiepiscopum Bracarensem ,
 compertissimæ Sanctitatis virum , & Tri-
 dentini Concilii insigne ornamentum , in
 eâdem opinione fuisse ; quam hætenus de-
 fendimus : Inquisitionem Clero Seculari
 demandari oportere. Id consignatum reli-
 quit clarissimus vir in quodam suo opus-
 culo , quod tom. 2. Operum , novissimè
 vulgatum Romæ est. Hic est opusculi
 titulus. „ Petitiones quas Ven. Servus
 „ Dei Bartholomæus à Martyribus in
 „ Concilio Tridentino facere intende-
 „ bat. ”

„ Hæc sunt , quæ in Concilio Tri-
 „ dentino zelanda , & postulanda visa
 „ sunt , quando ego Fr. Bartholomæus
 „ Archiepiscopus , & Primas Bracaren-
 „ sis fui in eo præsens anno Domini
 „ 1561. ” Sub Titulo de Episcopis.
 Num. 8. *Sua quisque in Diœcesi , prout
 hoc de jure possunt , ipsimet Episcopi Inqui-
 sitionem exerçant.* Hæc fuit aurea senten-
 tia Fr. Bartholomæi Dominicanæ , sed
 venerabilis , & Archiepiscopi : ad quam
 tamen dignitatem invitatus evectus fue-
 rat. Hoc sibi visum est zelandum , ac
 postulandum in Tridentino Concilio. In
 hunc ipsum finem committendi Inquisi-
 tionis exercitium Seculari Clero inten-
 derunt alii Patres Tridentini : quamvis

aliâ viâ , hujusque rei testis est hic idem Venerabilis Episcopus. Pag. itaque 391. sub hac inscriptione. *Varia statuenda ab aliis scilicet Patribus proposita , & à Fr. Bartholomao collata , atque notata.* Subsequuntur petitiones 85. , quarum 71. sic habet. *Sint ubique terrarum Inquisitores Hereticæ pravitatis ad formam , & modum Hispaniæ.* Jam hæc forma est, hic modus Inquisitionis Hispanicæ : ut Clero Seculari ejus administratio committatur , expulsis per Ferdinandum Catholicum Dominicanis Fratribus ; uti post Azorium ex antiquis , testatur Pignatellus ex recentioribus. Habemus igitur consentientes propositæ opinioni, tum Fratres ipsos Dominici Capituli , tum Venerabilem servum Bracarensem Archiepiscopum, ex eodem Ordine, præter alios Tridentinos Patres. Scio ex Historiâ Concilii Tridentini, Episcopos Mediolanenses detrectasse Inquisitionem Hispanicam : At factum hoc non adversatur veritati prioris. Præterea tamen forma ac modus Inquisitionis Hispanicæ , in substantialibus displicuit Præsulibus Mediolanensibus : sed adjuncta aliqua nimii rigoris , qui propter Maurorum superstitiones Hispaniæ congruit ; non Italiæ. Cæterum formam , ac modum

Hispanicæ Inquisitionis, in iis, quæ præcipua, ac substantialia sunt : uti est administratio ejus per Secularem Clerum, utique non displicere Episcopis potuit : Multòque minùs vel Episcopis, vel Principibus displiceret, si ratio quædam ex utrâque sententiâ, tùm Bracarensis, tùm aliorum PP. Tridentinorum mixta, ac temperata excogitaretur : & quemadmodum Inquisitionis Venetæ Tribunal coalescit ex Patriarchâ ipso (Episcopos enim Spiritus S. posuit regere Ecclesiam Dei) tùm ex peculiari delegato Inquisitore, unâ cum Pontificio Nuncio adstante, ac Secretorum conscio Senatore Veneto ; ita non absimili quodam modo placuisset Inquisitionum Tribunalia institui. Satis hæc forma cohæreret cum Pontificiis Constitutionibus antiquioribus Seculi XIII. legendis post Pegnam in Directorio, ejusdem sæculi, Canonicis pluribus institutis ibidem additis.

Legat, qui vult Constitutionem Innocentii IV. *Ad extirpanda* Ann. 1252. post Pegnam in Appendice pag. 7. ibidem forma Tribunalis Inquisitionis præscribitur, Coalescens. 1. Ex Episcopo : 2. Ex duobus Dominicanis, & totidem Franciscanis Inquisitoribus : 3. Ex Officialibus quibusdam per po-

testatem Laicam deputatis , ex Concilio Diœcesano & Inquisitorum electis ; viris probis , & Catholicis. Eam Constitutionem pluries confirmavit , ac declaravit Alexander IV. Bullis post Pegnam legendis : quæ omnes de Hæreticis loquuntur , ac de Hæresi suspectis. Quare idem Alexander IV. Cap. *Accusatus* de Hæreticis in 6^o. „ Sanè inquit , cùm negocium Fidei , quod summè privilegiatum existit , per occupationes alias non debeat impediri ; „ Inquisitores. . . De divinationibus , aut „ sortilegiis , nisi Hæresim saperent manifestè , intromittere se non debent , „ nec punire talia exercentes , sed eos „ relinquere suis Judicibus puniendos...”
 (a) ne per causas hujusmodi , offendi-

(a) Cùm in Civitate Peruciæ , in Sacrario Monialium S. Thomæ , furtum quoddam perpetratum esset ; Monialis Sacrista Fratrem Inquisitorem , suumque amicum rogavit , ut aliquid diligentiae adhiberet ad furem detegendum. Is illicò per Tribunalis Mandatarium eos ad se vocavit , qui in aliquam de furto illo suspicionem adduci poterant : ac sedens pro Tribunali , minitansque Inquisitionis carcerem , instituit ; ut faterentur crimen : cujus cùm se innocentes affirmarent , consueto secreti juramento fuerunt adstricti ; nec sine terrore dimissi. At quandonam furari Monialibus argenteum vas publicè expositum , fuit causa Inquisitionis ?

culum negotio Fidei præpararetur.

Hujusmodi Inquisitoris Tribunalis formam non inhorruissent Principes, qui in eo satis præcipuum locum haberent: Neque aliâ de causâ huic Tribunali Rex Hispaniarum patrocinator; nisi quia omnium conscius est. Non inhorruissent Episcopi, quibus Inquisitores dati fuissent in adjutorium, non in imperium, & conculcationem: non inhorruissent Regulares, qui promiscuè ex hoc, vel illo Ordine ad consultationem, ac moderatam & dependentem gubernationem vocarentur: non subderentur Dominationi illius Ordinis, qui à Quesnello in suo scripto, apud Meyer in Præfatione recitato appellatur, Articuli. 2º. *Un grand Ordre puissant à Rome*. Non inhorruissent Populi, qui non nisi de crimine Hæreseos postulari in Judicium timerent. At Fratres quidem omnia susdeque miscuerunt, libidine dominandi. Cum Laicis Principibus communicationem omnem interdictam voluere; Episcopos, vocari quidem patiuntur Inquisitores natos, re tamen ipsâ ab hoc negotio excluderunt; rejectis ferè reliquis Regularibus, sibi maximè dominationem usurpârunt Dominicani Fratres. Denique ut est dominandi libido infinita, causis Hæ-

reseos alias innumeras, extortis Pontificiis Constitutionibus, adjunxere : & ad suum judicium advocârunt, ut tandem anno 1745. Impressio Libri, non obtentâ facultate Magistri S. Palatii Dominiciani; casus, ut aiunt, Inquisitionis decretus fuerit. Dolendum itaque vehementer est, non tamen mirandum, quòd in sanctissimum cæteroquin Tribunal, tot sint jacta maledicta, atque convicia, quorum plura legere est apud Ván Espen in Append. Libri de promulgat. Legum : Tot malis unum omnium remedium est, quod proponimus.

Quod ut libentiùs ii, quorum interest his malis mederi, amplectantur, accedat Epilogi loco Suffragium Alexandri VII., Huic minimè arridebat forma Romanæ Inquisitionis, uti à Dominicanis administrabatur. Nec mirum : Cùm enim adhuc Cardinalis sub Innoc. X. Congregationibus interesset de negotio quinque Jansenii Propositionum ; testis oculatus fuerat, utrumque Reverendissimum Fratrem ex Dominicanis, tùm Commissarium S. Officii, tùm Magistrum S. Palatii acerrimè pro Jansenio, tanquam pro S. Augustino disputasse, ejusdemque Jansenii Iprensis causam flexis genibus, perorasse, uti testatur Gallica Historia

quinque Propositionum Tom. 1. Lib. 1. Præterea cum Bullam de Conceptione meditaretur, in S. Officii Congregatione, tum Commissarium, tum reliquos Dominicanos Fratres, ab eâ rejecit : uti legere est in Historiâ P. Strozzi. Ut itaque, quæ ad Congregationem S. Officii, atque Indicis pertinent, felicius procederent, hæc omnia à Fratrum imperio divellere cogitabat. Audiendus Continuator Ciacconii in Alexandro VII., Destina-

„ verat, & virorum Collegium institue-

„ re Sacrarum omnis generis Literarum

„ eruditione præstantium ; qui ex om-

„ nibus Christiani Orbis Provinciis le-

„ gerentur ; prout quisque famâ, atque

„ ingenio clarus esset : Horum operâ,

„ & consilio uti volebat in definiendis

„ Fidei Controversiis, & retundendis

„ calamis Romanæ Sedi infensis, qui-

„ bus Theologorum nostrorum, qui

„ Scholastica tantum nôrunt, studium

„ impar est. Ex quo profectò ingens

„ summis Pontificibus præsidium, ipsi

„ autem Urbi decus, atque existimatio

„ accederet, & ille vel maximus fructus

„ aliquando existeret : quòd si qua apud

„ exteros præclara ingenia succresce-

„ rent, vitio gentis, vel aliquâ aliâ de

„ causâ, malè in Urbem Romam ani-

„ mata , allec̃ta spe præmiorum , & victa
 „ beneficio nostra fierent. Statuerat enim
 „ ad eos viros liberaliter alendos , Colle-
 „ gio attribuere redditus insignium Mo-
 „ nasteriorum , quæ spectatæ Religio-
 „ nis , atque industriæ hominibus olim
 „ referta , collapsâ in præsens disciplinâ
 „ à pristinis moribus defecerunt ; & ex
 „ eorum numero illos , qui diu probati
 „ merito , ac sapientiâ eminent ad Ma-
 „ gistratus amplissimos , & primos Ec-
 „ clesiæ Romanæ gradus provehere.
 „ Verùm dum in eo erat , ut operi ma-
 „ num admoveret , subitò coortâ tem-
 „ pestate , illud in aliud tempus rejicere
 „ coactus ; ubi reddita serenitas est , con-
 „ flictari morbo cœpit , non minùs acer-
 „ bo , quàm diuturno , ex quo decedens ,
 „ egregii facinoris gloriam nascituro me-
 „ lioribus annis Pontifici , occupandam
 „ reliquit.

Hactenùs Continuator Ciacconii.
 Quamquam hoc loco alia plura comple-
 ãebatur Alexander VII. de quibus dis-
 ferere non est propositi instituti : satis
 mihi est , quod habet de Fratrum domi-
 natione in Clerum Secularem transferen-
 dâ : quod magno suo bono Hispania fe-
 cit. In Hispaniâ totâ , inquit Pignatelli ,
 in novissimis consultat. Canonicis , con-

sultat. 124. pag. 508. Tom. i. „ Fer-
 „ dinandus Rex Catholicus ejus nomi-
 „ nis V. circa annum Domini 1484.
 „ vel 86. postulavit , ut Inquisitorum
 „ munere sese Dominicani Fratres ab-
 „ dicarent : ac ità Romani Pontificis
 „ auctoritate commissum est Clericis
 „ Secularibus , Canonum , ac Legum
 „ peritis.” Hæc Pignatellus : optimum
 factum putavit Gregorius XIII. si Ma-
 gistrum S. Palatii Dominicanum ex Ca-
 nonicis S. Petri amoveret ; importunis
 enim precibus , ac studiis , ad fimbrias ,
 & philacteria magis , ac magis dilatan-
 da in præjudicium Secularis Cleri , hoc
 extorserant Dominicani à S. Pio V. ,
 ut Frater S. Palatii Magister Canonica-
 tu S. Petri in perpetuum potiretur ; cum
 omnibus juribus , atque emolumentis :
 atque inter S. Petri Canonicos sederet
 Reverendissimus Frater. Prolixas hâc de
 re literas in formâ Brevis à S. Pio V. datas
 recitat Bremond. in Bullar. quas tamen
 Gregorius XIII. Romano Clero plau-
 dente illicò revocavit : eâdem , atque
 etiam graviôri ratione optimum factum
 erit , si judicium Librorum Ordinariis ,
 atque adeò Urbis Vicario juxtâ Triden-
 tinum Decretum restituatur , quodque
 magis refert , non modò Secretariatus In-

dicis, sed S. Officii Commissarius Seculari Clero, sivè gravissimis Prælatiſ demandetur. Sanctiſſima enim Regula eſt, totius Eccleſiæ bono, atque ipſorummet Ordinum Regularium ad omnem ambitionem, & cupiditatem eliminandam. *Secularia Secularibus, Regularia Regularibus conferantur.* „ Nemini mi-
 „ rum videri debet, ait Pius IV. Con-
 „ ſtit. 76. ſi Romanus Pontifex non-
 „ nunquam facultates aliquas, quas ipſe
 „ vel Prædeceſſores ejus probabili ad-
 „ ducti ratione conceſſerunt, poſtea
 „ revocet; cùm ipſo rerum uſu edo-
 „ ctus animadverſerit, eas juſtiori de
 „ cauſa eſſe revocandas:” Tandem no-
 minè Secularis Cleri hæc tranſcribo ex
 Epift. 49. S. Bernardi ad Honorium Pa-
 pam. „ Si fallere de his, quæ atteſta-
 „ mur, fallivè putamur; Veſtræ citiùs
 „ inveniet examinationis diſcuſſio; ſi
 „ tamen, quod & vehementer optamus,
 „ & ſimpliciter exoramus, de vultu tuo,
 „ Pater ſanctiſſime, judicium prodeat;
 „ de quo proſectò confidimus, quòd
 „ cuſtodias innocentiam, & videas æqui-
 „ tatem.

AD COMMENTARIUM

B U L L Æ

P A U L I I I I.

Quæ incipit : *Licèt ab initio.*

A P P E N D I X.

*Ex Proscriptione Censuræ Duacensis
Recentioris, sub annum 1725. per
Sacram Indicis Congregationem.*

Celebris est Censura Duacena, quæ anno 1588. ferè simul cùm Lovaniensi prodiit contrà Lessium, & alios Defensores gratiæ indifferentis. Celebris quoque est Censura altera Duacena quæ anno 1722., & iterùm anno 1724. prodiit contrà nonnullos Doctores Jansenistas. Utraque delata est ad Sedem Apostolicam, at exitu valdè dispari : illa absoluta fuit, ista damnata, haud ita pridem sub Clemente XII. Priorem quidem ac-

cusârunt Jesuitæ , & deindè etiam alias ,
ut vulgatum est. Hæ enim Propositiones
inter alia in Censuris Belgicis exta-
bant , quas excerpfit Meyer Historiæ
de Auxiliis lib. 1. cap. 13.

„ 1. Nulla in statu naturæ lapsæ est
„ agnoscenda gratia verè sufficiens ex
„ parte Dei , quæ non sit efficax.

„ 2. Deus ex parte suâ non est para-
„ tus dare omnibus auxilium sufficiens ,
„ sed iis tantùm , qui reipsâ convertun-
„ tur , aut faciunt opus bonum.

„ 3. Angelis Sanctis prædestinata est
„ vita æterna in præscientiâ perseveran-
„ tiæ , quia non egebant gratiâ efficaci ,
„ sed solùm eâ gratiâ , quâ possent per-
„ severare si vellent.

„ 4. Homo carens auxilio sufficienti
„ (quòd juxtâ primam propositionem
„ simul est etiam efficax) ita potest cre-
„ dere , & operari bonum ; sicut potest
„ manducare panem , cùm panem non
„ habet , nec quidquam unde panem
„ comparet : & sicut dicitur posse vi-
„ dere , qui non habet lucem , sed in
„ tetrum carcerem conjectus est , quam-
„ vis sine luce visurus sit nunquam.

„ 5. Ut homo dicatur posse converti ,
„ posse bonum operari , non opus est ,
„ ut habeat auxilium sufficiens ex parte

„ Dei , sed sufficit ut habeat naturam
 „ liberi arbitrii flexibilem ; seu non ob-
 „ duratam in malò ; sicut & in Dæmo-
 „ nibus , & Deus possit illis dare gra-
 „ tiam efficacem , ut convertantur.

Satis probat Levinus Meyer lib. 1. has Censuras constructas fuisse operâ Baii , & Assèclarum. Jansenius ipse , qui lib. 3. de Gratiâ docet secundam ex quinque famosis. *Interiori gratiæ in statu nature lapsæ nunquam resistitur* : & ipso primo Libri capite præfixit hunc titulum. *Ostenditur nullum dari adjutorium quin simul efficax sit.* Jansenius , inquam , in fronte totius disputationis collocat auctoritatem Censuram Belgicarum. „ Omnium aper-
 „ tissimè , inquit , hoc tamquam S. Au-
 „ gustini Doctrinam docuerunt duæ ce-
 „ lebres Facultates Lovaniensis , & Dua-
 „ cena. ” Melchior Leydeker , celebris Calvinista Thesi 52. propugnatâ Ultra-
 jecti die 26. Junii 1680. æquè laudat Jansenium , & Censuras Belgicas. „ Cor-
 „ datiores , inquit , illis Papæ adulato-
 „ ribus [qui Bullam contra Jansenium
 „ admiserunt] fuère Lovanienses , qui
 „ in suâ persisterunt mente ; eoque ve-
 „ hementiùs invecti sunt in Jesuitas ,
 „ omnium perturbationum causas : Nec
 „ defuerunt in hunc usque diem in Uni-

„ verſitate Lovaniënſi Doctores , qui
 „ Janſenio faverent , quidquid impotens
 „ Papa fulminaverit. Utique necdum
 „ erant obliti viri docti antecellorum
 „ fuorum Cenſuræ , contra oborientes
 „ præcedenti Seculo 1586. , Leſſianas ,
 „ ſeu Jeſuiticas Theſes , iterùm confir-
 „ matae anno 1613. : quam Cenſuram
 „ probaverat Janſenius , quæque totius
 „ adèò Janſeniani voluminis approbatio-
 „ nem continebat , uti Jeſuitarum con-
 „ demnationem.” Hæc Leydeker. Ad-
 de Martinum de Suaven Doctorem Lo-
 vanienſem , qui inter alias cauſas detre-
 ctandi damnationem quinque propoſitio-
 num in ſenſu Janſenii , hanc affert in The-
 ſibus anno 1689. impreſſis. „ Quis enim
 „ non videat periculum imminere non
 „ infundatum , ſi propoſitiones famoſas
 „ damnarem in ſenſu ab auctore inten-
 „ to , ne hinc inferat aliquando R. P.
 „ me non meam tantùm , ſed etiam Ma-
 „ jorum meorum doctrinam impruden-
 „ ter damnaffe. ”

Hæc tamen , inquit Meyer lib. 1. cap.
 24. & ego cum ipſo , dicta nolim iis Lo-
 vanienſis (& Duacenæ) Universitatis S.
 Theologiæ Doctores , quales hodiè
 ſunt plurimi , ut ipſa ſtrictior Facultas
 penè tota , qui omnia Pontificum De-
 creta

creta ex æquo ponderantes ejuratis palam Baii , & Jansenii erroribus , Doctrinam *Censuræ* (Lovaniensis , ac Duacensis) & *Justificationis* ejus vel non probant ex toto , vel iis interpretationibus exponunt , ut à Baii , & Jansenii sensu se protestentur recedere. Id sanè etiam Summi Principes faciunt , cùm non recedunt quidem disertè , sed ità confirmant suorum decessorum Decreta , ut simul honori eorum consulentes explacent simul , & exercitè moderentur. Cæterùm Accademia Duacensis recentior , ut mox videbimus , palam reprehendit antiquam majorum Censuram ; veluti illitam veneno Janseniano : cùm nondum plenè res hæc definita erat.

Quare ipse etiam laudo Consilium Romanæ Aulæ , quæ non obsecundavit postulatis Jesuitarum ; qui eas Censuras proscriptas quondam volebant. Sufficit , quòd Censuræ Belgicæ , quâ parte Lessii Doctrinam , ut peregrinam , offensivam , periculosam notant , fuerint Mandato Sixti V. per Nuncium Apostolicum vetitæ promulgari , atque suppressæ. Vide Meyer lib. 1. cap. 11. Sufficit , quòd Roma denegaverit approbationem Censurarum Belgicarum à Deputatis Lovaniensibus nonnullis petitam : constat

enim ex Archivii S. Officii extractis, die 7. Junii 1679. Conclusionem Congregationis fuisse, nihil esse respondendum Oratoribus, qui eam approbationem flagitaverant: quâ in eâdem Congregatione eodem anno die 20. Decembris decretum fuit; „ quòd absque expressâ li-
 „ centiâ Sanctitatis suæ, vel sacræ Con-
 „ gregationis ad dictam impressionem
 „ Censurarum Belgicarum nullo modo
 „ deveniant, & quatenus opus sit; In-
 „ ternuncius invocet brachium secula-
 „ re, ut pareant.

Scio, quod legitur in Epistolâ P. Lupi Augustiniani, unius ex Deputatis Lovanienfibus, datâ die 10. Junii 1679. quam unanimi consensu recitant, tùm Meyer lib. 1. cap. 3. tùm Hyacinthus Serri in Historiâ. Suæ Sanctitati in manus proprias dedimus Lovanienfis, & Duacensis sacræ Facultatis Censuras, nec non Lovanienfis justificationem, scripto Libello supplicantes istorum omnium Apostolicum examen, & approbationem: & sua Sanctitas Libellos transmisit ad examen S. Officii: DD. Cardinales, examen delegârunt quatuor Theologis, nempè Magistro S. Palatii, Commissario S. Officii, & NN.... Hi elapsâ septimanâ judicium suum retulerunt sacræ

Congregationi ; censuerunt Libellos esse sanæ Doctrinæ , nulli Censuræ obnoxios , posse tutò doceri , & legi ; adeoque & imprimi. Hanc relationem esse certam confirmavit Generalis Dominicanorum in Scripto ; quod obtulit S. Congregationi , & refert Meyer lib. 1. cap. 24. Scio inquam hæc ; sed quid inde ? relegat Lector excerptum ex Censuris , quod suprà dedi ; vel etiam alia ; quæ transcribit Meyer lib. 1. cap. 26. & perspiciet quam rectè consulant sanæ Doctrinæ , & honori Romanæ Curiaë ii nonnulli Regulares , qui hujusmodi scripta Romæ comprobant ; etiamsi sint Reverendissimi Commissarii S. Officii , aut Reverendissimi Magistri sacri Palatii.

Cæterùm quod ad rem meam facit , est aliud planè profundum Mysterium : Censura antiqua Accademiæ Duacensis , adeò favens Baïo , ac Jansenio proscripta non fuit : Imò *Magister sac. Palatii* , & *S. Officii Commissarius eam cum Lovaniensi esse sanæ Doctrinæ , nullique Censuræ obnoxiam pronuntiârunt : posse etiam tutò doceri , & legi , adeoque & imprimi* (esto hoc judicium à Pontifice , & Cardinalibus approbatum non fuerit) contrà verò proscripta est per Romanos Domini-

canos , hujusmodi proscriptionum arbitros , Censura recentior Duacena contra nonnullos Professores Jansenistas. Quid ad hæc Accademia Duacena ? *An non erit qui dicat satius illi fuisse ; si in amicitia Jansenii perseverasset.* At quam ob causam recentior Accademia Duacena magnum hoc proscriptionis dedecus passa est ? Verum præstiterit nonnullam notitiam hujus Censuræ recentioris Duacenæ exhibuisse.

Titulus est.

„ Censuræ sacrae Facultatis Theolo-
 „ gicæ Duacensis in quasdam propo-
 „ sitiones de Gratiâ , depromptas ex dicta-
 „ tis Philosophicis Dominorum Len-
 „ grand , & Marechal : Primariorum
 „ Collegii Regii Duacensis Professo-
 „ rum , & Collegiatæ sancti Amasi Ca-
 „ nonicorum ; quorum primus est Sac.
 „ Theologiæ Licentiatus , alter verò
 „ Doctor Artium , & Regius Historia-
 „ rum Professor..... Editio secunda
 „ M. DCC. XXIV. ” Hæc autem præ-
 „ mittuntur omninò legenda , quæ occa-
 „ sionem dedere Censuræ in magnum Ec-
 „ clesiæ commodum evulgandæ .

„ Sparsa est nuper in vulgus Episto-
 „ la Sac. Facultati Theologiæ Duacensi
 „ inscripta ; quâ dictata Philosophica

„ Dominorum Lengrand, & Marechal,
 „ Primariorum Collegii Regii Duacensis
 „ Professorum, eidem Facultati denun-
 „ ciantur : ut præcipua Hæresis Janse-
 „ nianæ dogmata apertè continentia. Hoc
 „ scripto tanquam Classico excitus Exi-
 „ mius D. Decanus, S. Facultatem in
 „ diem 29. Aprilis convocavit, eique in
 „ ejusdem Comitiis exposuit, se præfa-
 „ tam Epistolam accuratè legisse; in eâ
 „ proferri luculenta, & copiosa memo-
 „ ratorum codicum excerpta, damnatæ
 „ Jansenii Doctrinæ prorsus consenta-
 „ nea : Hæc si vera sint, studiosam Ju-
 „ ventutem Collegii Regii à multis an-
 „ nis pestiferâ doctrinâ imbutam fuisse :
 „ tantumque malum in dies augendum,
 „ atque propagandum, nisi Sacer Con-
 „ fessus, quantum in ipso est, illud com-
 „ pescat, & clamore valido manus auxi-
 „ liares advocet. Ad audita obstupêre
 „ animi, & quidem eò magis, quòd in
 „ publicis Collegii Regii Thesisibus, nulla
 „ hæresis Jansenianæ lineamenta unquam
 „ apparuerint. Ex quo intellexerunt eò
 „ majori periculo obnoxios fuisse disci-
 „ pulos, qui perversis dogmatibus clam,
 „ & inter angustæ Scholæ parietes in-
 „ stituerentur, nullo adstante, qui in-
 „ cautos de periculi magnitudine mo-

„ neret. Post varia hinc, & indè dicta
 „ de urgentissimâ obligatione tuendi
 „ Constitutiones Pontificias adversùs
 „ profanas, & concatenatas Jansenii
 „ Iprensis, & Paschasii Quesnelli no-
 „ vitates: de arcendis, & fortiter pro-
 „ pulsandis illis erroribus ab hâc Univer-
 „ sitate, & Provinciis adjacentibus; de
 „ præmuniendis discipulis adversùs ma-
 „ lum, quod instar Hydræ, & colubri
 „ tortuosi incautis præsertim insidiatur;
 „ conclusum fuit, denunciationem me-
 „ moratam, ab omnibus & singulis Do-
 „ ctoribus legendam, atque relegendam,
 „ ac novam relationem ab eximio D.
 „ Decano indicendam, ad pleniorè tan-
 „ ti momenti discussionem faciendam. Ha-
 „ bitæ sunt postmodum frequentes de
 „ eodem negotio deliberationes: Exa-
 „ minata diligentissimè Professorum di-
 „ ctata: de quibus constitit ea fuisse ab
 „ ipsis excepta in publicis, ac ordinariis
 „ Læctionibus, ex juratis Discipulorum
 „ testimoniis coram Notario exhibitis.
 „ Textus animadversione digni in sep-
 „ tem Articulos distributi sunt, præfi-
 „ xis specialibus titulis. Facta insuper
 „ illorum Articulorum collatio cum fa-
 „ moso, & damnato Jansenii Augusti-
 „ no, & jussu S. Facultatis instru-

„ Etum est parallelum utriusque Tex-
 „ tûs , quemadmodum ipse Jansenius
 „ alias construxit parallelum erroris Mas-
 „ filiensium , & opinionis quorundam
 „ recentiorum. Hinc intelligetur tantam
 „ esse conformitatem dictatorum , &
 „ Doctrinæ Jansenianæ ; ut non sit ovum
 „ ovo similius. Erit insuper hoc Paral-
 „ lelum instar Lapidis Lydii , cujus
 „ contactu dignoscetur , an variorum re-
 „ centiorum asserta sint Janseniana , nec
 „ ne : Quamvis enim non omnia , quæ do-
 „ cuit Jansenius , sint hæretica , sicut nec
 „ omnia quæ scripsit Calvinus , con-
 „ stat tamen neminem posse convenire
 „ vel in uno ex dictis septem Articulis ,
 „ nisi quinque ejus hæresibus consentiat ,
 „ vel apertè , vel implicite , & æquiva-
 „ lenter. Sic enim colligata sunt hujus
 „ Authoris dogmata : ut unum assumi
 „ non possit , quin & alia sequantur in-
 „ star annulorum ejusdem catenæ. Hinc
 „ proindè lucebit omnium Scholarum
 „ Catholicarum Sistemata de Gratiâ , ac
 „ nominatim celeberrimæ Thomistarum
 „ Scholæ à fermento Janseniano alienis-
 „ sima esse : nec ullam ejus cum præ-
 „ tensis Augustini Discipulis erroris
 „ Societatem intercedere. Tandem Sac.
 „ Facultas invocato Spiritûs S. lumine

„ de Doctrinâ dictorum septem Artic-
 „ lorum pronunciandum cenfuit, ut fe-
 „ quitur, adjectis etiam aliquot annota-
 „ tionibus, quibus mens ejus plenius in-
 „ notefeit, vana errantium subterfugia,
 „ & fraudes aperientur, & quidem ho-
 „ rum fautores defignabuntur.

Hanc Præfationem, quicumque lege-
 rit, multòque magis fi totam Censuram
 fanè doctiffimam, & accuratiffimam per-
 luſtraverit, certior fiet; veriffimè ſcrip-
 tum à clariffimâ hâc Univerſitate pag. 95.

„ Illos Profefſores à 20. & 30. annis
 „ egiffe Comædiam in Collegio Regio
 „ Duacenſi, illos ſub larvâ, ſeu perſo-
 „ nâ Thomiſticâ Hærefes Janſenianas ſy-
 „ cophanticè ſuis diſcipulis venditaſſe
 „ cum magno Reipublicæ Chriſtianæ
 „ detrimento; Machinationem illam,
 „ ſeu potiùs prævaricationem non po-
 „ tuiſſe diutiùs tolerari, ſed omnibus ex
 „ charitatis, & juſtitiae debito aperien-
 „ dam, & manifeftrandam eſſe, atque ad
 „ ſupremas poteſtates deferendam.

At quid fuit, cur Romani Domini-
 cani in hanc Censuram adeò de Sede
 Apoſtolicâ benemeritam commoveren-
 tur, uſque ad ignominioſiſſimam ejus
 proſcriptionem, quam neque adventu
 ſuo in Urbem Eminentiffimus Meohli-

nienſis convellere, & reſigere potuit :
adeò ſuprà ipſos Cardinales , Regulares
ii potentes in Urbe ſunt ! Nimirum læ-
ſum fuiſſe dixêre ab hac Cenſurâ S. Tho-
mam, idque vulgatum eſt ſcriptis , ſeu
libris nonnullis in hanc Cenſuram editis.
Audiamus, quæſo, imaginariam S. Thomæ
offenſam. „ Cùm, inquit Cenſura, ope-
„ ra Sylvi fuerint ab ipſo edita ante
„ Tragædiam Jansenianam, non eſt mi-
„ rum, ſi quædam etiam occurrunt in
„ eis duriora, & emendatione digna ;
„ quæ vir optimus verifiſimiliter exiſti-
„ mavit à Lectoribus benignè explican-
„ da : qualia ſunt, quæ docet in primam
„ partem de voluntate ſalutis omnium,
„ quam aſſerit eſſe in Deo tantum emi-
„ nenter, & metaphoricè : ſicut Deo
„ tribuuntur dolor, & pœnitentia : &
„ quam interpretatur ut Eſtius. Item in
„ 1. 2. de Præceptorum poſſibilitate, ad
„ quam dicit eſſe impertinentem Grati-
„ am ſufficientem ; item in 3. p. de Oratio-
„ ne Chriſti pro Crucifixoribus, quam
„ nullâ diſtinctione adhibitâ reſtringit
„ ad aliquos. Illi quidem, *quo ad hoc*
„ *prævit S. Thomas, ſed omnes Thomiſtæ*
„ *poſt Conſtitutiones Pontificias adverſus*
„ *Hæreſim Jansenianam explicant Magi-*
„ *ſtrum :*” Vide Ludovicum Bancel tom.

2. q. 4. de volunt. salutis omnium
art. 5. §. 9. pag. 420. 21. & 22. Hæc
magna illa est S. Thomæ offensa; verba
ejus similia fuisse verbis Silvii : quod esse
verissimum, qui sciat legere, videt, at
sensum à Thomistis explicatum esse di-
versum.

Hæccine Dominicanam rabiem mere-
bantur in Universitatem Duacensem, adeò
addictam Romanis Pontificibus, ut ne
quidquam jubente Ludovico XIV. no-
luerint amplecti propositiones quatuor
Cleri Gallicani anni 1682. Verum hu-
jus Universitatis in Sedem Apostolicam
merita clamant singulæ paginæ hujus
recentioris Censuræ : Ac præcipuè pag.
110. & 111., & sequentes, in quibus ea
celeberrima Accademia exemplum præ-
bet obedientiæ in Sedem Apostolicam
singularis.

„ Nec est, inquiunt, quòd Novato-
„ res expro bent, nos [Duacenos] aliter
„ loqui, & sentire de gratiæ sufficien-
„ tiâ, ejusque distributione, nec non de
„ voluntate Dei salvandi omnes, & mor-
„ te Christi pro omnibus, quàm Majo-
„ res nostri in famosâ Censurâ [contra
„ Lessium] anni 1588. Nam Jansenius
„ l. 3. de gratiâ c. 1. majorum nostro-
„ rum Duacensium Censuram anni 1588.

„ sicut & Lovaniensem ejusdem ferè
 „ temporis impensè laudat , easque ceu
 „ bales suarum Hæresum præmittit. Ete-
 „ nim cap. 13. & 21. ejusdem Libri non
 „ aliundè intert præceptorum impossi-
 „ bilitatem in justis , & Christum pro
 „ salute dumtaxat Prædestinatorum mor-
 „ tuum esse , quàm ex eo quòd in hoc
 „ statu non detur gratia sufficiens , ut
 „ in prædictis Censuris asseritur. Ut
 „ quid igitur pertinaciter adhærere Cen-
 „ suræ Duacenæ anni 1588. , ex quâ
 „ consecutaria tam horrenda non obscu-
 „ rè deducuntur ? In prædictâ Censurâ
 „ Duacenâ anni 1588. ab assertionem. 1^a.
 „ Sub tit. de Prædestinatione , & Re-
 „ probatione ad assertionem 20. multa
 „ continentur circa præceptorum possi-
 „ bilitatem , Christi Orationem , & mor-
 „ tem , voluntatem Dei salvandi omnes ,
 „ quæ correctione indigent. Authores
 „ Censuræ anni 1588. ad assertionem
 „ secundam dicunt simpliciter. *Scriptu-
 „ râ teste , nec Christus pro omnibus orat ,
 „ Patrem* : Quid ineptius illo argumen-
 „ to , quo tam sæpè ex orationis ne-
 „ cessitate contendunt probare , non dari
 „ auxilium sufficiens ad implenda præ-
 „ cepta In hoc peccârunt Majores
 „ nostri , sicut & Jansenius , quòd ma-

„gis ad peccatum originale attende-
 „rint, quàm ad beneficium Redem-
 „ptionis Christi Quòd Majores
 „nostri Duacenses errârint, aut minùs
 „circumspectè locuti sint, id infirmi-
 „tati humanæ tribuendum est, nec ideo
 „quidquam eorum honori, & famæ de-
 „trahendum. Similibus nævis obnoxii
 „sunt Patres; quos impensè venera-
 „mur, & usque ad æthera extollimus.
 „Majores nostri pietate, doctrinâ, ac
 „eruditione clarissimi fuerunt. Si igitur
 „à recto veritatis tramite deviârunt,
 „non id malâ fide factum est. . . . Non
 „Constitutionibus Apostolicis resisten-
 „do, non ab iis appellando, non aliis
 „technis cavillando; sed veritatem
 „necdum satis elucidatam in cordis sim-
 „plicitate quærendo, paratissimi inte-
 „rim opiniones præoccupatas ad Sedis
 „Apostolicæ nutum corrigere, dese-
 „rere; ac penitùs abolere. Nos qui-
 „dem illis doctrinâ, pietate, ac inge-
 „nii capacitate inferiores sumus; sed
 „Constitutionibus Apostolicis edocti,
 „quædam in eorum commentariis au-
 „demus reprehendere; quæ ipsi iisdem
 „Spiritûs Sancti Oraculis imbuti, pro-
 „culdubio correxissent.

O voces aureas, & immortalitate di-

gnissimas ! Notum est , quàm addictæ sint Accademiæ , atque Universitates Majorum suorum opinionibus publico scripto evulgatis ; multoque magis , cùm id factum est , non sine magnâ animorum contentione. Attamen rarissimo , sed certè admirabili exemplo Censura Duacensis anni 1722. , & iterùm ann. 1724. improbat , & reprehendit Censuram majorum anni 1588. ; quia difformem Doctrinæ Constitutionum Apostolicarum , & veneno Janseniano infectam : contrà verò Romani Dominicani rerum arbitri in libris damnandis , vel absolvendis , Censuram antiquam Duacensem non solum non damnârunt ; sed quantum in ipsis fuit , approbârunt tanquam *innoxiæ* , & *sane Doctrinæ* : Contrà verò Censuram recentem ann. 1722. & 1724. Jansenianos errores invictè reprobantem , Jansenianis Doctoribus obsistentem , Constitutionibus Pontificiis obsequentissimam annumerant libris vetitæ lectionis levissimo prætextu , quòd læserit S. Thomam vel etiam , quòd laudatis pag. 56. genuinis Thomistis , spuriis Thomistas vituperaverit „ qui vel apertè , & dire- „ ctè Jansenii , & Quesnelli Hæreses , „ ac errores tuentur ; vel illis impensè „ favent , atque hos inter designaverit

„ Maussolié , & Contenson Dominica-
 „ nos : Quòd Maussolié Tom. 2. diff.
 „ 3. qu. 6. ipsissimum Jansenii Iprensis
 „ sisthema de duabus delectationibus in-
 „ deliberatis , latissimè exposuerit ; ” &
 quòd toti Ordini suo hoc opere illuserit.
 Quòd addiderit *Maussolio* quadantenus
audacior fuisse *Contensonium* , qui Tom.
 1. L. 8. dist. 5. fateatur *Alexandrum*
VII. declarasse Propositiones in ipso Jansenii
sensu fuisse damnatas , & tamen despe-
 ratam ejus *Auctoris causam* apertâ fronte
 suscepit , & alterum suæ temeritatis spe-
 cimen præbuerit. L. 5. diff. præamb. cap.
 2. Coroll. 2. *Ubi docet ; nec Pontifices ;*
nec Concilia in discernendis Librorum dam-
natorum sensibus esse infallibilia.

Addit tamen modestissima Censura ;
 „ Nullo tamen hinc ex Contensonio ;
 „ neque indiscreto Maussoliei conatu la-
 „ bes infertur sanctissimo , doctissimo ;
 „ ac de Ecclesiâ optimè merito Præ-
 „ dicatorum Ordini. Quæ enim So-
 „ cietas in Ecclesiâ , quæ Congregatio ;
 „ sivè Religiosa , sivè Secularis , sivè
 „ Franciscanorum , sivè Augustinianor-
 „ um , sivè Jesuitarum unquam fuit ,
 „ aut erit ; in quâ quidam non aliquan-
 „ do à recto tramite devient , sivè in
 „ moribus , sivè in doctrinâ ? ” Frustrâ

tamen fuerunt hæc ad Romano-Dominicam indignationem avertendam. Res accidit, quam non sine stupore audiant Insulæ, & attendant Populi de longè : ex duabus Censuris ab eâdem Duacensi Academiâ profectis alterâ antiquitùs ann. 1588. Non sine Baii dolis, & artibus, alterâ recentius ann. 1722. & 24.; illa consentiens Jansenii erroribus, quemadmodum ipsamet Academia ingenuè confitetur : ista propugnans Pontificiam Constitutionem contra Jansenium, & Quetnellum : ex duabus, inquam, dissimilibus adeò Censuris illa absolvitur à Romanis Dominicanis, & quantum in ipsis fuit, probatur, ista damnatur, adeò Universitatibus ipsis, & Catholicis Academiis tutius est Fidem læsisse, ac Pontifices; quàm Dominicanos.

Proscriptionem hanc tribuo iis, quos dixi Regularibus : esto magna nomina præ se ferant, *Eminentissimorum, & Reverendissimorum Cardinalium Indicis*. Hæc enim methodus est, & ratio, quâ Indicis proscriptiones peraguntur : Dominicanus Secretarius Revisorem sibi bene visum designat; hic Censuram legit audientibus Cardinalibus, & sedentibus, qui Fidem Censoris ex auditu sequentes, non ejus Scriptum examinantes, in

ipſius Sententiam ſtatim abſque ulteriori Inquiſitione deſcendunt. Ejusmodi autem proſcriptio, quæ hæc methodo peragatur, non Cardinalium, ſed Dominicani Secretarii proſcriptio eſt. Quantum autem odii, & contemptûs in optimos Romanos Pontifices ex univerſo Orbe Catholico derivetur, ipſamque Indicis Congregationem, hæc iſtorum Regularium uſitatâ praxi, bardus, ac ſtupidus eſt, qui non intelligat.

FINIS.





